諦閑大師遺著

大方廣圓覺修多羅了義經

講義附親聞記

陀教育基金會 EP 贈

佛

敬存誠。如面佛天,如臨師保。則無邊利益,自可親得 若肆無忌憚,任意褻瀆。及固執管見,妄生毀謗, 善。明三世之因果,識本具之佛性。出生死之苦海,生極 彌天,苦報無盡。奉勸世人,當遠罪求益,離苦得樂也。 樂之蓮邦。讀者必須生感恩心,作難遭想。淨手潔案,主 切佛經,及闡揚佛法諸書,無不令人趨吉避凶,改過遷 則罪過

恭錄自

《印光大師文鈔三編卷四

靈巖山寺念誦儀規題辭》

方廣圓覺修多羅了義經講義附親聞記

民國七年在北京戊午講經會講記

原序

如 無不顯者,惟一圓覺了義經。雖然,末世眾生,障深業重,讀誦已鮮, 多羅中,求其 真心,亦為眾生同具之本體 ジ 目盲人,對日月輪,雖光照大千,亦熟視而無所覩焉 也 。無染之 三藏十二分教 謂 直指此一妙門,破二障而 淨 , ,能詮所詮,千 無 漏 之謂 。而 圓 即背心迷體 , 無 派萬別,而同歸 無明 除四 之 病 者,起悟進修之不二妙門也。 謂覺。合淨圓覺三,而 ,攝五性而被三根,機 於一。一者何?一如來 為 無不投 如 何論受持 來 然而 淨圓 妙明之 脩

真修 諦公大師乎 上 法 王之所證者證此, ,提挈流浪生死眾生,一一導歸如來大圓覺海中,其 迺 /有乘 大 願 大師 船 ,擊大 秉止觀 智無不照 法 之法 鼓 , 教 印 ,理無不彰,語 , 以 凡夫之所迷者 澈 佛 祖 之心 源 必透宗,義皆 逃此, 慨大 法之 賢聖之 惟 我 沉 顯 所修者 冥 體 , , 憫 揭 眾 真 修 生 此 一之苦 而 ,

於是鑽靈峰遺志,演暢宗風

。繼圭峰弘文

,別出手眼。長途跋涉

,而

振

似錫於

【大方廣圓覺修多羅了義經講義附親聞

5

筵者 子顯 豈 力 此 無 + 而 止 佛 既 必 拒 且 Ł 圓覺 念。 墮名言 流 法 非 之妙 法 眾 除 妄 間 方 以 都 念之 士 會 門 , 琛 妙 , , 上則 道在 夫 海 屯 諦 之 神 空有雙超 止也。 塵事方 於 生 名 ! 日 積 通 其始 法 汗 侍 有 相 界 有 如 則 不 垢 判 迷 大 紛 復 大火 講席 佛號 又 途 天 般 , 又 光 也 為 之深也 披 何妨 悟 理 龍 如 久 所 明 , , , 三學不易齊修 , 無或 聚, , 耳 藏 理 白 圓 闇 分明 而 八部 以 轉 以 大師於講義外 智 一味, 覺之本元 淨 而 石 0 焦音於法座 , 0 當知幻化。 爽 無停聽,手不停書,錄成 壓草 今則導 研教乘者 0 近之則立化 於不 一如 念治其 已矣 , 沾法 則 信 一色一 _ , 不 0 0 而 觀之妙觀 0 以 雨者, 境 則 染 毗 有徵 破闇 對 即空 念。 笈摩藥 大 , ,則除煩惱之障,或 , 惟能單提夫一念,念念洪名 香,無不從無上法王大陀羅尼門中, 境 現諸 四 師 根塵。 稱性發揮 講 。感應道交,千載 一即假 下逮於畜鬼三途。 其繼 之燈 依 演歷 而念念知宗, 日 也 又 , 淨 :所知本 土 難 拔諸惑箭 即 也 兩閱月之久, 。幻念緣塵, 如清涼池 0 中 , 如是 , 恆 ,應機開 豈非 以 值 0 兩 不知 念茲在茲 非 一念冥其雜 0 卷, 不 隨 障 , , 緣 思議 真濟世 入之則 示者也 不覺, 猶易於所 大師 ,道在 亦不下 一時矣 成圓覺經講義數 今則授 蓋法音冥契乎佛 而 公心 復 解 , 而入平等本 至 之醫王也 頓 數 0 脫 念 惻 不執而 ! 嗟乎! 知 契體 然愍 除 也 於念而 煦與蔣子 以照塵之鏡 + 自 熱惱 哉 塵 0 萬 不 已矣 想 Ž ! 不得意者 言 被轉於 空亦 無 凡 銷 , 紜 自 十萬 N'S 吾 盛 顯 際 念 而 此 融 然 纭 。妄念不 在 知 矣 覺 而 無寄 , 所 , 教 , 六根 眾 護 無念 哉 談 惡 斯 ,黄 員 所 則 以 法 滿 念 願 佛 不 則 ١

【大方廣圓覺修多羅了義經講義附親聞記】

滿十方,盡未來際。與無量眾生, 華香,恭敬 根根妙用。無庸測度,祇麼修行 供養,信受奉行。承 0 信極 大師 同深悲仰,共證 命, 願深,同登極樂矣。於是隨諸會眾,散諸 而述其要略 圓明 如此 。庶幾不負我 。更 願持 此 法音 佛度世之 ,編

民國七年夏曆六月、菩薩戒弟子江寧江 杜法名妙煦熏沐稽首謹序 恩,而滿

大師說法之願也歟。

題辭

相 說本證法也。眾生演暢,暢本具法也。以是而知。身海固多,多即覺性,多無多 諦也。 解 大海之一滴,全身之一毛耳。須知大方廣,法身也。圓覺,般若也。修多羅了義, 佛言: 教 有親 也 脫也。三非三,真諦也。一非一,俗諦也。非一非三,而三而一,中道第一義 大,原始 如來一代時教,總攝化機。欲其分根顯性,隨類示修,言簡而意周,理 開記 毛 經緯 諸佛證之,是滿證,非分證也。眾生具之,非分具,是全具也。如來宣說 滴 此 交羅 而 雖 經唯顯 要終,無非了義 發生焉 少 少亦覺性 縱 如來境界,唯佛 横畢備 。講義 ,先述而 ,直捷 少無少相也 合而參之,真風一段。若作文字觀,又是認影迷頭 如來能盡宣說」 痛快,獨遜此經 後講 0 0 親聞記 明於此 。足見今番,雖盡情演暢 ,故此經為十二部之 ,先講而 ,乃可與道也。 後錄 故得講義外, 而二, 眼 目 二而 圓 也。 如 而

矣。烏乎可!

諦閑

題

凡 例

之考 過 訂 0 一是書為 力求 , 而 精 後 煦等 審 脫 稿 , 然 0 親 每 後 侍 付 一段落 印 諦 閑 0 蒙 稿 大 師 成 圓 大 , 師 即呈 | 覺道 錫 名 場 日 隨 大 , 師 圓 筆 聽 覺 削 隨 親 點 記 聞 定 0 記 集三人 0 復請 , 紀 實也 徐蔚 之 心 如 力 居 , 士 經 覆 多 次 勘

要者 者 了 知 三、 者。二 0 此 以上三端 記 、教 要旨有三: 大 師 稱 理 , 務求 性 宏 深 而 詳 談 , 確 驟 , , 難 0 凡 於 關 期 講 領 以 義 會 於 副 之處 名 外 弘 , 相 法者之悲心 别 0 , 有 講 經 發揮 義 中 大 師 未 , ,滿慕道 能 的 推 示 闡 _ _ 吾 盡 羅 人 致 者之 以 , 列 起 可 , 深 悟 與 而 願 為 講 玄 機 義 學 人 , 互 所 相 進 修 發 必 捷 明 應

毫出 會其 故 於 λ 精 要 大 聽 惟當記 師 , 講 時 所 編纂成 講 , 錄時 煦等 , 不 文 , 過十得 約 。其中語氣 雖各凝神屏氣,手腕 定 , 八九 各記 0 所 , 若 則 聞 日一語不漏 一一求合講時口 0 每 日 欲脫。 聽罷 , 愧 , 然猶有剎那 乃就 未能也 吻 三人所 , 輕 重 而 錄 抑揚 過 者 , 之間 筆不及 , 刪 其繁 , 不 追者 複 敢 絲

講 無 筆 筵 幽 妙 者 不 此 得 , 顯 此 也 不啻 其粲 記 無 之 面 滯 華 與 (講義 讀 聆 不 之 佛 法 通 舌 書者 誨 以 , , 一是 發揚 有左 0 煦等所以 科 右 之 法 座親 判 逢 , 最 源 精 神 宣 關 不 之 緊要 解 樂 愈 , _ 譾 活 是 在 躍 ! 陋 禪居 故 ,纂成 躬 於 此 逢 紙 手撰 記 勝 上 會者 於講 0 此 記 , 故 同 義 取 中 為 恍 此 而 科 於 如 記 判 重 與 大 大 理 講 師 師 依 故 義 法 照 語 書 合 語 詳 氣 讀 0 0 即 然 列 必 求 未 自 大 預 不 吻 師

大方

廣

員

覺

修多

羅

了 義

經

講

義

附

親

聞

記

敢药簡 趣 秩然 。非 渙然,易於融會貫通。(按此條係單行本原 但眉目清疏,便於讀時對照。且俾科判漸熟於胸中,而後本經之綱 文,今之彙編 ,即從省略。 領

書中皆用普通文字,務求顯豁。以期圓覺妙理,修持法要,得以普及。 品

區微意,幸 大雅鑒之。

不更全載 讀此記者,必與講義參互讀之,方得要領。故於每科所列 ,以省篇幅 。 (按此條亦單行原文,今以彙編,無須複列經文。) 經文,但標起訖

標出,極 本經 便讀者檢尋 全文 ,共十二章。講義開端,則有釋題。本書皆於每頁邊欄之側

尚希校正見示,以便薈萃列表,另印單張,存佛經流通處 付印時 每章所 記 細 加 ,因講演有詳略之殊,故文字有多寡之異,不敢意為增損 校 勘 ,反覆數次,歷時月餘,方告成書。亥豕魯魚, ,用備購取 。不但煦等 如仍 不免

釋題

之幸,亦讀者諸君之幸也。

中一釋經題

講】例釋此經 , 有五重玄義 0 釋名。二顯體 。三明宗 四論 用

須廣略二門也。言七番者:一標章。二生起。三引證。四觀心。五料簡 五判教。釋此五重,有通有別。通則七番共解,別則五章各釋。 例如利

六開合 七會異。標章令易憶持,起念心故。生起使不雜亂 0 後三起慧心故 ,起定心故 0

引證 起五心,成五力,七覺調平,八正成因,冀得三解脫果故 經文佛語 ,起信心故。觀心即聞即行,起精進心故 0

本 玄者微妙難思。台宗諸師 各宗不同 圓覺之性 ·經作 自始至終,所談者無非圓覺。此二字最宜注重,不可作文字會,須 【記】一切經皆有總 疏 .,眾生本具。一名大圓滿覺,亦名大圓覺海。 ,以各有宗規故。如賢宗以十門顯義,台宗以五章釋題。義者 而 往生時至,其願未滿。今此五重玄義,乃山僧本台宗教義, ·,如南嶽智者之時,本經尚未來。明代蕅益大師 題 ,此大方廣圓覺修多羅了義十字, 何謂五重玄義?佛 即當經 從 深有 之 自 總 經 創 性 題 所 講 欲為 也 觀 以 題

為 諸 經所 切 應 經 有 皆有七番用意,其解釋亦即有七番用意,故 , 故 日 通釋 日七番共解。而此共解

揮者也

0

名者 宗 教 故 者 次 判 , 之 , 四 標章即 以 教 因 假名也 終 明宗。 有差 分科 五 。名必 金口 判教 用者,因修而發用,故次之以論用。斷煩惱 别 , 所 , 印定 如權 有體 ,五重次第相生 謂標其章段,以提大 , , ,故次之以顯體,體者,實理也。宗者,依 是日引 實,偏 證 員 而 0 ,大乘 起 銷 , 故 歸自己,是為觀心 網。生起者,如一釋名,二顯體 日生起。 小小 ·乘 經 種 種教 必有名,故先 ,除習氣, 相 料簡者 不同 理 ,簡 所謂 故 而 須 以 別也 , 三 起修 判 用 釋 也 明

大方廣

圓覺修多羅了義經講

義附

親聞

記

平 三喜覺此三分屬慧四除覺五捨覺六定覺此三分屬定七念覺此一分兼定慧 根之名與五 此 開 者廣 可冀證三解脫果(一空解脫。二無相解脫。三無作解脫)也。 ,八正道 三本應 談 列 ,合者略說。原是一名,開為諸名 一心同 在 觀 正見正思惟正語正業正精進正定正念正命 心之前。五心、即念、定、 —之力用成,則能降伏煩惱。 信 ,既通諸名,仍歸一名,是 ` 而 進 七覺支 ` 慧 0 五 心起, 成因 一擇法覺二 而 0 有 五 此 調 精 正 會異 因 進覺 調 五

乙一釋名

丙一就經中佛定五名彰存略

若恆沙 名亦全略 之,非下地菩薩可測 亦名如來決定境界。此名亦全略。意謂如來決定境界, 王三昧。以王三昧是密意,只可心通,難以言傳,以顯離言說相故 名全存 五字,略去三字。以五顯三密,顯能攝密故。二云、亦名修多羅了義 如法華金剛之類。或佛滅後結集者立名, 講】按經中佛自定名有五:一云、此經名大方廣圓覺陀羅尼。今存 ,言不能 以修多羅乃大藏之都名,了義是顯了之真義故。三云、亦名祕密 。意謂如來藏中差別別相 盡 0 若假言說 ,以顯離心緣相故。五云、亦名如來藏自性差別 , 說 亦徒勞故 ,眾生本來具足。聖不增,凡 如彌陀入楞伽之類 大藏諸經 唯佛與佛 ,或佛說 不減 0 時便自定 , 今經佛 四云、 知

自定名有五 ,而翻譯略三存二。大疏云: 『事周理盡 ,須建五名。 取要標

題,且存兩號。』其旨深哉!

其顯 藏自性差別此名全略者,證到方知,何勞言說。佛本定有五名。而翻經或存或略, 皆有深意 。顯密原無二致 記】顯 故 日其旨深哉 能攝密者,顯有文字可談 , 故顯能攝密。 秘密王三昧者,三昧是定 , 密無文字可說 。然顯 即顯 ,王是自在 其密 , 密 如來 即密

丙二就經題通別諸字正解釋

丁一合論通別

戊一約一化論通別

為行不同 今題,大方廣等十字。名異眾典,故教別。同名為經,為教通。依教起行, 因門名理 【講】大藏中一切經典,皆有通別二名。教行理三,皆論通別 0 0 從一行乃至無量行,故行別 理隨於門,四教十六門入理,故理別。門隨於理, 0 會同常樂,故行通。 理本無二 理雖無名 且如

為 雖 種種不同,然皆勤求常樂之佛果,是為會同常樂。因門名理者,門乃入道之門。 行 不同者 (記)一 , 化者,一大藏教之化也。依文字般若,起觀照般若,是為依教起行。 如 彌 陀 以念佛為行 , 華嚴以廣修十度為行,本經則 修止觀 為行。行

故理通

空門 藏 或 見 論 四 ,藏教多用有門 教 教 從 四教儀 空門 者 , , 四 教各具此 通 天 λ 教 台 , 而 , 化 三別 儀 理 , 證 四門, 四 通教多用空門, 教 真 教 空 , , 合十六門 四 0 或 圓 頓 教 教 從 有門 0 , _ 十六門者 0 別教多用亦有亦空 漸 四教雖各具四門 λ , 而 教 , ,有門 Ξ 理契妙有 祕 密 教 , 空門 0 , , 門 門門俱得入道 故 四 , 理 不 , 員 亦有 從名 定 教多用 教 亦空 0 别 化 , 非 因 門 法 有非空門 然尋 門 , 四 非 名 教 有非 諸 理 經 0 0

戊二約一經論通別

行行各具全理 故教通 講)。頓 始自如是 漸 圓 ,故理別。 修 ,三觀,二十五輪,各異, , 終至奉行。 一行全理融攝諸行 部文辭 , ,能詮相 故行別 故理通 異故教別 同成妙觀 , , 所詮性同 故行通

戊三約一題論通別

即教 。對於經字 講】大方廣 , 任運有通別意 , 即 理 0 圓 . 覺 , 謂 圓照清淨覺相 , 即 行 0 修多羅了

戊四約一字論通別

行 以理大故教行亦大 0 勝即 講】首云大字 教 理性無邊 。行多故教理亦多。 , 梵語 ,故稱大。行門無數 摩訶 0 具含三義 教勝故理行亦勝 ,故稱多 ,華云大多勝 0 教相高廣 字具無量義 大即 理 故 稱 多即 勝 0

義中,義復無量 。一字尚爾,況一題,況一經,況一切經耶?

丁二分釋通別

戊一釋別名

己一簡定

【講】一切諸經。別名無量。舉要言之,不外七種:一單人。二單法

也。單人,如佛說阿彌陀經 三單喻。四人法。五人喻。六法喻。七人法喻。所謂單三,複三,具足一 。單法 ,如摩訶般若經。單喻 ,如梵網經。人

人法喻,如如來師子吼一乘方廣經。略指如此,餘可類推

法,如藥師如來本願功德經。人喻,如菩薩瓔珞經,法喻,

如妙法蓮華經

【記】上來各科,講義明釋,無待贅言。

己二正釋

庚一釋大方廣

覺性 ,在聖不增,在凡不減。一性一切性,一切性一 【講】夫心 、佛、眾生、三無差別。 無差別性 性。 ,即是圓覺妙性 何須作此三釋耶? 。 此之

明其致 理事悉等。殊不知事理兩重三千,同居一念。而又嫌佛法太高,眾生法太 特以性德在纏,人莫能曉。如暗室中寶,誰能知者。故必約佛界三德 。而昧者又獨讓能於佛,故又約九界三性,以驗其同 。十界並陳 , 以

廣 則言言見諦,句句知宗。為不了者,故作三翻講說 故須約現前一念之心,以識其要。若果知心、佛 0 、眾生、三無差別

性成惑。迷緣 於 九界。眾生之三性, 記】約心法為 因性成業 略釋 0 即佛之三德。三性,了因性 迷正因性成苦。兩重三千者,事理兩重也。兩重三千, 0 約佛法為廣釋 。約生法 為 例 緣因性 釋 0 ,正因性也 九界三性者 , 迷 眾 了因 生 通

辛一約心法釋

同居一念,

故須

約

心法

0

當體當室 也。 也 種形。而此心性,未嘗少欠。故曰任持。設使返流得源,背塵合覺。最初 持自性 知六塵峑滿法界。如是八萬四千陀羅尼門,峑滿法界等。皆直指現前一念 隅 亦非先小後大 念心相 。大者,常峑義。從體得名。非對小言大,若大外有小可對,非真大故 亦無分劑 經云: 講】此大方廣三字,直指吾人現前一念心性,全彰一經所談之理體 ,軌生物 相即 無欠無餘 『覺性峑滿,圓無際故』 ,無前無後,並無時劫,豎窮橫峑,當體絕待,不可思議故 。以先小後大,非本大故。意謂吾人現前一念心性,實無方 無相 解 。謂聖凡乃至蠢動含靈,無不全具 0 故名曰大。 無相不相 故能不變隨緣 方者, ,當知六根峑滿法界。根峑滿故,當 法則義 。從相得名 , 隨方取法 。雖流浪生死 ,一一皆能任 。以吾人現前 ,受種

等。此即指現前一念心相之方法也。故名曰方。廣者,多愽義。從用得名 雖因知識開示,然其知解,從覺性生。如水土之潤生穀麥等芽。芽從種生 |。經云:『圓覺流出清淨真如,菩提涅槃,及波羅密教授菩薩 0

言吾人現前一念之心性,本有過恆沙之妙用。潛興密應,無有窮盡

。 此

應現 隨類各應』 用 。故經云:『無邊虛空,覺所顯發。覺圓明故,顯心清淨。心清淨故, 同於覺性,無有邊際 0 即指有情無情色空明暗,乃至一毛一塵 ,無有分限。經云:『 圓覺淨性 ,無非圓覺妙性之所 ,現於身心,

現也 四大 羅尼門 、六根、十二處、十八界、二十五有清淨』。指六凡法界,是覺性應 如是乃至十力,四無畏,十八不共法,三十七助道品 ,一切清淨。指四聖亦覺性應現也。 如是等義 ,即指現前一念之妙 ,八萬四千陀

故約心法釋也。 自至。善觀心者,能向一介爾心中,識取妙理,則無邊法藏,觸處洞明 用 故名曰廣 。善讀經者,能向此三字中, 識取自心,則無上寶王

記】現前一 念心性之心性 ,不能作妄想會。 大者常編義, 豎窮三際為常

辛二約佛法釋橫編十方為編。

夫心法圓 具 , 何所不周 以迷強不知 , 更觀果德 0 驗果知因

【大方廣圓覺修多羅了義經講義附親聞記

令自薦取 三示頓悟成佛 0 非謂心外更有佛法也。 復有三意:一示了真清淨 。二示達妄元

生 知吾人本具之因心, 一迷力強故,不知 】迷強不知 現前一念之 故須約佛法釋 者 , Ü 法 Ü 圓 性 具 , , 即 Ċ 諸 外 佛 更無佛法 果德 0 故更觀諸佛所 0 約 ジ 法 言 證之果德 科 已 足 以 以

壬一示了真本淨

德 空華 為佛果之三德也 如幻 從空而有』 即除諸幻 者,亦復遠 相則豎窮橫峑 講 即 則當下遠離 無輪轉矣 經云: 離 0 。又云:『末世眾生,應當遠離一切幻化,遠離心故。心如幻 觀 。遠離為幻 此 -, 0 , , 本體 即般若德。用則具足恆沙 如是則體相用三,本自圓 可見一 切眾生,種種幻化,皆生如來圓覺妙心。 如 ,亦復遠離。 如 真之體 , 原無餘欠 , 原 離遠離幻 無 0 所 物 成 以 0 ,即解脫德。 只消了得真體本淨 如來因地修圓覺者 ,亦復遠離 0 體則離過絕非 故稱大方廣 。得無所 猶如空華 , 即 法身 離 知是 萬 境

吾 明 人有此妙心而 此 妙心 ,則成 猶如空華者 不知 四聖依正二報。然以 由未能遠離 , 念不覺,迷此 一切幻化故 佛眼觀之, 妙心 ,故當遠離 同一 則 成六凡 空華。應當遠離一 。遠離心故句 依正二報 0 切 念頓 幻 此 化 心指 悟

明妄想,本是幻化, 幻化不離,真空不現。一真之體 , 指 妙 Ü

壬二示達妄元空

是佛果之三德也。 無起滅故 法安有?故稱之曰達妄元空。 似有緣相 心 大各離 先依如來奢摩 但因假合,妄有六根。六根四大,中外合成。妄有緣氣,於中積聚 講】經云: ,身在 ,假名為心』 無知見故。 他行 何處?即知此身 『末世眾生,欲求如來淨圓覺心, 0 晏坐靜室 0 如法界性,究竟圓滿,峑十方故 觀此 何以故?虚空性故 ,可見身心皆幻,世界原無,身世 ,畢竟無體 ,恆作是念:我今此身 0 和合為相, 0 常不動故 應當正念。 , 假名為身 四大和 0 此 即 0 K所謂· 如 合 堅持禁戒 來藏 既 0 進 大方廣 無 如 親此 , 其 四 中 , 萬

戒 根 須持禁 想 法 先依如來奢摩他行三句 之 【記】達妄元空句 齊放 酒 奢摩 本戒 戒 下,則正念自顯 煩 惱 他 如 行 即俗 大 妻房 乘 皆 之 十重 依禁戒 犯 ` 種 此 以 種染 , 小 眾生不達妄空而 0 0 入手 乘 正念者 國 如 法 法 何放 之 亦 , , 四 得下 不能 夷是 方 何 **,無念也** 為靜 況 博 容 ,須修奢摩他之止 0 坐 地 0 殺 了真淨 故 凡 0 0 方 夫 盗 即 日禁戒 能 0 ` 起信論 , 晏坐 觀空 婬 所 以 0 ` 靜室恆 妄 故 之 須 行 直 否 須 修 ` -則前 堅持 0 Ü 0 修止 . 作 即 0 應當正 是 念即 將 四 念 戒 夷 如 現 空 念 在 何 下 胡 不 堅持禁 手? 但為 思亂 後 之

大 方

廣

圓覺修多羅了義經講

義附親聞

記

念者,念身心 必不空。如煮沙成飯 、覺、知 、謂之四緣。 內 外皆假 ,徒勞無益!恆者,二六時中,念茲在茲,不可須臾離也 也。妄有緣氣,於中積聚,似有緣相,假名為心 六塵緣影,積聚於中, 何得認為真心!

壬三示頓悟成佛

所謂 裹三世,一切平等 殊不知空本無華,病者妄執。乃至由此妄有輪轉生死,故名無明。不了此 光 得諸幻滅影像故,爾時便得無方清淨 則現前身心 則內不住空 來因地修圓覺者 無明者 身多身,乃至十方眾生,圓覺清淨 0 只因眾生一念不覺,不了真體本淨,妄想元空。 前所謂眾生是佛 一翳在目,空華亂墜。如經云:『譬彼病目,見空中華,及第二月』 講】此意承上二科而來。謂一切眾生,本來是佛。盡大地是個常寂 ,非實有體 ,皆為幻垢 。達妄元空 , 知是空華 , 。如夢中人,夢時非無。及至於醒 清淨不動 盡大地是箇常寂光者 。垢相永離 ,則外不滯有 ,即無輪轉 <u>_</u> 0 始知眾生本來是佛 ,十方清淨矣。 <u></u> 。一世界多世界 。空有雙超 。又云:『一切實相,性清淨故 ,非無謂也。吾人若能了真本淨 此也。 ,真常獨露 經云:『末世眾生,證 於無生中,妄見生滅 大方廣即自心之體相 , ,乃至盡於虛空 ,了無所得 生死涅槃 ,靈心絕待 , 0 猶 所以如 如 , 圓 0 0

用

乃佛果之三德。可以意知

,不俟多贅

【記】玩講義自明·

辛三約生法釋

障者 法 謂生法外別有心法佛法,亦非謂佛法外別有心法生法。是故於一 生死之苦即法身,法身是體大。須知此眾生法,即是心法,亦即佛法。非 就眾生三障,可以點示三德。令知演若達多, 漏 煩 具見一切眾生法 離空無華 無別業故 性本無二 實報變易生死,障三涅槃。然三惑即三菩提。 漏及出假神通非有漏非無漏業,障三解脫。三報障,同居分段生死,方便 非無漏 惱 , 亦 障方便菩提 記】三菩提者,一實智,二方便,三真性。見思煩惱,障實智菩提 爾 講】夫圓覺妙性 業句 煩惱障,見思塵沙無明,障三菩提。二業障 ,離菩提性,無煩惱故 , 故曰 故經云: 如離手無拳。三土生死,即三涅槃,離涅槃性 0 六凡眾生 無 , , 煩惱即菩提,菩提是相大。結業即解脫 一切佛法 明 煩惱障真性菩提 『心佛眾生,三無差別』 ,含生本有 ,三途惡業,人天善業。 ,一切心法,無非大方廣法者 。如離目無翳。三業即三解脫 · 雖迷悟天淵 。惡業善業 縱未歇狂 色界 何以故?煩惱性即菩提性 。不我欺也。釋大方廣竟 ,有漏 , 而體用悉皆平等 ,無色界 無 ,謂惡業善業有漏 漏 , 頭 , 0 , , 出假 ,不動業 解脫是用大 無生死故 原不失 , 佛法 眾生法中, 離解脫 神 通 , 一 心 。塵沙 故須 非有 , 如 性 0 0 無

淨涅 便 出 初 漏 即菩提 淨 假 之業 住 槃 神 , , Ξ 通 非 性 有 聲 諸 非 漏 煩惱菩提 大菩薩 淨 聞 也 有 非 緣 漏 無 覺 0 實報 六凡 漏 非 , 業 無 無 , 並無二性 0 變易生 同居分段 漏 漏 障三 業 , 亦有 0 解 通 死 脫 0 生 漏 别 , 句 障 死 亦 以苦樂無二性故 地 無漏 前菩薩 性 , 有漏 淨 障 涅 圓 , 業, 障無作 槃 淨 , 出假 涅槃,二乘方便變易生死 , 障 煩 空解 解脫 惱 神通業 性 脫 即 0 0 菩提性 三涅槃 無 別教登地菩薩 漏 業 白 , 0 障 苦 圓 無 即 淨 , 相 煩 障 , 圓 , 解 惱 方便 _ 脫 方 教

庚二釋圓覺

覺者 幻滅 華 靈照 金 離 生本證 心 來平等法身 一非銷故有 一切幻 心境不二 覺 眾生本成佛道 , 講 圓 謂心體離念 無諸分別想念 , 實由 濕 化 圓 0 ᆸ 0 , , 者 小 幻 依此法身 雖復本來金 0 滅始 又云 凡 如 , 幻者 滿足周 聖 Ь ,離念相者 圓 : , 0 如 又云 所謂 , 0 ,說名本覺 備 亦復遠 不假幻修 ,終以銷成就 , 切眾生 : 故加之 絕思絕慮 ,此外更無賸 ,等虛空界 -無始 離 ᆸ , , 0 皆證 無由 得 圓 幻 0 0 無所 無 故知此覺 若單言覺者 也 0 . 剋證 員 法 明 , 0 成真金體 離 . 覺 無所不峑 故 , , 所謂. 經云 圓覺心建立 Ь , 0 即 故曰 , 0 非離 除諸 據 無欠 : , 此前 如 :一切菩薩 。法界 ,不復重為徺 \neg 涅槃 無餘 幻 起 凡局 信 後經文 0 0 譬 聖 幻從諸 昨 論 0 相 覺 如 夢 云 非離 銷 者 , , , 即 雖謂 世 應當遠 覺 金 \neg 若能 界空 境局 一徺 生 是 所言 虚 如 明

滿足菩提;及大涅槃』。此即始終不一,生佛永殊之明證也。 障已伏 語也。經云:『一切眾生,欲泛如來大圓覺海。先當發願,勤斷二障。二 緣境界 有思惟心,測度如來圓覺境界,須知眾生圓覺,與諸如來圓覺,不得同年 本無菩提及與涅槃 如來究竟證也。覺則始終不一,圓亦生佛永殊。故云:一 來本起因地,皆依圓照清淨覺相,永斷無明,方成佛道 了此心, 圓覺 ,即能悟入菩薩境界。若事理障,已永斷滅 ,身心語言 然後求圓覺 流出一切清淨真如,菩提涅槃,及波羅蜜,教授菩薩 ,皆悉斷滅 ,亦無成佛及不成佛,無妄輪迴及非輪迴 0 佛答文殊,開口便云:無上法王 ,終不能至彼之親證所現涅槃。何況眾生 ,即入如來微妙圓覺 。故知眾生理證 ,有大陀羅尼 切如來妙圓覺心 釋圓覺竟。 但諸聲聞所 0 一切如 門

覺也 覺心自顯 即心德之體相用,修多羅,則發明心德之理趣者也。就圓覺二字分言之,覺字是 鏡 不修 談圓字。大方廣圓覺修多羅八箇字中,圓覺,是的示吾人本具之心德,大方廣, 則不覺,不覺則不圓 埋 於塵中久矣。若無琢磨深 記】圓覺二字,包括一部大經。圓覺者, 念覺一念是佛 。因其妄想熾然 , 念念覺念念是佛矣 ,迷而不覺,故曰眾生。眾生若覺,與佛無異 。夫此 功, 心為眾生所本具, 難復妙明本體 。故覺字最重,先須識得覺字 即吾人現前一念之心性也。然 從未破壞 。修心亦復如是 ,何故 須修?譬如 0 知 () 蓋 幻即 一佛者 然後 離 寶 而

大方廣圓覺修多羅了義經講義附親聞記】

量義 提 照 之 石 起 悟 證 焉有生死 既 以 本 日) 圓覺 妙本 2智德 所障 則悟 也。 有無 包 心 圓覺 亦 故?心 空 ·性 靈 動 不可 無 應 ,圓字是修義。離念相者等虚空界至加之一圓也一段。覺與太虛,本來平等。 Ċ 有大 所謂 念亦 Ü 不假幻修 明 0 獨朗 境同 宜 無 夫 涅 眾生本來是 ,心,真也。修則修幻,幻,妄也。心如幻者亦復遠離句。 建 涅 畏 ,三細 不 離 相 槃斷 無 當 立 **黎二** 難 陀 離 念 不從 之 切 , 迥 , 從 相 德 相?無始幻 六 鹿 醜 如 尼 既是 以 凡 覺亦無所 , 出根塵 念離 1.字看 以 來 門 心體本來無念故。念從何生, 聖等故 0 此法界流 何剋證?何以修?淨除妄想是也。總之悟修二門, 波羅蜜即六度。 佛 幻從覺生, ,繁然而 白 Ċ , 而 皆 即 0 , 被無 後 即是性 開 幻 不编 以 。若聖人有,凡夫無,焉得謂之圓耶?離念功 此 照 圓 也 故 ·無明圓覺心建立四句。眾生無明,不離 口 之謂圓。 起矣。 覺為 圓, 0 明所障 即 0 。豎窮三際,橫徧十方 故 譬如 全經本意, 第 , 亦即 _ 前念已滅 本 幻不滅 涅槃昨夢句。 教授菩薩句。以圓覺教授菩薩 義諦 起 銷金鑛 。是故欲求真金,道在銷 禪家所謂離心意識參, 覺體 因地 ,覺即不圓。眾生本證句 0 即在 陀羅 句 , 後念未生 圓 何 0 照二 於此 用 所謂無始一念不覺 況 尼 對生死 菩薩 功 , 字 此云 。菩提涅 如銷金一般,金 ,皆是一覺,故 , , 0 ,說涅槃。 總持 中 即 員 用 間 照 即是圓 歷歷 功 清 槃及波羅 , 總 。欲求圓覺 方 淨 法 覺 _ ,為 如來法性 ,故 明 外境固 若當下 照清淨覺相 一本有 本證者 得 明 切 相 不可偏 有無 夫最 宜 因 蜜 法 白 稱 從 地 注 白 , 當 離 持無 道 被 所 此 重 此 明 難 , 故 念, 廢 鑛 何 相 在

是 者 即 縱 此 時 迷 何 緣 煩 况眾 幾 不 即 所 如 悟 覺 惱 經 , 我 教 久 能 無 知 煩 此 而 說菩提 , 大 執 久 障 惱 生 驟 明 用 天 方 障 照 乘 自 斷 淵 往 , 廣 斷 此 所 起 菩 所 往 字 , 也 , , 圓 耳 即妄 知 對生 亦 ·公 薩 知 以 所 功 0 覺 本 障 須 為 知 夫 動念, 0 欲 修多羅 , 能 想 若 不是障,而 障 死 理 此 泛 身 0 事 伏 也 0 即 說 即 如 N) 3 此 斷 理 宋 為 來 日在妄想之中 語 涅 0 義 障不 伏 障至微妙圓覺三句 士大夫 儒 泛 槃 理 大 言 經 雖 障 圓 圓 之 , 0 講 被種 萌芽暫無 斷 學 「覺海 [覺海 皆悉 圓覺妙 義 得 , 知 附 , 必 種 書明 親 陽 斷 法 至 0 無 聞 知見纏縛, 空真 明 但 勤 , 焉 滅 性 , 成 記 . 當先 之學 理 中 斷 , 根株 就 如如 能 , 二 則 , ! 煩惱 發 障 測 隨 本無煩 , , 仍在 應痛 煩 胸 即 大 Ξ 度 λ 不能消除 惱 句 破 中 障 願 0 偏 自 法執 先 較 是 惱 障事 空 , 0 然從 刻責 存種 輕 求 以 生死 能 , 佛 眾 故 放 0 , , 此 , 斷 我 生 而 加 不 , 種 下 能 勇 遠 法 事障 所 被 與 能 故 知 妄 猛 障 離 知 佛 二執空 無菩提 見 想 知 , 精 _ 所 障 ,得 佛 勤 , , , 障 進 知 覺體 斷 測 極 凝 之 2 我空真 度 重 妙 涅 N) 單 故 痛 即 障 槃 圓 寂 雖 成 如 0 除 刀

來 即

即

耳

習 直 障

氣

微

妙

如

照 同 境

0

_

障 盽

如

未 如 懈 此 念萬 永

能 木

,

何

有

於

員

,

故

日

生 0

佛永殊

0

切

如

來

, 迷

妙 ,

圓

覺

Ü

至不得

同

年語

也

段

對

聲聞

界

0

因

,

方能

成

就

如來究竟證也三句。

如來恆在大光明中,

如鑛已成金,

不

為

鑛

ė

成

灰

,

不復是木

方為究竟

0

眾生尚

諸

佛常覺

,

故

日

終

始

不

重

覺尚

,

但 年 無

求

念

相

應 念

,

即一念是佛

0

一分 應

一刻 始

相

應 永 念

即 不永

· 一 分

一刻是

佛

0

如

是

精 未

進

不

萬

年

_

,

念念與

圓

照

相

可

日

如 方

何

能 , 佛

成

0

然

眾

生 0

易臻

斷

明

方

成

佛道句

'。永字方字注意

, ,

永

木

起

,

無

明

斷

道

方成

必

須

圓覺

庚三釋修多羅了蓋

通者 乘人 能貫華 毘曇 以玄爐陶於群像 聲聞藏攝 於經藏 應說義 論云: 故梁攝論譯為聖教。今於經上加一契字,則雙含二義,俱順兩方。 者契理 經 一乘,方為了義。謂決擇究竟顯了之說,非覆相密意含隱之談。然諸經中 ,於修多羅藏中了義之經也。梵語修多羅,古師翻為契經。有通 , 講 雖行六度 佛所說教,總名修多羅。別者,經名修多羅,律名毘奈耶 单 今言修多羅 , ٦ 經能持緯 謂妙符中道。二者契機 契者契理契機,經者能貫能攝』 以投所化眾生心故。題中於修多羅下,續以了義二字。意顯 , 修多羅三字, 乃大乘了義之經也 了義經者 , ,悲智兼修,而定說三乘不一 智海總於萬流,無二無三,無不成佛,中道理觀 ,此方不貴線,故存經稱。然天竺聖教, ,分明的指經藏 , 謂大乘教,菩薩藏攝 乃大藏之都名。 ,簡異不了義經故 ,謂巧合機心。經如下釋 ,簡異律論二藏之名也。契有二義 了義者, 。意顯聖人言教,能貫穿攝持所 0 大乘復有了與不了 ,亦非了義 0 當經之別目也。 不了義經 。若會歸 皆稱為修多羅 , , 謂 正翻為線 小乘 ,論名阿 , 別二說 謂 意 故佛地 此經 不共 極 有大 顯此 教 , 線 ,

了 之名 乘 聲 為不了義 下 大 師 人為 了 談 說 直破差別之相 不了義 何為 原是 為了義 闡 乘 翻 義 修 義 0 為 能 決 俱 7 經 必 , 了義不了義之別?寶積經 契 者 兼 緣覺是緣覺, 順 詮 了九界法 記】大方廣圓覺,是專顯 說 如法華獨得妙名,良有以 0 乘 兩 經 性 之 , , 據諸經說 世俗為不了義 。說生死涅槃 也。 句, 佛 尚覺未 方 經 , 白 稱 以 , 0 直破差別之相句, 契者, 全性 性 與 , , 五性斷證 此 佛 獨 精 而 菩薩是菩薩 了義行 方彼 起 顯 Ü 說 0 符合也,相契也。妙符中道,是上契。巧合機宜,是下 蓋 修故 相 如 0 土 了義 來性 應 ,無二無別 所詮在 0 , 0 相 說煩惱業盡 , , 者當 故 謂之兩 聞教之人 , 總 , 日上 於 故 性德。修多羅了義,是專顯 屬 皆與今經相當 ,佛答文殊,舍利弗言 本 未能會歸 經 經中意義,不能 日 也 輪迴 經如彌勒章, 之別 了義 方 0 ,為了義 。定說三乘不一亦非 自己省察自 ,不可不 ,令成了義宗旨 ,為了義 目 。義 · 一 極 白 者 0 0 教 , 故 知 0 , 清淨慧章,皆是直破差別之相 說厭生死苦,趣涅槃樂 但指 此經從始至終 家 0 , Ü 即 , 往 第 說煩惱作業 不了義 非了義 與經 經題 往 義 以 0 : 中所說契合 經 經者 了義句 0 諦 教 諸經 0 故特標修多羅了 會歸 故今但云 名 相 也 為 , 0 0 中 , 是專 一極 佛 所 談 0 異於 無不顯 , 定 詮 隨 性 說勝 者 否 就 說聲聞是 别 人 不 , 涅 , 目 而 兼 文 說 義 了三 7 槃

字上

義

,

故

日

契

0

古

經 談 修

2

,

為

為

大方

廣

圓覺修多羅

了義經講

義附

聞

記

戊二釋通名

己一正釋經字

結鬘者 愛見之邪曲,令發真見無漏正道,故含繩墨義也。五結鬘義。此亦借喻顯 微發義 為人對治二說 佛 無漏失。又華鬘能嚴飾身首。佛以正教,莊嚴行人,普令一切,悉皆愛敬 此亦借喻 津潤萌芽 譬發明 顯 不惟契理 典雅訓 語修多羅也。謂上契諸佛妙理,下契眾生機宜 知 ,開發初心,初中後善,圓滿具足。故含微發義也。三者湧泉義。此從 一切法皆不可說 講】上十字乃一經之別目, , 。謂妙泉湧流 ,非經也。但契機而不契理,如牧曲樵歌,亦非經也。今言經者 即是縷穿於華,不令零落。 佛用四悉檀起教 **瀬義** ,三草二木 ,亦能契機故 。如世之木石匠人 ,即為行本 ; _ ,滔滔無竭 , 以四悉檀因緣而有言教 。復次。梵語修多羅,具含五義:一者法本義 地所生 , 0 巧妙玄辭,從微至著,靡所不詮 作第一義說 , 佛用四悉檀說法,文義無盡,法流不絕 此經字是諸部之通題。具云契經 皆得增長 以繩墨能裁邪曲 佛用四悉檀說法,詮諸法相, ,即為理本 ,故含湧泉義也 0 。若但契理而不契機 作世界說 0 0 故含法本義也。二者 佛用四悉檀說法 , 即為教本 。是則文義漸 四繩墨義 赴緣皆 , 如俗 即梵 , 裁 0 ,

恆規 者徑義 此方訓為四義:一者法義,謂十界同遵故。二者常義,謂三世不易故。三 只有二義:一者貫穿義,謂貫穿所應說故。二者攝持義,謂攝持所化生故 故含結鬘義也。此土諸書,既無含此五義之言,故用經字以代之。佛地論 ,百靈之良軌,迷途之寶炬,佛燈之後燄,故稱經也。 ,謂修行路徑故 ,四者典義,謂攝生定典故。舉要言之,乃千聖之

後燄句。 也。一者法義句,法者,軌持之義・攝生定典者,攝化眾生一定之典也。佛燈之 少兒能解,然無道理,是為契機而不契理,亦不得稱為經也。一切法皆不可說 法寂滅 記】契理而不契機,如俗典雅訓,可名為書,而不得稱經。牧曲樵歌 佛滅 相,不可以言宣也。裁愛見之邪曲句,凡夫之愛,曲也。外道之見,邪 度後 , 只賸一燄照世, 謂之後燄 者,

己二歷法明經

所入之門,門門皆通大道。十八界七大,無不是經。據此,可見悟者俱是 六塵皆可稱經。以淨土眾生,六根俱利故。如楞嚴會上,二十五聖 此方惟三塵得益者多,以眼耳意三根利故 以紙墨流傳。是色塵為經。若但修觀相應,得證二空真如 善知識開示,聞者得解 講】蓋佛住世時,金口宣揚,聽者得道。佛滅度後,四依弘經,諸 0 皆以聲塵為經。若三藏十二部,及諸祖語錄 。若通途而論, ,可稱法塵為 他方諸佛國土, , 皆 經 0

大方廣圓覺修多羅了義經講義附親聞記】

迷者俱非。是在當人之迷悟,何拘拘於文字為哉?釋名竟

字是 往 聽 何謂四依?一依義不依文。二依智不依識。三依法不依人。 非 經講經 經 經 , 但 向 皆宜 言經歷無數之法,皆以明經也。 不能 來 從 為聲色所轉者藉 唯 一四依 Ü 上用 。依不了義 功者 水 口 , 只能成阿羅漢, 不能成無上菩提 耳 光 山 色 四依弘 鵲唱鳥鳴, 經句 觸處悟道 四依大士, 四 依了義不依不了 0 聲聲色色 。莫道紙墨文 即 弘 法 之 義 人 0

乙二顯體

丙一須辨體

字 題 體是名下之所詮,名乃體上之能詮。經中從始至終無非能詮文字。意欲令 起修,以修合性。復次,釋名總詮三德。辨體別在法身 若逐名迷體 人尋名得體 用別在解脫 0 大方廣是理經名 無非能詮之名。就茲名下,一一皆顯所詮之體 體者,主質之義。名旁是賓,體正是主。名乃假名,體是實質 ,托能詮之文字,悟所詮之義理也。如因指見月,因筌得魚 如捉蛇尾,反遭其螫 。判教分別總別。 , 圓覺是行經名,修多羅了義是教經名 故釋名之後 ,世尊所以常為弟子說筏喻也 ,須辨體也 ,得此體已,方能全性 0 明宗別在般若 ,乃至全經字 0 即 如今

記】恐人於經之精義,未能堅確信仰,故須辨 • 名乃假名句 , 名 即是假

不得體 故 能 合 , 名 性 如糟粕 。尋名得體 。故體在名後。 以修合性句,終日所修,皆不離

丙二須知體

邊,不能得無生忍也。復次,無實相印者,雖言種種行願 三印 三印 魔王能說 是大乘了義經 者未必出離生死 大論云: 不免現身墮獄。若明經得旨,如周利槃特,但誦一偈,現身即成阿羅漢果。 不取涅槃,令入不二法門,故佛但說一法印也 令厭生死苦 問 即是小乘了義經 種種行願 謂苟經體不明,則尋經失旨,事同提婆達多,雖讀六萬法藏 小乘 聲聞經有三法印 ,聞者乃可得菩提道。 何以用三印 0 諸大乘經 , ,惟不能說諸法實相 取涅槃樂。菩薩大悲根利 , 行人 稟教 能 得 道 也 · 無 三 印 者 ,大乘何故 , ,謂無常、無我、寂滅涅槃 但有一印 無此一印,即不了義經 但 0 , 故論 所謂諸法實相 一印?答: 云 : ,易悟生死即涅槃 ٦ 小 除諸 ·故經體不可不辨 乘根鈍執 0 , 0 印 即 法實相 有實相印者 ,猶濫魔說 小乘經 不了義 , 聞者多墮 重 , 能 , 餘皆魔 經 有此 不捨 故 。 以 , 即 聞

即 墮空。不墮空, 記】體, 即 法 即 印 堕有 也 0 0 印 皆一邊也。不捨生死不取涅槃句 者 ,楷定之義。 不了 ·義經 聞 者多墮 生 一邊句 死涅槃 不墮

大方廣圓覺修多羅了義經講義附親聞記

又不可不知也

故。

丙三別真偽

以為真。故慧學之徒,必須以己之智力,甄察真偽也。 講】謂實理幽微 ,真偽難別。但凡小所習,若教若行,莫不各言自

丁一簡非

皆屬見論義收。三聲聞所明者非。且小乘人無大悲心,一志自求出生死苦 故非也。二外道所明者非。以其不離邊見,邪見,六十二見,一百八見等, 梵王出欲論,五通神仙論等,皆屬愛之戲論。戲論破慧眼,不見於真實 趣涅槃樂,不能深求諸法實相,故亦非也。 善罰惡,仁義禮智,孝悌忠信,養生養性之道,屬愛論故 〔講】於中又分三類:一世俗經書所明者非。謂彼但為治國安家 0 帝釋十善論 了,賞 0

空有二邊見,乃有邪見,而次第生起種種見。 【記】屬愛論故句。言總從愛心流出也。不離邊見邪見至一百八見等句

因

丁二顯是

寂 薩大悲,為眾生求無上道,不計劫數長短。深觀諸法,不滯二邊 。如水澄清,珠相自現,得真諸法實相。諸法實相者,諸大乘經所依之 【講】唯有大乘經所明,為利根人,如法相說 ,多明第一義悉檀 ,一心常 。 茎

理體也。

【記】看講義可知。

丙四正出體

界義 章中,取清淨覺相義。次章中,圓覺清淨境界,的指此體之名。於三章中, 義中 實相實諦之異名詞也。 取淨圓覺心義 一標示悟淨圓覺 。六章中 ,取大字義。於橫義中,取體大義。於三德中,取法身德。於經文首 講】此經以圓覺妙性清淨境界為體。於一題中,取大方廣義 , ,圓覺淨性義。四章中,取圓覺清淨義 取圓滿覺性義 0 故得用之以為經體 ,淨圓覺性義。第七章中 。當知即是中道理性 。五章中,取圓覺境 ,示修三觀行 • 真法界 於豎

身德者,法身是性也。般若解脫二德是修,故不取 取 皆先得悟淨圓覺 而獨取圓覺等為體者,何以故?就經取義故 記】此經以圓覺妙性清淨境界為體 。是知欲修者必先悟,悟者,悟其體也。 白 0 大乘 0 法印 。三觀行門等句。奢摩他等三 大字從體得名 , 既是諸法實相 0 於三德中取法 0 然今不

丙五略引證

本際 講】經初證信序中便云: 圓滿十方』 0 是諸佛之所居,亦此經之所依。所謂常寂光,亦名法 『是諸眾生,清淨覺地,身心寂滅,平等

【大方廣圓覺修多羅了義經講義附親聞記

此體 等。四章金剛藏讚云:『善為宣揚圓覺清淨大陀羅尼 即具此體 如螢火而燒須彌 辨圓覺 覺淨性,現於身心』 種幻化 清淨覺相 王 性土,即前所謂得真諸法實相 , ,依體起用 有大陀羅尼門 0 故藉此同體法性之力,以加被未來也 ,彼圓覺性 ,皆生如來圓覺妙心』 <u>_</u> 聞經發悟, 0 次章菩薩請云 ,故有三寶出現世間 , 其可得乎』 ,即同流轉』。又云:『有思惟心, ,名為圓覺』 。又云:『無邊虛空,覺所顯發。當知覺性平等不動 即悟此體。觀心所依 : 0 ?重重昭示 。真諸法實相者,乃此體之異稱也。 \neg 三章云:『欲求如來淨圓覺心』又云: 聞此圓覺清淨境界 。又云: 。正說中首章,佛告文殊云: ¬ ,不一而足 0 , 切如來本起因地 即依此體 ,云何修行?佛言 。佛言:未出輪迴而 。豈非以眾生所具 測度如來圓覺境界 0 諸佛所證 , 皆依 得此體 無上法 即證 圓 照 圓 種 ,

現 自受用身,為佛 佛說本經之初,先入法性三昧者,何 寶 0 與諸菩薩說法,為法寶。 以 上首與眷屬 故?攝 用歸 體 為僧寶 故 於他受用 中

丙六通異名

丁一本經

來光嚴住持 講 開卷證信序 ,是諸眾生 0 , 世尊欲說法時 清淨覺地 Ь 0 即是指此經體也。 ,先入法性三昧 又云: 故云 『於不二 \neg 切如 等性智,為修無上妙覺等。以上多多異稱,皆此體之變名辭也。 章遊戲如來大寂滅海 深秘密 覺淨性 清淨真如 境 信佛秘密大圓覺心,同入清淨實相住持,以大圓覺為我伽藍,身心安居平 則不能入清淨覺海。十章彼圓覺性,究竟圓覺。十一章修此圓覺清淨境界 習。九章若此覺心,本性清淨,由此不能入清淨覺,是故不能入清淨覺 大圓覺海 ,現諸淨土,即從此體,起諸妙用』 ,平等法性 , 妙莊嚴域 切實相 如 來藏 ,妙圓覺心,寂滅海,寂滅性等。五章祕密藏,真實相 ,覺性平等。一切法相。四章圓覺清淨,大陀羅尼,甚 ,法界性,皆此體之異名』耳。次章圓覺妙心,三章圓 0 , **六章圓滿覺性,** 無上大覺心,本際無二相。八章圓覺清淨 淨圓覺性,法界海慧所照之相 。 又<u>云</u>: 『平等法會,大陀羅尼 ,本無修 。 七

開 三昧 出 通 寂 體 口 光 ,是為 1時領 不離眾生當處,當處即清淨覺地。佛未開口時,先入法性三昧,是教人於未 。攝用 此 照 記】即前七番共解中之會異,所謂會通異名也。會諸法為一體,是為法性 `會故。吾人講經聽經,皆須於未開口時,入此三昧。先將妄念一齊放 法身父母,亦即吾人法身父母也。不二境,是自受用。現諸淨土,是他 ,使他清清淨淨,方能會入諸佛妙理 所謂對經 歸 體 ,是為光嚴住持。清淨覺地,是處成就 如對佛,何以故?一切諸經,即佛法身故 0 此節最關緊要!即平日自己 , 此 處 即是常寂 。佛法皆從經中流 光 土,常 下,

大方廣圓覺修多羅了義經講義附親聞記】

是妙 起諸 受用 或兼說 二境。不二, 理 如此 甪 妙 0 妙用 甪 , 何謂不二?無生佛之名 皆從 用 功 ,種種不同 從 即平等也 ,那怕一分一秒鐘, 如來法性三昧流 體 起 用 0 , 即是從 故有多名。體 一切從此流 出。吾人看經,亦須先入此三昧,方能句句 一經 ,生佛 受用無窮。平等法會,即本經佛菩薩同住之不 之體 , 不二也。無染淨之相,染淨 ,即性德。用, , 流 切由此入,是為大陀羅尼。 出 一部文字 即修德 。 所 以 一部 不二也。 文字 或直指覺體 契 白 此 白 之 謂

丁二諸經

利物 如性 大涅槃經云: 大智度論云: 首楞嚴、法界性等。或四字稱。謂一真法界,常住真心,性淨涅槃,妙真 如 如如 , 正 ,不得已而立之也。釋體竟 、一乘、法性 講】諸大乘經 因佛性,真性解脱,實相般若等。種種不同 --般若是 如天帝釋 、法身、實際、真際等。或三字稱。謂如來藏 ,稱體之名,多多無量。或二字稱 一 法 ,有千種名 , 佛說 種種名 0 解脫亦爾 0 隨諸眾生類 , 多諸名字 。皆經體之名也。故 。謂真性 ,為之立異稱 <u></u> 0 此皆赴機 畢竟空、 實相

之 種 種異名 記】除小乘外,凡大 , 方 知某經以 何為體 、乘經 ,皆有種種異名可會。凡看一經,必須會通經體

乙三明宗

體則狹而 宗體異者,則二法孤調。宗非顯體之宗。宗則邪倒無印 之所取。不應梁柱便是屋空,屋空便是梁柱。宗體若 體若不二,體即非宗 宗致既是因果,因果即二,體非因果 而言宗即是體 講】妙玄云:『有人言,宗即是體,體即是宗。今所不用 不周 0 , 體即是宗耶?譬如梁柱 離法性外 。宗若不二,宗即 ,別有因果。宗體若異,其過亦如是』。今言不 , 體 即 非宗 ,是屋之綱維 不二。體若是二, 。宗若是二,宗即 , 屋內之空 0 體非宗家之體 其過如是 體 非體 訶 。何 , 是梁柱 。若言 菲 云 體 何 ?

一而一,故有體。不二而二,故有宗也。

用 玄義 用 柱 占 宗譬如梁柱 故?宗體不一故 其體 ?:吾 。是 不 來。因六朝智者大師未生 故 人 定 應 造 】簡者,料簡也。宗之與體,容易混淆,故須簡別。料簡 知 屋 因 說是二,又 **,體譬如屋內之空,二者迥然** 體是宗家 ,其受用 體 起修 0 宗 、修德也 之體 之大 不可 而 後有受用 小,固關乎梁柱 0 ,宗是 譬 0 以 前 如無 體、性德也。 顯 , 0 體 宗體皆未 梁 如 因 之宗 柱 屋 不同 , 空 0 綱 如 維之 何 所 體是不 分晰 , ,豈可混 謂 而 得 修者 大 屋 得 後有受用 動 小 清 內 之空 而 , 0 的 0 最誤 修其宗也 為一! 然 0 無 宗是要 屋 事 離 可 內 虚 然而 知性修 , 之空 之法 用 空 宜 受用 定 功 研 不二 說是 , 究 做 ,由法 如 何 出 如 何 安梁 何 的 受 華 以

宗一 致。不可說二,不可說一,非一非二,佛法之妙,妙在於此。

丙二須明宗

得屋空受用。故次體之後,須明宗也 而二。全修在性,故二而不二。須知梁柱喻宗,屋空喻體。由有梁柱,方 故宗趣不可不知。前辨體,是顯性。今明宗,是示修。全性起修,故不二 會體之樞機。若行人不識宗趣,則行業無歸。又何能領會不思議之妙體乎? 講】宗者, 趣也。語之所尚曰宗,宗之所歸曰趣。乃修行之歸宿

【記】會體之樞機者,不修宗不能會體故。

佛答示云: 以圓修為因,剋證為果。末世大心眾生,無有不望果行因者也。但根緣不 願為演說修行漸次』 ,有頓悟頓修者,如第二章菩薩請云:『聞此圓覺清淨境界,云何修行 丙三正明宗 講】此經以頓漸圓修,三期剋證為宗 『修習菩薩如幻三昧』是也。有頓悟漸修者,如第三章請云: 。佛答以『先依如來奢摩他行』是也。此二章問答 。此與不生不滅因果同 也。良 ?

隨俱因

其數無量

0

舉因以攝果故

。第七章惟願廣說漸次修行

,總有幾種

?佛言

:方便

中示修三止三觀。雖云方便漸次,一一標云。悟淨圓覺。乃先悟後修,是

循性差別,當有三種。又云:十方如來,因此成佛

章俱通 圓 而 得成菩提』。十一章示以上中下期,欲令剋期取證 因 徹果之談 漸漸也。第八章佛示二十五輪,或單或複 。故偈云 : 『十方諸如來,三世修行者 , ,實為冀果修因耳 無非圓修止觀 , 無不因此 此二 法 0

希望 見到 所修 覺 醐 但 因 為毒藥矣 明 經 此 證 N'S 而 Ź 立義故。見普覺,普賢,威德自在, 頓也。 行亦 見 為 到 記 否? 性 此?日 】頓漸圓修是因 圓 。吾人斷宜戒之。是故望果行因四字,不可輕忽視之也。 而 先修奢摩他,次修三摩鉢提,後修禪那。 就 己 , :了生死 令見到 如二十五輪等, 0 上 無 證 佛 到 道 ,成菩提也。是謂望果行因 ,三期剋證是果 可成 , 而 即圓修也 世人程度, , 下無眾 生 。末世眾生 辯音,圓覺等章。 。有因有果 可度 相差甚遠 , 此 語 0 , , 0 此 此 若並無希冀 發大心 非 方可謂宗 漸修也。其 語實害人 不 高 如知 , 修 尚 幻 , 0 不淺 之心 大道 即 試 立此 (所悟 問 離 ! 其 為宗者 , 之 是 而 果 離 理 果能 以 何 日 幻 員 醍 吾 所 即

丙四諸教異同

別教 便 滅 教依無生四諦 非不生滅性 依 無量 以 教道奪之 藏教依生滅四諦 刀 諦 ,修體空觀 , 則果中猶是半生半不生耳 , 修次第三觀 , 涅槃為 , 成偏真果 了因所了 ,修析空觀 ,成報身果 0 則因果雖皆無生 可云不生不 ,成灰斷果 0 0 則因帶 圓教初心 生滅 滅 0 則因果皆屬生滅 0 悟此不生滅 菩提為 , , 果方分證不生不 而非真不生滅 生因所 理 牛 0 通 稱 0

大方

廣圓覺修多羅了義經講義附

親聞

--

為分證不生不滅 滅 謂 淨圓覺心 由澄諸念 ,乃為名字不生不滅 ,靜慧發生,名為相似不生不滅 0 障盡願滿 , 便登解脱清淨法殿,名為究竟不生不滅 。以淨覺心,取靜為行,名為觀行 。依願修行 ,漸斷諸 障 。 今

云: 矣 藏 相 兼 見不空,通前藏 生即無生 通教三人 空 在 定 經正是圓教妙宗也 教一 見 ,不能度生。佛亦無如之何,特特請出維摩居士教化之, ,名為有餘涅槃。若壽命盡 、為化儀四 足半 不空 因 然 N) 類人 一带有 **灬次第** 記】台宗有雨 生半 圓覺 핎 , 即通 生 修 雖 同 力 , 滅 木 有 以 教 皆 以無言說相而 析相 生 後 教 如 大 0 ,後入中道,果 也 别 幻 賢宗無 别 , 0 且 别 圓 觀空為因 種 因 而 ,當體即空 非真無生, 不融 修次 員 圓 0 四教:藏 今約當教 故 教 化 者 第三觀 入道 儀 , 果亦圓。 故 ,捨去皮囊 , ,特立一頓 此 日 故得空果 方為不生不滅 , , ` 乃對待之無生,亦小乘也。 别 同悟四諦皆無生相 故起體空觀 通 經 , ,其因果俱非真無生義。別 教 先空觀 、別 即 分證不生不滅者 圓 。其所得果 教 教 , ` ,即灰身泯智,而入無餘涅槃 員 即灰斷果 妙宗 , 而 次 ,故非 ,得偏真果。然頓根人但見空,不 、為化 假 為 威德章云 , 觀 小 了義 ,謂 、始 法 為方便 ,後 , 而 ,隨分證 四 教 中 成阿羅 ` 0 _ 如 報 : 道 終 所謂偏 切諸法皆從 0 利 維 身果 教 觀 頓 摩詰 根者 也。 悟 悟 漢 頓 , 空 淨 漸 可 四 ` 經 斷一分障 當其人身尚 圓 員 因 謂 諦皆有無 λ 不但 所 道 其 祕 大 因緣生 五五 ,墮入偏 說 先 乘 密 , 見空 故果 修 ·菩薩 教 也 不 0

證一分理,為隨分證

乙四論用

丙一簡宗用

為 宗用者 宗用。二者用用。宗宗非用宗,用宗非宗宗。宗用非用用,用用非宗用 刑 用 【講】妙玄云:宗有二種:一者宗宗。二者用宗。用亦有二種:一 ,因果為宗 0 若論於宗。但明因果,且置斷伏。今論於用,但明斷伏 ,因果各有斷伏為用。用宗者,慈悲為用宗,斷疑生信 , 且置慈 者 0

悲二字作用最大。 位 位 因 , 位 記】宗與用,亦有微細分別。宗者,修德。用者,功能也。圓教初住以 位 果 0 如 如 初 人欺我虐我,我只以慈悲心待之, 住是因 ,二住是果 。二住是因, 一切煩惱俱無,是為用之 三住是果 。 此 之謂 用 。慈 後,

丙二正論用

大宗

證真 諸幻』。又云:『欲求如來淨圓覺心,應當正念,遠離諸幻』 『欲修行者,應當盡命,供養善友,事善知識。彼善知識,欲來親近,應 ,得入平等為用。經云: 講】用者以功能為義。經有體宗,必有利物之功能也。此經以離幻 『應當遠離一切幻化,乃至得無所離,即除 。普覺章云:

【大方廣圓覺修多羅了義經講義附親聞記】

等 斷 憍慢 如是修行,方入圓覺』。又云:『觀彼怨家,如己父母,心無有二, 。若復遠離 ,應斷 旗恨 。現逆順境,猶如虚空。了知身心;畢竟平

即除諸病』等

0

皆此經之力用也。

竟平等, 外 為利他作用 心無有二, 之身心,內之妄想,皆幻也。應斷憍慢,應斷 記】此經 證真也。 即除諸病 以 離 不愁不證真 幻證真得入平等為用者,幻離,則 , 此之謂得入平等 但怕 不 離 0 自己斷惑證真為自用 幻 0 經 瞋恨 中又云: ,皆離 本體顯 觀 彼怨家 幻也 現,用 令他人斷惑證真 0 了 之大 如 知 己 身 為 父 何 N) ; 畢 如? 母

乙五判教

丙一略述綱要

謂藏 說教 為 昭如 時教 起道樹後說 一時 日月 講】言判教者 原無定時 通 所說法門。 ,法華次般若說 0 別 言兩種者 。三方等時 、圓也。 。惟以眾生根機不等,所謂一音說法 我聖祖智者大師 ,一化儀四教 ,教乃聖人被下之言,判是分別異同之致。如來一代 別五時者, ,涅槃為最後說。是為別五時也。通五時者 ,次阿含說 , 0 , 謂頓、漸 華嚴時, 四般若時,次方等說。五法華涅槃合 以通別五時 、秘密、不定。 佛初成道時說 , 兩種四教 ,同聽異聞 。二阿含時 二化法四教 而 判釋之 且 如來 如

追說 有二 謂漸 不獨 者方等對藏教半字法門 化法 為帶通別 時 是知 員 知 於化法具 知 時部屬 座之經 初 教 此 ,後方知 一分別 於化儀 華嚴有之 茁 四 獨 初 <u>T</u>. 大 實 教 蒔 士結集法藏 明 ,尚有頓漸大小偏圓權實之異,何況五十年所說 漸 先 所 /四教 圓 通別意已 0 , 0 , 正 照高 二不同 為頓 中 追 以每部之經 教 0 泯 明圓 唯圓教初後俱知 , 者方等中 , , ,謂對藏教而說通別圓也。四般若,於化儀為漸末, 漸末,此當漸初 四教 謂 而方等 Ш ,於化法為圓 教也 也 純 ,然後以 , , 隨 則 也 圓 類収 应 復次 獨 專指華 , 而 。五法 ,年日尚難定指,況一代之多,安能各拘年限哉 , 0 般若 教 然涅槃四教 妙 經經 也 兩種 說 , , 兼別 藏通二教 0 ·華,於化儀為非頓非漸 嚴 頓有二義 通 ,其間有文通者,有義通者 , 。涅槃中四教 。於化法為三藏。三方等, 法華 涅槃於化儀同法華 別圓 四教 0 。二阿含時 頓教! , , , ,歷時分別 滿字法門 與方等大乘具說 涅槃 0 , 相 初 後俱不知常 頓教部 ,皆初後俱 , ,於化儀為漸 皆悉有之。 言初發心時 0 , 自然 無有錯 涅槃用 , 言佛. 於化法 ,非祕密非不定 ,豈得隔 知 住 四 藏 佛 漸 初 教 , 0 於化儀為漸 , **凶具談** 按 便 一不同 亦 性 成道時 通別三 漸 , 成成正 有 同 謬 類 歴 0 又分三時 別 而 四 不 0 於化法 覺 融 說 權 也 教 教 初 不 華嚴 初 日日 耶 , 中 , 助 於 則 如 別 ? ? 0

大法 皆悉有之。 得小益 無同聽異聞 云祕 但有祕密咒 行 漸 教部 秘密部 ,積因剋果 密 而僅得 , 謂 。而必待五千退席後,方乃正直捨方便, ,聞小得大益 ,則專指一切陀羅尼諸部。二祕密相 唯法華是決定義 小益 曲引二乘 ,非祕密相也。不定義者,所謂一音演說 ,更無祕密相 ,則不唯中間三時,而前後二時,亦皆有之。祕密亦有二義 ,彼此互不相 , ,聞頓得漸 循循善誘 0 然約 ,非不定義也, 知 , , 一分最鈍根 ,則專指中間三時。二漸教相 則前 聞漸得頓 四時皆悉有之。 略述綱要竟 人 , 彼此各不相知 , 。謂聞小法而密證大果 始終不聞佛說 但說無上道 ,隨類各解 唯法華是顯露 , , 則前 故 大教 , 謂 一席 0 或聞大 歷劫修 中決 亦 教 , 聞 可

贊成 初 通 理 方 說 , 別五時宜知 法 此 結集時 說 偏 , 記】智者大師以通 圓 聽 者 然 即收入 行 利 而 鈷 ,通 理 0 某 事 不 同 類 權實)之異 五時更宜 相 即 0 若義雖 故 別五時兩種四教判教。 , 以 方 知 圓 日 中 圓 通 。所謂一座之經,尚 , 兼 而 何況五十年所 0 別判釋之 文 理 不 事 同 分 張 , 則 化法 歸入 即 說 是 , 有根 豈得隔 别 方等。華嚴 四教如藥味, 0 , 智者判為 歷不 (頓漸 圓 融 化儀 圓兼 「兼別 耶?義與某經 乘 別者 四 ,賢宗不 (大小) 教 如藥 因

丙二正判此經

丁一且申五時八教言外之旨

證法 後 兼論 地發心 或於阿含 法 最 綱 知毒發之通前 華入 紺 維 人承用不免偏 性 通別 講 實 始終皆見於小 蓋群機雖復無量 , 修因 亦入如是定中 , , 0 八教必須互相組織,方收萬有不齊之機 便能 原夫諸佛出世 四者鈍 一證果 泗味 密入 執 0 而 0 , 如 仍利 所以紛紛諍論 知五時之別,不知五時之通, 0 0 來教 且如今經 三者利而 0 , 不起 大約不出 , 難 教必投機 以悟淨圓 此定 不即見華嚴 仍鈍 0 世尊欲說經時 四 , , 覺 種 無有了期。今更略出其意, 現諸威儀為諸末世眾生 , , 雖 機有萬殊, 0 : , 可見此道人人有分 不終小證 然於般若 者最利 ,即入法性三昧 0 教亦何定。 知開顯之必待醍醐 , , 而聖祖大師語意俱 始終皆見於大 然必備歷五 ,方等 , , , 故五時 請問 不簡機 便得悟入 蒔 以為判教 , 菩薩: 如 0 方於 必須 來因 , 不 圓 者 分 0

同 於 四 酪 味 , 因 0 0 前 緣 方 記 等時 且 湊 之 合 乳 得 等 如法華 即便 悟 四 味 , 悟入 是為毒 , 台宗 如 華嚴 , 發於 判 何 可拘執 時 圓 生 得 酥 悟 而 ?大乘 偏 0 , 是 執 般 為 者 若時得悟 種子 毒 , 發 以 於 為 , 開 能 乳 , 殺 顯 是為毒 0 無明父滅貪愛母 於 必 待 阿 發 含 醍 於 時 醐 熟 得 , 不 酥 悟 知 毒 蓋 是 , 故 根 為 發 謂 器 毒發 通前 之 不

擇時

因緣湊合

即

便悟入

彻

0

丁二正以此經結屬教部

大方

廣

覺

修多羅

記 る 義

經講

義附

聞

記

盍

決定義 即 意 等 大士預會 為諸菩薩及末世大根眾生,二乘不預其會 乃至蚊慤。及阿修羅,飲其水者,皆得充滿。經云: 大矣哉 中 此經未空四相 謂此經為法華耶?法華開權顯實此經離妄顯真,法華舉手低頭,皆成佛道 般若之類。又般若有共不共,此經專明不共,說時可云同,部味決不同也 般若會一切法皆摩訶衍 現諸淨土,又非其類 鈍而利者所見也。 -夜唱滅之時 ,正是方等法門 ,決非初成道說 將誰歸耶 ! 非不定教也 圓覺了義之妙法也。 若謂此經屬華嚴耶 小機不聞 ?此經主賓答問 , , 不得菩提 又非藉三助一之旨,尤難聯絡 ,既非其時。華嚴不動道場,上升六欲,此經於不二境, 0 於四化儀中,是頓教,非頓部 故知於通別五 0 。謂此經為阿含耶,阿含正化二乘,旁化菩薩 , 於四化法中 是祕密相 ,不復訶斥二乘,此經心遠二乘,法除四病 ,時之與味,一 無教不具,無機不收。 ,皆為未世眾生起見。章章各含彈偏斥 華嚴說在初成道時,此經主伴皆為末世眾 非秘密部也。 一時中,乃通五時之方等也。 , 正遠二乘 ,非阿含類也。謂此 向不同。謂此經為涅槃耶? , 0 旁疏通別 先悟後修 既 四部 ,是漸時 譬如大海 『此經名為頓教大乘 不可浪收 , 獨 剋 , 經為般若 於 非漸教 親圓 期取證 不擇細 四機中 , 不 教 即非 此經 小之 既非 耶 也 也 , 是 $\ddot{?}$ 0

頓機開悟,亦攝漸修一切群品』 , 豈非教大機普之明證也歟?故此經以方

等圓頓生酥毒發為教相。五玄略說釋經題竟 0

【記】以方等圓頓生酥毒發為教相。此經既判歸方等,是為毒發於生酥

甲二釋譯題

唐罽賓沙門佛陀多羅譯

繁盛 賤種 教修行,其功大焉!釋譯題竟 有二利之德也。譯,易也。經本梵字,易梵成華,使中國人受持讀誦,奉 滅諸惡也。佛陀云覺,多羅云救,謂譯主覺此道以自利,即以此道而救人, 曰:是唐之長壽二年癸巳,於神都白馬寺四月八日畢譯。梵語罽賓,華言 士耶?曰:沙門也。問:那裏人?曰:北印度屬國罽賓人。問:是何朝來? 講 自立君長 昔末田底迦,立五百伽藍於此 問:此經是何人翻譯?曰、佛陀多羅。問:此人是比丘耶?居 0 鄰國鄙之,因以名焉。沙門此云勤息 。買異國賤人,以充役使 ,謂勤修眾善 後因生息

勤 1 世界之中 (修戒定慧,息滅貪瞋癡也。為出家人通 【記】罽賓原是荒島。羅漢末田底迦,始開闢之,而立寺廟。沙門此云 印度者,世界之中也。中印度,又印度之中也。 稱 。佛是中道人,說中道妙理妙法於大 勤 息

釋狐

【大方廣圓覺修多羅了義經講義附親聞記】

甲一序分

乙一通序

【講】次入文,大科分三。全文有十二章,首章為序分,中十章為正

宗分,末章為流通分。

分二:初通序,諸經通有六種成就故。亦名證信序,以主伴依正,能所分 明,證是佛說,令人生信故 乃諸經科判之所由始也。初序分,序述也。序一經之來源,述說法之由致。 依此科經,如首身足,各有分劑,不相紊亂。故稱彌天高判,今古同遵 此三分者,始於晉之道安,證於唐之親光。蓋以經無豐約,皆具三科。

必墮。 通 者異邪 云云。是為斷疑。二者息爭。阿難奉佛遺命結集,眾人不得爭議。是為息爭。三 高升法座,身光如佛。眾疑佛復出世,又疑阿難成佛。阿難出定,即言如是我聞 於諸 臨涅槃時,阿難尊者,請問:佛滅度後,以何為師?答言:以戒為師。戒為諸 【記】通序亦名證信序。先安證信序,有三意:一 次問?依何處住?答言:依四念處住。所謂觀身不淨,觀受是苦,觀心無 '經也。十一善法,以信為首。五十五位修證,亦以信為首。故 我輩修行, 經皆佛金口 宜先持戒 所宣,並非外道邪教。是為異邪。合之而為通序 。有戒,豈止人天之福可修。 者斷疑。阿難結集經藏 無戒 ,則三途之苦 宜安在經初 。通 者

就 成 Ξ 。與某某 就 問 0 經首 即妄想,非真常之自性也。)觀一切法 如 俱 是 先 信成 ,眾成 安 何句?答言:先安如是 就 就 0 我聞 0 四 , 闡 問:惡性比丘擾亂時若何?答言:默擯 成 就 0 我聞 一時 , 無我。念、 時 時成 佛 就 在某處 0 佛主成就 即能觀 與某某 。處 0 俱 在 云 ` !某處 云 即 默擯者 0 所 謂 , 觀 處成 之六 也

如是我聞:一時婆伽婆

默然擯

之

不與

較

也

門也 作意 <u>寸</u> 者,是大聖人 實我 達耳 言傳法 我聞者 首標之。若連我聞 是 ? ,不信云不然。 欲聞 楞嚴 ° — 講 大士 聞 ,聞成就也 時 是凡夫。二是外道。三是聖人隨世假立 云 , 即 自 如是二字 者 , , 以我 凡 便得聞 ٦ 時 至聖 應屬後二。聞者,謂 此方真教體 故華嚴云: 成就也 無我不二之真 0 ,當作指法之詞。言如是圓覺妙法 謂成就雖由信 ,標信成就也 。今不曰耳聞 , 有 过 謂臨 種 , 我 清淨在音聞 -我 : 期雖在音聞 信為道元功德母 順 一峑計我 0 , , 根 為順此意 而 耳 , 臨 境 根不壞,發於耳識 \Box 菲 我聞者 ᆸ 期實賴音聞 0 , 0 說聽全憑佳會 異之妙耳 二宗計我 釋義則揀別賓主曰 , 作信順之詞 , 0 , 廢別從總易明了 四 長 是法身真我 養 0 ,當時親從佛聞 不有音 0 , 三假 切諸 聞 ,聲在 真俗無 0 名 聞 善法 以 不有佳會 我 我 可 0 , 教體 三則言. 今結集 礙之法 故 聞 , 音 處 几 也 故 來 何 如 0

大 方

廣

圓

覺修多羅了義經講

義附親聞

--

名聞 世出世間 身光與智光,降魔制外故。三端嚴德,具相妙好,端正嚴麗故 何歸 間 顯最勝也。一自在德,五住煩惱不能染,二種生死不能繫故。二熾盛德 婆伽婆者 說聽事畢, 一期究竟 者 ,結集流傳 十方 難弘 ?然諸經教主 ,始終究竟之謂
 う尊重珍貴故。為具六德,故存梵語。五不翻中,多含不翻也。
 , , 。古德云: 主成就也。 稱揚無盡故 ,達於西乾東震 ,多用佛字,是十種通號之一。今此一名,而具六德 ,名一時也。不云年月者,以如來說法 。時者,遷流轉變之義 \neg 謂說聽雖期良時 世事合會,尚待昌期 0 五吉祥德 ,年月日紀 , 滅罪消障, ,御眾必推教主 ,難以相同 。總之說無異座 0 大法弘宣,豈違佳運 賜福延齡故 ,故總以 。不有教主 0 ,通乎天上人 ,聽無異 六 尊 貴 德 一時該之。 四名聞德 群機 席

聖人 慢 大士,更是真實我矣 佛 , 所 以我見為宗 得自在少分 言天上地 記】道元者,入道之根元也。一切處皆計有我,是為徧 我 為法 王, 下 ,是為宗 故 於 惟我 。故我聞之我。應屬後二 亦 法 計我 自在是也 獨尊,未嘗不稱我 可日真實我 。佛菩薩 。 依 0 小乘 依 之我 大乘說 說 , ,為假 然此 ,是阿難 , 名我 是文殊菩薩等結集 乃常樂我淨之我 結 , 隨 集 世假 0 阿難 計我。外道我見我 立者也。真實我 乃破 , 即是自在之 皆是法身 真

入於神通大光明藏,三昧正受。一切如來光嚴住持。

是諸眾生清

淨覺地。身心寂滅。平等本際。圓滿十方。不二隨順。於不二境 ,

現諸淨土

0

無疆 之假名,無自他之形相,故稱平等本際,即生佛本來實際地也。無邊無畔, 起 寂 不覺 眾生清淨覺地者,眾生通於九界,故曰諸眾生。覺地本來清淨,只因一念 若以土言 故曰眾生。吾人試看 安住不動,任持自在。所謂菩提覺法樂,涅槃寂靜樂,稱性法味樂無央也。 無別莊嚴 通。入字對三昧言。言入此三昧,惟受法界妙理,不受餘受,故曰正受 藏。稱法界起,還照法界,故以大光明名焉。應用莫測曰神 現法界玄境。大光明藏 無隅 眾生身土,亦依此為緣起也。緣起無性,故曰身心寂滅。 歷歷明明 ,無明之所昏濁 。今曰光嚴,即諸佛所證種智之光為莊嚴也。住持,即三德祕藏 ,故曰圓滿十方。不二境也。言隨順者,本是惟有一法界性,原 ,即是常寂光,一切如來自受用土也,亦名法性土。寂光真境 處成就也。 , 便是清淨覺地 ,當其無明未起 ,煩惱之所雜染,法性隨緣,流於九界,惡名穢稱 御眾雖推教主,際會必依弘方 ,即一真法界智也。具一切智 ,即是一真法界。然諸佛身土 , 一念不生之時 ,元無一 ,為說圓頓法門,故 , 遇緣則興 , 此處無生佛 物 無有障礙日 依此而為緣 , 故 湛湛寂 稱為

大方廣圓覺修多羅了義經講義附親聞記】

立圓頓法幢,故於不二境中,現諸淨土。據此足見他受用之身土,仍依一 無二體,何云隨順,以有逢緣變現之意,緣興即隨順也。今為諸大士,建

真法界為緣起也。

之 也。緣有染淨不同,隨淨緣而起即佛法界,隨染緣而起,即眾生法界 尚無有佛 寂是不動 識 仍眾生之所同具,故 也。復有二義:一則簡眾生之機。二則由定而動。此大光明藏,雖諸 根本妙智也。妙智如如 尚在 ,即入此藏 依他起用 【記】一真法界, 無明未斷故,名為大道心眾生,博地凡夫,則苦惱眾生耳。身心寂滅 ,何論眾生,尚無有自,更何論他,故曰平等本際。隨順者 ,滅是不生。一念不生之時,元無一物,惟有如如智如 , 所謂他受用處 ,已將圓覺精義現出。佛說法必先入定,乃是常規,為作眾生榜樣 日眾生清淨覺地。眾生通於九界,即菩薩亦稱眾生 即法華之諸法實相,大乘止觀之自性清淨心,亦 ,為如來自受用處。至現諸淨土,乃指說經之處 0 並無一切法, 惟有大光 明 , 故 日大光明藏 如理 佛之所獨證 , ,隨緣而 何等清淨 即人人之 ,以其情 0 ,即世尊 於未開

辯音菩薩 普眼菩薩 與大菩薩摩訶薩十萬人俱。其名曰:文殊師利菩薩,普賢菩薩 而為上首。與諸眷屬,皆入三昧。同住如來平等法會 ,淨諸業障菩薩,普覺菩薩,圓覺菩薩,賢善首菩薩等 ,金剛藏菩薩,彌勒菩薩,清淨慧菩薩,威德自在菩薩

,

此云 無著 藏 得大自 眾生同 也 礙 次列之 賢表行 彌法界 嚴 現在北方為摩尼寶積佛 表 切 0 四 佛 根 梵云,文殊師利 無能勝 經 梵云彌 0 講 所 中起 .佛 相 說 在 菩薩智慧亦然 如足 本智 。普眼依 , 以 能 德無 不備 , 勒 是大悲普眼 眾成就也 \equiv 則 故名威德自 , 0 , 業 難 今經為發起 智行相成 $\dot{\Xi}$ 以位居補處 明惑相 0 輪 華言慈氏 障自淨 經問答 , 求佛 妙 日 觀 一普 ,此為妙吉祥, 0 , , 辯階 銷 與大菩薩句 在 煩惱不能侵 , 。當來成道 0 0 , , 隨心 菩薩依之自利 惟菩 金剛藏 具有二義 能證法身妙果 師 末世之疑 , 0 , 佛外能勝者無故 姓也 辯音者 級 0 薩能辯能宣也 益 圓 , 故以名焉 物 0 頓 , 金最 大 過去遇佛 , : ,名普現佛 , ,三觀之力也 , , 亦云妙德。 能 位 教 舉類標數 謂普見諸法清淨 智既如是 斷 鄰 堅 , , ,今以此利人 如 非智莫解 極聖日賢 0 , 威 切障 目足相資 0 。清淨慧 , 證慈心三昧故 切無能 可 , 。其名曰 。影響大化 過去成佛, 畏 能含生無盡 切業障 0 , 魔外 具無礙 , 0 , 德 壞 故首標之 0 , , 以文殊表智如 , 謂 名大 能 下 故名淨諸業障 口 不 , , 剛 慧用 盡 辯 敬 能 到故鄉田 ,示同菩薩 號龍種 , 列諸上首之名 、智普眼 依 功 動 最 0 , 名阿 德 能 降魔制 利 四 7 , 普 相 別 能 , , 能 故名 逸多 除 地 Ħ 賢 而 , 0 普見 無住 切音 壞於 忇 生 外 , 0 華 切 故 0

道曰 等 衛 中 諸大士頓覺身心輕安 契法界理 十萬億剎 賢善之首 期不能取效 現土 皆定中事耳 文殊道場在 , 。十二大士 , 諸菩薩 外 普能覺了四病之源也 0 。等前合為十二,俱為十萬人之上首也。 而諸 ,真過來人也。賢善首者,依本經流通大教 如 大士 五台 與眷屬 在目前 0 ,各有萬眷圍繞 0 , , 智契法界,故曰皆入。同一法界 皆在法界藏中。 普賢在峨嵋等 , 0 亦應於彼不二土中現身 故 同住 。圓 覺者 , , 以皆法身眷屬 各有道場住持 0 未入定前 爾時佛入光明藏 ,菩薩悟圓覺而修三觀之行 0 ,各在本方 向下 故也 上首護念曰 0 且. **沪端** 三昧 起座禮足右繞跪白 如佛之道場 ,元無遠近 0 如來既於不二境 賴 0 佛即 眷 此人 以法界智 , 攝令從 , 雖在 故為 非剋 在

턡 邊 即真如 相之是 司 教義 若 如 約教而言 聞 ,是名實相 , 獨 亦異 不聞 員 |教義 中道為是 。若言但空不異為如 也 四 , 經云:『佛以一音演說法,眾生隨類各得解 教之義 0 0 我是不二之真我 我 ,別教義也。若言如是真如 無我 , 大抵如是 , 亦我亦無我 ,只此無非為是 ,聞是根境非一異之妙耳 , 可以意會 , 非 我 非無我 , 今以本經 是是實相 , 藏 通義也。 0 聞 員 , , 不 頓 如 ,聞二諦融 若言離二 教 於中 聞 0 生機不 義 不聞 道實

時。真智為佛 通之法 門 如 0 0 __ 時指二法合 。真理為處。以智行為上首,一 切無非為是 一為時 。真心自在為 。報身為 佛 我 , 0 報土為處也。 真覺圓 切善念為眷屬 明為聞 若約觀 。念不遷流 。同歸一心為 心 真性

平等法會也。通序竟

要念 性 祇 修 在寺講 為情見所礙 行 聽 如 通 有離 文殊 說 師 也無?或教 禪定人 ,故華嚴 說 二教菩薩,不得 則 等 圓頓 法 【記】大菩薩摩 時 於 經 至 念 , 大教 於 始 普賢 一法 ,不能無妄想。故古德不得已,教人看話頭。達摩以至六祖,從無 經 處處不離二大士。諸大菩薩,同入三昧,祇須在本處 聽 見有攜 聽 唱 ,有區域 妙旨, 念佛 眾 經 人看父母未生前 , ,非法身大士不能也。文殊表大智,普賢表大行,有理 , 教人 甚 皆 7稱大 既 法 雜 "疏入者,即撤去罰之。 防其依他作解 ,復教看念佛的是誰 零零落落,不成片段。 直 入正文 身 ,訶薩 之隔耶?小乘定,鬼眼能見。 ,或根器不同 圓 。別教 下會去,至宋時始有話頭之說 明 0 , 大 既 方 宜恭對本 士 , 日大,又 如何是我本來面 0 可稱大。然此之大菩薩 故 ,或先來後到 既 經 ,謂之禪淨兼修 日 日摩訶薩 大 。講義置 何 , 能 復日 契 0 目等。 ,何故?因菩薩 入?那有受 在 大乘定,雖天眼不能見 摩訶薩 而 佛 0 一旁, 如大慧教 至明時禪宗漸 。諸 以身語意三密神 ,塞自悟門也 ,比別教十地 0 俟 蓋 居士,經 用 用 入 ??聽 入定。 如來 功時 人, 種 種 眾勿忽 要看 智而 菩薩 衰 看 豈同 大 不 。若專看 ż 狗 0 光 同 如 子有 後 更大 , 明 此 眾 此 後世 佛也 、毒峰 鄙 起妙 如 說 思 藏

大 方

廣圓覺修多羅了義經講義附親聞

記

藏 議力 故我輩看經,逐文逐句逐字,皆當會入自心,至要至要!真心自在者,人不自在 必有 蓋眾生之機不同,教義因之而異矣。二法合一者,二法謂能所。譬如 聞不聞 皆因妄想。返諸一真法界,無往而非自在? 合一為時。報身為佛句。此報身為佛之他受用身。圓覺全經,無一句不是觀心法。 非 我非無我,圓教義。以聞為聞,藏教 教 之義是 が所説 ,為 以 我為空,通教之義 ,圓教 之法 一音之演說 但 。有所聽之法 空不異者 所謂一切法無非中道,一中一切中,一空一 ,而聞者得解 但取 ,本無有我 ,必有能聽之眾。方能成就法會之一時。故 諸法皆空 不同 ,皆所謂證偏空也。亦我亦無我 0 ,更無異義 聞而不聞,通教。不聞 如講義中所言藏、通、別、圓、四教所 只此 無 切空, 非 句, 而 聞,別教。不 此 假 有能說之佛, 字指 一切假 別教 日,二法 但 義 空 也。 0

乙二別序

為發起故。佛告長老至現說法數句 因請而說,必有發起之師,故首章判入序分。不同彌陀經無問說故 【講】二別序。諸經不同故。亦名發起序。發起一經之端序故 ,靈峰老人判為發起序也 此經 佛自

殊章為別序 記】圭峰大師疏,無別序。別序又名發起序。凡經必有發起 ,故山僧判文

丙一文殊啟請——文殊章

於是文殊師利菩薩,在大眾中,即從座起。頂禮佛足,右繞三匝

長跪叉手而白佛言:

帀 是意業誠 此眾中具儀也。 叉手白佛 , 具儀 是 口業敬 不外三業。 0 如來既於不二境中現土, 起座禮足 ,是身業恭 菩薩 繞 佛三 亦 應

於不二境現身。所以有主伴可別,說聽分明也。

説菩薩於大乘中發清淨心,遠離諸病。能使未來末世眾生求大乘 大悲世尊!願為此會諸來法眾 ,説於如來本起清淨因地法行 0 及

者,不墮邪見。

於楞 義故 文可 修無漏 謂不生不滅為本修因 已成佛果之人也。本起因地,指佛在凡夫時 嚴 知 【講】此備說請詞 意 妙行 通指上十萬人也 又稱大者 會上見佛啟請 開 雖 同 0 此 便稱大悲世尊,足見現在未來,俱有苦可拔也。以悲是拔苦 其所 乃出世之芳規 0 不唯令現在得益 以請者異也 ,大乘止觀云自性清淨心,是也。法行者 ,十方如 也。請詞有二:一為現在大眾。二為末世眾生。 0 如來是諸佛之通號 來得成菩提最初方便之意 ,是如律如法之行也 故後有及說菩薩等言 且利及當來也 , , 謂 最初發心之因地 乘 0 如實道 0 此 此段請 會 0 0 菩薩雖未 彼則為己 , , 來成正 即 意 平等法 , 即 大 即 楞嚴 成 似 大 覺 此則 會 地所 佛 呵 如

大 方

廣圓

緣覺,外道魔眷 亂修習,不墮邪見者幾希矣!文殊懸念及此,所以致斯二問,足見大士為 縱有一二發大乘心,不知如來因地法行,不學菩薩發清淨心,其不至於錯 之深且遠耳 正修 能遠離諸病。詳閱下之十章。章章有病,能障正修。既能離病 法故 修大行故 誓期必成 人之苦心也。佛頂經云:『諸修行人,不能得成無上菩提,乃至別成聲聞 提心也。意欲直取無上菩提,不為人天有漏,二乘無漏等法之所混擾 云清淨 一法已過之時也。此時去聖既遙,背教日遠。不知求大乘者 ,俱得成就,所以云首章為發起序也。能使下,是為未來,以顯利益 ,度眾生不住度相,故三心皆清淨也。三心圓發,諸病發生無由,故 。三大悲心,普度一切眾生苦故。意謂念真如不念餘法 所發之心有三:一直心,正念真如法故。二深心,樂集一切諸善 。能於大乘中發清淨心,以期成大因,證大果故。清淨心,即菩 。以根大莖大,不樂小乘法行。所以能信大教,解大理,立大志 。未來二字,通指佛滅度後 ,皆由不知二種根本,錯亂修習』 。末世者 ,別別為末法時 0 正此意也。 , ,集善法對治 無庸論矣 ,則十章之 , 謂 正像 0

作是語已 \mathcal{H} 體投地 ,如是三請 終而復始

講】此至再不已 ,必至於三。其慇懃懇切之意,已自可見

菩薩 爾時 `世尊告文殊師利菩薩言:善哉善哉!善男子!汝等乃能為諸 , 諮詢如來因地法行 。及為末世一切眾生求大乘者 , 得正住

,不墮邪見

。汝今諦聽

,當為汝説

0

渴飲 牒前請 是故菩提心不可暫忘也。可不慎歟!末二句誡許。大論云: 見無由發生,故云不墮。 正 佛意故。汝指文殊,等兼大眾,以十萬雲集,一人問即眾問故。諮詢 深心集善 , 講】此師與資合。請合佛心 又誡其聽 詞 一心入於語義中 佛 ,安住修習為住 加以得正住持句 ,是師緣與資合矣 0 華嚴經云:『忘失菩提心,修諸善法,是名魔業 踴躍聞法心悲喜,如是之人可為說 , 0 悲心普度 即顯前之三心。以直心正念,不念餘法 ,所以許宣也。重言善哉 ,誓願攝持為持。三心能發 <u></u> ,以二問皆符 ٦ 聽者端視 0 今佛既讚 F , 如

之 思修日三慧。聽是聞 謂 師資緣合。資,指弟子言。謂師弟之因緣湊合也 記】佛既許說,又誠 萬 念 一齊放 下 , , 即耳識也。 諦聽 只有 ,於是文殊 一聽 法 諦是思, 念 頭 及諸大眾 , 故 即意識 謂 之 諦 0 , 0 耳意兩識同時 聽字上加一 歡喜恭默 0 聽 而 不 諦 , 諦字 敬待 , 聽 名為同時 聞 如 , 最 法 妙 聽 此 0

大方廣圓覺修多羅了義經講義附親聞記

意識。當其思時,即是觀,亦即是修。三慧同時而起,並無前後

時文殊師利菩薩,奉教歡喜,及諸大眾,默然而聽 0

法 思冷水,如飢思美食 【講】此資與師合。許順資機,所以及眾默聽也。十地經云: 即 奉教喜聽意也。今文殊既自奉教歡喜 ,如病思良藥 , 如眾蜂依蜜。我等亦如是 ,仍復同眾默聽 , , 豈非資緣 願 聞 如渴 甘露

丙三酬請開示

丁一略示

與師合乎?

如 善男子,無上法王,有大陀羅尼門,名為圓覺。流出一切清淨真 菩提涅槃 ,及波羅密 ,教授菩薩 0

横峑, 總一切法 多字如楞嚴等咒。少字如大明王等咒。 一字如吽字。無字即指一心。皆能 以下之文,出所證之法。陀羅尼,此云總持。有多字少字一字無字之不同 王即是如來,出能證之人。意謂如來證無上法,於諸法中,得大自在故 講 無法不賅,故稱為大。既能總持 ,持無量義 首呼善男子,即稱文殊。顯答問之言有所繫屬 。今故取無字,謂 復能出生, 真法界,靈明不昧之心也。 故稱為門。以表有體 ,令注意耳 豎窮 。法

謂能 界流 謂修此 淨 起信 妙德是屬果 心 有 肋 用 ,檢法 菩提是智德 中心真如門 以如上所 , 0 故 能 可以離 製可 É 切者 入能 流 流 梵云波羅密 出 知 出 生死此岸 , 出之大法,教授菩薩 總賅之詞 0 , , 0 0 此屬 故 謂 以 以其離言說 取喻. 離煩惱 如來依此逗 因行 ,度煩惱中流 如門 , 0 謂 翻為彼岸 而 。教授句 證 相 總 。照無不峑曰 故 機施教 賅以下 , 離 0 , 到 涅槃是斷 心 , , 依之修行 即顯上所流出 緣相 到涅槃彼岸故 因果二利等諸妙 0 ,眾生亦依此證果修 依此方順 員 , 德 從來不與染法 , 對境不迷曰 0 , 令依因而趣果, 義 以 斷 回文 因果妙德之業用 0 華嚴有十 生死 徳故 , 覺 因 應云到彼 相 而 0 故 無 成故 應 , 此指 , 不從 0 真 此 故 也 上三 如即 經唯 岸 此 大 陀 法 地 0 0

即 眾 經 ·緣者 克 諸 妙 生 大 佛 佛 之 , 圓 眾 為 之 心 亦 記】心之一字,為法界之緣起。成佛成菩薩,皆此 置骨中 此 通 心 門 說 稱 , Ü 流 法自在 字有出入義 故 也 如 出 說 0 異名 如來二字, , 世 復 尊 , 向眾 故日 礻 0 無法不 說 ,一切法從此出,一切法 生圓覺中流入。 法王, N) 亦諸 字 在 , 佛通稱也 法王有自在義。 裡許 而 變其 名 故 0 真如是性德 稱 日 超過 大 大 陀 0 由此 圓覺 無字 羅 切 尼 日 陀羅 , — 門 入 , 無 心也 即 者 上。 故 念 生 尼 , 不生 因 佛 日 0 以 門 同 即 成為流 Ċ 自 具之 吾 字最 己 0 無有 無上 人 所 轉六 Ü 不 證 可 法 生 誤 之 道 王 不滅 認 法 切 以 之

羅

尼之行相也。

大

方

廣

() 圓覺

修多羅了義經講

義附

| 親聞

記

其覺 持戒 槃 談性 真 如 阿 願 故 日果德 入娑婆 赴美 中 甚 彌 下 如 、 力 N) 難 時 未 並 欲 即 , 陀 0 萬 ` 時 圓 無 佛 由 忍辱 接云 流出二字 故 切 法 洲 。在眾生 , 、智。 變遷 (,再 留學 此 如 自 惟 日 乘 此 岸 波 生佛 故 即 、精 , 如 大 來維持 上智字指根本智,下智字指後得智。彼對此言,此 念佛 故 羅 , 亦 度 學成 所 密。 乘 故 聲 進、 ,即令眾生修也。何則?一念悟,即涅槃流。一念迷, 到 相 則 日 以 教 去 佛 法 彼 無 日 日 _ 禪定 波羅密者,到彼岸也。 。一念蹉跎,人身一失,悔之晚矣!切囑切 不遠 切清淨。菩提是智德。涅槃是斷德,謂斷生死 不如, 法 門是也。諸君請看 岸 因 可立 回 號 教授菩薩 , 國 Ü , ,當下 謂之不共法 不可不乘圓覺法 、智慧之六度是 日 ,自有作為。 ,在乎一念迷悟之間耳。 。蓋迷則謂之煩惱生死 反此則清淨矣。清淨者,毫無染污之謂 如。眾 可了生死 0 因二乘 生為三業所障, ,不與二乘共也 不能 我輩今日宜速求生淨土 ,彼岸得 ,外而 船 。華嚴則開為十度,於六度外 義即所作已辦,即是修德 知 0 時局 此 然 圓 法 以 ,悟則謂之菩提涅槃,其實同是 此 故 飛 無念不妄,所以 覺中更有最 紛 即頓 0 渡 紜 0 吾人修菩薩 二乘 0 , (教法 乘 內 能 此 而 門 自 妙 願 無常迅 嚼。 親 利 船 之 乃生死 0 道 然 聞 , 至 大 也 不 佛 速 說 願 而 真 真,二六 不 說 即生 所 。夫在佛則 宜 穩 能 法 船 , 加 不 此 ,彼乃涅 謂 先 且 别 可離修 利 切 日 布 死 法 南 然後 捷 種 他 便 盽 流 真 行 無 時 0

N)

己一為酬初請

庚一明真因有力

道

0

切如 來 ,本起因地 0 皆依圓照;清淨覺相 。永斷無明 , 方成佛

照也 能昏 不惟一 即隨順不二之境也 莫可思議 無相 惟有靈光獨耀 看 根 本 所 。前文云:身心寂滅,平等本際,圓滿十方,不二隨順 , 講 非 諸 謂 佛如此 便是斷無明;成佛道時也 起於因地。若因地不真 雙亦相 塵不能染 無相之相 。惟有放下塵情 請意詞句,雖似阿難 ,佛佛無不皆然。圓照句大須注意。覺相的相字,宜作性字 ,智與理冥 ,非雙非相。口欲言而詞喪,心欲慮而意忘 0 , , 無明本空 故曰清淨 即性相不二之實相也。狀同淨鏡 ,如孤月圓明,晴虛獨朗,始稱圓照 ,背塵合覺,前念已滅,後念未生 , ,果招紓曲 ,此指本覺之體也。 佛道本有 0 。答意別為一類 試看永斷方成四字 , 。故當首示所依也。言皆依者 果能於此 。最上利器 從本以來 , , 一念相 性若澄空 誠非易易。若說 0 應 此 ,正恁麼時 0 , ,故先明成佛 非有! 離過 , 圓照之功, 謂 只此一念 , 煩 絕 圓滿普 柏 惱 非 非

念,則不難也。難在永字與方字耳。

是也。吾人用功時,以覺覺迷,中有覺念。是雖覺而未離相,故非清淨。不清淨, 明永斷,佛道方成。故曰永字最難也。 念念圓照,念念是清淨覺相 即在圓照二字。吾人一念斷無明,即一念是佛。後念無明復起,又成眾生,必須 非,乃為清淨。一照一切照,乃曰圓照,必須從此下手,故曰依也。喫緊功夫, 即非真覺 心地也。因真而後果正,最關緊要。覺相之相,是真實相。所謂無相之相 【記】本起因地,即最初根本。最初發心是此地,後成佛道亦是此 。若其前念已滅,後念未生,中間不住有,不住空,不住雙亦,不住雙 ,即照字之念亦無 ,無照字之念亦無 , 如此乃謂之無 地。 , 即 性 地者

庚二明執妄成輪

壬一徵由妄執

四方易處,妄認四大為自身相,六塵緣影為自心相 云何無明?善男子!一切眾生從無始來,種種顛倒 0 猶如迷人,

昧真心,即最初根本無明。近指一念忽起,即現在枝末無明。於本無我中 起之。佛呼善男子而詔告之曰:一切眾生,通指九界 【講】首句承前徵起。上云永斷方成,但不知無明何似 無始來者 ,故承前 遠指晦 而徵

之 横 為 本不當認而 四大假合 顛 南 本無我妄計我 作北 , 倒 俱生二,分別 其實名為妄想 為 現起能緣影子 未 喻 我 明 指 而 , 0 認認 本 因 東 於本無法 顯之 話 無實體 何 ,故稱妄認 ,本無法妄計法 法 西 0 故 0 起 也 , , 認妄想為自心 是虛妄分別想相 中 \Box 0 , 0 方既 認為自身 猶 故以妄認身心 此四皆是於無 , 横計 如 。六塵 錯 迷 人 為 。計我 , 四方隨 , 法 , , , 謂 謂 即 0 即是執我 故云 是執我 即 色、聲 中計有 而釋之 迷方之人 0 托塵 錯 我執, 種 , 似 故 種 ` 0 0 , 。又認之為實有 計法 香 認此 四 故 也 喻 有 顛 大 顯 以 倒 0 , ` 離 味 晦 身為實有 顛 四 即 0 , 指 塵 法 倒 方易處 昧 大 ` 觸 執 真心 其不 則 地 四 執之 無 0 ` ` 共有 法 水 甚 , 即 喻 , , , 義 故 明 如 即 。於六塵境 是執法 火 也 顯 四 迷 以緣影稱 是執法 0 種 所 ` , 0 風 雖 謂 爾 故 名 借 知 將 0 ` 0

迷 間 計 非 人 無 樂 六 我 ن 計 , 白 樂 , 記】妄 , 此 淨 有 非 無 計 枝 認 人 顛 末 不 我 不 倒 淨 計 即 無 顛 執 也 明 我 , 倒 此 0 0 , 執妄 者 出 不 四 方 淨 世 枯 0 世尊大悲 差 Ξ 計 故 顛 輪 , 聖 倒 淨 也 則 , , 0 有 方 此 何 0 方 根 0 以 顛 四 故 差 執 本 倒 榮 妄 就 無 即 顛 , 執 迷 是 明 倒 , 病最 由 之 無 也 0 有 為 無 明 0 深 害 明 _ 種 0 現前易見處 未 乘 大 _ 種 矣 常 斷 切 顛 ! 眾 盡 倒 計 生 認 無 0 , 常 四 即 如 , 包 大 不 凡 , , 特特 為 夫 九 樂 免 身 界 計 非 輪 拈 常 而 非 迴 出 言 樂 計 六 塵 常 猶 緣 試 # 我 如

恐未

甚領會,

故下以

喻顯

大

方

廣

圓

覺

修

多羅

3

義

經

講

義

附

親

聞

記

禮佛 淨覺相耳 走衣食 後 夫 問博地 八!或 種 種 凡夫 口 , , 念佛 譬如今日生 何做 如 ,那一刻 果 , 假得到 離 ら い 觀 開 佛 那 0 , 要須得過且過 正 豈 一念 , 一要你 三業清 非 间 , 離 死過一 死 淨 開 人 0 四 番 雖未 大塵影之妄執者,所以輪轉生 般 ,得放下即放 ,方能 乎?古人云 能即斷 離 無 幻 下 : 明 , 從前 方能了生 , 時時從 而 時時觀照 種 種 身 死 , 譬 口 0 意做 然 如 死 庶幾漸證清 世 昨 不息也 功夫 人 日 死 生奔

壬二喻顯妄執

譬彼病目,見空中華,及第二月。

者,有病之目也。 以理智不二,心境一如故 心皆屬妄境。惟妄見有見 指清明月。空本無華 而見空有狂華,天有二月 講 目指清淨眼 目既有病,則所見不真 ,月亦無二,皆喻本覺真理。第以目有眚翳 ,喻本覺真智。 。狂華喻四大為身。二月喻緣影為 , 真見無見。妄心有知 病指白翳赤眚 , 喻眾生妄見 ,真心無知也。 , 喻根本 0 空指 心。 晴明 無 殊不知身 何以故? 明 因病 空 病 月

【記】空中華,身相也。第二月,心相也。

壬三結示應徵

善男子?空實無華 病者妄執 由妄執故 , 非唯惑此虛空自性 ,

亦復迷彼實華生處。 由此妄有輪轉生死,故名無明 0

晴虛 惑妄元 妄元指無明,以無明為身心之根故。上來惑空性 不但迷真起妄,而又將妄作真。迷惑妄元。言實華生處,喻諸妄之根元也。 身心二相,是真性中實有。而不知真性中惟有如智如理耳。更有迷之甚者, 之性矣 亦糢糊而 且更有甚焉者。故云。又復迷虚空實有華生之處,意顯因無明妄見,執此 句,是重牒上句。謂病目起似見,妄執華月,是空中實有。此人已惑虛空 無明妄見而有。大似空華二月,因病目似見而有也。故曰病者妄執。由妄 如 理 講 迥無所有。那有四大之身相,緣影之心相。今所以有此身心者,因 所謂智亦如 。迷真體則不能修真。惑妄元則不知斷妄 ,以空性無法可當情故。非惟,猶云不但 死。一念善天上人間,一念惡地獄鬼畜。故云由此妄有輪轉生死。 空實無華句 ,理亦如,一如無二如 ,舉空華攝二月故 。喻如淨明眼,見晴明空 。意謂本覺性中 。所以生惟糢糊而生 ,是迷真體 。謂此人不但惑空之性 , 惟 。迷生處 如如智及如 唯有

【記】講義已明,勿待贅言。

末句結成

辛二執能變成輪

壬一明無明無體

善男子?此 無明者 , 非實有體 。如夢中人,夢時非無,及至於醒 ,

了無所得

妄 ,恐猶未了 講】無明為能變。身心為所變。所變虛妄,上已分明道破 ,今且先明無體 , 故云非實有體。 以迷時似有 , 覺則元 0 能變虛

故借夢物以顯無體也

明 其 而 即 他 巾 實不能生, 明 上科 生出 (無執 假名 起 。無明是根本,身心是枝末。由根本而生枝末,由無明而生身心 無 ,境界極 性 內 明 所字,皆就 。 今 哉 也 記】變者變現之意。譬如迷心變識 , 0 , 執 ? 即 徧 試 無 煩 無 之 不過有變現耳。如以一巾幻作一兔,儼然兔也。然特由巾變出 細 問 則 切 惱 惑 明 處 為 變現 Ü 諦 生滅門不覺義邊說 0 起 在何處?自內 無惑 徧 0 聽 枝末無 諦 身 計 無 聽 執 ن , 即 性 明 , 0 明 亦復 無 不 即 0 造 現 明 徧 者 無體 至外 業 如是 計 是 , , 。上科 , 為 黑闇 , 即 惑也。由惑 而 0 無輪 於此 枝 尚 自 有 末 頂 。心為能變,識即所變也。此 之 所變, 至足 義 不執 根 無 廻 明 之 0 根本 相 , 不在 而 指妄身妄心 0 , 徧 若 即無 0 造業,造業故受 尋不 是故 無 根 內 明 本 輪 得 不在 病 無 迴 , , 根 並 0 明 蓋最 根 祇有一 外 在 此 , 無 則 _ 科 0 不在 執字 輪 之 大 能 初 然 黑 無 變 而 廻 無明 謂 漆 中 之苦 科能 無 明 , 外 漆 間 說 即 之根本 無體 豈 到 地 是 字及 指 無 由 依

實有 凡 所見者 所 方 别 其 即 無 無 拿得 得 知 有 理 無 來 明 者 真 體 處 0 0 出者 也 真 。 人 夫 如 故 切 , 身 既 也 智 因其為枝末 0 吾 為 念不 字當作物 了 心 0 如 人 現量 世 眾生未 照 無 燈 若 界 能 覺 所 , 能 境 無 得 破 , 字看 無 悟 不 明 並 闇 0 即 , 執 如拿 豈 無實體 以 何 是 明之根 , 得 前 在?全體 闇 無 , 則 喻 謂 不出乃非量境 既 明 , 無 本 無 內 能 之有體哉?夢中人三字 0 0 明 明 譬 而 破 如 , 性空, 即是 身 不覺也。 如夢中 無 非言其有 , Ü 可 明 如來大光明藏矣 知 賊 , 我法二執皆破 , 所見 外 無 , 全是獨頭意識 醒 而 體 根 固 人物 是 也。 喻覺悟 世界, 0 譬 可 然 畏 , 如全 儼 儼 則 0 , , , 了 一室黑 非 根本 然 ! 然是有 然 即是真 是 , 無 謂 不 以燈破 所得 有 做 無 如夢境是 闇 必 夢 畏 明 0 0 , 如 迨 及 闇 , 之 燈 也 , 喻)其醒 光 從 人 至 並 , 0 無 大 何 以 何 非 來 悟 然 明 智 以 而 乃 離 指 破 故 來 以 , , 無 ?非 夢 了 惑 闇 後 明 中 無 相 並

如眾空華 ; 滅於虛空。 不可說言有定滅處 0 何以故?無生處故

0

壬二明無明無因

也 於空處 宛似於空處滅 稱眾華 何 以二句 是華 不可言空裏定有 無因 惟病 [義隱 乃徴釋不 喻迷若悟時 目能見 , 故 滅 重設華喻以顯之。 可 ,喻妄境唯 說 處 , 了達本 義 0 喻妄似 0 謂 既 無 無明能 滅 無 有滅處 於真 明 如 現也 , 者 豈非 中 , 必有生處 0 , 目若 不 於 設若義 如 可言真如定有滅妄 病 中 愈 滅乎?然華 0 0 妄境非 ,不見空華 爾當諦觀 虚 似 處 故 滅 ,

大方

廣

圓

覺修多羅

記 る 義

經

講

義附

親

聞

--

原 無生處 ,又豈有滅處哉?虛空尚 爾 ,況真如耶?乃足見無明 無因矣

空華 何 華之處 遂 空華滅 以故?真 謂 空中 0 迷人 故 於虚 記】無因者 華 然 滅 不 空 如上本無生無明之處故。故曰無因也 則 知 , 0 空華由 喻 無 試 問 明 無明滅 , 之滅 無根也 此 於病 華究竟滅 於真 , 以為滅 目之所變現 0 如 空華甚多, 於虚 0 夫無明有根本枝末 於真如 空 , 何處?尋覓不出 認為實有。及至 故 0 試 日眾。 問究竟滅 空華 , 因 於 喻 0 真 此 何 病 無 明 如 以 目愈後 現出身心世界, 何處?尋覓不出 故?虚空中本 ,虚空喻真如 ,不見空 皆是 無 華 生

壬三結妄見成輪

切眾生於無生中 , 妄見生滅 0 是故説名輪轉生死 0

生也 能 生 , 講 本是虛妄 而 無明即非所生 眾生 , , 謬謂真實。三細六**麤,緣此而**興 指未悟真理人也 ,何以眾生妄執無明有生滅者 0 試 研上喻 , \exists)知真不生妄也 。是故說名輪轉生死 ,所以云無生中妄見 0 真 既非

非無謂

忇

是真 生 既 即 無生滅 如 。 此 記 生 , , 何況真如,豈有生滅?須知一切境界,皆是依他起性 無 文殊章全文,皆教人悟一切法皆無生滅,有生滅即妄見也。對妄言真 所 謂 明本無 不 生生 生滅 不滅是也。 0 說生說滅 只要對境不起分別妄見 ,皆眾生妄見。 輪轉生死 ,我法二執即 ,因 皆從 緣 空 此 和 起 合 當 而 體 無 生 即 明 0

子 五 相 故 念 六 見 也 論 鹿廳 據 其 凡 執 之 故 第三 念分 鹿轆 相 此 用 夫 真 日 而 人 , 0 起 者 言之 境 乃 極 而 於 甚 乃 功 境 린 前 如 0 業 界 見 有 生 時 界 别 無 關緊要 言 之名 日 細 人 0 , 為 惑 現 滅 相 執 因 極 生 , 如 大 若 但 緣 中 門 昔 境 相 何當無 妄 悟 也 取 相 細 悟 , 0 見道見 業 ! 中 人 亦是 튽 相 續 界 , 心 以 道 , 即 是 微 分 自言其學道境界云: 六 相 非菩薩 謂 妄 茲 後 不 0 , 別 鹿瓣 為 略 招 乃 斷 而 現 見 細 山 了 強 , 述 心,不鶩於外也。 報 分 思 妄 生 也 得 起 之 立 0 , 水哉?特不執而 _ 此 别 惑 境 滅 相 0 故第二 分 不 之 切 無 , 當 受輪 也 我 也 能 復 身 細 别 0 , 明 , 夫 執 見 云 知 相 0 起 即不覺之 Ü 無 0 , 鹿廳 是 是 亦 世 無 迴 日 ,是為 ら い 一念不覺 生 0 相 苦 為 相 為 界 明 依 日境 動 **5** 滅 是 計 續 相 , 俱 分 念 , , 生之 故第 名 生 别 根 界 相 已 假 相 又 十年後 即 , -_ 二十 字 相 名 我 0 法 本 而 , 云: 無 了 0 次第 遂 執 六 而 執 自 無 有 自 內 所 得 ,真 0 7 ·年前 日 生 此 明 此 轉 有 眾 而 有 真 0 0 , 也 愛 身 大悟 業繋苦 流 是 見 無 生至 依 故 相 如 如 0 0 僧 是為 執 第 俱 明 Ü 山 無 亦 0 λ , 所 , 一菩薩 修 枝 見 是 生 亦 以 不是 取 此 , _ , 言 生 行 後 相 末 法 妄 即第 然 山 無 假 動 而 Ξ 滅 日 是 執 名 之 0 於 計 無 智 細 N) 山 世 , 0 山 法 此 界 。 — 古 身 名 明 也 皆 山 由 相 相 入 , 0 還是山, 見水 者 語 字 識 ,見 口 矣 然 0 不 理 其 0 0 云 妄 不可 切 即 由 名 離 此 不 0 0 , : 此 不 眾 就 造 故 依 尚 此 Ü 所 水 並 了 日 是 是 第 相 屬 妄 不知 非 生 原 無 種 而 能 謂 0 水 , 路 明 種 續 有 境 無 見 水 水 真 四 根 見 故 , 、還是 指 還 業 六 大 為 而 本 相 明 0 無 有 日 , Ξ 因 鹿 業 乘 未 計 執 尚 Ξ 無 , 水 0 0 , 生三 是 名 著 起 細 特 故 明 相 由 相 此 此 細 悟 ╚ 從 第 字 是 種 信 六 能 言 言 不 道 0 0

大

方

廣

員

覺

修多

羅

了 義

經

講

義

附

親

聞

記

莫便 是 矣 學 相 可 不 而 注 亦 執 深 續 。 此 意 在諸君 攷 能專修 難言 可免招苦 障 相 , 取 相 於 以 , 重 0 , 此 豈 而 以 一法門,包括無量法 之 其對治 故 了 不取 自 欲 至 矣 可 矣 業 欲求 0 慧 勉 三 不信 免造業招 報 , 0 相 穩莫穩 貪瞋 之 , 一 刀 細 之一字, 即 。蓋佛法修行,宜在因上做 赤緊用 ,除名 耳 如 相 ! 凝三毒故 以 諸 , 兩斷,乃是上根利器。 於此 苦 字相 我 君 功 自 然 之 更不必 , ,先當破執 , 終日 矣! 信 較易著力 , 破 力 門 。三毒者,生死之根也。三學者,斬生死 切清淨, 言。 執 。乃我世尊 雖 忙 , 生下品 契佛 忙 取相 之處 然則 碌 0 諸君 破執 , _ 之 碌 又當 本 , ,先在破執 猶勝 金 非 如 步一步,逆流 不可自誤!若能兼修三學 願 ,不在果上做。故了生死,須從未來上 如其不能 如何 公事 口 何著手, 0 所 天 但 宮 著 能 宣 , 手 即 0 0 。此是下手功 ,祇有廣造善業, 迨居淨土 Ċ 歷來用此法 須修道諦 0 私 諸 不 事 而 亂 君 0 進。然 諸君! 戒 , 即 , 即 。道不 親 不能 而末 可 了生死 夫 帶業 惟 聞 生品 ·出戒 之劍 說 有念佛 全持 對治 如 世 者 凡 法 往 能 更高 生 也 夫 定慧三 ! 惡業 執 , 法 定 則 斑 而 , 然 業 便 又 自 斑 不

庚三明妄盡還覺

辛一以智除妄

彼生死 善男子?如來因地修 0 非作故無 , 本 員 性 覺 無故 者 知是空華 0 , 即 無輪 轉 , 亦無身心受

惑盡 彼生 能 知 以其無始覺智也。 小 法 者 知身心 根劣器矣 死 , , 講 其必作之使無 便是斷無明之利斧也。 以有念故 0 此真圓頓教中的大榜樣也 無明之妄 如 0 來因地 知字急須著眼 0 今既知是空華 無 如來因地初發心時 , 皆如空華 , 0 指 今頓教則不然也。若能悟矣 佛初發心時 無 0 所謂. 根本既斷 0 但以眾生不 , 則當 0 知之一 試看漸教鈍根 也。 ,即有此知 下離 , 字, 枝葉自然不生 初發心時 念 知 眾妙之門 0 , 故曰 妄受輪 , 知即 , , , 即 便知妄無自性 必須研真斷惑 即 無輪 轉 智也。始覺真智 便修於圓 0 0 故 凡 0 夫所以不 日 轉 然眾生所 亦無身心受 0 . 覺 只 此 , 真窮 離念 以 知 知非

重在 大 員 故 經 日 正 覺將 ? 言 同 , 依 iŁ 阿 0 然輪 觀 知 如 難 如來即由此 記】妄盡還覺,是如 字 常求 無量 名 何 轉 為 修 生 ? 一劫前 無 此 多 聞 死 塵 知 即 因地 是 智 , 圓 佛 並未成佛者 即 如 成佛 寂 照 來常求 與 如 清淨覺 來因地 而 阿 來因 常照 難 ,我輩 精 , 修圓 之 相 地 進 同時聽 無他 知 故 之 亦可由此因地成佛 0 覺時 員 , 如 照 法。及至如來成 即 來當未成佛以前 修不修之異耳 是故 二字 是真智 了 我輩 得身心世界 0 修 , 亦 圓 今日 即 照 , , 妙 佛 此 功 , 修圓覺不修 ,亦是苦惱眾生 觀察 理 夫 切 , , 皆是 易 不 阿 , 智 難 知 可 如 聽 無 , 何 猶 0 明 亦 方 為 然我輩直 而 圓覺之 之 即 能 侍 不 者 所 如 得 變 與我輩 力 如 異 至今 現 智 何 耳 即 則 以

即

真

0

故

曰非作故

,

本性

故

大 大 方

廣

員

覺

修多羅

了義經

講

義

附

親聞

記

試 豈 知 念 內 全 念看 之 觀 復 在 而 知 即 必 尚 身 用 字 須 有 此 離 , 保 真 漸 , 輪 得 離 智 即 漸 轉 外 無字 之 斷惑 無窮受用 而 0 , 我 即覺 尚 世 輩 有身心 界 , , 今 漸漸 何等直 故 H 也 知 學佛 受彼 是 日 證 非 捷 真 空 作 生死 一華無 , ! 此 0 如 故無 此 能 中作用甚多, 實 耶?非 乃圓頓大教 用 0 , 何 此真智,時時 即 以 同 木 能不 藏 起 執著 , ` 作而 難 謂之分斷 通 可遭逢 ` 0 觀照,當下 無 别 當 、三教 下 以 無明 ,急宜著眼 離 真 念 如 之人 0 , 即 性中 若修 我 了 , 法 生 圓 不 死 本來 能 執 諸君試 照 0 當 功夫 無 即 何 則 下 空 故 離 ? 離 0

辛二泯智合覺

彼 知覺者 , 猶如虛空 0 知虛空者 , 即空華相 。亦不可説無知覺性 0

有無俱遣,是則名為淨覺隨順。

矣 有 原 智由離念而顯 無 ?故曰是則名為淨覺隨順 非 無二如 0 故 無 知 講 0 故曰 故 即 0 彼 若 空華 \Box 不可 有 ` 更起念欲知 ,當體即真 指 柏 無俱遣 物詞 說言無知覺 0 古德所謂 也。 0 既 同 0 故曰 知覺 0 然俱遣 虚空之真智者 謂淨圓覺心,可以隨順證入矣 性 靈光獨 猶如虛 , 0 即 百 , 則 能 虚 耀 不 空 空 知空華之知覺 , 可說 迥 0 , , 虚空 非 脱 即是於虛空中 有 有 根 , 也 塵 , 喻真 又不 0 0 靈光 光同 0 可說 理也 仍指真智而言 耀 淨鏡 , 無 又復生出 0 , 非無 如智如 , , 不 如 彻 百 何稱 鏡 空華 理 0 此 非 ,

是妄 合真 此 之 即 極 不 不 此 除 智 是放 做去,本不為難 玄 過 知 0 可 觀 , 覺 放 妙 悟點 念 智 說 如 境 下一 也 如如 下 知 , 0 0 記 0 宜 空華 真 身 必 此 _ 細 上 切 智 切 真 須 謂 理 N) 研究, 理 Ż 是 並 , 有 不 科 0 /空華 空 此 無 知 破 許 , 必 非 0 覺 空洞 須 種淨覺境界, 如 說 真 境 所難者,即念頭放不下耳, 亦不得著文字相 勤 矣 如 切 有 , 智 , 此 洞 理 用 俱 亦是空華 0 , , 然彼 遣 不許 功 仍 科 , 0 歷歷 真智 关 是 又 , 破 無 說 知 情 , 並 時 一明明 知 Ż 是 無 智。 , 識 非 時 相 空 如 而 0 0 ,即是有無俱遣。總之,本科皆表離 一華之 證不 特下 參 蓋 真智無 0 知 如 0 證 說 如其起 智 _ 到 知覺 切 手 , 知 有 0 是為淨覺隨 原 而 即 皆無實體 時 須乎泯 , 心 但 無 無 執 , , 切要切要!大智慧光,皆從此 動念 怕 兩 知 有 亦 不 站 樣 能 0 , , 如 虚 然博地 不住 說 , 方為淨 0 不 , 即 要在 然 空 借 順 無 則 0 即 之 以 行念佛 能 華 隨 覺 知 為 執 凡夫, 宜每早或 覺之 隨 順 無 用 0 0 順 者 我 更 耳 0 打 用 輩 性 耳 進 凡 , 0 斷妄 晚 隨 看 有 即 故 功 步 無 此 順 經 所 須 之 , 念之 想 段 真 執 耶 逐 時 依 聽 , ? 層 此 理 即 文 講 出 0 相 , 行 字 以 遣 亦 即 知 如

何 以 故 ?虚空性故 0 常 不動 故 0 如 來藏 中 , 無起 滅滅 故 0 無 知 見 故 0

辛三徴釋還

如法界性,究竟圓滿,徧十方故。

釋成 講 先釋淨字 首句 , , 謂 即指清 何 以 有無俱遣 淨真如 , 虚 , 名為 空句 淨覺隨順 , 即 起信真如中之空義 耶 ? 此 徴 起 也 0 0 非有 以 Ť 無

大方

廣

圓覺修多羅

了義經講

義附

| 親聞

記

全事全理 即理隨事峑也。究竟句。既知理隨事峑。 法界性如字,作稱字看 次釋覺字 雖有知見 隨緣起滅 如來句,指真如用 重重無盡 異等相,以離虛妄心念故。常不句,指真如體。其體不變 ,故云圓滿 , , 憑何為依,故無知見。既起滅無從,知見不立,則脫然清淨矣 故曰峑十方故。此釋淨覺隨順義也。 法界,指事法界言 而本體凝然 。體雖不變,用有隨緣。所謂隨染淨緣,起十界事 0 此即事得理融也。 。言知淨覺已,仍復諦觀此理,稱法界而為性 ,故無起滅 。謂一 0 既無起滅 事法,各有界分,不相紊故 仍須審諦進觀。久之不見有事 既得事理融通 ,惟是真體 , 自能互峑互攝 ,則根塵迥脫 ,故無能 。言如 , 此 。雖 動 , 0

己二為酬次請

【記】自此以下,細看講義可知。

是則名為因地法行 0 菩薩因此於大乘中 ,發清淨心 0 末世眾生 ,

依此修行,不墮邪見。

即宜因此發心。發心求佛 前所發三心是也。末世眾生,若能依此發心修行,自然得正住持 講】首句 ,結前因地法行也,以下正示 , 自應不慕 小道 ,故云於大乘中 0 謂 如 來既 依之成 , 發菩提心 佛 而不墮 菩薩 即

邪見。長行竟

戊二偈頌

爾時世尊,欲重宣此義,而説偈言

追其已失而頌故。三廣頌。長文略而頌廣故。四略頌。長文既詳,頌可略 開之復有六種。一超頌。長文在後,頌在前故。二追頌。以前之長文未頌 義,施他誦持故。如槃特迦所持者是也。今於四中,屬應頌攝。此一種中 與長文相應故。又稱重頌。為鈍根人重說故。四集施頌。謂集少言以攝多 即為一偈。二諷頌,但以偈說法,非頌長行。我祖名為孤起頌。三應頌。 ,義與長行一故 。五補頌。長文未周,頌中補出,文不類而義同故。六義頌。文與長行 講 凡偈頌有四種不同:一通頌。不論長行偈頌,但數滿三十二字,

己二正頌

庚一頌酬初請

辛一頌正因有力

文殊汝當知。一切諸如來,從於本因地,皆以智慧覺 0

【大方廣圓覺修多羅了義經講義附親聞記】

言而攝多義,不可忽也。中二句,文同長行。智慧,即指清淨覺相。覺字, 【講】此經俱略頌也。長行猶恐未周,今復說偈,故告以當知

即能斷無明,成佛道。此義攝也。

辛二頌執妄成輪

壬一頌執所成輪

了達於無明,知彼如空華,即能免流轉。

自然不起我法二執,又無造業招報等事,故能免流轉也。 觀稱為無塵智 輪轉。空華,兼攝二月。彼字,指現前身心言。知字,即始覺智。大乘止 【講】了,謂根本能生枝末。達,謂枝末即有身心。執我執法,妄有 。謂設能知彼四大假合之身,六塵緣影之心, 如空華二月

壬二頌執能成輪

又如夢中人,醒時不可得

即覺,覓之了不可得 【講】意謂起念成迷,似有無明 『於無生中 , 妄見生滅,故說輪轉生死』 如醒時不得也。 0 觀此足知滅本無滅 故如夢中之人 0 誠可憫也 ,夢時非無 , 生亦無生 若離念 。 故

辛三頌妄盡還覺

覺者如虛空 , 平等不動轉 。覺徧十方界,即得成佛道 0 眾幻滅無

處,成道亦無得。本性圓滿故。

理融 也。 真也 非滅真 真則不成佛道 妄固無妄 不轉 義言成佛。幸勿以有成為疑而難問也。 其意謂諦觀淨覺,理隨事峑,故曰覺峑。覺既峑已,仍進觀之,事得 講 。佛道本成,又非得真。須知本性圓滿,因執妄而成輪。妄盡真圓 互峑互攝 真體不變,三世不遷,長行所稱淨覺者此也。次二句,頌不真何待 故如虚空。 ,真亦無真 首二句 。今而云成佛者何也?故說後三句防之。意謂眾幻元無 ,故得至十方界, 平等者,既知真妄同空 頌諸妄淨盡也 0 如是則無妄可滅 所以即成佛道也 0 覺字, , 無真可顯 ,則有無生滅 長行云彼知覺者 0 0 或謂上云真妄同空 無妄便不墮眾生 , 皆平等也 0 所謂了妄即 不動 , 並 無

庚二頌酬次請

菩薩於此中 能發菩提心。末世諸眾生 , 修此免邪見

開佛知見 講 0 如文可知 即所謂明心見性,立地成佛,悟後正好修行也。以上大科序分 。釋發起序竟。文雖發起, 義涉正宗。 實為最上乘人,

年二正宗分

乙一為上根人示真修

真修也。真修有二:一頓,二漸 五:初為上根人示真修。以首章真性澈顯 講】正宗分乃出本經之正義 ,明當教之宗源也。文有十章。 ,上根人已得領悟 ,故首科便示 大科分

丙一示頓修

丁一普賢啟請——普賢章

眾生 跪叉手而白佛言 於是普賢菩薩 ,修大乘者 ,在大眾中, 0 :大悲世尊 聞此圓覺清淨境界 即從座起。頂禮佛足 ,願為 此會諸菩薩眾 。云何修行 0 ;及為末世一 ,右繞三匝 切

若 轉 何修行 圓照清淨覺相。足見前章是顯性,故圭峰判入正宗。此章是示修 無如是人 ,亦無身心受彼生死 講】從首句至云何修行,是具儀總請 。足證性修二門 , 又 且 如何 1?想必不假修行 ,俱不得偏廢也 0 是約最上根人 , , 0 定難了脫 意謂佛前所說知是空華 一念頓悟 。此中圓覺清淨境界 0 , 當下即 若必修行 了者可 , 宜云何能 , , , 即前 即 故請云 然 無輪 0

修也?故總問云何修行

意業 是上 最 救 行 謂 普 承 不 謂 部 不 起 底 而 十惡 之三 賢是 過開 之 離 東 經 當 顯 F 以 中 此 方 性 普賢 , 同 也 , , 故 法 最 故 體 Ξ 而 輪 大 只 其眼 下三 判 門 λ 必 有 稱 大 長 。 在 定 行 須 為 行 上 以 , 大 悲 故今普賢為 十善 西 悟 界 根 法 圭 跪 下十 漸 發 乃 , 悲 眾 修二字。 修 峰 也 叉 方 所 次 起 門 徹 , 生謂 行 修 自前 手 起 謂 章 序 底 如 , , 現 為 見 法 佛 正法千年 而 事 行 顯 為 0 0 鏡 門 是 修 章 白 世 以 性 會菩薩 之三業 且 正 , 大眾啟 間 表 在定 佛 文字不多, 中 故 方克 徹 之 宗 於是 0 業 全理 言 之 底 談 頂 0 分 , 禮 相 證 顯 中 者 文 0 亦令學 , , 0 請 , 像法千年,已成過去 不 道 說 殊 變易生死未 禮 即 佛 口 , 性 亦 , 業 拜 事 足 並 即 各 師 日 之 , 0 亦不離 觀 根 談 當 也 乃 非 人 法 有 , , 故 利 想看 全事 全部 侶是 而 真 , 斷 0 乃 經 用 , 以 即 至 日 意 頭 知 自普賢 吾 之 下 此三業。 業 了 大 在定 宗 此 即 悟 人 經參禪 而 不 , 0 威 者 藏 若 修 。眾生 理 若 要 同 即 白 儀 中 佛 之 不 以 能 判 不 , , , 0 可 等等 以此 事 指 言 精 下 直 聽 故 蓋 為 ,便是修 頂禮佛足,身業也。 0 ,分段 理 南 + 0 勤 偏 下 , 判 圭 正 三根 並 是 修 章 若 為 峰 宗分 如今之世,正當末 0 廢 徹 , 為 無 文殊 不 證 非 0 , 悟 正 因 生死未了。 出 , 能 分 徒 宗 , 起 為 文 佛 , 0 , 是 世間 殊 山 便是三業 别 於 永 悟 告 正 何 分 造 大 無 不足 宗 勞修 法 定 僧 文 0 0 業 身 種 身 , 智 受 分 山 殊 則 種 用 以 判為 現 證 0 口 , 大 僧 0 , 非 清 意三 無 業 諸 所 也 證 以 ? 士 則 右繞 皆 大 論 也 威 道 法萬年 淨 謂 此 但 念 無 發 , , 悲不 0 , 儀 員 恐 似 修 起 何 + 何 0 三匝 理 0 覺 且 能 在 觀 章 未 大 如 , 此 無 序 悲 佛 悟 之 不 所 能 徹 0

大

方

分

故

日

末

世

0

非凡夫初

Ü

,非二乘初

心,乃初發菩提心之人

,故

日修大乘者

覺相 覺體圓 此方 動 短 之 聞 方圓 弘 者 ,變現成 . 法 此 , , 是無 諸 從 滿 員 。是故 也 色 四 境界清淨, 識 紅相之 依 。墮於名 初 諸 , 弘法之 相 居士 所 與 謂 眼 , 人而 現業流 合,尚未分別,乃眼識之現量境迨知此 即是真境。真境,是無境之境,即是性 言,已落到意識 欲 然為無明蓋覆 弘 聞 大教 識。 也。 ,當發大悲。圓覺清淨境界, 不修 比 丘, 上,了了 ,所以要修。 居士 則習氣難除也 ,皆包在內。 分別 八 , 識 便非 田 自 真 中 利而 青也,此黃也 境 也。譬如青黃赤白長 即是圓 無明業相 0 修 不利 大乘 照 他,不 清 者 ,時時流 淨 覺 雖 乃至 能 聞 謂

若諸眾生 諸幻性 世尊!若彼眾生 ,本不修行 切盡 滅 , 知 。於生死中,常居幻化。曾不了知如幻境界 如幻者 則無有心 , 身心亦幻 , 誰為修行?云何復説修行 。云何以幻還修於 如 幻 ?若 幻 ?

令妄想心,云何解脱?

皆如空華 也 之無明耶?譬如以水洗水 不實也 二謂縱若無明幻性,一 講 既皆如幻 此持難別問 即 분 知 不實 如 幻 者 也。 , 又如 , 0 水益增多 問意有三:一謂若彼眾生 切盡滅 如是則四大假合之身,六塵緣影之心 何以如幻不實之身心 ,則亦無有身心,以身心從無明有故 。豈非反資無明 , , 而還修治於如幻 ,有何益哉 知一 切無明身心 !此一問 皆如幻 不實

則墮 眾生 漢 脫 無由 幻 無益 無明既無,則身心亦無。既無身心 ?心尚不能 [頓悟 即 誰為大覺人耶?此三問也。三執既陳,二修必要 地獄鬼畜 一一合無功 , 知 常在生死 必要歷事造修 不實 ,曾不了知如幻境界。不歷事修,無明宛爾 0 ,何況於身?但益繫縛,終無解脫之期 ,本來不用修行 。徒勞努力,修奚補乎?此二 惑業不絕,果報常淪,塵沙劫波,莫之能返。謂不 , 而起惑造業 , 淨治如幻之無明 , 0 業必招報 謂理觀事修,均可不用 , 設有頓悟 ,以成正果耶?譬如 。乘善業則升天上人間 問也。三謂若諸 , 教誰修行 0 0 ,令妄想心 鉤深索隱 也。 如是則舉世皆成夢 。云何如來尋常 果爾 眾生 以空合空 ,云何解 , 假理觀 聞說如 則 無以加 隨 悪業 切

幻 既 然 幻 華 則 。今以 郭 無 幻 ?習氣 所 之眾生 明 修之 記】上章, 如幻 非 無 亦 即 增長 之觀,如幻之熏而修。仍不離四大假合之身,仍 無身 空華 明 知 如 , 無明 幻 知是空華, Ċ 幻 耶?修亦空華 , 也 。 者 故 耶?故曰云何以幻還修於幻。此 , 能修之身 日盡減則無有心 如幻字 即無輪轉。夫身心世界, 耶?最易誤 , 指無明 Ċ , 亦 幻也 0 。身心 無明盡滅,空也。無有 會, 0 因 如 所 無 以淨水洗濁水 以 明 普賢特 初請之意也。幻 既皆空華。 而 有 特 , 須用六 無 啟 明既 請 然 濁 心,亦空也 塵緣影之 則 水 眾 幻 作惡 愈增 生 即 身 亦 心 。 Ü 即 亦 聞 空 以

0

非普賢孰能與於此也

大 大 方

廣圓覺修多羅了義經講

義附

親聞

記

非用 造業 意也 修之勤 尤須現量見 目 皆是一 何則?聽 修。本會及末世眾生,未必皆上根人。得意者,固是醍醐。不得意者, 不 -可矣 心為 而若諸眾生,本不修行,則必常居生死幻化之中。曾不了知境界如幻 皆空 琢 ,因 性 久 圍 一切法之體耳。但能了此,並非真悟。必須或即理觀而修,或即事相 磨功夫 法 此三請之意也。 業招苦 極 ,一時觸著關挨, 誰為修 大 方為真悟 之時 幻 ,不是 故 修 , 無明不斷,永流生死。細觀普賢請詞,可知悟修並重 , 雖 ,輪轉無窮。令妄想心,云何解脫耶?然則欲出生死 行。 比量見 增長無明。以空合空,修又無補。是修行二字, 切 知一 。若但云,悟得本來清淨,尚非本來面 然而 即 請雖三番,其意重在修上。蓋普賢因文殊章 切空華,迨遇境緣,不知不覺,被境所轉 。且就令悟到如此境界,然多生習氣 一,一即一切,豈僅清淨二字,足 大徹大悟。了得世界眾生,皆我本來面 復說修行如幻,豈非以空合空,修亦徒勞。此二請之 目。 以當之。不但 , 何以 尚難永除 目 可 ,不能 故?本來面 。夫悟者 ,仍非修行 即是毒藥 ,談性未言 種 以 , 而 種 不言矣 轉境 。修之 而 之 因 性

願為末世一切眾生,作何方便,漸次修習。令諸眾生,永離諸 幻

一字,顧不重哉

!

知所明,故以作何問之。漸次修者,意謂先以理觀, 現會有疑是權 講】此結請方便也。前總請 末世誤修堪悲故。 方便者 ,通於現未。 ,以理事二修皆為方便。二者不 此結請 次依事修。 偏為未來,良以 由理觀故

脫 念頓悟 。永離 諸 ,當下了知如幻境界。由事修故 幻 ,端在是矣。足見是過來人也。 ,漸次琢磨 為憐末世眾生,故推 ,令妄想心 , 不知 歷位解 而

備悉問之

其 方 憐 故結請漸 故 便耳 憫 ?無眾生, 必 故 不可無修則一。 0 0 記】最 非 次修習之方 故 結 同本會菩薩 無佛可 請 上 ,單提末世眾生 根 人 成故 便 之修 且 理 0 , 常得聞法故 0 觀而修之後,仍須不廢事相 觀願為句 ,是理觀 理觀事相,皆是方便。然不知先理 而修。 , 。須知三請,非普賢有此執情 可知普賢意在為此末世 非 同中下根 對治 , 所謂與眾生結 而 修 ,因末世眾生 觀乎, 0 無 抑 ,特為末世作 論 先 緣 理 事 也 觀 相 對 甚可 乎? 何 治 以

作是語已 , 五 體投地 0 如是三請 終而復始 0

講」如上例知

丁二師資緣合

諸 薩 爾 幻 時世尊告普賢菩薩言: , 及末世眾生 。汝今諦聽 ,當為汝説 ,修習菩薩如幻三昧,方便漸次令諸眾生 善哉善哉!善男子?汝等乃能為諸菩 。時普賢菩薩奉教歡喜 ,及諸大眾 , 得離

【大方廣圓覺修多羅了義經講義附親聞記

默然而聽

0

句如上 便 道,亦如幻也。如是則在在皆為解脫之場。無處不是安樂之地。終日度生, 識得如幻 道,垂手入廛,凡歷一切境界,無論逆順,皆以如幻二字印之。遇順境也, 菩薩如幻三昧,宜如何習,始得身心自在,幻境永離耶?良以菩薩和光六 賢能之,故又以乃能而美之。修習句上,應加問於如來四字,其文方足。 不見度相 有也如幻 即 講】當場一問 以此之三昧,令眾生而得離諸幻也。汝今二句,誡許 。利衰毀譽,稱譏苦樂,皆如幻也。乃至生死,涅槃,二邊,中 則不生喜心。逢逆境也,識得如幻,則不起瞋心。空也如幻 如斯修習,乃名如幻三昧。初學菩薩,宜漸次而修習, ,現未俱益 ,故重言善哉以讚之。非他人所能 。時普賢下二 故曰方 ,惟普

眛 境轉, 證 ,方能 大果,弘大教 。菩薩了得生死如幻 切 而 度眾生。此三昧之大用也。僧愛不起,即枝末無明不生 自不造業 記】菩薩者,自利利他之人也。即是修大乘者。發大願,悟大理,修大行, 如如 上與 幻 阿 自 彌 ,方 0 陀佛 不見其 切境界不受,乃是正受,然 謂之大 ,故入生死海,不受生死苦。了得涅槃 本願相 順 逆 0 應 即我輩專修淨土, , 而 。至要至要!三昧,此 起歡喜之爱心, 亦必先發大心 必 煩惱 由修習如幻得來 之憎 日正受 。 ご 如 ,得離諸 , ,是為普度眾生而 幻 憎愛不生 亦日正定 , 故 故 能 幻 日 如 ,不為 ·住涅 無明 幻三 了

乃法身上之大 為 刻 永 清 不 斷 志 淨 0 根本 , 0 即 不 ·無 不 但 病 明既 清 身 淨 , ら い 不 世 斷 故 界 可 , 0 不 如 枝末無明亦除。吾人 如 知 不 幻 0 了 , 諦 此 即 聽 遇 , 最 ,是審諦 圓 為誤 覺境 事 界 而 用功, 0 , 聽 倘 亦 墮 當 0 宜將 即 λ 以 聞 清 如 淨 幻 如 而 思, 無為 <u>:</u> 幻二字, 字印 即思而修 坑 中 之 念茲 , 0 佛 何 在茲 ,三慧同 亦 則 難 ? 救 自 , 以 0

丁三酬請開示

而

起

,

方

為

諦

聽

己一酬總請

空而有 善男子? 0 幻 切眾 華雖 滅 生種種幻化 , 空性不壞 , 皆生如來圓覺妙心 0 0 猶 如 空華 , 從

生於 生 若 喻圓覺妙心 為圓覺 而 爾 滅 無不全體具足也。今云如來者 如來妙心者,足見眾生是佛心內之眾生也。空華,喻種種幻化。 講 直須以理觀力 滅 ,是也。言一切眾生種種幻化 節 圓覺妙心 無滅 0 從空而有 0 故 $\dot{\Box}$, , 具含世出世 幻華 悟得緣起無性 , 喻妙心隨緣而起也。 雖 滅 , 間 空性不壞 ,即前章云無上法王 , ,即前所謂身心無明等皆是也 一切諸法 覺體常圓 所謂芸芸是彼 隨緣而起 。不獨如來有之, 0 此先以理觀修行 ,有大陀羅 , 起即 我 無起 而 無預 尼 。言皆 虚空, 酬 隨緣 門名 切眾 焉 0

大 大 方

廣圓

覺修多羅了義經講

義附

親

聞

--

請意也

哉?華雖從空而 覺 果德,亦眾生所本具。但眾生為煩惱所障,不得現前 種 幻 化,總不出內外身心 即文殊章 【記】上而菩薩 無上法王之大陀羅尼也。修者修此 有,空本未當生。 ,二乘,下而 ,依正二報 故幻華雖滅 凡夫以至畜生,皆是眾 ,而實生於妙心 , 空性亦不壞 , 所謂 之中。 ,故特標如來二字。如 如來 · 生 滅 圓 故 性 覺妙 日 豈是 Ü 切 用 為 如 眾 來圓 來 生種 之

己二酬別問

眾生幻心,還依幻滅。諸幻盡滅,覺心不動

妄之身心,歷事進修而得滅故 末無明,是世間眾生之妄想心故。還依幻滅者,謂眾生無明幻心,還依幻 幻心,還依幻滅。幻心即是無明。以根本無明,是出世眾生之妄想心 知如幻者,身心亦幻,云何以幻還修於幻。今此釋第一疑也。佛意謂眾生 【講】前普賢別問中,起三執疑,故發三問。其第一問云:若彼眾生 。 枝

事進修,方了生死 修行 乃滅 【記】眾生無明幻化之心 , 先 須悟此覺心 知所滅者 。仍須用此六塵緣影之心,修習理觀 特 幻 而後進修 Ü 耳。覺心本來不 ,如何得滅?下手時,仍須即此四大假合之身 , 方可得不生滅 動 , 果 何 0 以 若誤認生滅幻 故?本無 ,方得 解脫 生滅 , 而 Ü 故 為覺 後 是 無 故 Ü 明 , 吾 幻

0

即得生滅果。切宜認清。

依 幻 覺 , 亦 名為 幻 0 若 説有 覺 , 猶未離幻 0 説 無覺者 , 亦 復 如

是。是故幻滅,名為不動。

眾生 修行 為 是對待法 可說為 幻 如幻三昧之行也。 如幻 , 0 建水月道場 無覺 何 也 故 耶?今佛釋云: 此釋第二疑也。其二 亦名為幻耶?以若說: 0 , 以說 以是義故 , 無覺者 作空華佛 , 幻 諸幻盡 , 猶 滅 事 名為不動 名為幻 問云:若諸幻性 , 有覺 滅 降鏡裡魔軍 , 覺心 , , 猶未 故云亦復 0 由 不動。 離 不 ·動故 幻 , 證夢中 然此猶是依幻說 如是 ,一切盡滅 , 以是對待 , 方能 0 -佛果 蓋以 和光六道 法 無之與有 ,是名菩薩深 ,至云何 故 覺 0 , , 教化 亦名 復 亦 , 說

名為 之 滅 故 細 亦名為 一念脫 ら い 亦 分 幻 也 復 也 别 0 記】覺心之覺 落 幻 我輩 若 幻 自 , 以 說 方是不 凡 以 為覺 有覺 其因 夫 不 可 , ·生滅 塵 離 以 , , , 知 猶 猶 依 一而 乃 有也 未 絕待 未 他 知 0 離 離 若 性 , 不 稍 之覺 幻 幻 0 , 可 带 所 固 , 是 有參究 以 以 然 說 , 無覺者 書中 並非 識 無 則 無 識 ジ 覺耶 之 對 可 心 , 談 到 , 念 性 幻 亦 二字 了 ? 說 , , 連 不 復 尚 須 覺 自 是 如是 知 , 知 0 幻 若 己也不知 既 言 依 說 , N) 他 ら い 依 無 此 即 而 幻 0 覺 四 故 是 必 說 的 兼 覺 白 員 日 時 尚 更 成 性 , , 非真 候 者 有 細 依 0 無 幻 然 表其 蓋 覺 方是 覺 說 必 謂 覺 待 也 之 不生 稍 參 非 0 有 生 亦

大方

廣

覺

修多羅

了義經

講

義

附

親

聞

記

文微 滅 。所謂淨躶 細 矣!下文 躶, 赤灑 則 尤 灑地 細 ,一念不生,寸絲不掛,是名幻滅,是名不動 。此段

善男子! 切菩薩 , 及末世眾生, 應當遠離一切幻化虛妄境界 0

離遠離幻 ,亦復遠離 0 , 即除諸幻

設存此重離, 離為幻者,謂上已知心如幻 遠離之心 意顯幻化虛妄境界,務須修行而遠離之。幻妄境界,賅法甚富,故云一切 生聞說如幻,即知不實,何必修行,故前言本不修行。今佛云應當遠離者 離 是淨眼中翳,亦如幻者,故應亦復遠離,此遣第一重能離之心也。次言遠 時不防也。然此且約以心遣幻,果其幻滅,此心亦無所用。設存此心,猶 如前所言 由堅執持遠離心故。心如幻者,亦復遠離。遠離為幻 云何解脱?今佛釋云:當今現前一切菩薩,及末世中發清淨心人。應當遠 一切幻化虚妄境界,總顯決定要修,非修不可也。蓋普賢意,恐末世眾 ,不得放鬆 , 此釋第三疑也。其三問云:若諸眾生,本不修行,至令妄想心, 聖凡依正,身心無明,皆是也。但以遠離非易,要在堅固執持 則麤翳雖離, 二 點 ,或理觀頓除,或事修漸遣 得無所離 細翳猶在, ,重起遠離。若果心既不有,則重離亦無所用 仍為如幻,故應亦復遠離。 ,念茲在茲 ,亦復遠離 ,不可暫 此遣第

四段 之亡空。至得無所離,即彼空覺極圓,寂滅現前也。 可遣 之令化 如彼之亡根。三是以離遣離,如彼之亡覺。四是以極遠離遣離遠離 故應亦復遠離。此遣第三重離遠離之離也。得無所離者,無可離故 |重離心之離也。此下又言離遠離幻者 ,以後後離於前前。一是以心遣境,如觀音之亡動靜。二是以離遣心, 如淨目之真精,故云即除諸幻。首章所謂圓照清淨覺相是也 。若遠離巳化 ,則上之所謂離遠離者 ,謂上以遠離為幻,復起遠離以遣 , 如淨目之虛光 ,亦名為 , 如彼 。至無 幻 ,

離 皆 中 以 極其暢 妄境界之心,志要固,行要永,務必堅持到底,方有效力。以下數句,逐層入 念何 去遠 故? 福上 觀音菩薩 比量非量等境皆是 功 以 離 用 Ċ 快之時 記】此段承上文而來,幻化虚妄境界,謂之一切者,由外 功 為 時 應 如 雖 離 幻 之病 所說聞思修門 幻 ?以 故 之離字 , 以 。未用此功者,並不知有此 極 。不但此也,即此遠離之一念,亦復是幻,亦應遠離。更進 其墮於無記故 為甚妙。不知尚是妄想,尚應遠離,謂遠離用功之 微 , 。應當遠離四字,及堅執持三字,是用功方法。 細 亦是 之念, , 幻念, 理無有二。 皆當遠離 0 亦應遠離。就令無念, 無記者,善惡皆無記別 特彼從耳根入, 0 離 種種病也。蓋禪人 至 無 可離 時 此從意根入 , ,即所謂糊 亦復是幻, 方 除 用 諸 功 境以 幻 ,至空空 耳 塗 至自 。看講 亦應遠 言此遠離幻 此 一念也。 與 Ü 也 楞嚴 己 洞 一步, 離 幻 細 洞 N) 何

大方

廣

明 境 0 所 玥 瞞 在 . 爾 0 我 此 大 , 外 乘 · 境 經 尚 所 以 未 為 能 大 離 善善 , 知 何 論 識 後 也 Ξ 0 層 末 世修行用 0 然 必 預先 功 研 , 究 須 時 ,將來用 時 以 大 經 功 印 , 證 方 不至

譬如鑽 火 0 兩 木相 因 。火出木盡 , 灰飛煙滅。 以幻修幻 ,亦復如

是。諸幻雖盡,不入斷滅。

不致為惡

知

識

所誤

0

切

記

切

記

!

全體 除諸 未盡 境界 統賅前之 之。火出木盡 喻離遣心,遠離遣離 喻 如彼觀音生滅既滅 顯 幻 現前也 , 講 尚有微煙。今既灰已飛盡 故 如 0 四 所謂遣 無明生身心, 曰譬如鑽 此喻上遣之又遣,至無可遣,可謂諸幻盡處,即是淨圓覺心也。 重 ,喻心遣境。木盡成炭,炭熱灰飛。 , 謂以後後幻 無可遣 火 ,寂滅現前 , , 極遠離遣離遠離也。煙滅者,謂上以灰覆, 身心復起無明 兩木相因 , 永無有幻 , 修前前幻 ,即可超越 0 ,炭已熱盡 也 以木能生火, 0 , 後四 也 循環往復 ,十方圓明矣 0 句 幻盡不滅者 ,煙已滅盡 , 故必相因方生 以法結合 , 然炭不頓熱, 無有窮已 。遣意難明 , , 顯出 喻得無所離 0 以幻 , 故以! 淨圓覺心 灰必漸 修 喻如 是炭熱 幻 相 ,復借 句 虚幻 因喻 , 飛 即

記】以法合喻, 如 文易知。 須知諸幻雖盡,覺心本來不動,何致 入於斷滅

已三酬結請

及末世眾生 善男子!知幻即離 。依此修行 ,不作方便。離幻即覺,亦無漸次。一 。如是乃能永離諸幻 切菩薩

為哉?故云亦無漸次。然雖如是。 幻也 乘悟併銷 更作方便以離幻也。 無漸次。釋意謂既知是幻 【講】佛意謂 既離於幻 ,是也。若更重起事修 ,圓覺妙心,昭昭不昧,故云離幻即覺 :若如我所說 離幻即覺者,謂既已知幻即離 ,但自不著 , , 乃能永離諸幻 猶是理觀,未涉事修 則知幻即離 ,不著即離 ,不作方便 ,所謂事必漸除 ,故云知幻 , 則離無所離 0 , 所謂 又何勞漸次修證 即 離 幻即 理雖頓 離 , , 大 以離於 則 覺 悟 不須 , 亦

教 明 法門 了 , 記】此章所說之修,為上根人說。重在理觀,乃頓教之修也。頓者 知 即 亦 不 能 能 離 不賴修功 離 即 全 0 離 況中下根 , 故 不落於 人 階 ,多生習氣 次 0 然 知 是 ,若無事修 悟 , 離 是 ,安能永離乎? 修 , 隨 修 隨 證 , 智慧

是也。

戊二偈頌

己一標頌

【大方廣圓覺修多羅了義經講義附親聞

記

9

爾時世尊欲重宣此義,而説偈言。

講】準前可知。

己二正頌

庚一頌總請

Ù 普賢汝當知 猶如虛空華, 0 切諸眾生,無始幻無明。皆從諸如來, 依空而有相 。空華若復滅 , 虚空本不動 圓覺心建

者,菩薩也。具足圓覺, 如裴相云: 以眾生迷之,名為理證 講 覺心,即淨圓覺心。此心均賦同稟,凡聖一 『終日圓覺 ,而未嘗圓覺者,凡夫也。欲證圓覺,而未極圓覺 , 諸佛悟之,能究竟證,覺體雖同,而迷悟天淵 而住持圓覺者,如來也』 。餘如長行可知 如。而今言如來者 0

生 幻從諸覺生 , 常應遠離幻 , 幻滅覺圓滿。覺心不動故。若彼諸菩薩 0 諸幻悉皆離 ,如木中生火。木盡火還滅 ,及末世眾

庚二頌別問

能障覺,設欲顯覺,要必以現前身心進修事行,除滅能生無明,文云還依 是生妄之心,文云眾生幻心,是也。身心是所生之妄,既皆從覺而生,即 講】初三句合頌,釋前二疑 0 幻字,指二種無明 ,及與身心 無明

即賅由堅二句 也。常應遠離幻者,長文云:應當遠離一切幻化至遠離心故。今幻之一字, 所,故曰覺不動。由不動故,所以能入廛垂手,教化眾生。此略頌第二釋 幻止也。如木二句,喻頌可知。結合不頌 即賅文中一切幻化虚妄境界。應遠離三字,即長文應當遠離 果其幻滅,仍復絕諸對待,則覺性圓滿。動、猶去也。覺既圓滿,去向何 幻滅,是也。今以偈不足,且約文義補之。頌釋第一疑也。幻滅覺圓滿者 。此頌遣第一重也。諸幻悉皆離一句 ,頌遣至第四盡得除諸 。常之一字,

庚三頌結請

覺則無漸次,方便亦如是。

離 不作方便。此單頌理悟,不頌事修,足證此經頓教意也。 講】上句是超頌長文離幻即覺 ,亦無漸次。 下句是追頌長文知幻即 普賢章竟

【記】偈頌玩講義自明

丙二示漸修

丁一普眼請示——普眼章

戊一眾中具儀

於是普眼菩薩 ,在大眾中, 即從座起。 頂禮佛足,右繞三匝

【大方廣圓覺修多羅了義經講義附親聞記】

跪叉手,而白佛言:

【講】科文中言漸修者,是圓漸,非漸漸也

戊二備陳請詞

己一正以備陳

行漸次。云何思惟?云何住持?眾生未悟,作何方便,普令開悟 大悲世尊!願為此會諸菩薩眾 ,及為末世一切眾生,演説菩薩修 ?

講】急欲求佛憐憫,故稱大悲世尊。此會指現前新學

。末世指未來

觀行難以遽修,其最初入手,必有由漸當急,次第入門,故先請示令知 未大開悟,求必大開,故問作何方便。蓋必求圓融無礙,漸次深修也。 思惟者,用心參究。眾生不知,故代問云何。住持者,不被境遷。未悟者 初心。願為及為者,二俱當被之機故。演說修行漸次者,謂應修何等觀行

己二反顯問由

生迷悶。即於圓覺,不能悟入 世尊!若彼眾生,無正方便,及正思惟。聞佛如來説此三昧。心 0

眾生等而反顯之。正方便,即指修行漸次,如楞嚴前二漸次,不爾則入手 講】恐謂時節若至,其理自彰,何勞預為致問。故稱世尊,以若彼

能覆性故 無門 執難融 0 正思惟,如第三漸次,違其現業,不爾則覺路難通。雖聞 故曰迷悶 。為此二相迷悶 。迷者迷於我,以我相能亂心故 ,故於圓覺不能悟入。如是則正方便,正思惟 。悶者悶於法 如幻 ,以法相 , 堅

己三總以結請

問問

,其勢不容已也。

願興慈悲 ,為我等輩, 及末世眾生,假說方便

單請漸次,蓋通約住持等,皆方便也。良以圓覺本有 佛於無方便中 搖鞭影 於方便 講 0 0 根鈍惑厚者反生迷悶 其如現會根有利鈍 慈與開悟之樂,悲拔迷悶之苦,故請願興 , 權宜巧設,假立名言 ,末世惑有厚薄。根利惑薄者,聞此三昧,已 。於覺不悟。是故以假說方便為 。令彼根鈍者 , 迷悶釋 , 0 我法元空,實不假 假說方便者,不是 , 覺性入 請 0 蓋是求 , 恩

戊三至三顯殷

作是語已 ,五體投地 0 如是三請,終而復始 0

丁二師資緣合

爾時世尊告普眼菩薩言: 大方廣圓覺修多羅了義經講義附親聞記】 善哉善哉 !善男子!汝等乃能為諸菩

方便 薩 , 及末世眾生 。汝今諦 聽 ,問於如來修行漸次,思惟住持 , 當 為汝説 0 時普眼菩薩奉教歡喜 ,乃至假説種種 , 及諸· 大眾

默然而聽。

者 識 記】上來兩大科文,因大師示疾,由他師遵照講義宣演,故無記錄 記

丁三酬請開示

已一約妄盡還覺以酬請

庚一妄盡還淨覺

辛一酬修行漸次請

念,遠離諸幻 善男子!彼新學菩薩 0 先依如來奢摩他行 ,及末世眾生 0 0 堅持禁戒 欲求如來淨圓覺心 ,安處徒眾 應當正 , 宴坐

靜室。

以應當誡之。次酬漸次請,謂行遠自邇, 初發心,先以直心,正念真如 講】文分為二。初酬修行請 ,始能遠離諸幻 。欲求如來覺心者 登高自卑, 。汝等欲求 汝等果能欲求 ,謂如來本起因 ,非此 不可 亦應 [地最 故

葷臭 縷析 也 處 而 毫 如 有先依者。奢摩他此云止,謂外止一 無容 0 坐 來於因 靜室 猶 0 絕喧囂 若約其最所發禁者,大則十重,小則四夷 所謂身體及手足 住 犯故 · 地 中 也 ,即清淨房舍。 0 0 設不令其安處 徒眾者 , , 故云靜也 最初亦先依此 ,從學法侶 , 望下即是入觀之堂,望上即是坐禪之處, 靜然安不動 ,於自禪觀 ,故是如來行也。禁戒者 0 令其 切惡事不應行,內止一 0 且約因戒生定 嵵 四事不闕 , 未免有所擾故 0 , 堅持者 無所忮求 , 以為 ,三聚條多 ,如惜浮囊 切惡念不應起 0 宴坐者 入觀之方便門 ,名為安處 應當離 , , 難盡 絲絲 0

遠 依 手,用 二邊分別止 以 如 ·奢摩 行 如 下 皎 空觀 之導 來 即 日當空,眾林失 他 奢 功到究竟,則 -言修 記】欲求 摩 也 行 師 他 持 ,是也。 0 , · 方法 此 亦 行 章修行漸次功夫 須 如來淨圓覺 從 則 0 戒 若止 白 舉 一止即三止,一觀即三觀。若僅依奢摩他行, 若 就 , 入手, 即三。 止 觀雙說 那有不能 一觀 Ü 可見戒為最要 分 , 止 說 全 , 即定 所謂思惟 離 則奢摩他是體真止 , 以 則 幻 正 之理 一念為 奢摩他 , 觀 即慧 根本 , 0 0 是止 如 以 所謂住持,以奢摩他直貫到底 渡海 正 0 , 止 正 念為本, , 之浮囊 調體 念者 觀雙修 觀是空觀 真 **,無念也** 止 方 , , 如 即 , 可 長夜之寶 則 用正 定 0 方 慧 便 從 0 惟 正 雙得 隨 思 : 一 止 止 惟 念 緣 炬 止 功 0 觀下 ,息 夫 依 起 觀 如 如

辛二酬思惟住持請

壬一明正思惟

觀身是幻

皆歸於水 腦垢色 恒作是念:我今此身, ,皆歸於地 0 暖氣 歸 火 。唾涕膿血 0 四大和合。所謂髮毛爪齒 動轉歸 ,津液涎沫,痰淚精氣,大 風 0 四大各離。今者妄身 ,皮肉筋骨 , 小便利 當在何 競體

處

?即知此身

,

畢竟無體

0

和合為

相

,

實同幻化

0

地也 泄曰液 來 於水也 動 先觀身者, 骨 、假合為身 故仍屬風 毛峑身中 講 骨中 涎沫 身中之暖觸是氣 垂 恆念者 脂 以我執偏重 0 唾 日髓 , , ,唾之病也。 此易知者 指之甲 如楞嚴之八還,皆向來處去 , 鼻出 , ,謂二六時內, 頂中髓曰腦 日涕 , ,急先務也。四大和合句是總觀 口之牙, , 。所謂 喉出 從火大來 肉潰 |日痰 下是別觀 , 台膿 肉之表 四威儀中 以及身之垢膩 , ,目流曰淚 故仍屬 , 紅潤 , 0 皮之襯 稍難知者 。此經之四歸 ,念茲在茲 火 日血 0 , , 乃至精氣便利等 身之顏色 身中動作 血之精內會曰 肉之力曰筋 ,故詳示之 , 0 謂堅 不可須臾離 亦向來處歸 渾 , 轉 此等皆 ` 濕 。髮生頭 , 從風 津 ,皆屬 肉之核 ` 煖 屬 也 於 `

身在. 歸 即知無體。和合者,四大假合。為相者,幻妄稱相。相即無相 離則無身 、屬也。 何處?只此一言,教下手習觀時也。正觀之時,各有所歸,即名為離 ,故徵以當在何處?實顯其無處也。處尚不有,體復何云?故曰 但彼以各還顯有性,此以各歸顯無身。故次下即云四大各離 , 故 曰 同幻

化,實一參究之大話 【記】恆即是正 頭。 。念即思惟。念茲在茲,不令邪思攙入。我今此身至實同幻

癸二觀心是幻

四 似有緣相 四緣假合 一大分解 ,妄有六根。六根四大,中外合成。妄有緣氣於中積 ,假名為心。善男子!此虛妄心,若無六塵 , 無塵可得 。於中緣塵,各歸散滅。畢竟無有;緣心可 ,則不能有 聚 0 0

見

方知 根相 故稱六根四大。然內之四性,既可分為六根,外之四大,亦可分為六塵, 云云 ,故總名為覺,知為意根,此先有六根也。因有六根,復對外之四大, 0 六根者,見為眼根,聞為耳根,覺為鼻舌身之三根,以三根皆合而 講】承上已知身同幻化,如何復有根塵及識心耶?故以四緣假合等 四緣指見、聞 、 覺 ` 知 、以四性皆有能緣義故 0 以 四性和合

,妄有

謂 散滅 身,六塵緣影為心』。今既觀身心二俱如幻 六處識心 而 四大分解 力最強 得為真?故云假名為心 內外根塵之中 指六識緣影 此 正見日益矣。總結正思惟竟 到底無有也。首章云: 次有六塵也。中即是內,合成者 內外不成 。急欲令其觀識虛妄 ,則無塵可得。據此則於根塵識中,能緣之根,所緣之塵,各歸 0 托塵似現 0 緣影雖妄 ,積聚不散 ,中云何立, , 故曰無塵不有 ,居然有六識之氣分,故曰緣氣,於中積聚 。然根塵識三,雖同妄有 『一切眾生, ,此後有六識也。似有能緣之相 ,至重呼以告之,俾留意也。 故云畢竟無有緣心可見。畢竟者,決定義 0 ,謂內根外塵,合成十二處也。 。即彼外之六塵,亦是四大假合,若 從無始來, ,自是不復妄認, 0 種種顛倒 而起惑造業 此虚妄心 ,既稱似有 ,妄認四大為 則顛倒 , 惟六識之 緣氣 ,謂於 即指

當 我 根 體 們修觀時,在靜室中。試參究此境界,外無身, 。虚妄而 即真 記】見、聞 直 有能緣之氣分, 至圓裹三世, 、覺 ` 知 此 ` 能 切平等不動, 氣分由四 緣 ė ` 聲、 大而得 此觀方修到底 香、 味 入於六根 内無心,一念不起,心與境合 ` 觸 ` 之中 有 此 能 積聚 緣 之 而 性 有 緣 故 有 相 六

癸一法說壬二明正住持

善男子!彼之眾生,幻身滅故,幻心亦滅。幻心滅故,幻塵亦滅

0

幻塵滅故 ,幻滅亦滅 0 幻滅滅故 , 非幻不滅 0

滅 能住持 則體無終窮,故不滅也 所托故。 則心無所依故 幻滅 講 ,則幻身自滅。 幻塵滅故能住持,則幻滅亦滅 無所用故 彼眾生 。幻心滅故能住持,則幻塵亦滅。以塵托心現,心滅則塵無 ,指求圓覺之人 0 幻滅滅 幻身滅故能住持 故能住持, 。求淨圓覺,須先觀身如幻 0 ,則幻心亦滅 以為滅塵故,立幻滅名 則是法法皆真 0 以心依於身 ,故曰非幻 如幻之境 塵 身滅 非幻 既已

【記】奢摩他一觀到底,方知身是幻,心是垢,幻滅而非幻現前,乃不滅也。

癸二喻說

譬如磨鏡,垢盡明現。

非幻即覺心也。 不是淨圓覺心 講】求淨圓覺 , 如鏡之本明,全體俱現。喻文雖略,攝義無遺耳 皆如鏡上之垢。身滅心滅,乃至幻滅亦滅 ,如磨鏡然 幻身 ,幻心,幻塵 , 幻 滅 , 如鏡垢磨盡 , 重重蓋 覆 ,

癸三法合

善男子!當知身心。 皆為幻垢。垢相永滅 ,十方清淨

【大方廣圓覺修多羅了義經講義附親聞記】

0

永滅 蓋覆淨圓覺心,故云皆為幻垢 講】恐其聞久失意,故重呼以教之。不了身心如幻 如是則法法皆真,故云十方清淨。此約義而合也。 。垢相,指身心塵滅四重 0 必至盡滅,方為 ,執我 執 法

記】看講義自明

0

癸四結示

子一結示因執成垢

丑 一 喻顯

善男子!譬如清淨摩尼寶珠,暎於五色,隨方各現。諸愚癡者 ,

見彼摩尼 ,實有五 色

覺心 中 愚法,同一愚也。影元無實,由世間不知是影,遂見五色。喻幻元非真 垢染故。 摩尼言其用 人不知是影 何方影現 ·寶故 ,對眾生外之五陰身心,影現心內 講】清淨摩尼寶珠,此珠龍王髻中所有。清淨言其體內外明徹 徼是影現,對彼外之五色,影現於內,故云徼於五 喻眾生何類中有五陰身心,即隨何類影現 ,名為愚癡 ,此云如意,能雨寶故。寶珠言其相,非尋常物 。喻眾生不達是幻,名為凡小。 。隨方各現者 , , 以凡夫愚我 如形影相肖 何方有五 色。 喻 色 也 如淨圓 即於 珠 #

由 凡小不了是幻,遂執真有五陰。 執我執法 ,即其相也

【記】講義文顯可知。

丑二法合

善男子!圓覺淨性 ,現於身心,隨類各應。彼愚癡者,説淨圓 ,

實有如是身心自相,亦復如是。

合隨方各現。迷影迷幻,義亦相似,故皆以愚癡名之。說淨圓覺 講】圓覺淨性 ,合摩尼寶珠 0 現於身心,合徼於五色 0 隨類各應 , 實有自

相,合摩尼實有五色。法喻義同,故云亦復如是 記】圓覺淨性是體,即圓成實性,乃實有者。現於身心是用 即 依 他 起性

乃 如幻者。遇淨緣即應 四 聖 遇染緣即應六凡,故曰隨類各應。 實有如是身心自

相,為徧計執性,乃本空者。

丑三結成

由此不能遠於幻化。

叉聚,輪轉往復,染污覺心,成深垢也。 是較非,所以不能遠於幻化。既不能遠 講】承上執為實有而言。 謂由此執身心為實有 自應常在其中 ,於中諍人競我 。惑業苦三,如惡

子二結示垢盡還淨

是故我説身心幻垢 ,對離幻垢,說名菩薩 。垢盡對除 ,即無對垢

及説名者

淨覺妙心耶?故科名垢盡還淨 垢之人,人既不有,名將安立,故云即無對垢及說名者。至此,豈非全體 究竟淨盡。垢既淨盡,則對治亦無所用矣,故曰對除。垢盡對除,即 離 幻垢,佛說是人名為菩薩,非尋常人比也。垢盡者,不肯得少為足 是個幻垢。以是之故,我說身心是幻是垢 。知心是垢者,設法對治。對即對治心垢 【講】是故二字,承上不能遠離而言。所以不能遠離,由於不知身心 。若能知得是身如幻者 ,離即遠離身幻也。果能對離 , 應當遠 ,必至 無對

對垢及說名者,即淨圓覺性。絕對無待,即佛之名字,亦用不著 【記】不能離垢,是六凡眾生。 能離 垢,是菩薩 0 垢盡對除 , 即 如來 即 無

0

庚二隨順還圓覺

辛一理事互融

壬一 承前起後

善男子!此菩薩及末世眾生,證得諸幻滅影像故,爾時便得無方

清淨 0 無邊虛空 , 覺所顯發 0

搖,故云證得。爾時,即證得之時,影像既滅,淨覺畢露,故云便得清淨。 見 證得幻滅障除 無方者 本屬幻有,元是淨心影像,今以得正住持故,一得永得,再不至為影像所 人發真歸元 講 ,即周峑義 菩薩眾生,均是求圓覺人也。證得諸幻滅影像者,謂一 ,十方虛空,皆悉銷殞 , 覺性顯發, 0 無邊虛空,向因無明幻垢,障蔽淨圓 則無邊虛空 Ĺ 0 正此謂也。前云無方清淨 ,轉成無際淨圓矣 0 ,而成頑虛。今 楞嚴云 , 切諸法 於此可

觀到 虚 空 性 底 , 融 故云覺所顯 , 記 妙理 則 證得諸 _ 空 ,虚空不大 發 切 幻 空 滅影像 , 所謂 ,蓋對妄方有。 ,是時惟有淨圓覺性 淨躶躶 赤灑 既覺則虚空無邊,即虚空即覺,即覺即 灑地也 , 虚 故 空最大 得無方清淨。無邊虛 , 然 尚 包含於覺性 空 ,

2

子一 丑 癸一依理成事 壬二正明理事 成世間法 別明

【大方廣圓覺修多羅了義經講義附親聞 記

寅

成根處

根清 覺 鼻 淨 圓 0 舌 淨 |明故 根 清 0 身 根清 淨 , 故 顯心清 意 淨 , 故 眼 亦復 識 淨 , 清 耳 رِنَّ ° 如 識 淨 清 是 清 0 識 淨 淨 清 故 0 識 淨 , 清 故 見塵清淨 淨 , 故 聞 塵 , 清 覺塵清淨 0 見清 淨 0 聞 淨故 清 0 淨 如 , 是 故 眼 乃至 根清 耳

,

,

,

故 可以 清淨性 淨心也。由 圓 滿明淨故 例 則 講 推 也 見性所依之眼根 】承上無邊虛空 0 由 **| 賴耶清淨故** , 眼識淨故 則無法不顯 , , 則賴耶所分聞塵之性,亦成清淨性也。 依賴耶所分見塵之性 亦成清淨性也。 0 , 尚是覺所顯發。則覺心圓滿 因無法不顯 , 由眼! 則顯隨緣所成 根淨故 ,亦成清淨性也。 , 則所發之識 阿賴 ;明淨 耶 識 可知 如是乃至 由見性淨 , 亦成清 , 亦成 正 由

物 故 清淨 記】覺既 Ü 既 圓 清 明 淨 , 則隨處皆清淨。昔時 則 起 於 心之見性等 , 心逐 亦自然 境移, 清 淨 故不清淨。 今則如明鏡照

寅二成塵處

善男子 ! ·根清 淨故 , 色塵清淨。 色清淨故 , 聲 塵清淨 0 味 `

觸 法 亦復 如是

六性六識,皆依於根,故統言根。謂六根之中,根根兼性與識

皆成清淨之性 。由是之故,則根所對之塵,亦成清淨性也。

寅三成大種

善男子!六塵清淨故,地大清淨。地清淨故,水大清淨。火大、

風大、亦復如是。

講】六塵對根之別相,一一皆成清淨性故。則覺性隨緣所成之四大,

亦成清淨性也。

【記】可以例知

丑二總結

善男子!四大清淨故,十二處,十八界,二十五有清淨

皆成清淨性也。 皆稱四大為種,以其能成諸法。殊不知所以能成者,不在相而在性,今則 皆亦各成清淨性也。二十五有,指三界眾生所依住之處也。古德頌云:『四 方顯其是依彼圓覺淨性所現。然能現者,既無方清淨。則所現者,故一一 中生死因果不能無故。舉此處,界、有、三、賅盡世間法也。然諸經論 州四惡趣,六欲並梵天。四禪四空處,無想及那含』 【講】承上由四大各成清淨性故,則隨緣所成內根外塵中識之處界, 。通稱為有者,以其

【記】看講義可知

子二成出世法

之像 明鏡 故,法界法 若廢像論鏡 二皆幻化,既皆從緣而起,緣無自體故』。大乘止觀二卷八頁云:譬如 何故亦說令淨耶?大疏答云:『若凡聖對待 。能現人馬像 亦即 講 或問世間法從染緣生,可說令淨。出世法從淨緣生,已是淨法 爾常同常別 同體 , 其唯 無 。若以像約鏡,乃云人像鏡 也 焉 0 0 0 淨心如鏡 若復以此無二之鏡體 , 世間出世 ,則勝劣懸殊。若稱法界觀 間如像 ,收彼 ,馬像鏡 , 人馬之異像者 類此可知 ,便有二鏡之名 0 以是義 ,

助道品清淨。如是乃至八萬四千陀羅尼門,一切清淨 0

,十力,四無所畏,四無礙智,佛十八不共法,三十七

彼清淨故

緣所成世法清淨故 盡詳釋 羅尼通 講】彼指上科。謂據上所說世法,皆彼覺性所顯而成清淨。 故 包因果 0 統言 惟大疏最極精詳 0 此科所列法相 切清淨也 ,則淨性隨緣所成出世之法,若因若果,一一皆成清淨 0 閱者知所尚焉 此 中唯三十七品助道法屬因 , 諸 大 乘 經 , 多標其名目 0 0 各家疏解 其餘均 屬果 由彼染 仍未

筝 嶞 惟 即 詞 礙 四 種 根 俗 Ξ 惡 如 所 性 時 無 + 智 無 宿 種性 入道 諦 報 持 謂 0 趣 員 Ξ 流 失 五 入 謂 所 命 如 0 0 0 明 動 不 得 ` 畏 通 欲 Ξ 是 戒 智 垢 , 0 如 故 緣 智 共 彼 說 0 0 五 非 在 九 法 方 凡 處 行 六 知 為 四 七 如 ` 、知 大定 、 正 1十善 切 凡 則 言 諸 .眾生分上,見六凡起厭 身無失 璄 ` 知 如 0 二乘 障 種 寂 知 理 四 以 襌 , 故 死此生彼 聖 道法 說 無 知 也。十力,佛之十種智力, 而 種 解 須 0 無 切道至 應受人 常 地 拘 欲 淨 境界,悉皆清淨 脫 通 分 切法 照 說 竽 礙 樂 0 , 三世計算 , 三昧 聖人 法 四 故 0 0 , 0 一處 照 無 有如 天之報,是是處 一、二、三、身口念無失, 四 ` 0 , 即 於三 · 垢 說盡苦道 言我是一 定 而 一句 一法 。是出世法,行如是道 天眼 常寂 是 淨 , 說錯 此 種智中樂說 欲 0 四 0 智。 。 此 如 諸 非 , ,見四聖起欣,故不清淨。今證真空, ,為念無失 ` /。佛· 知 大 說 能 禪 切正智人等。二、盡 + 清 無 地 樂 信等五 聖 , 淨即自性 一句 作 如是 水 世 人 。然臨 知 即 間 火 誠 不 。十八 自 方便智中開 風等 根 0 不投機 言,說此四法 法 襌 能 解 0 命終後 四 0 知 , 脫 本體,寂 、無 不共法。 上中下 出 0 六 。 二 、 , 至如是處 佛之身、行、 無 二義 ` 世 ,為口 疑, 異 ,夙 知 襌 出。 相 諸 誰一根強 0 ー 三 也 知 亦知 而 力等 無失 漏 。真 如 過現 世業果先 ,決定無畏 0 常照 。八 五乘 Ξ 堅 及 眾生 , 相 習 溼 未 眛 。眾生意 ,二乘有 住、 知 , 無 ·有真 煖 、知 來 足處 漏 照 言我 貪 即 及 熟 相 動 盡 而 笲 宿 瞋 由 諦 順 0 , 涅 非 常 忽生 為 漏 癡 知 根 誰 現 臥 分 四 住 , 槃 處 寂 Ξ 無 盡 筝 有 笲 空 ,

異

於

九

界

之中

即

菩

薩

亦

有

異

相

五

`

無

不定心

0

佛

ن

如

澄渟水

如

風

修此 神足 支 苦,三觀心念念無常 而 念令滅 五 + 言度生之欲無減 ら い 燈 可 、以智慧知過去現在未來,通達無 中 、一切身 入正道 與八正道 四神足 , 故 , 五 無 。三未生善念令生,四已生善念令增廣 解脫無 根 不定 細 , , 深 口意業 五 以 可得神通 减 俱見前 淺 之 上名相 力 , 即 也。八 Ü , , 無 0 0 隨智慧行 妙觀察智。 0 六 七菩提 不 定與慧或不平均, 、精 悉 、無 ,學佛法者,不可不知 0 四 亦名 觀諸法無我 知 分分 進 0 不 ,八正 無 四 0 知 知 十 二 已捨 佛 减 己 如意足 之 0 而 身口 、解 0 道分也 礙 九、念無減 捨 。佛於 四正 0 。三十七助道品 , 故 五 意是三輪 脫知見無 如 根 勤者 須用七覺調平之 0 明 不苦不樂受中,知生住滅時 0 四 、 五 鏡 0 然亦不可執著名相 念處 , — 照 四神足者,謂欲 0 力 减 + , 物 未生惡念令不生 者 故隨 ,即大圓 、見前 ` 慧無減 , 0 不留片 _ 智慧 謂四念處 , 觀 0 調平則 身 鏡 影 七 而 ,慧即平等 苦提 智。 ` 不淨 行 0 勤 0 セ 定慧均 分 四正 + + ,二已生惡 ,二觀 0 ن 六 Ė 欲 , 即 ` 勤 ` ` 性 故念念 無 受是 竽 七覺 觀 智 减 七 四 四 0

癸二融事同理

子一同理清淨

丑一正報同理

多身清淨故 善男子! 切實相性清 ,如是乃至十方眾生圓覺清淨 淨 故 , 身清淨 ° 身清淨故,多身清淨

0

故曰 以為 眾生,同 實相即圓覺真如之自性 多眾之身 己之身 實相性清 名為實相 會緣入實 身 圓覺清淨 , 與彼諸法同 由 淨 , , 0 一 切 謂 即為實相。的指真如淨性,而為諸法真實之相。所謂無相 同 .執身故 圓覺清淨 也 0 上來世出世法 上云無邊虛空 實相而得清淨也 , 由此諸法同一 通賅世出世法 ,尚不見自性,豈見本體?今乃悟妄即 0 上言實相 實相清 。由真如不守自性,晦昧真體 ,雖有染淨差別之相。今為覺性所顯 性清淨故,托諸法以顯己身。即 淨 ,覺所顯發。今提出圓覺清淨 0 ,今又言圓覺者 0 0 實相 由己身清淨故 如是擴 , 略疏云:緣生諸 而充之 , , , 自 以圓覺乃實相之本體 因己會他 一方眾生, ,現起妄相 法 真 , , , , 皆是虚妄 顯應融會世 由 應融 亦應融 真見 乃 至· , 同 ,愚迷執 會 成 體 會得 得 0

修 界虛空等, 有 以 說 即 故? 奢摩 所 妙 切 悟 圓 也 覺 記 蓋 行 0 N) 覺故 此章雖 修時淨 0 一切乃指諸法 咸同清淨 即 理 雖 空 覺 觀 除 悟 說修行漸次。然至此恰是言悟修證三者,不可 現業流 則 。至下便見 稱 而 空 觀 在 而 為 言 到 識 凡 夫地 切實 , 底 , 即 方 能 上文世出世法皆是 相 位 即 性 得 證 圓 0 為無明 「覺淨 證者 無 人 我 所 Ü , 無明 染 蔽 , 於是 淨 , 破 0 有無等 不能 實相 世 而 出 得受用 受用 有性 相 世 法 偏廢 既 , 也 故 , 虚 同 0 須 云 0 修 相 實 所 清 無 即 相 悟 性 淨 上 修者 之 來所 何 理 前 以 何

大 方

廣

圓

覺

修多羅了義經講

義附

親聞

記

1

明 真 所 生 即 空 寂 生 不 文 う い 也 如 可 所 實 然 必 , , 四 , 造 由 不 用 相 空 不 照 離 大 何 末 緣 守 即 生 須 以 身 至 0 · 無 思 中 自 須 實 故 託 切 入 , 議 云 萬 明 知 生 之 性 相 故 境 故 者 滅 癡 如 多身清 境 0 , , 0 四 見惑 境因 1 來 不必 空 身 而 則 之 , 皆 生六應 迷 亦 相 清 陀 0 也 圓 由 分 淨 有 羅 離 N) 淨 0 |覺為 凡夫修 别 照 空 而 生滅 0 尼 , 0 有 如 Ċ 相 , 乃 , , 此 為 至 照 是 即 皆屬 不 , , 0 本 覺 得 所 則 多 未 圓 猶 我 即 自 無 能 |覺清 實 虚 陷 既 觀 , , 0 性 離 相 無 多 明 迷 應當照 於 , 相 尚 正 妙 念也 偏 即 0 淨 0 0 N) 不見 虚 由 明 不 思 , 0 上 安得 惟 , 根 為 相 此 必 0 必 , 本無 文所 然 離 是能 無 併 故 既 安能 多 除 生 又 段 空 有境? 明 一滅 身 明 言 不 文 相 觀 0 , 見 實相 可 極 , 無 清 , 由 , 0 一真本體哉 而 諉 生滅 由 凡 淨 因 正念持 微 之 生 中 為 生 自 細 , 此 0 枝 一滅 然 之 此 即 乃 圓 修 , 末 戒 為 癡 係 實 清 非 照 皆 奢 奢摩 相 摩 淨 無 思 真 因 而 如 來 明 生 議 0 空 心 境 他 0 他 境 Ξ 所 不 而 行 既 0 0 , 界 行 生 枝 細 能 必 如 生 能 是 滅 無 做 離 0 清 , , 到 以 起 身 二 我 明 為 非 正 淨 不 根 凡 蓋 必 相 既 思 , , 無 夫 離 無 惟 即

丑二依報同理

盡 善男子 於虛空 ! , 世界清 圓裹三世 淨 故 , , 切 多 平等清 世界清 淨 淨 袕 0 動 多 世 0 界清淨故 , 如 是乃至

現住世界清淨故 講 承上 應云 , 十方眾生清淨故 緣一通多 , 故應融會得多世界同 , 由 正 會依 , 故 得世 一而清淨也 界亦清淨 0 也 而 由 充

像故 亦非真淨 此則染淨同歸一性,故曰平等。不動者,約三世論,以清淨心有過現未來 上言清淨。今又言平等不動。以世界有染淨不同,若對染說淨,亦非真淨 乃至盡於虛空,圓裹三世,所有一切世界,同一實相平等清淨不動 便得無方清淨。此提出平等不動,顯應知覺性峑滿,清淨不動 。今則圓裹三世,同歸真常,故曰不動。又上云:證得諸幻滅影 , 圓

無際故

立 相 則 性 。遣則一切俱非,立則一切俱是。何以故?同一實相,同一覺故 不 相 横編 故云平等。此 必離身而身清淨。身既清淨,則不必離世界而世界清淨。覺性圓明 不二,理事一如故。世界本無染污,染污全由眾生分別妄執之心 【記】性清淨故相清淨。理清淨故事清淨。 十方 ,故虚空清淨。圓裹三世者,過去未來,皆攝入現在 處提出不動二字,最宜注意!蓋前文所言皆為遣 融理同事即融相歸性 , , 0 初無三世之 此言不動為 心 何 ,豎窮三 既 以故? 清 淨

當知覺性 善男子!虚空如是平等不動 平等不動 0 如是乃至八萬四千陀羅尼門平等不動 ,當知覺性平等不動 0 四 大不 動故 , 當 知 ,

子二同理不動

覺性平等不動

經意 動 如是乃至 虚空者是誰?殊不知非虚空有動不動,當知是覺性平等不動也。四大亦然 五大之中,空大居先 雖然如是,而事理依然似有二體。至下文,則理事渾然無二矣 由前以理融事 ,超略詞也 能同者事 0 ,所同者理。 ,故今先言虛空。承上會得虛空如是平等不動,則見 , 事 承上世法既爾 间 理而 平等 事有世出世法。世法雖多,五大賅之 , , 故每見一事 例知出世法 , ,亦無不皆然也。 即點明日覺性平等不 此段

覺性之生滅 不動?蓋不 而 即此理也。上來遣。先從世間法遣起,而後及於出世法。此處立。亦由 之 起分別,境即是心 及於 ,故有動相。並 出 記】從真空而 世法 動者,覺性也。文中當知二字,最宜注意。並非四大有動 0 迷覺則四大 世間 非法動,實是心 0 若起分別,能見是妄,所見亦妄。故處處點醒覺性平等不 法 顯不空,故曰不動。 不外五大 動 , 悟覺則四大 ,空大居先 動。六祖云:不是風動,不是旛動 不動。 不動者,諸法寂滅相。眾生以生滅 ,故首言虚空。虚 如是推至出世間法亦然 空無相 與 , 有 仁者心 世間法 不動 對境不 何 心觀 動 起 動 與

滿故 善男子!覺性徧滿清淨不動圓無際故 ,當知六塵徧滿法界 0 塵徧滿故 , , 當知六根徧滿法界 當知四大徧滿法界 0 0 如是 根徧

子三同理

員

乃至陀羅尼門,徧滿法界。

故向 覺性室滿法界 復應知法界中所有內之六根 下諸法 此總承前一切諸法 , 皆由 , 無法不包, 圓無際故 無界不峑 , , 渾同覺性峑法界也。若不峑滿 ,俱為覺性圓明所顯 一一悉峑滿也。 , 故曰 圓無際也 世出 世法 , 而成清淨不 0 既知覺性 , 無不皆然 , 則成有際 動 加是 0 豈非 證知 , 又 0

故 本 滿 無 0 塵 然不可言自 , 故 , 因 】覺性 四 大 根 亦 而 性 編滿 徧 有 即 滿 0 根 0 0 切法 世 既 彼六根安能離覺性 間 徧 , 法 滿 心本非一非多, 徧 , 滿 故 六 , (塵亦 則 出 世 徧 ,故亦徧 法 滿 不可執定是一, 亦 , 徧 塵 滿 滿 不 離 0 , 法 四 根本無根, 界 大 , 亦不可執定是多。 切 四 大 法 因塵 不 , 皆 離 自 塵 而 性 有 0 所 塵 0 具

理事互融乎?

辛二攝

壬 一

所證互相攝入

善男子!由彼妙覺性徧滿故。根性塵性,無壞無雜。根塵無壞故

,

無壞無雜 如是乃至陀羅尼門 , 無壞無雜 0 如 百千燈 ,光照一 室 0 其光徧 滿 ,

0

也 根性塵性等, 此法說也。 約世法言之。由性室滿故,根塵隨性,一 由彼妙覺性峑滿世出世法故 ,此承上文出攝入之由 皆無壞無雜 0

燈喻 末 謂 미 **乙無壞** 句 往 根入 知 世 出 謂 塵 力無畏性 無雜 世法 此 而 光入彼光 根 0 根塵無壞句 不壞 , 光喻諸法之性 , 乃至陀羅 , 塵 ,不見壞相 入 根 ,牒上為由 尼 而塵不雜 門性 , 室喻盡虛空界 0 彼光攝此光 0 0 不言無雜者 如根入塵既爾 皆無壞無雜 ,不見雜相 0 光各室滿 , 可 , 0 如百 塵入 例 知 0 , 千下 根根 故 喻諸法之性 喻 亦然 互 0 相 如是 , 攝 喻 故 顯 則四 總 0 0

之謂 滿 中 妙 相 之 覺 由來不二故。 妙 室 理 世 λ , 事 間 根 妙在 記 豈 無 塵 法 如 復 無 此 礙 , 有壞 來 , 壞 妙覺依 0 以妙覺性與根塵互相攝入。根塵入妙覺,不失其本體, 事 此 說 0 事 有 妙 處 法 覺性 雜 然 所 無 0 耶 礙 如 以 必 ? 攝 先 故 於 0 離 世 如 , 說 間 百千燈,其一燈之光,徧滿一室,百千燈光, 不 法 見 切 切 , 有根塵 相 俱 後 非 妙覺依然 而 , 雜 再說妙覺也 遣 在其中 之 無雜 0 然 後 0 0 復 如是乃至出 故云無雜 妙覺是性 說 一切 俱 0 世 世 , 根 是 間 間 而 塵是 法 法 立 故云無壞 亦 之 入妙覺性 相 0 佛法 亦編

壬二能證彼此無礙

,

不愛涅槃 善男子!覺成就故 切覺故。譬如眼光 。不敬持戒 0 ,曉了前境。 。不憎毀禁。不重久習,不輕初學 當知菩薩不與法縛 其光圓滿 , 不 ,得無憎愛 求法脱。不 0 ・厭生 何以故? 何 以 故 死 ? ,

光 體 無二 無憎

曉了者 覺 等菩薩 性之在法故 故 上來所 不愛 縛脫 講 如 以 ,不假分別 持亦覺 下 不與諸 無二故 證 切平 0 , 前境 更以 知 覺 等者 法作繫縛 , 0 毀亦 既 喻顯 。喻 者 性峑滿 知覺室 , , |妙覺| 統 何故 覺 0 諸 敗眼 , 眼 , 故 不求 圓 性之光 , 則 法 爾 照,不涉思惟 家所見 耶 , 不敬不憎 無壞 ?蓋覺性峑滿 生死亦覺 於法成 , 喻 無 0 喻 雜 解 妙覺明性 0 久亦 脫 , 涅槃· 名為 切法 。其光峑滿 0 覺 以 , 成就 無法 亦覺 既 , , 0 初亦 統為 以 知 性 不覺故 覺性峑滿 0 0 由 光在 覺 故於生死不厭 妙覺明心 , 喻 一 成 , 故 眼 就 切皆覺。 故 不重 故 , , 所 喻 則 云 0 當 照 妙 不 法 切 覺 故 輕 法 知 , 得 涅 明 此 0 0

覺成 是 敬 照 現 憎 出 量 比 山 世 就 0 量 覺未 法 則 記 河 境 界 無 】覺成 大 成 法 則 地 解 有 故 就 脫 法 無 就故 憎愛矣 乃 斷 無 相 第 所 難 非 , 覺性 重 藉 四字 故 識 輕 不 0 口 光 求 之 0 0 0 , 科 菩薩 體 相 眼 覺未 涅 最要緊!覺未成 光 槃 無二者 分 成 如 0 指覺成就者 覺性 以 明 就 鏡 , 現 , 圓 眼 量 故 , 中 見 照 照 明 之光 前 了 有 不 就 言 境 久 前 動 , 習 則 境 0 與諸法之體 初 於 於 不 不 0 起 光是 學 見 世法 一 切 有持 分 之 體 分 無 别 法有善惡彼 0 戒 縛 , 成 相 , 故 乃 毁 第 根 無 就 禁 , 故 憎 則真 境不二 之 八 識 相 不 此 覺圓 之 厭 相 若 見 生 對 何 分 待 明 有 死 於

無

僧愛

,

即

喻

切

平等

0

云彼此無礙者此

也

大

方

廣

覺

修多羅了義經講

義

附

親

聞

記

如 , 故 日 無憎愛也

己二約修習成益 加 示

庚 承明修習成

辛一知眾生本來成佛益

無成就 善男子! 。圓覺普照,寂滅無二 此菩薩及末世眾生 0 修習此心得成就者 。於中百千萬億阿僧祇不可説 ,於此 無修 恆 , 亦

世界 眾生本來成佛。生死涅槃。猶如昨夢 為欲引機造無邊境 諸佛世界 滅性中 圓覺普照 此心, 乍發心者 沙諸佛世界 講 乃阿僧祇不可說。又非一 朗然虛靜 ,隨緣現起恆沙諸佛世界。且不是一恆沙,乃有不可說恆河沙諸 。大疏云:然此中意,蓋直指盡虛空界所有世界,不是算其數量 ,寂滅之性存焉 此科文雖承上而來,而此菩薩,卻不指覺成就,乃峑指末 修習此心,即依圓 0 猶如空華,亂起亂滅 。不見有行可修 故假積多數耳 。於中下 觀 阿僧祇,乃百千萬億阿僧祇 0 , 直觀此心,日久功純 有果可證 ,且約依報言之。於中者 喻從緣現起 ,不即不離 ,故云無修 本無自性 , 無縛無脱 , , 亦無成就 豁爾心開 ,如是不可說 ,即於圓 故如空華 。始 |覺寂 惟 世中 知 河

當體即真 脫 故云本來成佛。由此返觀 是緣起無性 覺普照寂 成壞變遷 蓋是 大 惑業結縛 故 四聖六凡 滅 了無定體 無二也。不即者,不即世界,從緣無性故。 , 當 。次約正報言。準前依報 體 ,而成六 即真 , 同 , 故云亂起亂滅 , 凡 員 ,從前眾生之輪轉生死 故雙無也 覺 0 緣修. 0 圓覺既同 無為 0 始 , 0 應是於圓照寂滅性中,現起十 總顯空華無實 知者 解脫 , 則眾生本 , , 而成 由 ,並諸佛之取證涅槃 無縛脫 四 來 聖 ,世界非有 不離者, 圓 而 0 雖縛 . 覺 始 知 , 與 也 脫 不離覺性 佛 不 0 唯 無二 既 同 -種法 無縛 , 均 圓 俱 ,

是迷眼

所見,非圓覺之真境,故云猶如昨夜一夢

,覺後元空故

也

眀 之 迷矣! 所成之 他 本 利 明 者 者 此 方法,先當正念,次當持戒修定,然後得慧成益。正念是修習時第一下手 有修 正 , , 利益 覺也 矣 在 念, 迷 記】欲成就利益,自己受用 有 則 因 然後 成 於 非 , 日 止 就 此 佛 若 即在得成就三字。夫眾生本來成佛一語 無 謂 而 依奢摩他行 ,在果日定 眾生 修 何 即 亦 今是佛 以 無成 云無?須從 矣!是故應當修習 就 , , , 堅持禁戒 試 因戒生定 0 此 問我 修 兩 ,必假修習。 習此 無 輩二六時 字 , 0 因定生慧,得此定慧 心 0 堅持禁戒 , 得成就者 修習成 須 細 中 加 本文修習,承上文佛言而 , 就 研 常覺否?不 ,為修奢摩他行之 究 一句 ,言之雖易, 即 0 **注意** 上 能 文 由 云 迷否 迷 0 , 修 方能 蓋 而 習得 覺 ? 知 自 ·若常 正 成 之實難 成 益 本 念堅持禁 而 有成 就 不 來 0 功夫, 修 覺 0 修 則

大 方

廣

覺 乃是 名 嘗 不 極 不 之 以 如 大 有 說 成 不 方 戒 形其 無修 N'S 可 境 寂 此豎窮 在 地是沙門 之 就 增 知 落 量 妙 修有 華嚴第 也 說 滅 目 向 於 而 然 擴 多耳 為 理 絲 於 之 無 0 觀 得 皆 第 中 横 成 然 所 N) 便 此 修者 五 百 徧 理智 不是修空,乃是修幻妄境界也。良由圓覺心性,無法不具 如 中 一隻眼,盡十方是當前 須 不 不 九 就 四 外 十 千萬 滅 數 此 此 之 切 也 修習此 大 離 乎緣 二數 心 淨 廣 所 , 假 故 一毫 幻 _ 0 不是修真心,乃是修妄心。不是修智, 恆 謂 億 當 穢 大 , 如 圓 即 合 河 起 也 , 名阿僧 阿僧祇 起 國 , 覺普照 覺 之身 百 以 心得成 ,本來徧 本名 千萬 修得 圓 土 故 0 0 , 眾 覺 猶 日 何 , "當落 億 殑 證 皆我性 無 生 如 不 寂 寂 就 與 -可說 世 阿僧 伽 祇 空 後 滿 滅 = 滅 六塵 方 界 華 之 0 無 於 , , , 譯 亂 蓋 性 **灬二者** 本來清淨,更何 祇 此云無數 一卷經。 恆 知 中之物 方可說無修無成 漸 緣 , 為 起 此 從 不 河 次 , 自修習成就 影 天堂來 染 亂 可 沙 為 種 0 之 0 緣 說等 一境界 諸 能 至 Ü 滅 0 圓 睁開此眼一看,十方虚空,無量無 凡 , 識 起 不 。華嚴十大數 佛 修 覺普照 於 諸 即 世 0 修 之 此 行人 世 界 諸 不 智 總 以 幻 得身心 河 佛 離 白 之 後 尊並非 就 須修?又何成 0 既 , 之沙 三句 須先 為本 離 或 即 一切諸 , 遂. 斷斷 , 皆屬. 王 阿 以 , 乃是修習氣 實指 中 員 識 有之 真 僧 有此境界現前 , 不可於未成就 其 佛 得此 從淨緣 祇 覺 幻妄 , ら い 細 切 其數 以 寂 妙 國 獨 , 如 世 阿僧 滅 土 不 心 智 就?故 露 0 麵 起 界 可 之 , , , 知 , 豎窮 皆在 祇 說 境 覺 乃 寂 幻 恆 無覺不 不是 為首 之時 教 雖 滅 相 日無修 即 河 皆是 起 有 眾 為 凡 横 所謂 修 圓 離 沙 無 數 為 淨 生 所 人 者 邊 周 無 , 先 數 圓 自 本 何

言 二 此 無 悟 無 性 性 覺 語 縛 此 縛 上 至 性 無 了 故 , , 修 此 今 而 無 如 更 脫 習 惟 空華 則 何 得 起 成 修習 始 須 解 此 滅 就 知 脫 脫 成就 其實也 ? 白 不 既 , 故 有 則 生 就 即 有三 觀眾 世 佛 者 , 正 然 報 界 0 , 聖菩薩 後 生 始 言 緣 , 如 之 能 知 起 即 , 0 有成 生 迷 無 知 故 , 此 死 0 即 日 , 性 菩薩 是 生 無 性 也 壞變遷 , 死 始 縛 而 如 0 覺。 夢 涅 無 得 為 不 槃 業 中 ',成 離 脫 _ 之 猶 本 脫 所 者 0 **囈語** 成 字 縛 如 如 始 , 空華 昨 知 故 當 , 0 夢者 今 即是 眾 有 體 , Ξ 既 六 之起 生 即 凡眾 聖 本 本 修習成 真 , 生 一之涅 ·覺 來 也 , 死 壞如 0 成 生 0 槃 就 涅 始覺與本 佛 以 , 眾 空華 槃 , 上 , , 皆 生 亦 , 猶 始 本是對 言 知 之滅 如 日 就 夢中 覺 眾 在 從 依 前 生 縛 報 , 之囈 本 並 僅 中 言 於 而 非 自 聞

辛二了性平等不壞益

夢覺即空,二皆無有

,

故

日

猶

如

昨

夢

善男子!如昨夢

故

0

當

知生

死及與涅

槃

,

無起

無滅

,

無

來

無

去

0

滅 其所證者 0 於此 證 無得 中 , 無能 無 失 無所 , 無取 0 無捨 畢 竟 無證 0 其能 , 證 亦 無證者 者 , 無作 0 無 切法 止 , 性 無 任 無

等不壞。

由前

如昨

夢故

始

知

生

死

涅

槃

,

俱是妄境

,

覺

後

元

空

0

既

覺

元

生死證涅槃故 則 生 死 空 不成 故 S 無 起 生死 , 謂 則 不 生 起 死 煩 惱 無來 成 生 0 死 不 故 證涅槃 0 涅槃空 , 則 涅槃 故 無 無 去 滅 此 則 攝 不 滅

大方

廣

圓

覺

修多羅了義經講

義附

親聞

--

行 之性 畢竟無者 於能所證中 槃,此約夢事迷位言也。今從夢覺,得悟生死涅槃元空, 滅去來之相而言。所證即是涅槃,其中有得失取捨四相 且是常住世間 滅無二之性 四相既空 故所證之相亦空也。故云無得無失,無取無捨。能證者, 凡小言 薩言。若進修 昨夢故 。謂任彼 作行。謂作種種行,欲求涅槃,二止行。謂永息諸念,一切寂然。三任 孤然獨立 0 ,以示生死涅槃無起滅去來相也。其所證句,次攝前生死涅槃無起 小乘慕滅諦 ,意謂若有人法 , 故畢竟無 則能證之四行 , 0 切 悟得無能無所也 於世界 ,永劫不朽, ,則得涅槃失生死。 ,即圓覺妙性 ,隨諸法性 亦無也。至此則 ,不見有染有淨 , 則厭捨生死取涅槃。凡夫樂世間 ,即有二相 ,焉能獨立?故亦無也 故復云不壞也 四滅行 , 0 **峑滿無際也。證及證者,指法與人** 據此乃是能所兩忘,對待斯絕 懈退 , , 。謂身心根塵,一切永滅 聖凡 既證寂滅無二之性 切聖凡依正等法 ,則得生死失涅槃,取捨二相 , 不見有高有下 0 於此句 , 。得失二相 指能證之行有四 無起滅去來之相 ,則取著生死捨涅 渾 , ,則能所兩忘 亦是攝前 員 , 故云平等 員 由所證之 |覺普照寂 唯 ,約菩 無一 , 約 0

記】夢裏雖有,覺後原無,故云當知。無起無滅,約菩薩言。無來無去

即真 是 後 死也 無 明 為 無 生 約 性中 本性 所 證 , 行 作 死 Ä 圓覺普照 無 病 涅 小言。不 , , 自 畢竟無證者 亦 滅 更何 槃 止 0 有 者 無 本 如 無 如 證 無 須作 修 夢 之真理。從來無失,更何有得?本未曾捨,復云何取 任 , 者等 滅煩惱也。未成就 行 ,寂滅 任 無 , 了生死涅槃是夢,則生為起,死為滅,生為來,死 之人 相 滅 則 0 白 因有妄念,故 等句 0 並 無 無二 煩惱 無起滅 0 所 不悟自 0 既 證之理 無作止 猶 ,了無作止任減 所證是理 如 來去矣 空華 性 任 以 須 而盲修,勞力無已,是之謂作 亦無 滅 前 止 0 , 0 其所 之能 能證是行 但 ,生任其生 。若識得本覺圓 證者 須 之可言也。 知 證 , 人其虚 故云 者 無能證之人也 0 , 無得 無 妄 ,死任其死,故永為 既得成就以 八而已 能 於此 無失 0 明,復 亦 , 證中 更不 無 , 得 何須 後 無 失 用 取 , 0 , ·。作 為去 取捨 若 止? 無 滅 無捨 則 能 悟 知 止任滅 凡夫 ·任者 之相 無 圓 所 0 良由成 今既 覺 其 所 證 。若 能 , 之 , 四 畢竟 就 證者 了得 理 種 圓 之 生

善男子!彼諸菩薩 ,如是修行 。如是漸次。如是思惟。 如是住持

0

,

0

,

庚二應前所請結示

如是方便 。如是開悟 0 求如是法。亦不迷悶 0

,皆為令其著意。況今結答,

更宜審聽

0

呼而告之

0

講】節節稱善

也 叮嚀益切故 如是修行者, 0 彼諸菩薩 指前如我所說 , 統現會及末世初發心者, ,如幻三昧,當如是而修也。 應前 所請 如是漸次者 皆當被之機

大方

廣圓覺修多羅了義經講義附親聞記

世出世法,一 悟者,教令一一皆如是開通悟入,乃能得依觀起修,依理成事,融事同 是方便句,總收上來修行漸次思惟住持等,由淺入深,皆方便也。如是開 念,我今此身等。如是住持者 如我所說 ,先依如來奢摩他行 清淨,不但自身豁然貫通,亦令眾生,普皆開悟也 ,即指彼眾生,幻身滅故,幻心亦滅等 ,堅持禁戒等。如是思惟者,即教伊恆作是 。 如 理

悶者不開 如是住持 空是也。如是悟,如是修,如是照, 行 堅持禁戒之謂也。 【記】此因末世難得成就之人,故祇曰彼諸菩薩。如是修行者,即依奢摩他 。修行,漸次,思惟,住持,一 , 知得如是修行漸次思惟住持,念茲在茲,前途無障,便是開悟, 如是漸次者, 故 即先空幻身,次空幻心,次空幻覺 日如是思惟。諸幻盡離,一切 一皆是方便,故曰如是方便。迷者 清淨, ,次空幻 不悟 何至 故 日

戊二偈頌

迷悶

已一頌妄盡還覺

庚一頌妄盡還淨覺

爾時世尊欲重宣此義,而説偈言:

塵 普眼汝當 四大體各離,誰為和合者?如是漸修行,一切悉清淨 知 0 切諸眾生,身心皆如幻 。身相屬四大 ,心性歸六

講】前七句,頌前正思惟中身心如幻義也。一切二句, 教總觀。身

相二句。教別觀。四大二句,結顯虛妄。如是二句,頌正住持義

成就日,自然一切清淨 受、想、行、屬心 記】身相屬四大四 所 識 : 句,參禪人可作為話頭看。色陰之身,屬四大 、是心王。學者能如是用功,不求速成,漸次修行 0 內 0 四 至 陰

庚二頌隨順還圓覺

不動徧法界

則事事皆悉不動,事事無不周峑也。長行從一至多 講】承上妄盡已還淨覺。若更能隨順修習, 悟理融事 ,依次融即 , 知事同 , 此中以峑 理

法界三字收之無遺,足見法王於法自在也。

己二頌修習成益

庚一正頌

無作、止

世悉平等 ,畢竟無來去 任、滅、亦無能證者。一切佛世界,猶如虛空華。

講】首二句,超頌能所雙忘。次四句,追頌圓覺照世。

庚二結示

【大方廣圓覺修多羅了義經講義附親聞記】

0

初發心菩薩 ,及末世眾生。欲求入佛道,應如是修習

【講】如文可知

甚為微細故。即世尊對菩薩,亦處處必呼善男子以提醒之, 記】此章文字,讀之覺甚痛快。講時看時,卻不可作痛快之想。其中境界 何況我輩凡夫乎。

乙二為中根人顯真性

丙一示除疑顯性

丁一伸難求決——金剛藏章

己一眾中具儀戊一謝益重請

? 甚麼則藏菩藿,正大思

於是金剛藏菩薩 , 在大眾中 , 即從座起 0 頂禮佛足 ,右繞三匝

長跪叉手而白佛言・

己二謝前承益

因地法行;漸次方便 大悲世尊!善為一切諸菩薩眾,宣揚如來;圓覺清淨大陀羅尼 。與諸眾生 ,開發蒙昧 0 在會法眾 ,承佛慈

誨。幻翳朗然,慧目清淨

講 承前述益 ,求佛進開深難,故稱大悲。 善為者,循循有序 如

首章標本起因地 , 由 頓至圓 ,三根普被 , 明淨覺隨順。次章依如幻三昧, 0 層 次秩然,故以善為稱之。菩薩 頓悟淨覺。三章明隨順 ,指上首 0

眾,指眷屬 色。首章開示圓覺清淨大陀羅尼。二三兩章,示以先頓後圓

承受大悲深誨 名為漸次方便 0 。此皆為諸眾生開蒙迷,發昏昧,此承前益處也。在會法眾 所以朗幻翳 , 清慧目 0 如此恩德 ,言不能宣。 此述益也。

藏 先為啟請也。上來 大悲,不能拔眾生之苦惱 彌勒清淨慧三章, 記】上根人開口便知 ·種種修習法 同是為中 道 根 , 0 人 中根人則 類性 皆從世尊大悲中流出 0 金剛藏 必起種種疑 明 知末世眾 0 疑不除真不顯 , 生 故 稱 一, 必 大悲 有種 。是以 非 種 世尊 疑 金剛 之

已三正伸難問

興謗招愆。是故代伸三難,求佛開通,非金剛藏自有是疑也。 唯有圓覺寂滅無二之性獨存,故云本成。菩薩恐其有不善會者 講】前章云 一切眾生,本來成佛。其意以彼修習淨圓覺心得成就 , 謬解佛意

庚一以真難妄

世尊!若諸眾生本來成佛 , 何故復有 切無明

講 意謂眾生本來成佛 0 既是成佛 , 自應無妄 , 故難 以何故復有無

【大方廣圓覺修多羅了義經講義附親聞記

明

似不應復有也

失也 於 無 明是不覺。今以本覺之真,難不覺之妄。實則雖屬不覺,本覺仍在 記】若諸眾生本來成佛句,所謂真也,真即無妄。然本來成佛是本覺。迷 ,未有損

庚二以妄難真

若諸無明 ,眾生本有。 何因緣故,如來復說本來成佛?

講 意謂無明眾生本有。既是本有。即非成佛。何緣復說成佛 似

【記】無明不覺是妄。本來成佛是真。既是本妄,復云何真,是為以妄難真

庚三真能生妄

不應說也。

十方異生本成佛道 ,後起無明。一 切如來,何時復生一 切煩惱?

違。以眾生本成,是佛自語。復有無明,違自語故。二難顯世間相違 復起煩惱?此以本覺難妙覺 此伸難也 以異生本成 無明本有,世間共計。復說本成,違世間故。三難顯不順正理,總成非量。 講】意謂異生本成道 ,明是本覺,實是不覺。十方如來,明是妙覺,永不再迷。故 ,後起無明 ,還應不覺為眾生。上來三難 。既能後起,即今如來證真 0 初難顯自語相 何時 。 以

【記】十方異生,即十二類生中,除去無色之空散銷沉,無想之精神化為土

是 再起 木 性 德 無 餘者皆是。佛之一字是覺義。在眾生分上稱本覺。在如來分上是妙覺。本覺 明 0 妙覺是修德 0 眾生未悟 以 0 前 妙者,妙於眾生之覺也 , 雖 有覺亦是妄覺。既修以後 0 世尊因 修德 , 方由本覺而 故 , 方證 成始覺 妙覺 何至 , 由

己四請決顯慇

始覺而成究竟覺(即妙覺)

耳

0

唯願 聞 如是修多羅教了義法門 不捨無遮大慈 0 為諸菩薩開祕密藏 ,永斷疑悔 0 作是語已 , 及為末世一 , 五體投地 切眾 生 , , 得 如

是三請,終而復始。

心 益未來 仍要說得顯了 名為秘藏。若因難而說,說不顯了,是欲密之,名為密藏。為求當下即說 明知不易 開祕密藏 ,直是請決三疑。意謂此種深疑,若未難不說,難又不說,是欲祕之 ,俱可永斷疑悔也。疑悔能障正見。既已永斷, 講 ,故云及末世生也。 , , 非無遮大慈者不能。祕密藏三字,不指佛果三德,亦不指眾生 利現會眾,及末世生耳。不捨者,顯求之決定。謂密藏不易開 先請決深疑也。 ,名之為開 0 願而言唯者, 此種請示 二藏既開 , , 真信斯啟。 真是修多羅中了義法門 顯求之親切 不唯近益現會 則正信成,正見朗矣。 0 謂無別所願 後世聞者 兼復遠 唯求

作是下四句,是至三 一顯慇

記】三德祕藏 ,是佛果之所證 ,與此處所指義別。 可細 看講義

戊二師資緣合

菩薩 信 及諸大眾 誨 爾時世尊 , , 永斷疑悔 及末世眾 7 義大 , 告金剛藏菩薩言 默然而 乘 生 0 0 能 汝今諦 , 聽 問 !使十方修學菩薩 於如來甚深祕密究竟方便 0 聽 , 當為汝説 :善哉善哉!善男子!汝等乃能 , 及諸末世一 0 時金剛藏菩薩奉教歡喜 0 切眾 是諸菩薩最 生 , 得 決定 為諸 上教

開示 薩 疑悔也。 善根者 必待金剛藏致問者,為是究竟成佛方便,非此人不能問故。足見問後如來 難意,是如來所證甚深之義。有意祕而不說,即說亦不欲顯了,唯密意說 類,始能扣關擊節 記】金剛藏所請,的是甚深祕密。在佛並非有意祕而不說。因說 講】重言善哉 是菩薩最上教誨 餘 了斯秘密之義 可知 0 以請開祕密兩藏 了義大乘 0 , 成就大乘正見,永無退轉 餘諸凡小, 0 故能使修學菩薩 皆不能也。 ,現未俱得益故 如來甚深秘密者 0 ,及末世眾生 故 0 曰得決定信 乃能 者 ,有大 , 獨許菩 顯所伸 ,永斷

必以時

諸菩薩覺而 之大慈。眾生是 且 請 必 應機 方說 也 ·。有機則說,無機則不說 不迷,全是修德。作佛之作字,即修德也。金剛藏為眾生起疑;即關 0 此 心是佛。諸菩薩是心作佛。 種甚深 義理 , 非 金剛藏 。機順則說 不 能 蓋眾生迷而不覺,是有性 請 ,機不順則不說。 , 亦非佛不能 說 0 有問 故今必待 德而 必說 無修德 金剛藏 是佛 0

丁二據難除疑

此

點

己一出由訶難

庚一總出其由

善男子!一切世界始終生滅。前後有無,聚散起止。念念相續 循環往復 0 種種取捨,皆是輪 迴 0

,

必起 剎那不斷也。循環往復,有情則死而往,生而復。器界則壞似往,成似復 謂成劫時聚塵成界為聚 有生相為前 生為始,緣盡入滅為終 【講】一切世界。總指三種世間 住後必壞也。念念相續 ,後有歿相為後,中間有住異為有無。 , ,中間變易為生滅。前後有無,約有情世間 空劫時散界成塵為散 ,通指情器

一種 0 始終生滅,約正 0 , 謂生住異滅 中間住壞為起止 聚散起止,約器界世間 |覺世間。 謂隨緣示 ,四相遷流 0 言住前 謂前 0 0

大方廣圓

覺修多羅了義經講義附親聞記

妄想 不遠矣 第六識 取捨是 如 循 環 0 變現輪迴之相 0 生 屬 而 既用緣影為心 滅 11 迥 緣影心也 轉 0 境 , 終 既念念相 而 復 0 0 大疏 此言未免損 始 , 必致 續 也 云 , 「以厭: 循 被佛訶也 種 環 種 者多 此娑婆為捨 往復 取 捨 , 句 , Ŵ 益 , 者 亦 別 少 復 約 , 欣 爾 有 , 所 情 彼極樂為 0 謂 故云皆是 。前六 醍 醐 對皆為 取 與毒藥 輪 0 謂 迴 是 境 即 相 顛 , 去 倒 此

成 法 則 由 難 若 起 報 故 問 實 不 有 此 然 處 就 宜 0 是 性 看 皆 生 起 第 依 不 , 0 分 明 依 死 他 唯 唯 依 不 記 , 無 他 他 别 難 起 唯 報 識 識 知 】問者必有宗旨 我 即 明 耙 起 悟 性 識 亦 , 論 如 本 性 性 之 法 執 然 了 來 , 0 空 則 _ 圓 此 得 妄 0 0 , 矣 若 真 執 義 得 成 生 須 性 起 乃 對 分 不 知 相 就 如 涅 以 信 , 無 槃 則 難 能 依 何 之 别 論 金 , 墮 徧 謂 起 明 了 正 方有下 剛 。答者 0 , 0 Ξ 分 佛 於 計 然 _ 圓 藏 則 , 覺 别 本 為 徧 隋 報 種 0 問 0 世間 是 眾 第 手處 亦 我 計 於 所 難 起 , 徧 _ 修 法 生 信 不 之 必答其所問 _ 0 ? 法 方 不 難 論 外 二 計 , 根本處 0 是菩薩 依 執 0 便 起 又 所 中 普賢章 真 正 佛 說 分 執 執 他 , 覺 則 之 此 别 徧 性 如 起 ; 答意 世間 處 我 生 Ξ 性 境界 之處 計 教 建 處 性 法 滅 人 立 以 金 0 是 _ 難 = 觀 答 剛 而 0 , , , 0 徧 即 Ξ 執 員 藏 門 身 意 就 為 依 我 性 成 輩 此 計 從 , 恐 , 他 如 也 四 本 末 聖 依 則 皆 幻 須 文 如 0 0 鹿廳 若 他 是 歸 實 世 可 幻 先 看 0 0 萴 由眾 與 不 起 於 不 員 觀 , 如 有情 性 覺 起 性 員 依 免 此 原 幻 之 生分 , 建 也 成 他 互 依 _ 經 分 此 别 立 相 圓 字 似 世 不 病 間 成 發 Ŀ 世 所 離 須 並 0 , , Ξ 間 謂 實 不 先 未 即 員 明 用 故 答其 也 性 為 種 無 迷 成 設 但 功 看 Ξ 世 之 而 Œ 圓

是 言 取 Ξ 後 也 如 雖 故 A 捨 生死 用 種 無 人 自 0 , 0 輪 生 之 三器 依 以 利 , 而 之根 妄生 他 相 上 亡歿 有 迴 , 起 Ü 皆 世間 亦 始 , 性 有 分 終 , 今言念念相續 依 0 妄起 編計不空 别 生者有 世 他 此 , 為 , 間 起 中 四 , 分別 墮 , 性 相 間 山 一於 不生憎愛 度 河大地。正覺世間所 相 0 0 ,輪迴不能出。此輪迴乃直指眾生生滅之心。 编計; 有 生 , 起 , 殁者 不是我執,便是法執也 信 情 , , 則 論 世 變易 生 而 間 中 無 , 有我 則 死 非 相 所 所 常 不 謂 不 0 以 ·起取 器 法 斷 有 生 , 二執 世間 一滅 前 , 故 捨 成壞不已, 門 後 有 以有始 , 之起止 有 生 , 0 當體 無者 則 然單 滅 終生滅者。 不能逃出生死 0 菩薩 指 , 即是圓成。 0 前 正 生 謂 報 滅 住前 眾 度 生 依 門 生 佛之 有 報 如 , , 若 亦 父 則 起 , , 出 故 一起憎愛 無 生 相 之 有 生兒 有 有窮 後 世, , 此 皆是輪 輪 無 住 四 後 為 時 迴 滅 相 0 後眾 也 有 度眾 相 , 迴者 0 徧 即 二乘 止 有 滅 相 生

未 出輪 如 動 目 廻而辯 能 搖湛 圓覺 水 0 彼圓覺性,即同流轉。若免輪迴,無有是處 0 又如定眼 , 由 迴轉火 0 雲駛月運 , 舟行岸

庚二明其可訶

移,亦復如是。

故 用 生滅心而辯圓覺 曰彼圓覺性 講 先法 說 即同流轉 ,莫道不能辯明 0 未出輪迴句, 0 謂彼所明之圓覺性,乃是依於生滅妄心中,流 ,縱使辯得明白,亦不是圓覺真面目也。 言其仍用生滅心也。辯字意指三疑 0 謂

大

出輪 成運 之 所 覺真理 意蓋是以眼識遲鈍 水也 亦隨名言而 喻彼根性愚 異 言 故 出 礼相 顯 É 0 , 迴 以辯 又如定眼由 無有是處 種虛妄名言 0 舟 而 喻 喻 。而彼圓覺本非流轉及與名言,由彼妄以名言反覆辯論 ,依妄心而辯圓覺 行 圓 圓 彼 圓 1似箭 成流 覺 覺亦成名言 圓覺妙性 覺妙性 鈍 。次喻顯 ,見理不真 0 而圓 轉 迴轉火者, , ,非是真圓覺性故 因見岸有移相 ,看火不真。而勉強瞪定其眼,迴旋久觀,而火亦成輪 0 0 謂湛 雲飛如駛 覺性 , 本非流 0 0 動 大 0 ,依圓覺妄現名言 水本不搖動 , 定猶瞪也。略疏云: 而勉強澄定識心,發起虛妄名言 目 喻知法 隨彼名言 動 ,因見月有運相 ,數動之目也。喻妄心分別 。岸實不移, 0 由彼 , 。若依此而欲免輪迴,斷斷 故云亦復如是 , , 因 而成流轉 以生滅心 數動其目 。圓覺本非名言 因舟行所顯而 。月實不運, 眼識遲鈍 , 0 如彼 依於圓 , 依於湛水,妄現搖 動 目 . 覺 , 。湛水 因 成移 旋火成輪 ,反覆辯論 ,因名言辯論 , , , 能搖湛 變起虛妄名 雲駛所 乎不可免 彼圓覺性 0 ,不搖之 喻彼未 顯 小無 0 其 而 員 動 0

辩 徧 計 亦是 。故 記 即 徧 辩字不是 計 同 虚妄 流 轉 分 0 別 流 /辩別 轉 0 故決不能免輪 之辩 , 即 輪 , 迴也。 即指前三種 未出輪 迴 難 迴 詞 而 0 以 辯圓覺。 徧 計 而 無 辩 論 , 圓成 辯不成, , 則 員 成 即令能 亦是

善男子!諸旋未息 曾未清淨 觀 佛圓覺而 0 彼物先住 不旋復 0 ,尚不可得 是故汝等 , 0 便生三惑 何況輪轉生死垢心

,

真圓覺性 總成非量 須指前 其 相 悖 此亦應與感悖 諸旋未息 死 件為能況 而 時也。物先住者。言目正動,而水先不搖。眼正定,而火先不轉。 月先不運 起惑造業,莫不依之。故云生死垢心 講 伸難之三疑 ,成於應感 。若果是真知正見 ,以是非真知正見故 ,以顯下之無始心性為所況耳。輪轉者,顯是無始妄識 諸旋 圓覺即無始真性 1。舟正行,而岸先不移。尚不得者,應與感悖故 0 彼既不得,此 , 指前目動眼定雲駛舟行 0 ,斷不能也。是知未出輪迴而辯圓覺 其 一疑惑以自語相違 , 。觀此不旋復者 則三種惑, 。三惑,決不得指見思塵沙無明之三種 何能爾 0 故首置何況之言 何由而 0 。未息者,言正動正定正駛正行 。曾未清淨者 次疑惑以世間相違 , 離於流轉 生 0 , , , 謂 譬夫彼物先 縱使辯得 正在輪轉 。此約目前 何能況 ,三疑惑以 雲正 ,出生入 顯 , 如彼 住 , 的 駛 0

下正是答 生死 記】諸旋未息,彼物不住,世間法尚且如 輪 迴之根本未出, 而欲圓覺之不流轉,焉可得耶?以上建立答意 此 。何況 六識不空,分別 之妄相 以

已二說喻開诵

辛一泛說幻翳喻庚一泛以喻開

善男子!譬如幻翳,妄見空華。幻翳若除,不可説言,此翳已滅 何時更起一切諸翳?何以故?翳華二法,非相待故

不是對待安立。但言翳除,華不言而可知。喻識空亦爾 不可說空中華耶?故釋以翳華二法,非相待故。言非待者,顯二 復生煩惱,此何異問識復生耶?然己惑之甚矣!何以故?是徵。言以何故 見而 佛必泛說此喻者,其意以煩惱依於六識,我已識空,汝等猶問如來,何時 起諸翳 佛聞法 現。翳既是幻,見亦非真,名妄。喻六識分別。空華者,空本無華 顚 【講】翳者,是淨目勞相。生不長生,名幻。喻六識 。喻世間無知,不可向頓了識空者,說言此識已空,何時更起諸識 ,蠅翼金星等相名華 頓了識空。不可說者,不可向幻翳銷者,說言此翳已滅 。喻分別所辨妄境。翳除者,遇藥即銷 ,依八識虛妄變 何 ,由妄]時更 喻遇

落二邊也。 顯也。 【記】由此至亦復如是,是正釋三難 幻翳喻顯 如來雖常說三性,元是一性 空 0 空華喻顯法 空。虚空喻顯 ,皆由依他而起 。佛必設喻者,因末世眾生根鈍 空空 0 從依他起分別 即究竟真空 妙 ,則墮徧 理 ,非喻

處不說華 下文破法 妄見。眾生迷性成識,當有此疑。豈金剛藏修性人而亦有此疑 空 空 顯 , 之 0 悉是妄見 不起分別,便是圓成。然此理上智易領會,末世眾生,不易了解 無實體 便是癡 0 翳 執 非 留待 常有 人 可 矣。 幻翳除 指 。見空有華 下喻。 0 , 此處單以翳喻 故 二 者非相待而 稱 ,喻破我執 亦以見我法二執,非相待而有。應先破我執 日 , 翳 幻 0 除 可見是假 華滅 。空華滅,喻破法執也。翳華非相待而 有也。 ,不以華喻者。 0 若 目 ,又是可醫 喻真 欲向翳 智 因翳 除 0 處 幻 0 雖幻 翳 翳 , 問 喻眾生妄起 眼 見 ,尚有實體 何時復 色非真色 耶?以 再生翳 ٠, 分 再破法執也 上是破 可指 别 , , 見空 故 有,故此 0 必 空華喻 不是愚 我執 華本 非 以 真 0

亦如空華,滅於空時。不可説言虛空何時更起空華。何以故?空

本無華,非起滅故。

辛二因說空華喻

是徵 無翳 似唯顯於人空。華除法泯,兼又進於二空。相因而說,固其宜矣。 達法空者 可向 .淨目無翳不見空華者 ,空華不見 講】空華 以何故,不可說言虛空何時更起華耶?故釋以空本無華 ,說真空理中 , 0 喻眾生諸佛生死涅槃等及一切諸法。滅於空時者,淨眼 喻如來既了識空,則生佛等諸法皆空故 , 何時更起諸法 ,言虛空何時 更起空華 0 佛又因說此喻者 0 喻世間 無知 , 。不可說者 以翳銷識 , 何以 不 可 起滅 故 向已 空 , 不 ?

大方

廣圓

覺修多羅了義經講義附親聞

故也 故 既不見華 空無華者 , 孰為起滅。喻如來於真空理中,不見有少法生,不見有少法滅 ,淨目不見 。喻如來已了識空,不見有法故 0 非起 滅者 , 以

覺 起見思煩 提 生生 一死涅 何由 記 架 復有 惱 此 , 0 此 顯法空,故說華不兼言翳 證得法 疑 切 世出 耶?特為末世眾生代請耳 空 世法 , 不起 ,皆 塵 如 沙無明 空華 煩 0 真 惱 何以 如真理 0 故?一 今金剛藏已證法空 , 本 如無二 無諸法之相 如故 , 0 不 證 0 過未得究竟 得 所 人 謂 空 煩惱菩

辛三引說虚空喻

非是暫有 生死涅槃 ,亦非暫無 , 同於起滅 0 0 況復如來圓覺隨順 妙覺圓 照 , 離於華翳 ,而為虛空平等本性 0 善男子!當 知 虚空 0

無 非是暫有者 則識空法空,譬如離於華翳,顯唯有空存。此即以虛空為喻, 執則成有 起滅者 此中虚空喻真如淨覺 講】此文有三意: 同於空華起滅 ,不執成無耳 ,不是因離華翳而暫有。 0 0 初承以法引 妙覺者,覺已證極 此以生死涅槃 , 即是成佛本體 亦不是因有華翳而暫無 。 生死 0 例明世出世法 ,所謂佛性是也。不因離華翳而 ,眾生也。涅槃,諸佛也 0 圓照者 , 照而 ,皆同空華起滅 無礙 故教以當知 ,故云非是暫 照無礙 同 0

即狂 暫有 即為 所覆 復有 幻化。 既能成立虚空, 故稱如來圓覺。隨順者,以能隨順真如生滅二門,成立虛空等一 過虛空者 開第二 無明 平等本性 ,顯有華翳時即有。喻眾生我法正熾時,即有佛性。無妨說本來成佛 前文所謂圓覺普照,寂滅無二,是也。此泛開第三難也 一難也 應不復與之言矣!圓覺者,圓覺妙性 喻佛性固有 , 則 此泛開第一 0 況復下,泛顯空性。

言空性尚不因華翳而為有無,況復有超 。證得此性者,則異生諸佛,無明煩惱,後起復生等 即為虛空本性。又能成立諸法,即為諸法本性。 切齊超 ,眾生為二執所障。 難也。不因有華翳而暫無,顯虛空固有 ,說生佛尚不可得 無妨說無明本有 。若更與生佛上興疑致難 。起信論名一心, ,本來成佛 唯佛獨證 切諸法故 , 俱能成立 權為華翳 此泛 非愚 0

復 此 證 法空 不 但 記】此顯究竟真空。非此最後一喻,不能破前三難。既證人空, 無 , 即 人 空 涅 一樂空 0 并 無 法空 證此二空, , 離 華 顯 則妙覺本性顯 法 空 , 離翳顯人空也。 現 0 此性起於圓照之 前文所謂己得成就者 智 即生死 如太 空。

庚二實以喻通

善男子!如銷金鑛 0 金非銷有 。既已成金,不重為鑛 0 經無窮時

大方廣圓覺修多羅了義經講義附親聞記】

金 一性不壞 。不應説言本非成就 0 如來圓覺 ,亦復如是

明 若通前難者 覺妙性 任為 不妨說本來成佛 在 重起無明 喻論圓覺者,不應說此圓覺性,在無明時,本非具足。此喻據實而說 圓覺之性,居然常寂。本非成就,謂不應說言此真金體,在徺時本非成就 既成不徺者 銷 無明時 有者,顯繞中原自有金 即 瓶 講 通 為環 初難 涉世行化 ,本非 0 即通後難。末云不應說言本非成就。喻彼論者 蘊 , , 喻惑斷已盡 如云金非銷有,顯繞中原有 金曰徺 0 , [具足 又云既已成金 為 。即通次難 釵 , 任爾為菩薩 0 。意顯在無明時,本自具足。 爐鎔 為釧 。喻妙性非因修斷而有,顯惑未斷時本自有之 , 妙性全彰,再不復重起 \Box , 銷 縱經年久,器器之金 ,不重為徺 0 , 為緣覺 喻行者以智斷惑 0 0 ,為羅漢 喻斷無明惑 喻眾生本來是佛,不妨說有無 所以雖說無明本有 無明 , , , 為 以顯! 依然如 人天 0 , ,不應說此妙性 經時 妙性全彰 圓覺妙性 故 , 經劫度生 不壞者 喻 乘 金非 不復 此圓 也 0

記】金比圓覺妙性 0 銷喻修 0 如來既證人空法空 , 又證空空 ,焉 能再起無

辛一正以結示

明

成 善男子! 佛 0 無妄輪 切如來妙 廻及非輪 圓 覺心 迴 0 本無菩提 及與涅槃 0 亦 無成佛

講 上約· 在 纏 , 名 如 來圓 覺 , 謂能成佛之因心 0 此 約 出 纏 , 名

覺 輪 故 有成與不成 即是絕待靈心 能證也。 妙 圓 耶?如前文所謂生死涅槃 有輪與不輪 , 皆不立也。 覺心 亦名為 離煩 , 謂 幻 0 今既 惱 成 0 0 能 輪 故云本無菩提涅槃 巖 說無覺者 佛之果體 百妙 如是觀 即 云無 生死 , , 顯 , 則 , , 0 名為 亦復 無即 成 無明盡 唯 ,同於起滅 (佛尚) 佛 Ī 涅槃 與 如是 見 不可 也 佛 ,以二德屬對待法故 0 0 0 , 則成 得 體備眾德曰 今既云 乃能究竟 0 妙覺圓照 , 況 不成皆不許 無 不成耶 , , 故云 說不輪尚 圓 , 離 ? 0 也 如前 永不再迷日 於華翳 。菩提 切 0 涅 不 文所謂 0 意 槃屬對 可 屬對待 。是有輪 得 顯 對 覺 除 況 待 幻 佛 如 0 故 此 無 妄 無 來

字 纏 在 上 極 纏 文 員 之 日覺者 裴 員 圓覺隨 覺 相 記】上來所講 圓 為 菩薩 覺 出 順 而 經 此 纏 , 意義 也 大 指 0 0 疏 蓋 出 具 有 序有云: 纏 上 0 足圓覺而 來 别 已至究竟地 之 圓覺 所 。上指 指 , 員 \neg 住持 終 乃十 覺 因 性 日 位 , 圓覺者 圓覺 方三 乃眾 , 0 此 故 世 指 而 生 此 處皆 未當圓覺者 諸 所 + 如來也 佛 同 方 諸 所 具 說 究竟 佛 同 , 之 證 所 0 果 了義 者 以 即 凡夫 體 隨 , 此 故 順 0 0 之 二者 也 此 上 謂 處 加 切 欲 色 雖 以 妙 妙 空 同 圓 證 圓覺三字 等 覺 員 切 , 覺 然 如 Silver Silver 是 而 來 在 四

大方

廣圓

覺修多羅了

義經

講

義附

親

聞

--

1

乎?有輪 用體 無明 自受 有 悲 名 有三: 提 故 備 彰 何輪迴 以度眾生。 不 以 日本 破 三德 立 用 上,本 , 故不 因 之 地 無菩提及與涅 與 凡 迴 生 , 具 又 非 故 無 死 見性淨涅 夫 破見思得實智菩提 輪 於一 因度眾 皆 名三德 說 此 有見思 名 迴 生 空 Ü 之 死 0 , 可 生, 三 一般。 祕藏,唯證方知。至此 故 槃。今則 。三非定三,一 , 0 言乎? 故不見 非 日 種 故有成 菩提有三,皆因對治三種煩惱 亦無成佛及 輪 涅槃之名 迴 便說 圓 真心獨朗 。破塵沙得方便菩提 佛 淨 涅 亦 涅 0 非定一。絕待圓融,不可思議。是為諸佛之 槃 不成佛 然成與 槃 不 立 , 0 諸 並無 0 二乘有塵沙 則盡大地 不成 佛究竟地 0 如 說成佛 來為 一法當情 ,特眾生有 。破無明得性淨菩提 無非 大事 位 尚 , 故 不 。煩 而 , 一圓覺,此 ·可得 湛 凶 設 不 湛寂 此 見 惱 緣 0 煩 既 方 分 ,更何不成 , 除 寂 便涅 别 出 惱 不除 現 0 , , 外更無他 Ξ 靈性 槃 在 於 種 如 世 0 0 , 菩薩 苦提 須 獨 之 涅 來自受 可言 朗 槃亦 用 興慈 物 菩 之 有

辛二顯況難思

壬一示聲聞莫至

善男子 ! 但諸聲聞所圓境界。身心語言 ,皆悉斷滅 0

之親證,所現涅槃。

得成聲聞人,已出輪迴者 講 恐承前疑云 0 未出輪迴而辯圓覺 ,想必能辯圓覺 ,不致流轉耶?故呼而示之曰: ,彼圓覺性 即 同流 轉 莫非

空智,將現前身心語言,皆悉滅盡 但諸聲聞所圓境界,於此大相遠也。謂此人所圓滿取證的境界,蓋是以生 。所謂灰身泯智,使不復生,不復再來

三界受生也。正是生空理所現涅槃,既云涅槃,何又說終不能至彼之親證?

當知此 過二百由 種涅槃,是佛權說 旬,方許實證所現涅槃也。 。故法華指為化城,非寶所也。若要親至 此既終不能至,而妙圓覺心,說彼能 ,須再

無是事也。 【記】聲聞所證地位不一。初果及二三果,亦稱聲聞,是為有學聲聞 。至

四 0

蓋聲聞所證者,為生空智。但見空,不見不空。果報身在時,所住者為有餘 果報身不 切斷滅 ,則為無學聲聞。 -在時 ,以為止境,不知前途有路而不復進。其所證涅槃,尚在變易生死 所住者為無餘涅槃。因其但證偏空,不知真如妙理。灰身泯 如來圓覺境界,不但有學聲聞不能 辩, 即無學聲聞 亦不 之中 涅

不能辯微 細 生滅 故不能知如來清淨涅槃境界。

壬二況凡夫難思

何況能以有思惟心 ,測度如來圓覺境界。 如取螢火燒須彌

講

先法說

謂彼小聖尚無是事

,

有思惟心

劣生空智 反欲測度如來境界 斷斷 乎不能 。故以喻而形之。後喻顯 何況凡夫劣於聲聞 螢火

大方廣圓覺修多羅了義經講義附親聞記

燒物 洲之中 似 唯憑佛智 火非真 ,則是徒勞 燒者須待劫火 0 彼有作思惟 喻 有作思惟 。喻凡夫用思惟心 ,相去遠矣 0 ,不過世智辯聰,非是出世正慧。既非是火 螢火欲 燒 , ,希求人天福報 有志圓覺者 終無著理。 喻圓 ,終屬 |覺居四智之總 此喻 虚妄。須彌居四 , , 證此 取 以

0

0

,應鑑

流 智 ら い 者 出 須彌 0 。思惟是第 何 記】聲聞見思惑已盡,分段生死已出,尚不能 能 山 須劫火 測 度如來圓覺境界。螢火非火 Ė 方燒 識 。凡夫三惑尚在 ,喻圓覺須佛智方證 , 縱有智慧 , 喻凡夫有思惟心非屬真 0 , 不 越 辩圓覺。 世間 鹿廳 何況 智, 皆 凡夫 ŝ 由 0 之有 劫火喻佛 分 别 思惟 Ü 中

壬三顯致難無益

以輪迴心 生輪 迴見。入於如來大寂滅海 , 終不能 至 0

涘 滅 為避繁文, 彼所難,乃是以輪迴心,生輪迴見。入于如來大寂滅海,不言圓覺云海者 無益矣 境界若此 無形也,不可以相顯故 講 特約境界言之。橫豎賅窮曰大。寂,無聲也,不可以言詮故 佛意以我前所說種種取捨 ,豈可以輪迴心入乎?故云終不能至 0 體備眾德,用賅萬有 ,皆是輪迴 0 而剛 0 ,故喻之以海 剛藏聞之,宜自知所 藏 雖非 凡夫 海 若據 無涯 0

記】生而滅,滅而生,輪轉不息。以生滅心,起生滅知見,欲入如來大寂

故 法 滅 不具 日 海 終不能 , 如 ,圓包諸法 何能 至 0 至。圓覺是真智,寂滅是真理。寂者口不能辯。滅者心不能 須 ,故名曰海。 知 部圓覺 ,無非達摩直指之禪。 由此觀之,上述三難 0 離言說相 皆是生滅知見,究 , 離名字相 何 所 思 0 悟尚 益 0 ? 無

已三斥非正問

不可得,更何論

於迷乎?

庚一承示常教斷妄根

是故我説一切菩薩 ,及末世眾生。先斷無始輪迴根本 0

性者 急先務故 經中,常作如是說也。菩薩眾生,通指發菩提心修大乘行者而言。先斷者 切眾生,生死相續 0 講】承上而言 切經中 0 所謂知所先後,則近道矣。 , 皆說斷故 ,皆由不知常住真心,用諸妄想。凡此皆令斷之意也。 ,用輪迴心,入寂滅海,終不能至之故。所以我於諸 0 楞嚴云: 無始生死根本等 無始輪迴根本,即指用攀緣心為自 0 故佛告阿難 ,

無 現前一念放下即所謂離念是也。禪家祖師教人離心意識參,亦即先斷此輪迴根 下 手用功處 0 蓋此 一念放不下 , 正 知正見 , 何由 顯 現 0 故佛說真實用 功 , 必 須

記

】無始生死

輪迴根本者

,即現前一念之攀緣心是也。若不先斷此念,

則

庚二因說展轉露妄相

【大方廣圓覺修多羅了義經講義附親聞記】

如空 善男子 華 ! 0 有作思惟從 用 此 思 惟 辯 有心 於佛境 起 0 猶 皆是六塵妄想緣氣 如 空華復結空果 0 0 非 展 實心 轉妄想 體 , , E 無

有是處

豈非類於期空華結空果乎?前云未出輪迴而辯圓覺,彼圓覺性 華 故云展 辯佛境 起 歠 者 虚妄之想 , 以 非無謂也。皆是句 謂 講 顯 【轉妄想。 若必以此 以有識心分別故 殊不知終不能辯 無實體也 有作思惟者 ,有能緣之氣分, 0 佛境即圓 , , , 0 謂能起之心,及所起之思 而欲明圓 乃能 如識因塵有 故喻如空華結空果,義相似也。 覺 於中積聚 起作無休 , 覺 是佛親證之境界故 , , 斷乎不可 根對境而起種 。非實心體 0 生死 輪 。 故 曰 迴 , , , 名為妄想 皆是於六塵境上 種分別也 無不由之 0 無有是處 剛藏之難 以妄想辯佛境 , 0 即 0 0 故喻 從有心 故教令先 司 , 意 流 皆為 如 , 現 祀 0

之 此 有 前 緣 非 作 影 真 亂 思惟也 想 記 Ü , , 能 】不能 皆屬 亦 所 0 互 非 有作思惟者 合 離念 此 妄 種 Ü 昏擾 , , , 故 則 乃是 擾 生 日非實心體 , 從 相 六 一滅 作意 塵 Ü , 屬 妄 用 於 想 事 而 , 已 氣 緣 知 , 分 氣 0 雖 如 係 有 0 0 空華 妙道 并 由 所 第 無 謂 生 緣 六 , 0 終 滅 楞嚴經所謂前塵虛妄 氣 識 者 不 之 起 相 能 , 對 得 以 , 乃 能 境 生滅 緣 方 因 之 照 無 妄 論 之 , 影 想 離 如 相想 也 境 何 , 即 , 凡 皆 無 夫 是 即

此 何有此六塵緣氣?莫道不能辯,縱辯得明白,亦只是妄想流出之名言耳。故曰無 也。今用此有作之心,辯於圓覺。圓覺乃清淨境界,涅槃菩提,二皆無有,更

庚三結斥所問非正當

有是處

善男子!虚妄浮心。多諸巧見。不能成就圓覺方便。如是分別 ,

非為正問

末二句,正以結斥。意謂汝今欲辯圓覺,連伸三難。如是分別,正類虛妄 巧辯析,立知立見,總非真正方便。欲證圓覺,終不能至。故曰不能等也。 【講】浮心,指緣影妄想,巧見,謂巧辯立見。言雖有種種思惟,善

浮心,多諸巧見。故非正當問也。

欲成 永無諸委曲 就圓覺方便 【記】六塵妄想緣氣,全是虚妄浮心流出。縱多巧見,不能成就圓覺方便。 相 , 是也 唯有直心 。楞嚴經云: 『心言直故, 如是乃至終始地 位,中間

戊二偈頌

己一標頌

爾時世尊, 欲重宣此義 ,而説偈言:

【大方廣圓覺修多羅了義經講義附親聞記】

【記】本章長行所說言語甚多。今偈頌不消數語,即將前文包括殆盡 。可見

如來之善於說法 0

庚一頌出由訶難

0

復 金 **- 剛藏當知:如來寂滅性,未曾有終始。若以輪迴心,思惟即旋** 但至輪迴際 ,不能入佛海

0

可得 寂滅性即妙覺性,不可以言說形容,故稱寂滅。求於去來迷悟等相,了不 至輪迴際。正見其垢心未淨也。長行云觀佛圓覺而不旋復,是依況意顯其 承上顯況 既即旋復 謂既無始終,汝以輪迴心而思惟之,則彼妙性,亦成流轉,故云即旋復也。 。此中即直言不能入佛海 ,故無始終。由此所以云種種取捨,皆是輪迴。若以二句,頌可訶也。 【講】首句謂少文而攝多義,恐其失錯過故。教以當知,令留神也。 ,故云何況輪迴生死垢心,曾未清淨。此中是直言明示,故曰但 ,詎免輪迴。明其可訶,正為此耳。末二句,正訶其惑 ,意顯果其能入,自不生於三惑 。長行乃

有可云始 凡夫妄想起滅,若能離念一照。問前念之滅有相乎?有可云終。後念之生有相乎? 者不變之體。來者隨緣之用。寂滅性即妙圓覺性。寂滅就真理言。圓覺就真智言。 記】如來寂滅性二句,最為緊要!故先呼金剛藏之名,而告以當知 然孤楞楞一個正念,實無終始可言也。今以生滅心說生滅法,皆是輪 也

迴境界。何能悟入如來性海耶?

庚二頌喻說開通

辛一頌實以喻通

譬如銷金鑛 。金非銷故有。雖復本來金 ,終以銷成就 ۰

成真金

體,不復重為鑛。

故云雖本終銷也。喻妙性雖本自有,被無明障,要必斷妄,乃能成就。後 【講】首二句全同。次二句補頌。謂恐有問云:金既本有,何用銷為?

二句亦全同長行。

方可成就也 終以銷成就二句,是補長行中所未及,甚關緊要!喻凡夫雖有性德 【記】偈中不提空華等喻。因只須金鑛 一喻,便可答盡三難也 , 0 必 雖 復 加 修德 本來金

辛二頌結示正見

生死與涅槃,凡夫及諸佛,同為空華相。

對故。今偈云:同空華相,其意更妙 【講】長行云:妙心本無菩提涅槃;及無成佛不成等。總以妙性離諸

記】生死涅槃,皆屬方便之說,對待之相。若有種種取捨,則非正見矣

庚三頌斥非正問

【大方廣圓覺修多羅了義經講義附親聞記】

1 4

思惟猶幻化。 何況詰虛妄?若能了此心,然後求圓覺

豈不至虛至妄。有類夫空華空果也。後二句,義頌所問非正。長行云:浮 可知 心巧見 義也。長行云:用此思惟辯佛境,猶邀空華結空果。今云何況以此詰圓 講 ,不成方便。今云若能撇了此心,然後可求圓覺 長行云:有作思惟,非實心體,已如空華。今云幻化,即空華 0 所問非正,不言 覺

詰 , 即三難也。思惟猶如幻化。何況所問之三難,皆屬虚妄耶

丁一謝前請後——彌勒章丙二示離障顯性

世眾 生決 悟輪 跪 幾種性?修佛菩提 於是彌勒菩薩 叉手而白佛言 父定信 生 迴 欲遊 分別邪正 0 無復重 如如 , 來 在大眾中。 :大悲世尊 隨 大 0 , 幾等差別?廻入塵勞 寂 輪 能施末世 滅 轉境界 海 !廣為菩薩開祕密藏 即從座起,頂禮佛足 。云何當斷 , 切眾生 起循環 輪 兒 , 無畏道眼 **廻根本?於諸** , 0 當設幾種教化方便 世尊 ! 0 , · 若 諸 令諸大眾 右繞三匝 0 於大涅 菩薩 輪 廻 及末 槃 , , 有 ,

慧目 度諸眾生?唯願不捨救世大悲,令諸修行一 肅 清 , 照曜心鏡 , 圓 悟如來無上知見。 作是語已。 切菩薩;及末世眾 五體投地 生 0 ,

如是三請。終而復始

0

眾生 為 前 請 故 家寶無畏也。大涅槃至佛果方證,今雖未證,則無復懷疑,故曰生決定信 圓覺境界 由此進修,可免生死,不致重隨輪轉境界,起循環見矣!世尊若諸下,是 眼不明 語,皆辨邪正意耳。現前四依,以此大教流通當世,即是代佛施生之能也。 在輪迴中 照後也 爾代問 章佛示 一明示,故云開也。深悟句,謂深悟種種取捨,皆是輪迴。前文訶斥等 現會 約發菩提心修圓覺者而言。 分二:先備陳所請 焉保歧途不入?無有是處。今蒙如來上來開示,則能子賊分明 約益則廣為未來,故稱大悲世尊 以先斷輪迴根本。大士意謂:我等已聞此意,尚恐初學未能領會 。云何當斷 , 前云入 初一行半 非機不說 , 此云游者 , ,是眾中具儀可知 ,縱說亦不致明了,故云祕密藏 此總陳也。別陳復具三義:一云於諸輪迴,有幾種 0 菩薩眾生,舉所被之機 , 謂解行相成 道眼,即辨析邪正之眼 0 大悲下 0 法喻 ,任運而入 重重 , 謝前成信 。大寂滅海 0 , 故云 大 ,自在如遊戲也 剛藏伸難 ,指正慧也。此 一廣為 0 謂約法 覺 即前文 如來 性覆 則廣

大方

以心 無多內 不捨者 此 如來答處自見 性 圓悟 一件事也。既接現前 鏡 二云修佛菩提 為 染 無上知見 ,慇慇繫念 所照 Ħ 清 ,即心地開通 0 清 唯願下 0 作是下四句, ,乾乾不息也。慧目即道眼 ` , 淨也 幾等差別 , ,正請希悟 復拯末世,斷愛欲因 0 用斯 義也。心地 。 三 曰 顯慇可 成觀 0 唯願者, 迴入塵勞 , 知 開通 自能照曜心鏡 , , 。不馳外境曰肅 顯願之專。 則無所不 ,當設幾種教化方便 出輪迴苦,名為救世 0 謂以正慧為能 知 餘皆不願 , 無所 0 肅 不見 ` 大 嚴 獨願 至後 , 故 照 悲 曲 0 0

歡 招 員 斷 用 喜益 覺性 。令 人 報 輪 功 前 證 宜 , 迴 言 人 輪 乃不 一從此 之 根 0 記】此章所 本 二為 轉 得 亦 從 ,乃是悟入。今云遊 生 得 下手 此 λ 不 , 理 首 自 人 增 死 顯 益 悉檀 悟 也 在 0 0 0 故 此 言 離 彌 , 0 障 可 彌 云 障 勒 , 0 如 於我 勒 來 不 _ 恐末世眾生聞 以 令人得 0 障者 自 說 障 即 離 受 謝 法 們 , 有三:一 用 前 生善益 則 凡 , , 性 煩 夫 所 必 乃是修證 聞 惱 不畏 依 不 , 最為 煩惱 顯 障 輪 之 0 四 三對 賊 法 悉 0 即 迴 然 竊 檀 事 根 切要 , 障 0 能 此 治 障 本 0 0 0 悟入屬解, 悉檀 性 二業 故 令眾 之言 ! 令大眾得 本 蓋 所 日 生 人 知 障 , 無 0 凡 畏 令人 得益 人 障 而 夫 0 同 Ξ 此 即 不 所 修證屬 大寂 益 得 報 具 理 知 患 0 也 破 , 凡 障 障 斷 , 滅 惡益 世 。 大 法 即 0 0 行 界 是 海 夫 由 因 0 涅 悉 迷 故 此 此 0 不 三種 槃 檀 之 Ξ 代 能 即 四 第 障 障 為 而 前 斷 陳 , 0 是 令 愛 文 不 纏 請 請 , 八圓覺 我 人 義 减 繞 問 造 欲 者 得 業 0

提 有幾 亦 即 道 如 切 智, 鏡 自 眼 種 必 五眼 度眾 初 , 性 0 互相 學佛 即聲聞緣覺之智。二、道種智,即菩薩之智。三、一切 慧目為能 生 二 映 , ` 以 澈 故 至成佛 肉 發 ,所謂光光相射 眼、天眼、慧眼、法眼、佛眼。 照,心鏡為所照 無上菩提 須迴入塵勞), 動 Ü 經 塵劫 0 , 修無上菩提 但 也。 0 不 。當其未了生死根本之際,不知於諸 照耀 無 知有幾種教化 Ŀ 心鏡 知 見 行 , , , 即 即是教人修觀 不 佛 知 方 之正 便 中有幾等差 一見也。 0 知正見 戒定慧名三道 種 0 智, 。所謂三智 我心如鏡 别 。三 即佛之智。 輪 ` 0 故 , 欲 迴 慧 慧 中 證菩 目 目

諦聽 爾時 目 0 , 及令 及末 世尊 ,當為汝說 世眾 一切末世眾生 , 告彌勒菩薩言:善哉善哉 生 0 , 時 請 彌勒菩薩 問 如來深奧祕密微妙之義 , 永斷輪迴,心悟實相 , 奉教歡喜。及諸 !善男子!汝等乃能為諸菩 0 , 大眾 具無生忍 令諸菩薩潔 , 默然而 0 汝今 活清慧 聽 0

丁二師資緣合

演 正慧分明,照曜心境,故云心悟實相,實相即真空理也。悟此理者,直證 欲愛不萌於心,故曰潔清慧目。傳之末世,生死不繫於眾,故云永斷輪迴 故稱秘密 講 寂滅海唯佛獨證 0 悟則輝天鑑地,等佛知見,故又以微妙稱之。 , 故稱如來深奧。眾生久隱情識 佛亦常] 現前聞之 不開

大方

無生 , 於無生理,忍可於心 , 故云具無生忍。餘可知

異名 所障 地 能 以 到 上得究竟證 , ,見思障慧眼, 0 即 彌勒代眾請問 記】如來深奧祕密微妙 真空 理 也 0 圓 0 塵沙障法 教則初 無生忍 , 即欲如來將自受用境界, 住亦證無生忍 , 眼 眾生未當不 , 乃佛果上自受用 ,無明障佛眼 有 , 故云具 ,故慧目不清 令眾生 功夫 0 0 唯佛 初地菩薩得少分光 一同受用 。實相 獨 證 也 , 無 , 0 即 眾 人 寂 生因 能 滅 知 海之 三惑 無 0

丁三應請開示

戊一長行

已一示當斷輪迴

庚一略明

善男子!一 切眾生 , 從無始際 。由有種種恩愛貪欲 ,故有輪 迴 0

繁興 養 如子孫男女。 。凡此皆牽連生死,招致往復。故云由有種種恩愛貪欲,故有輪迴 ,故以種種言之。恩有二:一報上之恩,如父母師長 無始指晦昧真心以來 然有恩即有愛。或愛上貪財物欲行孝敬 0 晦昧真心 , 轉變妄想 。愛下貪利祿欲全育 。恩愛貪欲 。二惠下之恩, 由 此 茲

記】輪迴不但六道眾生有之, 即出世三聖亦不免。 六道眾生,受分段生死 愛欲為輪迴之本,已略明矣

是事愛。聖人是理愛。事愛招分段生死。理愛感變易生死 愛貪欲 薩 二乘聖人 割愛出家 由是迷本覺為 生 生 無 死 明未 死 細 ,欣涅槃, ,先斷 ,循環不已。二乘聖人,生滅滅生,其相微細 而 盡 難 不覺。 , 貪欲 知 亦在輪迴之中。六道凡夫,恩愛貪欲 。自最初一念不覺晦昧圓覺真心時, 厭生死,亦是愛憎。 ,以其為輪迴根本故。愛之一字,九界皆有之。眾生無 蔽妙明為無明。由無明變現妄想,以生恩愛貪欲 諸大菩薩,求神通 , 日 鹿廳 ,則有變易生死 無始 而 易 , , 有法愛。 知 言不能究其始 0 出 。所以 世三聖 0 不過凡夫 諸 論 世尊 大菩 ,恩 也

庚二詳示

若諸 命 0 當知 世界一 輪 切種性 廻 , 愛為根本 0 卵生 ` 胎生 ` 濕生 、化生、皆因婬欲而正性

報 IE 此種等 和合煖 飛沈亂 唯想生 性命 次舉正 講 類 成 想 。胎因情生。濕以合感 四生皆是果報 , 上雖 翻覆亂想 故有卵 報 凡有性體有形命者 0 略 故云一切種性 明 0 欲顛倒故 , ,語意含蓄 故有濕 , 總以情想為因心也。情想即是欲愛 ,和合滋成 。化以離應。又云:動顛倒故 0 假顛倒故 莫不以婬愛之因為正成 如楞嚴十二類,今則但舉四生。經云: ,恐眾不了 ,横豎亂想, , 和合觸成 ,故復明明詳示 新故亂想 故有胎 ,故云皆因婬欲而 0 ,和合氣成 ,故為輪迴之 首句先舉依 趣顛倒 , 故有 化 故 0

大方廣圓覺修多羅了義經講義附親聞記

本。此應當警覺而知之也。

薩 爱 想二 禪 初 熏 輪 下 具 故 畜 _ 如 羅 仍 襌 修 無 手 為 類 是 至 以 迴 四 至 行 未 上 有 生 因 證 漢 明 0 趨其新 横 生 0 佛 喜 , Ξ 减 故云 忘 鹿瓣 生 0 , 記 , 0 禪 即 涅 方 鬼 或 而 細 一分 卵 方 槃 能 斷 道 成 情多想少 一 切 故 不 0 濕 , 以 此 破 種 爱 人 世界 不 捨 亦 同 有 以 想 微 合成 微 即 出 杰 皆 子 道 種 胎 成 , , 細 有 細 權 輪 0 由 即 生 , 動 性 如 0 菩薩 愛 之愛也。人類之愛最重。愛漸輕漸 愛 多得 畜道 無 是 然 位 , 趣 , 迴 顛 0 明 菩 有 有 或 性 四 0 顛 倒 ,多世 至 薩 空天 鹿廳 之 化 即 , 唯 , 想多情 _ 倒 , 分 理愛 皆具 第 而 超 生 飛 十 細 , , 愛方永 上求 福 界 向 _ 出三界 之爱空 四 不 0 則 同 上 少 禪捨念清 此 四生 Ł 類 , 0 亦 多一 佛 章 自轉相 升 則 , 生 如 0 斷 愛由 或 道 開 翻 是 , 0 0 , , 得 亦 分爱 宗 地 沈 以 今 , , 郭 仍 淨 至 無 獄 向 情 仍 阿 則 但 故 是 現相 羅 是爱。 明 , 搔 道 下 合 舉 下 云 , 即是 法 漢 即 著 流 祇 則 想 若 隨 四 减 眾 愛 果 出 有 覆 生 諸 , 0 , 捨愛 化 者 直 能 或 少 生 世 0 , 0 胎 , 無 至 一分 生 界 所 痛 而 化 以 以 四 , 升 非 方 情 明 造 癢 生 情 生 , 既 0 0 , 未 出 想 至 是 _ 然 立 福 六 託 成 離 四 0 生之 欲 破 分 非 迹 果 眾 仍 , 欲 欲 想 0 大自在 遂成 輪 段 有 天 全是 非 用 顛 報 生 , 果 想處 不 生 微 迴 功 亦 倒 由 之 如 出 是 死 微 化 假 此 細 以 相 天 , , 變易 愛為 而 天 的 生 轉 細 復 顛 之爱在 人 而 , 多眾 之爱 由 確 為 變 捨 愛最 0 皆 倒 生 爱 阿 豎 而 微 根 須 四 , 不 本 修 死 生 從 舍其 生 成 細 離 生 菩 轉 此 2 + 四 0

由有諸欲 ,助發愛性。是故能令生死相續 0

也。以是之故,能令生死相續,謂其為輪迴之本,不亦宜乎? 此欲以外,更有可欲之聲香味觸等,皆足以助發愛性。是愛性所以常相續 何能為輪迴之本?故示之以由有諸欲,助發愛性。諸欲者,對前婬欲而言 或問愛不自生,因色而起。色盛則愛,色衰則不愛。愛既不常

不能斷。 【記】婬欲祇一 。若無諸欲助之,則愛根或有能斷之時。唯有諸欲 助之, 故

庚一顯愛相續己二示輪迴幾性

欲因愛生。命因欲有。眾生愛命,還依欲本。愛欲為因,愛命為

朱。

本。欲本即身,以身為行欲之本故。是知愛欲為將來受生之因,愛命為將 婬一事,原因相愛而生,不愛則不成欲故。命不自立,原因婬欲而有 來成身之果。此愛心所以不斷,而生死所以常相續也。 欲則身尚不有,命將安寄。然眾生莫不愛命,愛命即須保身,是為還依欲 講】承上所云,諸欲助發愛性,能令相續者,以愛性無有斷故 , 無 如

若 性 令人可驚 非 世 欲 生 實 一牵連 非 聞 者 死 彌 萴 遇佛 佛 正 勒 , 凡 法 業也 因 聖 所 , 記 出 可懼 問 同 相 世 修 續 諸 以 居 0 , 奢摩 為 !眾生怕死 不斷 欲 , 如 下三請 來 或 生 助愛是 有 闡 他 0 死 所 分 佛 說 是 行 段 由 之業因 說法 種子生現 助 生 别 , ,是輪 決 , 緣 死 請。答是 故愛命。愛命保身, , 不 0 0 0 有 二 依 能 欲 迴 法 免 行 正 性 乘 因愛生 起修 因 輪 ,現行復熏種子。 , 方 别 不是輪 迴 便 答 , 招 , , , 0 豈能 愛者 出 菩薩 恆 胎 迴相 生 生之實果 人 祇知 斷哉?婬 死 ,惑也 實 即造種種之業 也 0 報 0 有 性 , 惑業苦三道 0 輪 何 0 ` 有 欲 有 因也 變易 因惑造 以 迴 生於), 而 故 助 ?.愛 緣 0 生 相愛 業 0 , 招 相 死 不 此節總標輪 心 , , ` 知 0 永不 因 諸 果 , 無 皆 輪 提 業 屯 有 業 輪 迴 起 能 之 有 斷 招 0 迴 報 欲 離 婬 幾 報 時 相 字 果 欲是 迴 故 也 種 若 Ξ 之

庚二依輪分性

辛一惡種性

由 **| 於欲境** 起諸違順 境背愛心 而生憎嫉 , 造種 種 0 是故復

生地獄餓鬼。

不可意則背我愛性 云由於欲境 講 上顯愛性 , 謂 可 行欲之境也 , 名違 相續 0 , 可意則合我愛性 即是在輪 即指 男為女境等 迴 中 此 ,名順 辨有 0 此境 ·幾種: 0 其次言境背愛心者 有 性 可意與不可意 先 明第 0 故 0

盜削其家,株連彼之親族,負累伊之官長,士善永絕,十惡繁興,故云造 體,或壞其名聞,或設計而妄生圖謀,或依勢而責彼父兄,甚至潛傷其命, 不從則敗興懷瞋。橫間則不遂啣怨。故曰而生憎嫉。由憎嫉故,或毀其形 且約違境言之。或賦形失麗,或決志不從。或橫生間阻。失麗則立時生憎

種種業。上品地獄,中品餓鬼,下品畜生,雖不言而可知

0

業益重,故此報極苦。不過為一點愛情,一絲欲念,乃致輪迴無時得休,令人寒 ら い 復 欲 !有志於道者 起我欲。男以女為欲境。女以男為欲境。違境固招苦報,順境亦然。蓋愛益深, 之境。五根門頭所對者為實境。意根所對者為法塵。因我欲而對彼 【記】惡種善種不動三者,皆輪迴之性。此性不斷,輪迴不出。欲境,即五 切勿為愛所惑,招三途之苦也。 境 。因 彼境

辛二善種性

知欲可厭。愛厭業道。捨惡樂善。復現天人。

深生厭離 品生修羅 樂離欲防婬之善行 0 設聞有離欲之道,便起心愛慕而欲行之。由此捨因欲所造之惡 知可厭者,或閱經教明言,或聞師友開示。知婬欲為惡道之因, 亦不言而可 知 。轉十惡業,成十善道。上品升天 0 此中天唯六欲,人該四州 0 且約欲界言之,而 。中品生人。下

【大方廣圓覺修多羅了義經講義附親聞記】

仍未離愛性也

1

定 眾 違 世善因而 四 持 必 天王 ;此厭 造業 心善不 能 禍 境 苦 能 轉 之 報 及 欲之念,不造好欲之業,且修防欲之道 門 造業 十惡業 。業愈 。善是 記 可。 來 忉 今此 惡與 , 利天也 。 且 不 修人道須持五 深 樂 可不 知知 , 招 知 善善 成十善道 因 字, 。因其散 順 , , 知 報 皆出 境 招 此 是就 愈重。若違若 亦能造 樂 義 吾 0 報 戒 好 0 然僅成 人 心修善,不是定 0 業 。不持五戒,則得人身難 現前 阿修羅間 一邊說 然 樂 。如婬 一念 世 非可久 間之善 順 0 於天與人之間,善中帶惡業 ,無 即 欲 0 雖 彼 知 樂 欲 此 其性 心修善故 ,升天 非招三途果報 也 ,故云爱厭 之為害 順意,恩愛綢 0 此 不同 亦 善 衹 種 。若升夜摩 , ,然皆不離 能 升 ,失人身易。 性 業道 六 生 。知者 , 欲 厭 繆 全 天 離 仗 。不遇良 也 愛 中 , , 何 _ 眾妙 兜率天 之 0 日 知 。惡是苦因 吾人皆由 地 字 因 得了? 之門 師 居 厭 天 益 欲 , 友 非 則 但 , 亦 修 亦 即 ,

辛三上善性(又名不動性)

又知諸愛,可厭惡故。棄愛樂捨,還滋愛本。便現有為增上善 果

樂亦是愛 以捨為主故 ,受上細身 甚可厭離 講】天上人間,皆由愛生。人中八苦交煎。天上五衰猝至。故知諸 謂愛修捨定 0 如 。空天捨麤心,受細心亦爾 。由此捨下界愛 四禪從麤 ,還以滋生愛本 向 細 ,希上界定,故曰棄愛樂捨 , 漸次捨身 愛本指上界身心 0 0 然既有身心,還能生愛 四空漸次捨心 0 。以上界定 還滋愛本 如禪天捨下麤 故以 , 皆 ,

愛 地 覺觀屬 亦 到 離 十 四 至 頭上華 盛 故 亦 不得解 愛本稱之 -二處 且 此 空 此 也 諸愛亦須 是 0 無 修覺 然 , 若 Ü , 一知字 【記】此段所言,從六欲 菓 尚 火 皆 又 不 中異常焦灼 冠萎, 初 脱 聞 有 以 遇 觀 升 , + 天 樂 不能 功 捨 良 遠 非無為 六 。造諸惡業墮三途者,名苦苦。善業雖生天人 便現者,以修捨定為因,現有為善果。以 但較之下界果報 為 腋 離 王 成 界 樂 Ü 師 欲 說 捨 在 主 下有汗 天 。八苦者 免大三災之火災 , , ,身心合 僅 之善 盡 0 時 , , ,夙世惡業現前 捨是放 仍不免風 樂屬水 知棄愛樂捨 切 , 果,故名增上 名 放 ,衣裳垢染,身有臭穢,天女生厭,天座不願久坐,是也 以 為天 捨 下, • ,生、老、病、死、怨憎會、愛別離、求不得 念清 , 下,本是好事,但其放 災 不 則 報 空居天起,直至非非想 但 ,漸次增上,故云增上善果 淨 能 由欲 知 0 0 。於是捨覺觀 可樂。及五衰猝至,則自 地 免 捨 即此 於是捨三禪寂 , 難免墮落三途。厭者 善果 。殊 水 界升色界初 下希上耳 災 樂字,仍舊是愛。 0 不 0 生 於 知 此 至 是 0 ,修二禪 滅 捨 禪 有 此 厭 五 之 樂 雖 , 下,不知 下界之苦廳 樂 百大 免三 名離生喜樂地 , 天止, 又 修三禪 ,身心 未達輪空, 故云還滋爱本 劫 災 ,離 , 知苦境來矣。 將 之壽 修 亦 故 合一 仍 內六 不離 名 障 其愛。惡者 四 , 是 襌 名 0 不 , 名定 根 劫 凡 離 0 希 苦 , 動 終屬有 盡 , 外 夫 不但 喜 到 Ĺ 性 , 名 五衰者 定 妙 此 0 五五 0 定 無 樂 生喜樂 之 六 壞 得 ,惡其 , 四 塵 力 地 陰 苦 淨 襌 苦 方 力 又 有 知 妙 熾 處 0 ,

, 仍

輪

迴

於是有志天人,又

捨色界之細身

,修上界之四空

雖

無色蘊

大 大 方

廣

員

覺

修多羅

了義經

講

義 附

親

聞

記

非非 願 令持戒 以 有 其捨 想在 能見觀音大勢至二菩薩 力 , 想。不及 超出三界,往 ,戒不易持。若令修定, 之 。次第 一念, 西方歸去來。 捨 猶 Ü 不 ,至非想非非 生西方 離 愛 0 也 水免輪迴矣 所以淨土法門 0 縱使下品下生,在蓮華中 故 心易散亂 云 想天 六 欲 。有八 諸 天 0 ,為末世眾生修行最 萬 受五衰 若令修慧 四千大劫之壽。劫 0 三禪尚 , , 則所知障重 不過十二劫。蓮華開 且 便 有 之 三 盡 路 災 , 唯 仍 蓋 有 墮 假 仗 眾 輪 饒 八彌 陀 生若 生 迴

庚三結斷當先

帝国女 てき

辛一正結

皆輪迴故 ,不成聖道 0 是故眾生,欲脱生死,免諸輪迴 0 先斷貪

欲,及除愛渴。

不可 非想天人, 不成聖道 講 故云先斷貪欲 古德云:假若生到非非想,不及西方歸去來。真實語也。以非 報盡還來,散入諸趣。故云皆輪迴故。由此所以流轉六道 。謂常在生死也。是故六道眾生, , 及除愛渴 , 而結示之。 發心欲脫生死 蓋以斷貪欲 , 則 , 非斷欲斷愛 下界無根 , 故

此 根不拔,終結生死之果。 記】生死根本,欲為第一,故先斷欲。然有一絲之愛未斷,便是生死之根 故又須除愛渴

斷愛渴

,則上界絕絆

0

有志出生死者,不可不知

善男子!菩薩變化示現世間 ,非愛為本。但以慈悲令彼捨愛 , 假

諸貪欲而入生死。

所愛 妙嚴轉邪,即其證耳 所以示有妻子者,但以大慈大悲,憐愍愛欲眾生,令彼悟愛欲之苦,漸捨 預而通之曰。菩薩涉世,必是變化示現,不因父母所生。故曰非愛為本 。假諸父母妻子 【講】或云,菩薩涉世度生,往往示有父母妻子,其於欲愛何?故此 ,示有世間貪欲,使人易信 0 四攝法中,同事攝故

現像 亦有妻子,豈非欲愛乎?今釋此難 施攝 ,來無迹 【記】上來所講三界眾生,欲免輪迴,先斷愛本。 。二愛語攝 ,去無蹤,故曰變化。 0 三利行攝。 四同事攝 , 彼是 名 日 元現 通 妨 , 0 菩薩 雖 有妻子,而非欲愛 λ 何以菩薩示現度眾生 世度生 如 月 映 水 四 攝 一時 法 如鏡

已三示修佛幾等

庚一斷迷成悟

覺境界,於清淨心便得開悟 若諸末世一切眾生 ,能捨諸欲及除憎愛 0 ,永斷輪迴。 勤求如來圓

期在永斷輪迴。二者期在勤求圓覺。此二意均須捨欲除愛,令心清淨。以 圓覺境界 必要能捨諸欲,及除憎愛。所以必要捨欲除愛者,有二:一者修佛菩提 講】佛意以若諸末世眾生,實有欲愛,非菩薩比。設欲修佛菩提 ,能於清淨心求,便得開悟。蓋以不悟圓覺 ,終滯有為,不能修

則心不淨。不清淨,則與圓覺不相應。因圓覺乃清淨境界也。 見女則愛。 一念發生,無論憎愛,均能流入母胎。此名潤生無明。欲不除則身不淨。捨不除 【記】捨諸欲,則不造世間惡業。除憎愛,則拔去生死之根。男見男則憎 女見女則僧,見男則愛。中陰入胎,即由一念僧愛。彼見男女交歡時,

菩提故也。

庚二因修顯別

依二種障而現深淺 善男子!一切眾生 ,由本貪欲,發揮無明。顯出五性差別不等。 0

或誤入邪宗。故曰顯出五性差別不等。此答幾等差別。或曰:悟圓覺而修 所貪也。由此貪欲不同。或初修未離凡位,或入聖乘分大小,或大小不定, :但緣不了本覺。自見定是眾生。 【講】一切眾生,總指修菩提者。差別未分,故總以眾生名之。大疏 遂欲斷障求真,厭凡愛聖。指此為本

佛菩提 ,應當平等。何故復有差別?故佛以二障淺深釋之。意顯理由頓悟

事必漸修。由漸修故,依二種障而現淺深也。

墮於依他起性,身心皆是無明,故云發揮無明 生之見不忘,遂起種種差別,並非覺性有差別。直是迷悟之中,顯出差別耳。 【記】由本貪欲之本字,即一念不覺,蔽妙明為無明之本無明也。六道眾 0 於此起修,不能不以 幻 修幻 。 眾 · 生 ,

辛二別明

壬一別明二障

云何二障?一者理障,礙正知見。二者事障,續諸生死

故云礙正知見。事障,亦名煩惱障。能障真如,起諸煩惱,致令生死不斷 【講】理障,亦名所知障。然所知非障,執則成障,致令知見不增,

故曰續諸生死。

為事障 更有高於我者,當謙讓請益,即不 見思障真諦理 【記】五性差別,由二障而生。知發於心。見出於眼。我之知見發生時 ,即我執。凡 以 理 一障故 , 。塵沙障俗諦理 夫所有,見思事障居多。菩薩 不能親見本來面目。 礙正知見。若自以 0 無 明 障中 以事障故,不能了脫生死 諦 理 所有, 0 八為是 無 明為理 無 , 則所 明理障居多。 障 知 , 所見 即 法 執 ,皆成為 故 分理 見思

壬二別明五性

【大方廣圓覺修多羅了義經講義附親聞記】

关一總徵

云何五性?

分證 也。眾生同具本覺。因一念無 德。從迷邊說,非從悟邊說也。然有差別 上則有種種 猶嫌其贅,更何有五?但性體 來藏自性差別是也。原性之本體 而有隨分覺。或 【記】此科 差 别 。蓋 文 說 因流入邪途而 性德無差 明五 性 0 明 别 雖無差別 所 ,迷本覺而為不覺。今或 謂 ,修德有差 ,則一性 有外道性 五 性 ,而因眾生修證次第,從迷得 即 ,即無差別 一切性 ,此所以種種不同 别 我 , 故 佛 , 於 自 種 0 種 切性 定 所謂全性起修 差別 經名 因悟道而 _ 性 中 ,皆言修 也 有 ,並無差 有始覺。或因 此 ,全修 德 悟 , 在 别 , 非 經 亦 即性 言性 功用 言 名

癸二分釋

子一凡夫性

善男子!若此二障未得斷滅 ,名未成佛

中理即佛也。既未斷障,不入五性之數,淺深未分故 【講】此約初發心人,欲斷障而未得。謂修德無功 , 性德未顯 六即

算起 下 。以二障雖未斷,而已能伏, 文聲聞性 【記】凡有內外之別。此指外凡性。未斷二障,不入五性之數。 ,緣覺性 ,菩薩性 , 外凡則尚不能伏故也。外凡最低者為理即。 未定性,闡提性也。五性中最淺者 所謂五性 應 由 內凡 一者,

按 名 因 高 六 字 僅 者 即 為 即 具 佛 有 觀 者 既 性 行 即 德 0 聞 名 0 , 字 而 理 而 名字即位其中間 即 以 毫 佛 後 無 修 0 , 德 從 二名字即佛 此 也 而 0 修 至 觀 初 。凡夫為 行 發 0 Ξ ら い , 是 觀 人 為 行 , 二障所 即佛 觀 린 行 聞 覺性 迷, 即 0 四 0 絲毫未覺者 然二 之名 相 似 障 即 , 佛 尚 而 在 未 0 五 悟 , , 謂 分 總 其 皆 證 之 理 即 外 理 佛 即 A 則 為 0

子二聞緣性

六究竟

即

佛

也

未能顯住菩薩境界

0

若諸眾生永捨貪欲 0 先除事障 未斷理障。 但能悟入聲聞緣覺 ,

聞緣覺 正是理障 先除事障者, 欲 如小乘初果,則云不入六塵。 講 故云未能顯住菩薩境界 0 眾生 不復進求 貪欲為煩惱之首,煩惱斷則生死亦斷 , 仍指初發心人 , 故云未斷 0 0 0 況復二三果等。 畏生死苦,不能入廛垂手 由 此 科 此 攝五性之二:一 但悟人空 , , 其本欲永捨貪欲 離於分段生死 故先除之。保守偏 聲聞 , 0 唯欲永捨貪 緣 , 證 覺 可 知 空 0 整 大 0

也 妙 性 聲 , 聞 而 記 初 相 此 果 似 現前 指聲開 , 頓斷三界見惑 0 緣覺 即 楞 嚴 二 種 經 , 所 而 亦 謂 言 得 情 0 人空 既 自 不 內 , 緣 凡 名 位 , 須陀洹 根 起 無 修 止 所 偶 觀 0 此 , , 云 返 降 預 流 伏 流 二障 還 , 謂 , 0 初 雖 預 用 不 聖 不 能 流 行是 親

百

屬

小乘

,

故合明之

大 方

廣

圓

覺

1

見空 惑 念無 此云 二麟角緣覺 謂 陀 既淨 所作已 含 見 不還 , 漏 道 子三菩薩性 不見 ,事障方除 ,一念有漏,遂入五不還天。進斷上界七十二品思惑。得四果,名阿 此 位 辨 云 再 不空 既得三果。 , 。又出有佛 不受後有也 來 進 , , 0 ,唯理障未斷。界外無明,完全尚在。 故為 斷 再 進 欲界六品思惑,餘三品惑尚在,猶潤一生。是為二果 住四 小乘 世, 斷 0 從此 謂之緣覺。 禪地 0 欲界思惑盡 於二障中 用 0 用多念無漏 功 , 出無佛世,謂之獨覺。此等聲聞 證辟支佛位 , ,不復還來欲界。是為三果 先斷事障。事障者 ,去多念有漏 。緣覺有二種:一 故 日未能顯 。得根本智,了 即見思二惑也。二 住菩薩境界。 部行緣覺 名 緣覺 阿 ,名 那 羅 ,但 此 漢 斯 0

斷二障。二障已伏 善男子!若諸末世一 ,即能悟入菩薩境界。 切眾生。欲泛如來大圓覺海 若 事理障,已永斷 ,先當發願 滅 , 勤 ,

即入如來微妙圓覺 ,滿足菩提及大涅槃 0

猛利 無相 即同浮波泛浪 上菩提 無作 講】眾生 願 故云欲泛覺海 樂精勤 ,先斷事障,急欲脫離分段 ,先當發願等 ,偏指有大根人。眾生雖言一切 ,二障同伏 。佛意 同 , 正 . 斷 以圓覺如海 如來明示方軌 , 故勤斷二障也 ,出三界以自避耳 ,顯其容納分流 ,令末世仿行 0 , 獨取已發大心 不似二乘劣器 。歷三賢位,種習 0 也 丽 修習趣入 0 大乘! , 要求 但念空 根器 無 ,

能治 現 次第 伏 分伏 進 成成 , 見道 如 石 壓草 , 故云悟入 , 石 不動 / 菩薩 而 境界 草不 起 0 此 , 名 為 約 初 地 說 伏 0 , 謂 從 初 能 地 至 治 伏 +地 忇 漸 既

障之法 中 誓 三者 覺 明 ħ 住 位 生 之廣 須 次進斷二 善 願 性 斷 住 奲 斷 皆 斷 為 須 也 由 而 0 0 生住異滅 涅 界 界 此 空 Ξ 令 , 須 大 記 圓 0 槃 增 覺 賢 不 發 】 破 經 內 內 假 發 , 戸障 也 外 思 故 歷 理 塵 圓 位 튽 此 大 之 , 誓 界 十 障 沙 惑 融 於 願 名 體 , 0 四 入 即 外 未 四 相 行 願 日 0 , , 妙覺位 是 未 + 除 兼 伏 + 正 立 海 離 故 之 , 也 見 界 勤 伏 住 斷 大 也 志 過 迴 0 0 外思 向 界 在 志 思 所 之 0 欲 絕 0 0 , 菩薩 前 外 + 謂 成 泛 非 凡 , , , 與界內之見思不 名為永斷 塵 未 斷 住 惑 佛 修 此 夫發 行 0 , 沙 斷 得 地 λ , 須 大 海 圓 0 滅 初 十 藉 惡 覺 Ü 無 欲 行 0 , 欲 至 成 分 明 異 住 迴 如 須 中 之 0 泛 者 + 相 時 令 佛 間 向 發 相 無 幻 0 明 住 無 Ξ 斷 願 須 如 , 謂 豎窮 先 昧 來 則 明 0 為 極 必 經 現 同。界外見思為 + 見 不 有 斷 之 未 先 修 煩 大 0 種 生惡 易 力 度眾 圓 得 出 是 見 住 惱 行 横 羽白 惑 |覺海 斷 假 為 修 中 之 徧 盡 空 須 分 神 二 方 生 之最 流 0 , 0 員 通 障 斷 觀 令 能 員 必 0 0 , , 事 覺 不 覺 如 須 遊 已 除 0 調 欲 要 風 度 者 歷 戲 伏 滅 + 伏 生 浪 雖 之 金 住 是 行 眾 劫 度 相 0 既 用 甚 0 , 出繞 0 地 未 生 無 修 菩 生 為 修 所 大 入 難 , 無 行 住 明 假 薩 生 必 發 用 悟 0 , , 明 , 觀 善 先 然 伏 斷 筝 之 且 而 , 0 故 菩薩 界 界 從 障 須 斷 願 有 進 恆 本 最 云 破 _ 令 內 內 + 沙 同 五 不 即 事 塵 住 生 障 境 百 具 迴 所 即 易 外 障 沙 至 向 歷 由 因 有 四 0 破 如 雖 地 弘 旬 其 員

大

方

廣

圓

覺

修

多

羅

3

義

經

講

義

附

親

聞

記

相 初 無 地 明 位。 , 更 直 須 一須破 修 金 剛 四 三昧以對治之,二障始可永減 十一品 無 明, 方能 斷 盡 住相無明,淨除理障 。圓 滿菩提, 歸 0 無 而 所得 最 後 尚有生

子四不定性

爾時修習 善男子!一切眾生,皆證圓覺。逢善知識 , 便有頓漸 。若遇如來無上菩提正修行路 ,依彼所作因地法行 , 根 無大 小 ,

皆成佛果。

路便成佛果頓教人也。故此科不定性。足見根性原無大小,全憑師友為緣 親之近之,誠不可不慎也。 彼所作 不簡擇也。如下所明 氣耳。初發心人,必先逢遇良好師友 有之性,不假修成 講】此通指初發心人,欲斷障而未能,故渾言眾生。圓覺是人人固 爾 時修習 , ,故曰皆證 便成三乘漸教人也。若遇如來無上知識 。若言三乘知識 ,謂理證也。其所謂修者,不過淨治現業習 , ,切磋琢磨 即以諦緣度為因地之法行 ,方成良器 ,示以正修行 ,故師友不可 0 學人依

著 而 故 11.善 所 曰皆證圓覺。然眾生所具之圓覺,乃是本來之性德,必須加 謂 知識 修者,要不過淨除流識習氣 記】此科釋不定性 亦有種種 如 遇聲聞阿羅漢 。原眾生之性,本皆不定。若論 而已 , 修行必資師友 則教以修四諦為因地法行。 ,故 大圓覺性 以得遇善 以修德, , 遇緣覺 知識為最要 方為 人 人 同 能 具 則

幻 惱 此 有 教 觀 頓 二者皆 以 , 此 修十二因 漸 , 為 開 之 屬 如 頓 不 教 幻 漸 同 眾 。再上而 教 緣為因地法 0 遇 0 , 作 若 通 空華 遇 教 能 圓 善 佛 遇佛 行 教菩薩 知 事 識 。遇菩薩 , , , 則 建 則 , 則 水月道 不教修聲聞緣覺,亦不教修漸 以 教 無 ,則教 以 言 場 先 說 悟 道 以修六度為因地 , 圓 不 0 住 覺 遇 別 相 之 而 理 教 布施 菩薩 , 任 度生 運 法行。又三乘 , 則 斷 ,是為 次 惑 教 , 以 , 而 圓 發 教 廣 無 伏 五 諸 上菩提 以 大 修 住 教 Ü 煩 如

子五闡提性無論大小,皆成佛果,此圓頓之因地法行也。

正修行路

外不住境

,

內不住心,名之曰正路者

,

五

十五位菩提路也。

眾生根器

若諸 眾 生 , 雖求善友 0 遇邪見者 ,未得正悟 ,是則名為外道 種性 0

邪師過謬,非眾生咎。

性闡 種性 利 雖 友 力師 不遇 大小有 提 0 講 謂 , ,受其惑則喪心失志,故非眾生咎也 , 偏 以其無佛種性 心 異 事水事火等 眾生 遊道外 偏遇到邪見外道,指示入門,故云未得正悟。西竺,如方論 , 仍為正悟 , 仍指初發心人。言發心求道,必先求師友引導。 , 定性不移 ,雖有修習方法, 0 , 謂斷善根人 以是佛道 0 由 |此障 種 也 性 佛 但是邪悟而已。 0 0 邪 種 堪成佛故 0 師 字 初心人當善避之 過謬者 , 不得成 0 此非彼比 , 可見聲聞緣覺等 如 佛 此 0 故 方之邪教 教中 , 故名外道 稱 不意善 為 師 以 無

性 心外有法 理 須 得善 , 皆屬邪理 毀謗正 知 識 。是為邪悟。迷真著妄,將妄作真,不遇佛乘 】闡提此云 法 為 ,墮落三途,是真所謂可憐憫者 。所聞所見,皆屬生滅。或著於有,或墮於空。或 之誘導。 斷善根 不幸而 ,彌戾車此云惡知見,亦闡提類也。眾 遇 邪見 ,不得正 ,咎由邪師 悟 所得 之覺 ,不聞佛法,成為外道種 ,不在學者 ,是為邪 起於二邊 生性 覺 0 既 。或謂 所 不定 悟之

癸三總結

是名眾生五性差別。

釐之乖,天地之謬。真似不可不辯。邪正不可不審。大士致問,良有以也。 【講】最初發心,本為求佛菩提。但以遇緣差別,致成五性攸分。毫

己四示入塵方便【記】總答上文修佛菩提幾等差別

庚一應問開示

善男子!菩薩唯以大悲方便 種形相 , 逆順境界 ,與其 河事 ,入諸世間 。化令成佛 ,開發未悟。 , 皆依無始清淨願 乃至示現種 力 0

潚 云唯以大悲方便也。方便有三。入諸二句,名入世開發方便。謂入有情世 迴入塵勞 講 準前問云:迴入塵勞,當設幾種教化方便?今示之曰:菩薩行 唯以大悲為主。違大悲,不能入塵 。無方便,不能度生

背義 境界 等 竟方便 正行 開發未悟者,菩薩以滯著二邊,或未離但中法愛,亦邪悟所攝。 間 以願力 種 今云開發,令得正悟,不被邪悟所惑故。乃至下,名示形同事方便 種形 度諸 唯 , .稱之。謂無始所發願力,若化不究竟,則大願背矣!今云化令成佛 依最上一乘發心,故以清淨稱之。願與法界眾生,同得菩提 無始者,遙指多劫以前 司 名順境界 。謂教化眾生,令成佛果。所謂如一未成 **!**事者 凡外。入正覺世間 如觀音三十二應等。現正信男女,與出家二眾 , 同順 。現外道魔王,與六群比丘 同逆 0 ,度諸三乘。入器界世間 無非蜜攝其心, ,至今不紀時代故。發心不為自求人天福報 易信從故 ,依貪瞋癡 ,終不泥洹也。依者 ,普度一切含情抱識 0 化令句 ,依戒定慧 , 作諸 非法 , 餘 名化 口 知 謂示 名逆 故又 |必究 , 不 也 0

為首 生 於空,不見不空。不空尚未之見,更何 開 0 然欲 發 ,入塵以大悲為宗 之也 入有 記】此發明教化方便也。不大悲 利 情 人 世 , 間 λ 必先 正 , 覺世間 自 開 發 利 0 Ä 開發者 。及修行圓滿 外。 , 開 外 發三乘 , 未 道 不 悟 不能 , 了 使 論乎中?故菩薩必教化之,使之出假 使其融 唯 則 悟 ښ 乘 入塵,不方便不能度生。度生以 , 其願 , 凡 悟 空假 偏 夫 力 使正 而 念念著 , 一是也 λ 迴入塵 中 道 有 0 勞 菩薩 , 0 蓋 不 0 一聲聞 悟 開 修 真 發 行 緣 空 方 覺 便 原 為 方 亦 故 菩 便 有

故

1皆依

0

謂所發之願

,皆不背也

大

方

廣

圓

覺

修多羅了義經講

義附

親聞

記

中道 中 身大士,為眾生故 四攝法 之理 不能 斷 變易生 求 ,不住二邊,所謂一中 (布施愛語利行同事)之一,舉 道 死 0 又 瞋 , 漸教 也 迴入塵勞。示現種種 不了 大士,貪 眾生皆有 一切中也。三入器世間 瞋 癡尚未 佛 一以概其餘也 形相者, 性 盡斷。例如說勤求佛道 癡也 即如觀音三十二應是也。同事 0 菩薩 ,普度一切 教 化 之 , 令捨 , 即 。菩薩本是法 三毒 貪 包 0

庚二為機勸修

若諸末世一切眾生 依願修行 作是言:願我今者,住佛圓覺,求善知識。莫值外道,及與二乘。 , 漸斷諸障,障盡願滿,便登解脱清淨法殿 ,於大圓覺起增上心。當發菩薩清淨大願 ,證大圓覺 。 應

妙莊嚴域

0

為自求人天福報故。願求善知識,得正知見,開示正修行路故 當遵依,故云若諸。於大圓覺起增上心者,教以遵依菩薩,發菩提心耳 故云應作是言 起增上心,全憑願力攝持,故又勸以當學菩薩,發起大願。大願宜云何發? 入闡提。遇二乘,多滯小道。 現在菩薩行滿,迴入塵勞,當在末世。今勸末世眾生,發心應 。是言 ٠, 即所願之詞也。 故皆以莫值為願 願住佛圓覺 , 即為最上乘發心 0 依願修行,宜先自 設遇外道 , 不

用 土 五住 菩薩境界 利為 覺親證佛果 日清 急 0 以 。二障宜先伏後斷 因行修圓融 淨 若已永斷 ,不隔餘位 法身所依曰法殿 滅 一觀 ,故云便登法殿,即常寂光也。無二死曰 , 由 , ,若能已伏 果上有微妙莊嚴 十地而至等覺 ,指他受用土也。大圓覺妙莊 , 便能悟入 , 故 0 乃稱性起修 日 . 障 , 虚願 由三賢而 滿 ,全修在性 0 嚴 升 入 初 者 進 解 地 日 , 即 脫 登 故云 自 0 故 等 無

又名大

圓覺妙莊嚴域

0

域

,

猶境界疆場也

誓願 菩 障 域 即 本 之 是大圓覺 提 真 心 , 也 彌 心 , 是 五 勒 0 自有體 記】此段文因上有五 全體具 願我 也 性 章 海 0 0 欲成 以下, 相 足 令眾生發 , 0 最 從 用之三大, , 此 為 佛道 不欠 即所發願 方 切 願 能 絲毫 實 ,須發無上之菩提 證得自己大圓覺性,修德既 , , 故 同 無 0 性差別 。六根門頭,念茲在茲 證 由 一委 日大圓覺。悟得 員 此二六時中, |覺 曲 ,故特勸修。 0 相 自眾生以至成佛 , 為 心,故 諸 經 此 刻 我等處此末世, 所 日 理 刻 未 增 , 用 有 具 依此 功 上。發清淨 方為住 , , 0 常住 其義皆備 性德方現 先 起 修 教 佛圓覺。 斷 圓 0 大願 輪 起 覺 既知圓覺是本 迴 , , 0 名 根 清淨 者 發 此 本 也 日妙莊嚴 , 員 留覺 即 法 既是 四 即 殿

戊二偈頌

已一標頌

爾時世尊,欲重宣此義;而説偈言:

大

方

廣

圓覺修多羅了義經講

義附

親聞

記

[記] 長行甚詳,偈頌從略

己二正頌

庚一頌當斷輪迴

死 彌勒汝當知 0 若能斷憎愛 。一切諸眾生,不得大解脱。皆由貪欲故,墮落於生 ,及與貪瞋癡。不因差別性 ,皆得成佛道

皆由不斷貪等輪迴根本也。設若於此,發勇猛心,立決定志。修戒定慧 本,由不斷故,墮落生死。所以不得解脫久在輪迴。此其所以當斷者,已 永斷貪瞋 可見矣。後四句,翻頌前輪迴種性。前云惡性,善性,不動性,此三種性 云不因差別性,皆得成佛道 【講】初五句,正頌輪迴根本。二死永亡,名大解脫。貪欲為輪迴根 ,及與癡愛 。即可以不因此而受差別種性之報,而成佛道也。故

【記】縱使能修,半途而止, 仍不得大解脫。憎愛是潤生無明

庚二頌修佛幾等

一障永消滅 。求師得正悟。隨順菩薩願,依止大涅槃

長行云:欲泛如來大圓覺海,及至云滿足菩提及大涅槃。此約

義略頌也。

遇邪 師成外道 】不斷二障,成凡夫性。能斷事障 性 惡知見成闡提 正 悟者 ,成聞緣性 不依於空,不落於有 0 能斷二障,成菩薩 性

涅名不生, 槃名不 滅 , 即大圓覺海

0

性

0

,

,

得中道也

庚三頌入塵方便

十方諸菩薩。皆以大悲願,示現人生死。現在修行者, 及末世眾

生。 勤斷諸愛見 ,便歸大圓覺 0

生死以略之也。後四句,頌為機勸修 入塵以大悲為主,現起三種方便 【講】初三句,頌應問開示。菩薩指因圓果滿,迴入塵勞者言,前云 0 此三方便,全憑願力攝持 0 應遵菩薩發願度生斷障 。故今云願人 ,庶不墮於

愛見之悲。障盡願滿 ,便可歸大圓覺妙莊嚴域矣 !

愛為思惑根本 【記】末世眾生,不必急於求悟,先在勤斷愛見。蓋凡夫著愛。外道著見。 。見為見惑根本。愛見既除,則二惑根本除矣

丙三示順覺顯性

丁一謝前請 後 清淨慧章

戊一具儀謝前

長跪叉手而白佛言 於是清淨慧菩薩 。在大眾中 :大悲世尊 0 即從座起 ! 為 我等輩 0 頂禮佛足 ,廣説如是不思議 。右繞三匝

7

【大方廣圓覺修多羅了義經講義附親聞記

本所不見 , 本 所不聞 , 我等今者蒙 ·佛善誘。身心泰然, 得 大饒益 !

解 迴入塵勞 恩愛貪欲 示 不見者 重 一分析 內發,輕安外形。故曰身心泰然 故云我等今者;蒙佛善 講 ,循循善誘之意 , 從前未見廣說 , , 初一 唯依大悲為主 漸致六道輪 行半 , 眾中具儀 迥 0 。六道何以輪迴?五性所由淺深 不聞 , , 現起三種方便 發揮無明 誘 者 0 善誘者 可知 , 從前未聞詳 ,得大饒益 0 , 顯出 次二行文 , 誘引有序 0 末世依之 五性差別 示 0 ,謝前 今則既見廣 , 即前 , , 成益 皆善誘意也 便得證 ,皆屬 廣 說 0 廣說者 麗 說 不思議 前 0 , 又聞 不 文 ·禁圓 所 又聞 事 , 謂 詳 重 0

竟 生 見 夫有覺性 然 研 同 者其 空華 ,只 在 究 切 實談 有情 大 , 是 乘 聖凡 與 性 經 則 強 員 性 法 典 不二 稱 明 0 二者其 斷 覺 而 0 覺 性之分 勒章離 未 其愛欲 性 知 0 明 有情 用 到 之 , 0 耳 究 別者 障 也 在 分 無情 竟 而 無 顯 0 0 所謂 以 前 性 為 情 , , 除 亦有 章 _ 即 則 , , 輪 由 本 同是 是 離 , 稱 多性 二障 真 反 障 亦 迴 法 根 復 性 之 顯 顯 本 話 所 性 性 如 0 0 與 是 纏 法 此 乃眾 (前章 非 章 性 唯 分 0 0 證 出 其 無 須 順覺顯 如 生 實 後 成 相 眼 種 知 有翳 離 反 種 覺 之 佛 不 障 相 差 _ 性 話 以 , 成 後 初 别 而 故 0 , , 自 有情 是 步 謂 方 0 前章 為 障 知 功 此 正 之 見 夫 章 法 無 二 顯 0 性 至 就眾生界 順 , 情 0 ` 0 覺 是 二 , 即 於 圓 , 在相 與空 我 覺妙 顯 而 不 雖 覺 輩 性 不 同 邊 是 中 _ 相 之 , S. 顯 隔 義 _ 則 不 到 與 過 佛 得 也 性 眾 此 而 由 牛 0 0

扶 者 光 不可思議 順覺顯性 念念當前 信,慧成邪慧。 分別善惡邪 性 章自眾生以 助 所 0 為 眾 0 在 善 生 凡夫第六識 0 之人 故 Ü 不 非清淨慧不能當機代眾請問也。 照 正 所 有二十六惡 了 至成佛。不談愛欲 第 0 而常寂 ,全仗此慧 , 今清淨慧菩薩。從根本智光發出之慧,即始覺智,照於本覺心 乃著 所 即 離者已是不可思議之事。 用 為 事 0 相 化惡成善,化染成淨 信 Ü 迷 0 第 所。十一善 性 0 然 六 耳 而 亦視佐使如何 識 而談本有 自己受用處 0 為 清 淨慧 Ü 王 心 所 之 之慧 之 。惡 話 , 智慧發於中 欲愛不易離 。破世間 。若二十六惡心所用事時 則 0 , 0 是 在 本 即 Ü 別境 所 不 從 就 中 性邊 自 根 之事障 之慧 動 本 ,根本煩 顯 作 , 0 智 眾 , 輕安形於外 0 , 然 生界中 作 作 發 出 惱 善 揮 用 相 世之理障 亦 六 作 後 本 是首 惡 最 得 無 , 能 大 智 相 多由 故 離 則 領 0 , 者已是 信 六 只 智 是 成 餘是 佐 故 識 即 體 此 使

戊二請後顯怒

己 —

請後增益

泰然

世尊 願 為諸 所 來 證所得 切法眾 ,云何差別?令末世眾生聞 , 重宣 法王 圓滿 覺性 , 此 切眾生及諸菩薩 聖教 , 隨 順 開 悟 如 來 ,

漸次能 入

大方

廣

圓

義附

--

講 現前大眾 覺修多羅了義經講 , 非 方來 親聞 , 故曰 [諸來 0 各及眷屬 , 主伴重 重 故

劣 斷證真因 在別 通三四地齊儔 頌云 以引四教頌者 住至等覺 在藏教已臻極聖也。 住證偏真 在凡居 故 來已說 再問 來法眾 切 圓 0 別 從 猶 īF. 或為請法 如 ,會眾已各受益。此又為末世眾生請也。良以如來在世,三業殊勝 Ь ¬ 教 在內 來世尊 四十一 此謂也。今云及諸菩薩者。頌又云 七賢七位藏初機 生至佛 。等妙二覺初二行。進聞三行不知名 , 0 內外塵沙分斷伏 乃藏 五根通利。 不知名字 ,慧學之流,不可不知 凡也。 。並連別住圓初信 位 通內外凡 , , 或 為 所言所證所得 所證所得 0 永嘉云: 又云: 約斷證別 0 況後位 所以法雷既震 聽法,故 , , .. -別圓 通教位中 ,云何差別 ٦ 耶 0 初地與圓初住相等 圓別信住二之七。藏通極果皆同級 在別圓尚在內凡, |外凡位也。又云: 同除四住 ?更須進斷三十品 。八十八使正方休』 曰法眾。或求增益,或希重宣。 差別之相若此 ,無妨帶說 一二齊 , 瞶耳全聲。 至於末世, 恐未能 0 ,此處為齊 : 切眾生者 。別信並 Ь ٦ 別地全齊圓 0 0 0 在通教三人同斷 0 所證 無明 今經本屬 妙覺與二行 正指此意也。 ٦ 圓 果位須陀預聖流 。若伏無明 ,從凡夫起問 0 在藏通已入聖流 五品位 , , 方證 斷惑證理也。 住 別 圓 柏 平 員 , 教 約位從 見思. 齊 顯前章如 0 , 思惑盡 0 三藏 無明分 教 極 同 0 初伏 台教 果 員 除 爾 0 所 與 所 順 初 0 , 0 0

眾生 得 者 ,故云令也。聞此聖教者,時至機熟,轉從四依邊聞 , 修因得果也。云何差別者 所 被之機也 0 末世眾生 , , 不見如來三業殊勝 理有淺深 , 位有高 下 , 誠 。隨順開悟者 此問能被之教 屬 口 愍 Œ 是所 , 隨

聖教邊

,開悟所證之理

庶幾漸次伏斷,入所得之位矣

0

故云漸次能

0

多瞋 鼻觀 業障 欲最 前三外凡 ら い 故云一 凡未入 滿 能 乾 覺性 數 入之請也。請法指 。 二 、 甚者 λ 太 Ü 一記 息 切 。 深 位者, 為色。故男觀女, 別相念 然是反 譬如淨 ,故先令修五 ,後四內凡 】得悟雖 慈悲觀 。令心 數鼻端出 眾生 皆稱眾生。眾生亦有所證所得。此專指發心用功之人言。 。三、總相念。四 瓶 擊於一處也。多貪令作不淨觀,吾身自內至外,膿血 顯 。多癡 即五蘊中人 , λ 0 同 外觀 之息 佛。 。藏教初機之人,佛本欲教其修四念處功。因其妄想太多 眾生不悟者 上首。聽法者指眷屬。前章五性差別中之菩薩性 停心觀 令作因 多生習氣 雖 。但出入不宜並數。或數入息,不數出息。或數 應作不淨想。女觀男,亦應作不淨想。 美 五蘊結聚一團,成眾生之相。藏教七賢 緣 , 以 觀 中藏臭穢 , 伏其心。五停心者,多散令作數息觀 。多障令作念佛 、煖位。五、頂位。六、忍位 深 必僅就 。所謂理則頓悟。事須漸 0 破惑邊看,不從本智上看 瓶若 一破 觀 , 多障眾生 人皆掩鼻 除 . 。 此 並息 貪心自 , セ、 不 , 尿 可 世第 故 ,即法 所以有漸次 ,一、五停 眾生甚多, ,眼 糞 請重 嚮 可 邇 , 出息 觀 漸 一位 王 宣 息 貪 圓

0

則

觀

想 聖容

若又

不能

,

則老實置佛像於前

對之禮拜

是

知

五停心法

大方

廣圓覺修多羅

了義經講義附

親聞記

是 信 以 不 後 Ξ 惑 方 使 抵 再 為 不 兩 相 兩 斷 地 斷 伏 藏 忍 敢 木 能 方 位 法 念 0 0 Ξ 見 思惑 剎 别 斷 斷 因 教 位 放 相 , 四 入 , 為 教 界 + 惑 尚 鬆 因 地 執 那 後 0 有 未 有 手最 正 著 入 有 而 根 四 至 住 惑 使 有 使 利 利 即 而 入 進 上 觀 生 者 位 此 淨土 至 為 方 根 根 起 之 + 世 忍 行 火 0 好 , 人 乃 究 休 鈍 愛 見 第 セ 人 别 中 _ 極 修 工 , 品 能 竟 惑 法 住 亦 根 地 憎 教 忍 純 即 夫 _ 斷 門 地 習 僅 之 與 + 位 下 為 也 0 0 0 , 觀 見 圓 氣 斷 别 見 即 眼 伏 信 忍 則 煖 則 0 0 0 0 惑 者 未 見者 此 别 其 欲 地 思 位 通 為 0 位 通 信 員 除 界 也 惑 0 法 教 下 次 入 頂 , , 0 四 預 門 鹿 人 不是 至 伏 忍 則 0 員 初 位 藏 觀 則 , 0 於 須 要 惑 地 在 界 乾 修 修 七 因 , 教 教 0 聖流 是 直至 斷 惑 信 不 别 見 慧 + 內 五 到 名 為 四 , 利 思惑 根 能 教 事 品 地 此 為 能 六 , 總 念 , , 名見道 見 為 為 别 本 不墮 不 根 方等時 障 位 行 尤 初 處 相 逆 也 起 外 機 _ 人 初 觀 宜 , 念 , 0 住 明 落 分 , 住 遂 順境而 。 在 凡 耐 相 位 鈍 0 0 至 地 别 聞 造 方 次 根者 , 中 煩 修 0 似 位 開 .藏 七 故 獄 圓 種 相 抵 忍 而 之 0 位 0 藏 意根 藏 修 住 道 至 即 教 種 教 竽 久 0 所 0 , 從 為 須 餓 斷 Ξ 謂 通 上 之 小 教 二 , 世 0 鬼 前 極 界 業 分別 + 初 陀 乘 皆 百 六 觀 觀 四 0 第 果 道 見 屬 住 信 洹 _ 尺 時 五 Ξ 行 0 _ 藏 好歹 地 行 竿 中 煩 , + 0 雖 外 位 起 觀 , 後 僅 莫 是 教初 藏 惱 六 通 五 凡 頭 0 0 心 能 抵 使 鈍 教 起 教 停 次 伏 念茲 0 , Ċ 分 員 自 微 根 果 執 見 Ξ 更 自 何 之 N) 性 己 别 用 著 初 然 教 人 中 惑 界 在 主 細 以 地 進 調 修 Л 果也 見 二 也 有 有 見 , 在 為 茲 忍八 , — 伏 之 步 斷 信 惑 Ξ 乃 有 思 通 0 必 內 0 , , 念佛 藏 用 教 為 + 惑 至 四 凡 智 0 , 前 七 通 則 地 為 見 刻 功 0 如 别

名 N) 開自己 為 因 教 初 登 諸 至 故 則 念佛 '菩薩 一此地 斷界 初 因 + 地 初 世 名 0 _ 中 為 無 地 而 即 地 故 齊 度生 之知 行 之果 中 明 云 惑 內 二至三顯 位 , 0 齊 Ü 塵 耳 道 員 則 無 見 故 本 沙。 也 教 但 0 而 \neg 故 _ 佛 證 云 若 因 可 0 員 初 講 塵沙本自 不 為果 阿羅 用 無 悟 修 伏 無大悲 以 教 住 别 本 知三行之 德 教人 , 明 則 圓 無 , - 具之 僅 漢 即 中之果 分 己 有 , 明 能 果者。界內塵沙,隨思惑斷 功 斷 入 與 不講 Ü 0 , 然 無惑,因眾生見思煩惱習氣 伏惑 道 信至 三藏 故 之 , 0 名 理 0 圓 齊 藏 性 彼自苦中出 。三藏 十信以前 德 教 + 0 通 則 0 0 誦 上根利智 方 故 劣 信三位 八信至等覺,別教 , 按 經聞法時亦然 别 顯 云 即 以上 教 指 别 0 0 藏 地 初 0 以 四 , 註 為因 中道 教中 圓 全 教 視生死 住 文可 一齊 即可 以 教 0 藏 中 前 初 圓 觀 內 與天台 斷惑 如牢 之因 住 住 智 外 教 , 盡。界外塵沙,不 八住 至 以 果 平 凡 , ,多如空中之塵, 一十住 0 中 照中 證 獄 0 0 , 四 皆眾 至等覺 鈍 偏 別教至等妙 别 之 0 教六即圖參看) 空為 根者亦能伏惑 因 , 教 道 明 各斷 諦 生 知眾生之苦。 八 住至 涅槃 之 理 , 初 皆菩薩 位 住 , 二覺 品 + 破 次 。 不 以 過 後 無 迴 恆 能 品 知 。 凡 至 所 向 明 經 開 伏 河 一等覺 僅 修 無 無 文 悟者 不肯再 而 之

是

內

凡

0

在藏

證

偏

空理

阿羅漢果。藏教

以

阿羅漢為極果。

通教

離

欲

地

為三果

린

辦

地 教

為 2

果

0

四

住 , 得

者

,

一、

見愛住

0

二、

欲愛住

。三、色爱

住 以

四

既

斷

思惑

沙

己

言及 明

Z

明

而

色爱住

證

但

空

之 極

理

。是為偏真。自以為涅槃,不知實變易生死也。

聞

記

夫有

與

員

與

别

真

方

伏

作是語已,五體投地。 如是三請 ,終而復始

丁二師資緣合

【記】例前可知

眾生,請問如來漸次差別,汝今諦聽 爾時世尊告清淨慧菩薩言:善哉善哉 !善男子!汝等乃能為末世 ,當為汝説。時清淨慧菩薩

以善哉而雙美之。 奉教歡喜。及諸大眾,默然而聽 既問所證之理,令其隨順開悟 餘可略知如上。 復問所得之位,令其深入

。故

丁三應求開示

成一長行

己一示圓滿覺性

庚一本來平等

實無菩薩及諸眾生。何以故?菩薩眾生,皆是幻化。幻化滅故 善男子!圓覺自性 無取證者。譬如眼根,不自見眼,性自平等,無平等者 ,非性性有。循諸性起。無取無證。於實相中 , ,

講】前請重宣法王圓滿覺性。今示之曰:圓覺自性,非性性有。謂

見眼 圓覺 幻化滅故 幻化故 及諸眾生 差別性即 員 而 |覺自性 現有眾生為能 ,是以隨染淨緣 而 0 取證 喻 圓 既同 圓覺性 , 有 本非差別之性。然今性有差別者, |覺不自證 次復徵起云: 萴 幻 非有 化 。誰為能取所取,又誰為能證所證 取 ,有是理乎?如其不明 ,現起差別諸性也。 , , 當體寂 菩薩為能證 員 0 覺 菩薩眾生, 何以 0 滅 如是則圓覺自性 故 , 又誰為能取能證耶?故 ? 0 同 而 佛即 歸 云實無耶?遂釋云 諸性即是眾生菩薩 圓覺 遮云:於實相清淨理中 , 更助一喻 , 0 若更說有取證之人 覺性雖無差別 本來平等 , 0 故曰 故以譬如眼根 : 日 0 無取無證 。既是隨緣 ·菩薩 又誰能使之平等 無取證者 ,以有隨緣之 眾生 , 實無菩薩 , 。 雖 豈 , 現 不自 皆是 非以 蓋 然 起 以 ,

眾 差 由 見 因 謂 此 性 隨 非 0 之 現 緣 , 性中自有 異 出 第 而 切 記】此指示本來平等之理 生差 Ė 種 如 色 來 種 圓 諸 性 别 順 差 |覺性 性差 修 别 也 0 因 也 , 0 是知 雖 别 有 0 _ 隨 逆 切眾生逆修 然 0 由逆 性 緣 性 以 其 無差 而 , 修 起 是 有 而 以 别 隨 0 念念 然 成 0 緣 圓滿覺性 , 眾生 緣 眾 由 之 生 緣 能 起 相 無 性 續 而 一念不覺 , 有差 性 遂 , 。平等不二, 遂 生 由 ,是有差別即無 出 順 分 别 修 + 能 , 0 遂 而 所 緣 界差 ·有染 生三 成菩薩 0 能 别 本無差 性 淨 即 之 差 性 見 性 之 0 佛 異 第 别 性 别 0 性 故 0 , 0 故差 逆 性 故 所 日 故 性 有 日 即 性 别 有 色 非 順 有 , 第二 性 性 如 逆 0 之 0

哉

0

故云無平等者

大

方

廣

覺

修多羅

記 る 義

經

講

義

附

親聞

--

覺本 是 眾 自 妙 如 岂 而 性 生 員 無平等者也 性 眼 非 生 有 為實相 能 覺 根 性 , 切 迷 性 以 , 取 只是 放 員 同 悟 , , 0 , 歸 雖 下 覺 真 之 則 以 就 能 體 差 圓 分 無 取 , 照 覺 法 親 證 , 能 别 , 切 了前 凡 證 員 故無菩薩 取 境 說 , , 當體 覺 更 此 聖 所 界 為 無 境 境 耶 之 取 為 不 ? 寂 别 _ 所 , 0 , 法 , 滅 眾 而 方 此 能 取 0 生 是 不 能 理 證 , 而 0 0 能 明 本 有 圓 菩 何 0 所 日 何 覺 菩薩眾生 薩 自見其眼 明 證 以 白 離 實 故 0 取 , 因 0 , ?覺性 證 相 故 末世眾生 修 但 就 ? 因 日 行 無 , 無 此是修 差 0 員 則 ,皆是假 而 平等故 猶 覺 無 取 為 别 實 無 之 , 凡 能 說 圓覺 萬 德 為 相 無 證 譗 難 聖無 名 不 0 , 0 0 , 平等屬於 為 然 _ 此 理 以 , , 不 全修 專 會 同 離 迷 , 是 自 屬 言 無 指 0 切 取 故 說 即 悟 幻 圓 妙 日 本 覺 證 又 相 性 化 法 即 0 圓 來 設 幻 妙 為 , , 0 0 「覺也 若 眾 喻 化 離 由 性 所 , 更 無 也 既 以 N) 既 證 生 係 說 因 明 緣 滅 明 0 0 0 平 蓋 變 不覺 相 取 員 之 至 等 圓 菩薩 覺 證 , 0 現 於 覺 須 妙 員 而

庚二迷倒成差

眾生迷倒 未能除 滅 切幻 化 0 於滅未滅妄功用 中 , 便 · 顯差 別 0

化 伏惑者 。此云一切幻化者,不唯菩薩眾生,兼 倒 講 縱 所謂 使已伏 上科眾 內 凡外 不過如石壓草 生 凡也 ,指已發心 0 全未發日 , 均為未能除滅。上云菩薩眾生 知 迷 伏 惑者 0 一切因果而總言之。猶偏取於因 雖已發心, 。此之眾 生 不知惑空 , 兼 未發心 , 加功欲伏 皆是幻 , 不 知

達本空,均為妄加功用。於此妄功用中,便顯有菩薩眾生之分。故曰差別 以惑滅而 一切皆滅故。 於滅未滅者, 滅則漸次斷滅 ,未滅則漸次治伏。不

故未 空 故 非性性有 , 日未能 當體是佛 能除滅幻化。原覺性雖本來平等。由眾生迷倒,不了幻化 【記】迷是不覺,倒是不正。既迷妙覺真性,轉性成識。 除 ,是教眾生自悟本來覺性。此科是說眾生不了幻化 滅 而 能 妄 滅 加 = 功用, 障為菩薩 故有內凡外凡等種種差 0 雖 未滅 而 能 伏 , 為 别 初 Ü 大 士 ,又不能 即將妙 0 , 所 皆由 以 明轉為無明 成差 不 以 幻修 悟自性 。上文 幻 本

庚三究竟平等

若得如來寂滅隨順 , 實無寂滅及寂滅者

此云實無寂滅,及寂滅者。辭雖有異,而義無殊也 亦無理外智能證於理 有高下,即前請法王圓滿覺性是也。自是智與理冥,更無智外理為智所證 講】二障永滅 0 , 隨順圓覺, 一性圓明, 即是如來寂滅 絕諸對待。上云自性平等 0 寂滅者,是法平等 , 無平等者 , 無

當前 順 障永滅 隨順者,隨 , 豈 記】若得 |有能寂滅之人哉?能所雙亡 , 一心 順 圓 如來寂滅隨 圓 明 滿覺性也。至此 諸法平等,理智一 順 一語, 理極 則一 , 故 深奥。 如, 切平等, 日實無寂滅及寂滅者 智外無理 如來者, 並無寂 , 理 如如如 **淡滅之** 外無 不 相 0 動 0 智,是為 既無寂滅之相 而 無去無 寂滅隨

已二隨順成別

次第隨順

辛一凡夫隨順覺性

壬一由妄成迷

善男子!一切眾生 ,從無始來,由妄想我,及愛我者 0 曾不自知

念念生滅,故起憎愛,耽著五欲

0

不知我及我所,俱屬念念生滅,虛妄不實。由不知故 復執身外有可愛我者,即是執我我所也。曾不自知者 謂由最初一念不覺,迷真心而成妄識 【講】 此由妄成迷也。一切眾生 , , 先從博地凡夫說起。由妄想我等 復由識起諸想念,內執身中有我 ,背情則故起憎嫉 ,謂一向不自覺知

欲 即五塵也。均是可欲之境故

順情則故起愛染。憎嫉者,見欲則銷。愛染者,逢欲益盛。故云耽著。五

眾生 見思妄想(枝末無明)即我執(我見我慢等)也。執身為我,以正報為自受用 不覺, 迷真 。就凡夫言為我所用者 ,本賅九界,而茲則專指六凡位中眾生言 記】此下就隨順覺性,顯出差別。欲 成 妄 , 由 一妄識 ,就菩薩言是法執 而 起妄念 ,於是 內有我 明差別之相,先從凡夫位說 皆由 。無始 而 外 無明妄想。 有愛我者 ,即最初 一念不覺。因 0 愛我 根本無 者 明) 起 即 而生 切

生滅 有 外 我 即 , , 有 而 生 細 起 死 加 他 憎愛之 之 研 ,復執 因 究 0 , 心 誰 於 依 是 是本性清 報為所受用 , 有憎愛 我者? , 淨 我 故 尚 0 , 有色聲香味觸五欲 為念所 不有 念念執著 , 障 更何有愛? , 0 心 以 動 生愛樂 為 0 不 N) 此 知 , , 指未發心眾生言也 故 以 無 動 我 有愛我者 為 , 境 故 墮 對 生 0 滅 試 切 即 0 念念 逆 身 順

壬二遇教得悟

若遇善友 教令開悟淨 圓覺性 , 發明起滅 , 即 知 此 生性自 一勞慮 0

乃與圓 眼 迷自性 見 , 能勸 照明我及我所,念念起滅。即知現前眾生, 講 |覺無與焉 , 因貪欲而 人為善故 此遇教得 造業, 0 悟也 如 **〔華嚴之五十三人,法華之淨藏淨** 故教令開悟淨圓覺性 0 善種內發 ,不期 而逢 0 皆是圓覺性中 果能開能悟 日 遇 0 眼皆是也 善友者 ,自然發起智 , 自勞自慮 具 正 0 憐其久 知

何 了 開 遇善友為第一好 悟 本 又 對 知 由 治 記 諸 此 身 自 此指已發 2 惡 生 心 性 , , , 善友 自勞慮?蓋當開 因 而 切 使 緣 皆是 但 人 Ü 能 脫 遇者 眾 無 指 離 生 明 示 生 , , 了 幻 之 死 不 耳 者 期 悟 化 知 時 生 , 0 也 而 妄 逢 死苦果 遇善友非 0 , 起 開 也 所 有 妄 者 0 無 滅 稱為善 , , 易事 始 開 憎愛苦 無 正 故 明 友 日 0 知 習氣 發 見 因 既 , 明 遇善友 必 , 0 具 發 起 悟 , 滅 者 正 自 心修道 而 知 入 0 , 識 既 教 悟 正 者言 見 令 淨 悟 田 中 淨 開 圓 覺性 員 悟 能 0

大 方

廣

員

覺

修多羅

覺

性 然

後

齊湧

勸

作

也

則

以

生滅 現 妄 作 由 有 此 如 能見自 一隙 併 此 日 妄 Ü 人想亦 中微 光 , 照見塵埃亂動。然塵相自動 不自 細 生滅 知 之相 勞慮 , 此 犯即妄 即正 想 0 知見也。未開悟人 既 發 ,虚空不 正 知 見 , 動,虚空即真性 便 能 ,往往將 照了 NO. 邪作正,

若復有人,勞慮永斷 覺而不自在。此名凡夫隨順覺性 ,得法界淨 即彼淨解 ,為自障礙 0 故於圓

壬三緣悟成礙

尚不至逆於圓覺 妄動,住清淨故 證 不更求斷惑 動思慮 顯非盡能伏也。勞慮永斷者,知圓覺是覺體安然,了無形弌 ,發心永斷。是則以觀行之功,伏而不動。故曰得法界淨 講】此緣悟成礙也。首句意謂:若於開悟眾生中,復有能伏惑之人, ,野馬奔馳 ,故於圓覺而不自在。即前頌之見思初伏在凡居 ,此淨解也。若執此為是,反成障礙。自此不肯新進,便 ,故名凡夫隨順覺 ,與圓覺全不交涉 性 。亦是圓別信住之凡夫也 ° — 如空,一似塵也。 如是可誓期必 ,雖在凡居 。於事相不起 。勞慮者自勞

斷 字, 礙 , 即是 故於圓覺而不自在 不能作斷字看, 記】用觀行功夫得力,真智與真理相應,方得以定力伏勞慮。此 知 見 即是妄想 只可作伏字看 0 此不自在,係指功用上言。至於自己分上,已得有快 故 所得者 。蓋 , 並非真淨 元能 所 既 無 乃 相 自 知 似淨也。因此 法 界清 淨 然 解 尚 文永斷 有 此

樂受用。此是已經伏惑之凡夫,在藏通為內凡,而在圓別則為外凡也。

辛二地前隨順覺性

善男子! 而不自在 。此名菩薩 切菩薩 ,見解為礙 ,未入地者隨順覺性 。雖斷解礙,猶住見覺。 0 覺礙為礙

也。 覺也。名菩薩者,對前顯勝,上求之心超凡位也。名未入地者,對後顯劣, **墮是也。又云為礙者** 求 稱隨順 下化之功,不及聖位故。然既已超凡,雖不及聖,則於覺性自然不逆,故 於解礙 見解為礙者 至十信二惑空,假成俗備理方通。 故云猶住見覺 雖斷解礙 講】菩薩,指別教八住至十迴向,圓教八信至十信位也。 ,而猶住著見解為礙之覺性。此即中道法愛也。執以為是 ,謂彼淨解為自障礙,而欲斷之。從八住去,位位 ,猶住見覺者,謂能見淨解為礙者,即是隨順覺性 0 既住此覺 , 以其為圓覺之礙故。而不自在者,不能任運趣 ,則此覺亦為障礙 齊前別住後三位,併連行向位相 ,故云覺礙 教 斷 頌日 中訶為頂 , 0 , 不復進 今雖斷 位位證 同 入圓 ٦

信 至十信,別教八住至十回向而言。圓教七信,見思已空。至八信進斷界內塵沙。 記 前為 觀行位中之凡夫 此為相 似 位中之菩薩 一切菩薩,專指 圓 教

無 謂 解 能 因 九 無量 之覺 明 通 别 信 ,未易除 十信 難 , 教 一劫來 契中 乃 ,仍是 如 鉢 斷 用 此 生 道 根 界外塵 障 死 障 觀 功 大 本 之 礙 士 礙 ,方伏界外無明也 人 0 , 0 沙 , 故 别 破 癡 教自 。內外塵沙惑空,故稱二空。別教八住 稍 由十回 人認作本 塵沙惑 得受用 八 向 住至十 不易 來人 , 而 登 便執著此受用而不能進步是也 。上文見解 0 一初地 回向 須 0 經 故 歷 ,功夫最 日 , 覺 往 + 為 往 行, 礙 為 識 礙 難 塵沙 中道實性 礙 , 而 然斷 !蓋破 不自 方 此 破 異相 在 見 , , ,與圓 而 解 又 0 無 為 此 , 經 等 中 明 而 + 教 人 道 仍 回 入 若 所 存 向 信 破 不 迷 有 位 遇 滅 空假 齊 如 相

辛三地上 隨順覺性

壬一承前正

明

同時寂滅 善男子!有照有覺 。譬如有人,自斷其首。首已斷故 ,俱名障礙。 是故菩薩常覺不住 ,無能斷者 ,照與照者 0 則以礙

,

心 自滅諸礙 。礙已斷 滅 ,無滅礙者 0

,

障礙 照 云 猶住見覺 是故不成礙,以不生住著心故。正以不生住著 講】此承前正明也。前云見解為礙,即是有照 而能照之覺 有照有覺 ,即是有覺 , 俱名障礙之故 , 亦名障礙 ,以非覺莫住故 0 以住著 所以入地菩薩 , , 則障 俱名障礙 .礙 圓 者 覺 無時 ,則所照之礙 性故 , 不照 以非照莫見故 謂所照之礙 0 是故常覺不住 所謂 , 與能照 寂 古 而 。 又

能滅之覺亦盡,皆不離於圓覺性故。上云照與照者,同時寂滅 諸 之覺者 義 所斷之頭 云譬 而 礙 死 , 可 如有 , 以 礙未滅時 以 (非己 人也 極 同 刀自斷其首 |甚明顯矣!若更以法合者 時寂滅 0 , 能斷之人亦亡 有人 ,則礙為所滅 , 皆不離圓覺性故 0 , 首未斷時,則首為所斷 謂期死之人 ,覺為能滅。至礙已斷滅 ,故云無能斷者 0 自 , 0 則是入地菩薩 斷 此義不易明顯 其首者 ,人為能斷 0 此喻照 , 謂 期 , , , 故 以滅礙之心 與照者同時寂滅之 死之人 則所滅之礙 又以喻明之 。至已斷故 , 即 此 , 起心 意 既空 自滅 斷 , 耳 故 則

亡 照 此 無 至 脫 覺是體 以 一登地 也 是 諸 上 0 0 登 所 法 有 , 斷 此 地菩薩境界 以 雖得受用 ,照是用 記】此法身大士用 雖是常覺 後 照 之 首 覺 , 不 , , 喻 必 仍 0 , 是 , 用 所 以 仍 亦不 地前 始覺 照 照 障 須 礙 用 0 , 住覺 尚 只須 之智 功 礙 功 , 心為能 不能 因 方法 0 了得 唯此 有 ,照本覺 外 能 知 , 無 照 乃用 然凡夫亦 , 無明性 所 所 , 諸 何況 故 照 之體 法界觀 0 空 礙為所照 凡夫?故 能 內 照是 , ,此是地前 不 無 無明 可不知 ,修楞嚴 能 心 照 復 即是實性 。所滅之礙既滅 , 0 設為譬喻 所 故 功夫 三昧 照 圓 云照與照者 是 女教 初初 境 0 , 只有 與 住 0 四 , 地 能 境 住 以 斷 雖 前 上 , ,能滅之智亦 即 , 覺, 無 除 用 之 同 别 明 功 時 , 覺外並 是也 無 教 不 , 寂 喻能 明 登 同 滅 未 地 0 0

壬二慮後防即

大

方

廣

員

覺

修多羅

了義經講

義附

聞

記

來 修 多 , 羅 種 種言 教 , 説 如 標月指 , 開 示 菩薩 0 若復見月 , 亦 復 如 , 是 了知所標 0 此 |名菩薩 , 畢竟非 巨人 八地者 月 0 隨 順 切 媊

性

0

之所 所 即謂 為 為標月之指 說 破障成慧,立位顯覺 喻學者借教 標月之指,即喻示心之教。若復見月者,經又云:『彼人因指, 地前則聽其自便 屬 喻 ※月體 依教修習 開心 切經 應耶 稍異於彼 講 然立位顯覺 此 也 ? 0 此慮後防問也。恐後有人問曰: 豈唯不知心 人豈唯亡失月輪 故世尊以此防云:修多羅教 , 0 0 0 應當觀心。 彼經蓋是以指喻教 何故地前 標指者 0 蓋 , 地上 , 如來於地前地 原為破障成慧 ,亦不應住。 , 楞嚴云 |則私與解銷?若爾 ,則歷位成執。登地 , 亦復 了知所標畢竟非月者, 不知 亦亡其指 : 上 , \neg 故云若復見月。 教 以月喻心 如 , , 即 立位顯覺 人以手指月示人 0 意顯 同所標之月 Ь , 如標月指云云 , 0 ,就常覺不住。豈非世尊施 則無緣慈如是,便非世尊施教 地前與地上, 不應執教 意顯不應執指 。意顯如來說教 , 皆為 經又云: 了知所有能標之指 0 故云如標月指 修多羅教 Ĺ 0 今經 0 0 教 雖位分淺深 以手 , -能 若復觀指 喻學者看 應當看月 , , 喻 指 通指 原為示心 即 ㅁ 月 日 楞 妸 果其 能標 謂 教 來所 嚴 , 均 , Ь 以 指 , 0

有私 至亦 竟非月 復如是 不得故作是問 0 豈唯如來一佛所說 0 是知地前地上 ,恐招謗佛之愆。防問已竟,仍歸正結 , ,不應住著 智分劣勝 0 , 則諸佛皆然 智劣則成執 0 , 故云 智勝則常照 一切如來 ,故曰此名云 , 非佛

了 得文字不是妙 記 】月譬圓覺妙 理 可執 , 如 著文字也 知 Ü 所 ,指譬修多羅教 標之指 非月 。未悟以前 。凡看經人,應由文字, ,須由文字研求妙理 悟實 相 0 既 妙 悟以 理

辛四如來隨順覺性

後

須修圓覺

而

不

云

壬一明所證境

皆名涅槃 無明真 善男子! 如 0 , 無異境界 智慧愚癡 切障礙 , 即究竟覺 0 ,通為般若 諸戒定慧及婬怒癡,俱是梵行。 。得念失念 。菩薩外道所成就法 , 無非解 脱 0 , 眾 同 成 法 是菩提 生國土 破 法 0 ,

同 法性 畢竟解脱 0 地獄天宮 ,皆為淨土。有性無性,齊成佛道 0 一切煩

0

若實有不住 講】此先明所證之境 , 亦名為礙 0 謂障如來大圓覺海 。地前滅礙立覺 , 覺即, 無障無礙 成礙 0 入地常覺不住 大自在性故。今

成顯 者 滅 得念 邪非真邪 是大智慧光明義故 同歸 妄固非妄 地上位位 故 俱不解脫 其數尚 歸 地上常覺不住 法 如來大圓 至如來位 呼為 故 破 圓 大 依教修習 層 多 斷 .智顯愚 能 外道 所斷妄惑 破 不能斷 0 , 0 照諸 菲 以二皆圓覺起故。不言圓覺而言解脫者 覺海 真如對妄而觀 此下 今知對失立得,得非真得 , 則 一 一俱成 真破 , ,愚非真愚 ,雖麤 。所成就法 精進 礙 , , 非 立不能立 一為之融會 無障礙性故 切障礙 , 0 0 0 名為 觀同行者,呼為菩薩 即 二俱成 印是成 細不同 是智慧 同 歸 無明 。二俱成非 , ,即究竟覺 , 名為 真亦非真 員 非 法 ,乃為失念 ,通名為礙, 。此二句為總標。不過言其大略。 覺 0 0 , , , 所證 邪 不能照礙 懈怠即是破法 同 如憶念斷礙 0 歸 道 以 實理 圓 員 0 。二俱不立 0 0 , 同歸 覺即 對邪立正 因得顯失 . 覺 0 故以一切目之。即究竟覺者 得則為得所縛 , 切障礙者, 0 , 0 名為 所成就法 圓 即是愚癡 是阿耨菩提法故 而 ,憶念立覺 覺 言涅槃者 0 真如 對破立 , , 0 ,失非真失,二俱不成 · 同歸 而云 正 ,以圓 菲 即指地前礙之與覺 ,名為 0 成 圓覺 真正 一般若者 對愚立 然無明依真而 , , 0 以圓 失則為失所 能斷能立 |覺即是離繫縛法 0 正 成非真 0 , 0 道 故曰無異境 故 智 大 覺即是不 , 所攝諸 以 īE 云菩提 0 , 觀 顯 圓 智非真 成 異學 | 覺即 則為 起 邪 繫 , 同 0 大 0

菩 前 佛 淨自 修善 然種 性 以圓 行 有 及與菩薩 薩 若 解 對 四 切佛菩 , 脫 朗 . 如 眾生 覺 即 。凡夫境界 似 故 種 記 有 云皆 即 約 其 幻 便 員 0 此 故云皆為淨土,以圓 **|薩清**| 以 是依 諍 地 無佛 化 作 覺即是諸 會上 名為 前 即 成 員 婬 , , 段文不 覺即是大解 佛 皆生如 正 淨 怒癡 因諍故有惱 性 入 , 後 天宮 有性 道 故 二報諸法之實性故 因故 妙 純 全是障 $\overline{\mathcal{H}}$ 法無差別 0 0 ·比前 , 然既! 然 似 以 來圓覺妙心 此 無 , 0 0 謂 天宮不以為樂 菩薩說法所度 約登地 圓 三段 段 妙 0 菩薩 脫 是 覺 切眾 有 屬 0 。今約佛地融會 法 佛 地 0 鴚 成佛性故 性 示 前 前 境界, 境 生 , 0 是 覺即是常寂光淨土故 現 故 界 境 三段中 絕諸對待 未 , 0 0 , 界 莫不 切如 幻 菩薩 到 司 0 半明半障 如 佛 菩薩教化 化 依 。教化定性二乘,及與闡提 , ,名為 , 法 如 有心 地獄不以為苦 不實 地 來本起 示 員 華 方 , 覺 現順行 是凡 , 會上 , 竽 皆名 眾生 同歸 0 0 會 0 切煩惱 實即 故 凡有圓 造惡眾 若 夫 因地法故 , 上 純 , , 員 煩 0 以 云俱是梵行 , 集行 二是 覺 即 二度離 五 圓 惱 0 員 菩薩: 時 獨 , 覺心者 生 覺 便修戒定慧 0 , , 畢竟不 判教 地前菩 妙 所嚴 故云一 唯 以是有對 0 , 0 妙 然此 教 即 故 依 是 法 , 圓 化不定二乘 入 云 ,名為 , 薩 論 切煩 登 生 遠近定當作 滿 以 以 地 同 德 地 之 故 法 上九 覺性 獄 一 法 圓 , 名 為 0 三是 , 之 境 惱 故 覺 示 或 凡 教化 對 性 即 現 夫境 登 功 無 逆 地 如 , , 0

大方

廣

圓

覺修多羅

了義經

講

義

附

親

聞

記

癡 二邊 地 之別 本 成 念 如 謂 障 腳 到 照 所 前 義 而 之性 破? 之失 本覺 , 咸 錯 ·無 懈 來 此 謂 來 礙 腳 諦 顯 唯 点 認 法 明 凡 性 0 是妙明真 而 豈 念 ! 皆 暗 界海 有 德 故 全是 夫菩薩 , 何 切 0 中 眾 皆 頓 空 非 以 障 0 始 中 道 生 , 同 名 失 失 故 障 本 文 蓋 故 慧 礙 顯 即第 ? 一在眾 分 即 是 定 道 各 無 涅 照 則憂慮 礙 合 , 心中 <u>上</u> 是戒定慧 ,豈非同是菩提?無明是不覺,真如是妙覺。然以法 般若?邪正 力 異 槃 以 之 即究竟覺 , , 無二亦無三也。 種 其障 (境界 , 一義 · 生 如 0 , , 物 有情 障 為 始本 一分上 有 涅 ,得 何 礙。 諦 , 故 ,不生 破 何 大 得 0 之出 為覺性 諸戒定慧及婬 法 得 , 圓 為究 。 此 0 則歡喜 不二。 日 以佛法界海慧平等眼觀之,皆是解 `失? 此 則 俱無自 。 成 一滿 同 竟覺 顯 有諸 也 性 境唯佛 必 也。前段是初 全理 破 如 故 , 0 故 ,皆是 法性。 無情 槃 外 一念頓 性 亦是 無 耶 0 法 成 得念者 ? 地 , , 非 獨 無智智外無 。菩薩 無性之性 怒癡 不滅 對待 無 為 修;全修成 證 解 地 法性 前 明 悟為始覺。由本覺生於 脫 , 獄受苦 如 , 也 , , 之 仍為對 , 0 Ü 得 來 俱是梵 皆 滅 即是 精 0 第 不 進 非 現 礙 以 如 **,乃圓覺妙性** 智愚皆是 一義諦 幻 待, 理之後 勇 解 前一念之真念也 外 知 成 0 諸 行 化 猛 覺 內 脫 , 一智一 天極 皆不能 如 而 0 0 , 0 , , 此 登地 來 色身 夢 真 以 不知得失皆是 樂, 此 切 方 語 幻 念 則為 如 脫 段是圓 現前 智 可 唯 來覺海 知 菩薩 0 0 之常覺不 , ,不落 覺性 非 外 0 始覺 日 佛 , 絕 若凡 正 泊 俱 待 可 , 0 開 界海 滿 念念遷 是 道 上 照 為 如 山 非 , 示 擬 第 梵 夫 河 邪 本 之 成 幻 住 以 所 地 慧 .議 蓋 虚 無 , 法 化 則 始 切 謂 獄者 照 思 義 雙遣 覺還 婬 智愚 有 空大 流 皆是 第 之 , 0 頭 如 怒 何 以 頭 ,

乘 答 令眾 對 性 而 有三禪天之樂。又問出否?答曰:待世尊入地獄時方出。 土 煩惱 了義 日: 也 妄 不 生止惡。開示天宮者,教眾生修善。 0 如 無性 提 說 離 我那有出地獄時?夫達多不以地獄為苦,而 ,則無 解 真 婆達 脫 者 , 此 多,在 , **,無佛性也** 了得真妄 非 別,故無不成佛。煩惱性即涅槃性,離涅槃無煩惱, 真解脫 地獄中 原空, 0 0 須知 如 ,世尊令阿難 地 日聲聞緣覺,永無成佛之期 煩惱者 獄 即是天宮矣!豈 , 迷之則有 然而境從緣有,本無自性 入定觀之 非皆為淨土哉? ,問其苦否?達多日 , 以為樂 悟之則無 日: 0 0 此 世尊 或 0 小乘 日 故 : 那有 有 此 日畢竟解 不了義教 0 猶 故 妄 性 λ 離空無華 樂 地 者 日皆為淨 也 我 獄時? , 脫 有佛 在 0 然 此

壬二明能證智

法界海慧,照了諸相,猶如虛空。

講

此明能證智也。言佛地所以能融諸對待

,而歸於圓覺性者

, 以

今經亦 故曰猶 大海無量無邊 其有法界智故 地相也 劔 如 虚 照了者,照其起自圓覺,了其相即實相 空 0 0 0 法界 故云法界海慧。照了諸相 楞嚴云: ,即一真法界。 ٦ 譬如虛空 佛地證之。 , 體非樸相 , 諸相 依此而起平等大慧 , 即指前 0 而不拒彼諸相發揮 實相無相 凡夫相 仍還! 地前 員 猶如 覺 相 0

【大方廣圓覺修多羅了義經講義附親聞記】

記

切障

礙

,

為不

二境

0

即

究竟覺,

為不二智。

以

境發智

,

以

智

照

境

境外無智,智外無境。境智一如,中道平等。故曰猶如虛空。

壬三結歸圓覺

此名如來隨順覺性。

謂如來從初發心,由凡夫經地前,至地上,畢竟圓極 (講】此結歸順圓覺性也。名如來者,顯能隨順者 。至遊大圓覺海,登 ,非前三等人故

彼岸而入妙覺果地。故曰如來隨順覺性。

【記】絕對待,離能所,靈光獨耀,迴出根塵。是為如來隨順境界

庚二頓圓隨順

辛一明隨順相

諸眾生,聞是法門。信解受持,不生驚畏。是則名為隨順覺性 心,亦不息滅。住妄想境,不加了知。於無了知,不辯真實。彼 善男子!但諸菩薩 ,及末世眾生。居一 切時,不起妄念。於諸妄 0

嘂 但諸現前菩薩 圓照之功,修之誠非易易。若果有頓圓之機,亦不難也。故重呼而告之曰: ,而不起妄念。言一切時者,即是自朝至晚,循環往復 ,及末世眾生,有頓根,或圓根者,只須居一切時 ,迎賓送客,咳 渾渾噩

【講】如上漸次隨順。失照,則任運成礙。圓照,則無法不融。然此

順法 之念,既屬依他, 解 即落簡擇 時 洞然明白 知 凡一切境界,從緣而生。緣起無性,當體即真。妄境亦屬依他, 肉挖瘡 化 時中不起?今言不起者 然離念境界 唾掉臂 者 現前菩薩 加了 菛 於 不起妄念也。 有即 而 解得正 無了知 知 ,無病尋病 不故起憎愛之念 信解受持 及一 非有 0 0 , 反墮無明昏暗, 了知之性 即是起念分別 , 根性 切見色聞聲時也。不起妄念者,並非無念,亦非一念不生 唯佛獨證 教中所詮是真理。受者,受以自修 ,不辯真實者,四祖云:至道無難 。遇境逢緣,不生二執 猛利 其體圓成,息滅作麼?若起念息滅 於諸妄心,亦不息滅者。妄心即是有即非有 ,不足為難。 ,何必如此!故曰亦不息滅。住妄想境,不加了知者 ,即自性之光,有尚無礙,何況云無?若辯真說妄 0 ,故云不起 , 0 又在佛世之時 以圓頓教人,賦性渾噩 等覺已還 , 而不洞然明白矣。彼諸眾生,獨約末世言之 又成室計 故不言也。信者, 0 ,皆未離念故也。 以順性之念 。二六時中, 0 譬如扨盂 ,親見如來三業殊 , ,天然自在 , , 信得佛所說之法是正教。 持者 莫不如是 本屬依他 唯嫌簡擇 何須安柄?故曰不加了 既未離念 ,便成峑計 持以教人。末世 勝 起 。對諸美惡境 0 0 聞是圓覺隨 但莫憎愛 故 性 妄即無妄 非有 焉得 $\dot{\Box}$ 0 0 譬如好 居 如 而有 幻 切 切 如 0 0

0

,

眾 畏其不能下手,不敢教 耶?答: 設能信解受持 生 此言小根劣器的人,聞上圓頓大教,驚其非是佛語 唯不能如此 ,不生驚畏者,是則名為隨順覺性 ,而且驚畏者多,故獨言之。謂末世眾生,聞此法 人。此即不信不解不受不持也。反此是名隨順 0 問: 何故聞之而生驚畏 ,義涉荒唐 覺 性

有 時 滅 發揮 不 知 能 何 起 也 寂 鄙 體 之, 妄念 起二執 占 文 寂 人別有發揮。蓋各家皆發揮菩薩 0 何 是 也 即是 照 有 日 日 0 非 不 即是 況 於 圓者 六 。上來所說 記】此段文各家註 , 諸 凡 故 時 真 圓 生 妄 豈 有 我 徧 夫 妄 成 境界獨 , 立非受 不 無 Ü 夜 法 計 0 0 0 二執 起分 固 諸 7 蓋妄想 六 0 ,亦不息滅 異 時 用乎? 居 知 緣 何 , 皆漸 以 別 亦是 士多有以妄想不能息滅為問 , 分 0 , 即是本領。要在此處 故?以心中分別好壞故。 散 原是 所謂 為 ,雖有妄 次修 解不同 虚 而 依 妄 無 耶?須知 不 切 -起者 他 證 盽 0 , 無 又 起性 想 功夫 。仁 0 , 圓 , 而 境界 何必辩?受者, 非真無 妄心 並 山老居士,曾另出手眼解之, 頓 0 , 如 非 人 此 ,而略眾生境界 對境不生。 水上 不必 真 二六 段 0 用功 則圓 性真常中 不 一浮漚 滅 起 時 0 者 但對境不被所惑 中 頓 , 0 初 領納之義 , 並 玩 所謂 功夫 , , 不在除妄想 不可不知 自 不能 講義 穿 ,原無有無 對境 性 衣 0 0 我則 本 滅 吃 頓者 自 空 ŝ 明 飯 0 0 領 此 登地已還 不 專 , 0 , , 若 迷 。妄 皆 _ 納 理 有 起 就末世 了 此 悟 真不 念不 猶覺太高 何 與 ,菩提 0 得 法 想 之 因 妨 依 門 起時 相 緣 生 大 礙 , 起 同 他 尚 和 ? 日 Ü , 0 如 唯 且不 日長 眾 有 合 下 湛 起 境 而 念 淇 生 7 即 文

善男子!汝等當知 及大菩薩 ,植眾德本。佛説是人,名為成就一切種智 0 如是眾生,已曾供養百千萬億恆河沙諸佛 ,

佛智 雙修 顯其供佛之多,不但於一二三佛而種善根也。供佛及僧 , , 講】當知者,謂當知其所以能隨順者,有由來矣 能生佛地一切智慧。是知眾生雖在末世, 以植萬德之本 。故曰植眾德本 。佛說者 , 所言不虛 但能隨順覺性 ,故曰已曾等。 ,必兼聞法 0 種智者 ,必至成佛 福慧 即是

【記】此段及偈頌,玩講義自明。

戊二偈頌

己一頌示圓滿覺性

爾時世尊,欲重宣此義,而説偈言:

時;漸次有差別 清淨慧當知 :圓滿菩提性,無取亦無證。 0 無菩薩眾生。 覺與未覺

即一也。 講 前四句 無取亦無證者,性自有故。長行云,非性性有,亦一也。菩薩 ,頌本來平等。長行云:圓覺自性,今云圓滿菩提性

【大方廣圓覺修多羅了義經講義附親聞

. :2

與未覺時 滅得一分幻化,顯得一分覺性。故曰滅未滅。約所滅之幻言之。頌云:覺 云:便顯差別,頌云:漸次有差別,皆約兩楹言之。文有究竟平等一段, 頌云:覺與未覺時,漸次有差別。蓋長文以一切幻化,皆生如來妙圓覺心。 同幻化故。後二句 是能證人。眾生是能取人。所取所證既無,能取能證何有?故並以無稱 而頌無之。而漸次差別一句,直是標下頌意 。約所顯之覺言之。蓋幻滅,即是覺時。幻未滅 ,頌迷倒成差。文云:於滅未滅,妄功用中,便顯差別 0 ,即未覺時 0

已二頌示隨順成別

庚一頌次第隨順

眾生為解礙。菩薩未離覺。入地永寂滅。不住一切相。大覺悉圓

滿,名為徧隨順。

頌登地以上 故云隨順 云即彼淨解,為自障礙。故於圓覺而不自在。雖不自在,尚不至於背逆 講】首句,頌凡夫眾生伏惑,得法界境,名為凡位。為解礙者,文 同時寂滅故也。不住相者,謂礙覺二相 0 次句 0 永寂滅者 ,頌地前。文云雖斷解礙 , 上二位有照有覺 ,猶住見覺, ,俱名障礙 ,俱不可得故 。登地以上 故為解礙。 。末二句 次二句, 則 河照與

如來。今言大覺,即是如來。悉圓滿者,文云一切障礙,即究竟覺, 云一切煩惱,畢竟解脫 。所謂不可得中恁麼得也。峑隨順者,文云法界海 乃至

庚二頌頓圓隨順

慧,照了諸相

,猶如虛空,故云峑也

末世諸眾生 , 功德已圓滿 ,心不生虛妄。 0 雖有多方便 佛説如是人, ,皆名隨順智 現世即菩薩 0 0 供養恆沙

今但云供佛 能不生驚畏 名句,許其為度眾生, 頌讚隨順人 化故。今以一不字,賅文中不起不息,不加不辯之義,皆攝之矣。 念為虛妄。而息妄心,加了知,辯真實,有意欲樂, 講 初二句 ,許其現生,即是菩薩。供養句,出其所以。文云百千恆沙佛 。佛說者,顯是真實語故。人指末世眾生,轉從四依邊聞 。文云植眾德本,今云功德圓滿。雖有句 , 頌明隨順相 隨順一切種智也。為中根人顯性竟 ,只在心不虛妄 0 言蔽之,謂不唯起妄 一一皆為虛妄 , 許其不欲速成。皆 佛說 , 同幻 , 設 下,

乙三為中根人示圓修

丙一示三觀圓修

丁一謝前請後——威德自在章

又一具 義謝台

長跪叉手而白佛言:大悲世尊!廣為我等分別如是隨順覺性,令 於是威德自在菩薩 ,在大眾中,即從座起,頂禮佛足,右繞三匝

諸菩薩覺心光明。承佛圓音,不因修習而得善利

如斯善利,實未曾有。此則悟後正好修行也。 人,而句後明宗者,隨聞入觀,識得自心,即是圓覺。不依觀行而得發明 次第,則隨分識礙顯覺 音說法 故云廣為 【講】憐及末世眾生,希成遐益,故稱大悲。且就現前大眾,統冀傳 隨類各解故 。分別者 。聞頓圓 0 ,微細開示。隨順者,即前 不因修習而得善利者,言前薦取者,固然難得其 ,則句下承當領荷。 所說 承, 。覺心光明者 領也。 佛圓音者

須 知 被 既為 他行。其法太妙,惟上根利智者能之。威德辯音兩章,專為中根人示修行之路 苦 樂 , ·所迷,不肯修行。三途極苦,為苦所逼,無暇修行。人道則有苦有樂 經中 因苦識樂。二者相因,方知苦應離,樂應得。正心慮,趨菩提,惟 記】此章發明從凡夫成 教相 五 不肯修行,真所謂自暴自棄也。上來普賢章修如幻三昧。 輪 , ٠, 反不 相是頓教之相,而義則是圓。無法不攝 如威德章之純粹,諸君宜格外留 佛 ,修證功夫。修行惟人道為最宜 ن , 既為中根 無機不投 0 蓋 人 普眼章修奢 諸 三根普被 天 極 因樂

大 方 廣 員 覺 修 多 羅 3 義 經 講 義 附 親 聞 記

覺 則 無 照 何 為 性 表 我 為 息 法 法 清 可 之 此 學 之 報 那 時 言 成 明 畏 生 自 人 全 亦 N) , 不 淨 0 因 畏 平 皆是 識 此 受 性 員 員 覺 , 無 宜 而 , 薦 修 屯 用 也 菩 有 亦 無 起 徧 非 相 今 習 薩 德 取 障 然 帖 從 不 修 法 圓 因 判 故 , 0 令 界 而 礙 可 是 帖 Ξ 與 修 緣 覺 之 , 大 員 日 得 覺 懷 本章 若 德 有 人 員 觀 全 所 而 之 者 , 0 停 無 善 正 性 性 也 威 見 即 生 周 修 λ 何 , 員 手 當 利 無 而 中 在 徧 字 況 0 λ , 文 0 外 聞 者 其 德 生 地 所 性 此 若 今 亦 當 法 相 , , 之 畏 是 下 Ξ 體 界 經 佛 即 獄 說 雖 雖 論 , 0 0 境 時 言 隨 修 更 過 故 種 皆 有 此 相 , 有 文 , , 是 為 Ŀ 眾 加 次 是 相 Ξ 云 λ 來 應 下 空 六 次 為 所 生 威 刀 第 根 觀. 自 便 人 文 種 第 , 0 _ , 照 是 威 隨 能 人 根 所 在 德 槍 , 耶 員 則 而 不 , ,無 為當 根 器 得 _ 者 舉 ? 有 劍 同 以 0 故 即 0 而 器 戟 能 智 之 字 若 悟 空 小 其 次 , , 境外 機 觀 第 果 極 , 行 金 林 為 此 即 觀 令 而 理 而 照 利 識 也 可 道 剛 中 眾 圓 0 假 析 起 無 , 0 之智為 見 無不 先 得 有 怒 生 此 理 至 修 0 , 即 非 章 並 當 障 眾 並 得 亦 請 中 微 修 目 則 問 所 具三。 奢 斷 礙 生 非 無 塵 員 如 於 , 即修藏 , 能照 修三 來 開 虎 摩 無 有 所 本 N) 此 隨 , 0 0 意 豹 明 未 顯 具 懼 法 拈 亦 蓋 他 , 依 覺 發 員 做 食 觀 此 理 能 教 本 , 0 , _ _ 智 與 言 性 覺 作 以 人 以 푬 之 觀 法 員 起 經 次 , 圓 前 輩 謂 佛 此 修 妙 為 ら い 行 行 所 , , 0 境 中 無 故 性 乃 教 餓 若 初 圓 皆 所 談 Ξ , , 員 鬼 린 學 摩 自 本 修 是 云 化 有 如 有 了 識 隨 然 變 觀 者 數 + 修 鉢 因 人 無 妙 義 境 是 相 說 息 得 分 彼 而 此 行 理 法 提 , 本 智 , 為 自 識 物 界 然 經 鸛 不 使 功 切 無 , 0 , 隨 威 中 性 礙 覺 人 也 夫 任 依 修 非 後 如 有 亦 聞 顯 此 德 請 則 依 E 員

望

如

初 法 此

_

威

迷

入觀 。此 類 人古今不可多得。若中根者,聞法時雖能了了, 過後習氣又來,故須

戊二請後顯殷

修習觀

行。

威德之請

,正為此也。

世尊!譬如大城,外有四門,隨方來者,非止一路

初修 而入故 身之所依故。四門,喻菩薩修行圓覺,亦必由有,空 ,乃有多種方便 講】先喻說也。大城,京都也,國主所依故。喻圓覺妙心,清淨法 。來者非一者,喻菩薩欲證圓覺,必依四法而修 ,所謂方便有多門也。 ,雙亦,雙非 。隨彼根性 四門

約藏 無中 立 有 提 妙 為八門 0 Ü 通 , 乃別教所修,雙遣二邊而顯中,是為但中觀。 從亦有亦空門入者,為禪那 别 能防魔外 記】大城譬如北京城 圓 中 一 切 四 教論之,當有四四十六門。 中 故 ,是為圓中觀 以城為喻 。四門東西南北四正門也。城有防匪禦敵之用 0 0 從空門入者 0 禪那 既有四門, 中攝此但 即當經而言,亦應別教 應立四觀 即奢摩他 中圓中兩門也 亦空亦有,則即邊明 ,今祇有三者 。從有 門入 四門,圓教 眾生根器 者 即三 中 以 非 。圓 四門 不 空非 離邊 覺

切菩薩莊嚴佛國 , 及成菩提 , 非 一 方便

講 次舉法合也。一切菩薩 ,謂欲證圓覺之人。此合隨方來者 莊

嚴佛國及成菩提 嚴 佛國,二為成就菩提 , 總以教化眾生為本。言菩薩依四法而修 0 但 隨其根性樂欲 ,發覺初修方便 ,並教化眾生 ,乃有多

,故云非一方便。此合非止一路

慧能 是 莊嚴 之佛 念之 不圓 嚴 了此則無一法不可修,無處非方便矣 由 觀 種 行證 , Ċ 斷惑 修止觀,得定慧,故止是福莊嚴 。任修何法,皆成方便。持戒是第一方便,由戒而定,由定而慧。定能 0 莊嚴 句 ,了不 方 記】大城喻佛 實相 白 便 能 現 佛 , ·可得 前 悟圓覺妙性,無一非方便。經是文字般若,依經修觀 國 ,為實相般若。亦無非方便。念佛一門,為莊嚴佛國之大方便 能莊嚴得成 ,即莊嚴自己清淨覺性 , 即 , 是假 所念之佛 國, 即常寂 0 。下文三觀, 持名念佛 ,無形無相 光 土, 0 ,觀是智莊嚴 , 空假 即 ,故云及成菩提 一一皆成就菩提之方便 ,即是空。能念之心,歷歷 妙莊嚴 圓 一融 , 域 即是中。 。又覺性是所莊嚴 。莊嚴者 。是培植體智用三德 故日 , 0 即 非 念佛 悟圓理者, ,為 莊嚴 明明 即是修觀 ,定慧是 觀 ,是名 行 , 般 伏 所念 無一 , 不 若 惑

唯願世尊,廣為我等;宣説一切方便漸次。並修行人總有幾種?

須問過來人。

以世尊乃過來人也。

故曰

【講】古德云:欲知三叉路,

為 唯 既廣 願 近接現前法會,遠濟末世眾生,故曰廣為宣說 ,根性樂欲 ,自應不齊。隨其發覺初修,應用何等方便,漸次增進 。一切方便者

大方廣圓覺修多羅了義經講義附親聞記】

並諸能修行人,總有幾種 , 求 佛 宣說 ,乃見慈無遮而悲無盡也

將方便一切盡說 記 唯, 獨也。 , 衹 就 修行人大 並無 他 願 概 ,專為此 有幾種言之 事 0 威德知眾生根器不同 , 不 能 請

令此會菩薩 , 及末世眾生 ,求大乘者 , 速 得開悟 0 遊戲如 來 大寂

滅海。

得開 幻眾生 悟, 講 , 嚴陽燄佛國 初修方便 現前既是大乘之機。末世求大乘者 ,及漸增進之法 ,成夢裏菩提 , 0 故云遊戲大海 從此建水月道場 ,亦是菩薩之侶 0 , 作空華佛事 0 謂令其速 度 如

圓解修 此十住 觀 眼 , 也 , 十地 記 0 圓 開此 觀 】未悟 從 行十 行 行 非有 三眼 位 方 迴 人 , 修之 能 非空 , 觀 向 自 行 而 知見方正 一門入 在 登 得 ,處處著相 . 遊 地 力 戲 , 0 , 正 + 可遊 住從 相 方 可 似 0 戲 空門 全 既 位 性 0 悟人修之,處處 遊戲者, 起 λ 相 修。 似 , 得力 十行從 否 自在之義也 則 有門 不能 λ 分證 自 在 λ 如 , 位 0 來 0 + 開 0 依 迴 初 大 者 員 向 寂 斷 , 理 從 滅 開 品 開 亦 海 慧 員 有 無 眼 解 法 亦 明 空 眼 N)

作是語已 Ŧ. 體投地 , 如是三請 終而復始 0

【記】如文可知。 【講】此至三顯慇也可知

諸菩薩;及末世眾生,問於如來,如是方便。汝今諦聽 爾時世尊,告威德自在菩薩言:善哉善哉!善男子!汝等乃能為 ,當為汝

説 。時威德自在菩薩奉教歡喜,及諸大眾,默然而聽 0

便 ,不言漸次增進者,以初步定千里之程,不待言自知故 【講】準前問詞 ,請為廣說一切方便,漸次增進。今牒詞但云如是方 0

故答威德之問。祇提方便二字,不及其他。以明將一切法,收在方便二字之中也 【記】方,法也。 便 , 宜也。一切方法,皆可修行,惟隨眾生之機 宜 說 之

丁三應求開示

戊一長行

己一總標三種

善男子!無上妙覺 ,徧諸十方。出生如來,與一 切法,同體平等。

於諸修行,實無有二。方便隨順, 其數無量。圓攝所歸 ,循性差

別,當有三種。

無上也。峑諸十方者,法性峑在一切處故。出生如來者,隨緣出生一切諸 講】妙覺 ,指本妙覺心。體居象先,故以無上稱之。非約修得,名

【大方廣圓覺修多羅了義經講義附親聞記】

成 不通 佛 也 義 以 員 總 無 法 図攝 者 方便隨緣止 自性 統 化 觀名三摩扨提 有 0 , 豈 賅 空不空義者 同 如 者 實 有體 , 即 攝 惟 順 體 不空義 無量方便 逆皆方便 生妙心 諸 , 總統賅攝之意。循性差別者, 寂 謂 催 佛 假觀 於彼 用 0 照 則佛 乃至 0 , , , 止觀 即 中諦 故 諸 。依中諦理修,成息二邊分別止中觀。又三止名奢摩他 如 , , 所以收歸者 信 實空不空義 更有寂照不二, 佛 此 性 0 不二名禪那 既 即是法 意 理也。 無情 , 順 及與諸 耳 等 逆皆為方便 0 性 依真諦理修 同體平等者 ,亦皆從 , 法 0 , 空義 **循諸機性差別** 法 , , 循理性三義差別 體 隨 性 者 據 即是佛性 用 此出生, , 體性原無差別,約用而論差別 若 , , , 如三義 法修行 成體真止空觀 真諦理也 隨 既皆從彼妙覺出生 順機宜 故云與一切 , , 證入 故 , 0 ,故當有三種也 即 實 平等也 0 , 八淺深 不空 其數 所謂 (無差 0 義者 依俗諦 應有 如 別 0 法 ,當有三 於諸 來藏 , 0 0 則 前 無量 以 , 俗 理 如實空 聖 修 佛 云 諦 修 種 性 行 與諸 種 耳 0 至 理 無 0

離 可 他 處 過 不同 , 故云出生如來, 之 記 無 先建 邊 故 直 剎 稱 立三 指 海 無 妙覺 F 觀 不 與 之性 隔 觀 所 毫 依 依 一切法 端 之體 報 0 此 亦 0 性 空 0 此 , 使眾 過去 所謂無不從此法界流 之 , 謂 觀 徧 無 正 生修 始 報 行 菩 亦 ,未來 提 空 , 有所 涅 , 槃 舉 無 終 標 皆 即 準 0 , 今修 從 具 現 妙 在 此處 妙觀 覺流 中 切 間 之無上二字 0 + 無 , 出 所 際 世 謂無不還 古 今 無 切 諸 法

何法, 故云 理 亦 之 故云實無有二。眾生病有千差,緣有萬別,故方便亦無量。無量法門,以圓行修 無 皆是樂境。眾生之佛性 六道三途 理顯 破無明惑。又說空,即自心寂體。說俗,即自心照體。說中,即自心寂照不二。 修 即體真止 ,曰圓修。圓修所攝妙理,不外三種,即真俗中三諦。依真諦理修, 非 此 同體 妙法 , 法界也。萬法無性 皆是方便。無論誦經、持咒、禮拜、參禪、只須回向淨土,即是念佛 ,能破見思惑 日 襌 平等。法法皆是依他起性。了得諸法如幻,即是圓成實性 之苦。若悟緣 隨修 那 ,空觀。 亦 一行,無非妙行。楞嚴所修二十五門, 即 0 依俗諦理修,曰三摩鉢提,亦即方便隨緣止,假觀。依中諦 息二邊分別止,中觀。理實是一,方便說三。空觀修成 假觀修成,俗諦理顯 ,即大地山河之法性。大地 生,正可修如幻三昧 ,皆從緣生。緣生如幻,即是無生。眾生不悟緣生 ,能破塵沙惑。中觀修成, 。 知 幻 山河之法性, 即離 門門可以融 則地 獄可化 亦即眾生之 。隨拈一法, 入一門。 中諦 天宮 日奢摩他, ,故有 佛性 ,三途 理 方便。 任修 顯

庚一修止

己二次第別

有 唯是一心,體無分別。作是觀者,能令妄念不流,故名為止 性自非有 【講】止義 ,不生不滅 ,如大乘止觀第一頁云:所言止者 0 但以虚妄因緣故,非有而 ,謂知一切法 有 然彼有法有即非 。從本以

覺識 善男子!若諸菩薩 由寂靜 名奢摩它 煩 動 故 , 0 靜慧發生 + 方世界 ,悟淨圓覺 ,身心客塵,從此永滅。 ,諸如來心 ,以淨覺心,取靜為行 ,於中顯現 0 便能內發寂靜 如鏡中像 0 由 , 澄諸念 此 輕安 方便 ,

,

息 息二邊分別止也。由澄諸念者,諸念 前一念不生,湛然常寂之心,是個淨圓覺心。其體無染曰淨,其相周峑曰 不動之體 淨圓覺心 外遇境緣而不起分別,內亦不以靜為究竟,不過假靜以為入手方便 迎賓送客處,皆可隨緣照顧,使妄念不起,即名方便隨緣止也。當修止 故名為 謂體達諸法 圓。對境不迷曰覺。即以此心為觀行之本,故曰取靜為行,此即體真止也。 生滅 一邊分別止 止 不停 。觀久功純 , 梵語奢摩它,此云止 亦即以此取靜之功。歷一 本來湛寂 ,皆從緣起 ,此依寂體而起修也。悟淨圓覺者,承前 無時 暫息。今既悟此心,即 ,由此妄想消歇,麤念漸空,故曰澄諸念也。麤 , 其如無始已來 0 **緣無自性,當體即真。依之修習** 0 止有三:一體真止,二方便隨緣止 切處 , ,即妄想也。謂未修止 習氣熏染 。謂穿衣吃飯處 以所悟之境 , 遷流 不住 重重開示 ,發起觀照 , 咳唾掉臂處 荶 而諸妄不起 , 覺得妄想亂 即 ,悟得現 使 , 即名 治悟得 想既 返 **,** 三

全 一 智 來合 故曰 也 寂靜 澄 如 本有法身 內脫身心,則無明已伏,故於寂靜定中,發起輕安之相。到此則十方廓然 即寂靜 光一發 故 來 , Ù | 覺識 乃見賴耶體上,所有習氣,微細生滅流動之相,分劑頭數, 永 以生心與佛心 輕安者 ,六用不行。十方國土 密圓淨妙,皆現其中,亦此意也。 即是理 滅 功夫 ,則頓見身心,果然不實,如客如塵,所謂客非主,塵非空也。此 正此意也 煩 ,自然挺露。故曰諸如來心,於中顯現。即指本有法身為如來心 動 由此 , ,功夫至此,始覺現前身相,如空中之塵耳。如此則內脫身心, 直解云:以圓覺妙心, 0 。久久觀察,則見自心光明 以智照理 則一念頓證無生也。 0 , 原 如鏡 無二 中 , 故 像者 ,皎然清淨。 如鏡現像也 。永嘉云: ,鏡指自心之光 向被幻妄身心, 便能下,正顯定中受用之相 0 此乃妙契法身 欲成無上菩提 譬如琉璃 ,忽然發現,故曰靜慧發生 『諸佛法身入我性 ,像喻 , 內懸明月,乃至一切 無明之所覆障 , 如來之心 ,即楞嚴所謂返流 當以此為方便 ,我心還共如 無量 0 。言內發 光 無邊 今既 印是 小 。 0

它梵 石 去草仍長 語,此云止。若 記 部經中, 似 此 用 但 功 以 所言修行方法 念 無甚 頭起處) 益處 0 , 強行壓制 知 ,此章最 切法數句 為 為緊要!人人 止 , 譬 乃 發明三自性 如 以 石壓草 可 以 下手用 之真 , 暫 體 被 功 制 三自 服

故曰此方便者,名奢摩它。

亦得名為空觀

,

即體真

止也

大方廣

圓

覺修多羅了義經講

義附親聞記

真 念不 止 在 止 依 在菩薩中 即 非 身器界 性 實性 者 家 行 以 是 止 他 空 者 故 從 也 以 初 0 流 ; — 如 即 ? 人 二邊 凡 至 本 禪 步 惟是 故 會 是 塵沙妄念不流 幻 , ,是名為止。妄念者,在六凡眾生中,即見思惑。在二乘中 有對待者皆是 本 咳 功 以 ,即無 ,有即 而 員 指 能 無二心 唾 夫 圓 屬 來 成 有 -掉臂 心 也 成 實性 不 非 皆屬 其次 明惑,是妄念有三種也。今修止,所以 即名 切 料 襌 本 有 , 非 對 理 , 有 心 有 而 本 , 二 待 為 心無二用故。古德云: 迎賓送客 外無法 , 體 俗 0 , 非 依 ,則三種妄念不流 有 。二邊對待法 方便 即方 法 事 又 此即依 有 他 依 0 言 云 此 起性 所 他 0 極 : 隨 便 虚 , 本 即編 謂 起 7 如 他 隨 妄 宜修此 , 緣 性 Ξ 空有 由 行 無時無處 止。 緣止 ·無分 起性 計執 因 自 ,三徧 也 緣者 此 性 ,本無實體 方 彌 。無明妄念不流 也 如 别 性 者 而 , 我 便 陀 喫飯 也。 有分 計執 。 既 ,一念 ,便成為三種 當 隨 無 , 坐 員 ,不有此 『隨緣認得性,無假 然 我 緣 時參究喫飯是 體 依 别 成 性 止, 也 他 . 也 。 ,名 即是圓成實性 不覺為 實 , 一切諸法 ,皆由 起, 常 彌 性 蓋 無常 念頭存在 徧 陀 則隨處皆可受用 止矣 本無自 因 計 真 一切 ,即息二邊分別止也 比 對治妄念。了得編計 0 , 大 執 性 , , 較而 皆此 誰 展 既 性 也 諸 。見思妄念 也 性 隨 小 轉 法 0 生 等作 飲茶時參究飲茶是 依 則妄念自然 0 緣 變 內 , 本 , 0 亦無真 高 諸 作 自 起 現 性 如 用 有 為 下 如 , , 根 起 無 大 息二邊 是 , 長 不 即 如 緣 身 相 自 小對待 諸 流 塵沙惑 性 觀 幻 , , 不流 虚 外 幻 , 相 , 又云: 性空, 士為 無自 出 分別 即 則 自 相 不 也 妄 根

大 方 廣 員 覺 修 多 羅 3 義 經 講 義 附 親 聞 記

覺 其 中 有 念 切 不 為 故 初 能 修 併 故 大 念之 奢摩 念 即 相 現 間 在 ? 修 無 謂 不 Ü 生 方 非 妄 已 為 在 不 便 可 之 內 此 之息 真 , _ 滅 邊 念 著 無 Ξ 心 它 能 可 在 者 大 亦 0 皆是 相 際 性 文 觀 , 內 悟 , 起 後 字 故 宜 之 者 因 假 即 之 謂 便 有 不 , , 名為 依 念未 相 為 是 著 相 智 淨 也 誤 不 又 何 小 , 寂體 圓 在 稱 大 此 在 悟 可 空 見 0 0 0 小覺、 即體 生 蓋 止? 圓 乘 念 初 覺 周 故 何 外 外 有 大 「覺清 而 既 次 徧 性 功 云 以 在 , N) , 真 中 中間 行 蓋 定 取 用 故? 是 夫 不 小 也 日 亦 -間 為 Ξ 0 止 靜 也 淨 不期 功 員 不 偏 非 0 0 寂體者,自性不動是也。在三 也 孤 所 為 今 際求 此 在 之 然 真 _ , 0 , 0 。然 欲 相 中 觀 未 又 性 亦 此 欲 法 孤 行 止 小 之 忘 修 對 間 覺性 修 無 而 ジ 周 0 , 切不可 念能觀 則 止 境 能 境 止 心 徧 不 故 即 自 不 因 先 所 不 可 止 厭 大 0 不 , , 員 不必定在 文殊普賢章所 0 覺體 先 起 有 又 將 即 滿 0 生 見 , , 誤 萬 故 小 故 之智, 以 以 分 不 須發菩提 死 , , 將已滅之前念為所觀 觀 念 分境 此 别 並 了 既 又謂之 是 N) , 集 此性 也 此 淨 無 圓 吾 不 , 不有處 觀 無 於 智 員 則 分 人 欣 , , 今對 念 方 講 覺 不止 此本性 0 境 劑 無 涅 , Ü 之 念 其後 不 妄念 在 寸間 者是 槃 則 , N) , 為 止 _ 能 說 無 , 不 悟淨圓 於 , 如來藏 無念之 念 境 所 落 又 迷 無 不 , 0 , 無 _ 不 此為最 在 智 在 亦 切 明 觀 日 方 質言之 邊 , 為 覺 覺性 此 之 所 內 不 可 之 0 0 中, 之境, 境 了得 能 如 境 0 其 離 止 境 — , , 觀 念 故 體 , 不 高 0 亦 於 , , , 0 屬 , 境 本 謂 無 在 此 方 即 悟 功 之 亦 不 即 不 空 此 落 是 智 念 外 寸 吾 即 現 性 夫 邊 起 如如 至 前 修 ! 種 過 人 無 以 日 , 即 分 , 來 0 當 去 淨 淨 不 之最 如 相 功 則 何 現 大 中 别 藏 念 此 未 夫 員 在 謂 前 概 以 0

生者 水 法 不 ら い N) 極 剎 波 故 動 功 不 Ł 身 得 於中 相 安 如 力 那 浪 以 夫 以 來 ,不見 0 無 前 靜 空中之塵 剎 此 稱 , 則 全 自然得 隨 止 , 淨 一息 淨 向 方 進 那 如 顯 為究竟 N'S 分為三 即 沙 圓 無 為 見 安 起 應 _ 剎 我 不 泥 「覺性 力 始習氣遷流 用 遷 始 身 此 障 _ 那 可放 流 , 不 執 , 。今水 見 此 由 則息空 所 能 執已破 如 從 主 不 入 功 0 圓 來 迷, 中之客 |澄諸 寂 鬆 住 觀 故 識 夫 過 0 即 是也 ,既澄 之 靜 就 日身 0 0 田 報身,舉一密字,三身即是 不得 久久 修行 ,即是息二邊分別止也。任修一止,三止具足, , 功 惟修奢摩 中 智,觀此不生不滅之境 ,念念不住。如水未澄波浪 念,正指得力時也。諸念即妄念。淨圓覺性, 即是 則 即 夫 , 泥 Ü , 全體 見 觀 眾生凡 自 由 便 客 微 方 方 便 故 能 便隨 己本有 塵 沙自見。此 內 照 細 而 0 皆屬虚 他 生滅 內 言之,其實一止之中,皆含三止 , , 今既 發寂 發 從 Ü 行 緣 則 此 , 靜 之法身也 , , 止也。又 , 此 安。 亂 見 靜 功夫相應 永 慧 即是佛 滅 發 之,則身無重著 輕安者 境現前 起 好 了得身 境 生 亂 界 是 對外遇境不起 0 Ü , 動 。久之,則粗念不起 0 眾生身 也 謂 頓 之相 , , , 一身。 紛起。然全妄即真 正 如客 覺身 切勿 方得見 _ 念頓 切 顯定 0 由 此 心二 寂 , 如 認為妄念而生退 ら い い 古語云 中 證 則 _ 微 來 靜 之 之 執未 故 受 相 無 0 分別 Ċ 不 相 細 用 向來妄 生 , , 起身見 念 , 故 密 破 + 之 0 輕 頭 0 相 快 則 員 方 輕 古 , 即 諸佛妙 皆屬 生住 淨 世 人 非 Ü 波不 本來常寂不 修習 如修 加水之 了得 界 常 志 , 妙 自 云 N) 譬如 諸 無 性 異滅 體真 法身 0 離 既 本 見 擾 蓋 且 澄 證 對 N) 水 動 身 渾 須 內 止

【大方廣圓覺修多羅了義經講義附親聞記】

實即 讀也 戒 若 湛 止 窮究三藏一 則不起三惑,三妄念遂得不流 顯 論省 觀 矣 然 ,皆不出於奢摩它。將此 之 觀 應一切 0 理 悟 如 0 大乘 琉 , 切教典, 則 璃 大 。十方諸 止 (乘止觀言之最詳。 彌 內 觀釋止字,開首即云:知一 勒 , 懸 一章最為切 無非欲得門而 明月 如來,同共一法身』 , 科文詳細 同是光 要!若論修行 ,即止義也。古人云:佛法無多字。 此書乃大澈大悟之南嶽思大師所作, 明 入。既得其門,只須一門深 研究,著實用 ,喻境智不分為二也。奢摩它別名是 。眾生不知 切諸法。知字, ,則此章最為得力!無論參禪念佛持 功,一 , 故為密。既 生受用不盡, 即觀也。 入,切要切要!又 知 一部圓覺經 因 之 , 諸君不可 何須多法 知 得 則 止 如 密 , 此 其 不 而 0

庚二修觀

故 皆因幻 善男子!若諸菩薩 心性緣起 , , 便能 非 講 化 同 ,不無虛妄世用 .幻故 内 0 觀義 發 即 起諸 大悲 , , 大乘止觀又云:所言觀者 非 间 輕 幻 , 悟淨圓覺。以淨覺心,知覺心性;及與根塵 幻觀 安 , 。猶如幻夢, 以除幻者 0 , 皆是幻故 切菩薩從此 0 非有 變化諸 0 而有 ,雖知本不生,今不滅 起行 幻相永離 幻 ,故名為觀 , , 漸 而開幻眾 次增進 0 是諸 菩薩 0 0 彼 由 , 所 觀 起 而 幻 圓 幻 以

妙行 , 如 土長苗 , 此方便者 ,名三 一摩鉢 提 0

除 無性 皆因 觀 我之身心 無明既 根 大 心性指 淨 有次第 止. 名緣修 觀 幻 謡識 一中即 塵識三 圓覺為 三中 者 故 幻 而 講 豈 破 有 化 識 有 0 么 悟後 觀 即 , 非空耶 性 所觀境 分之則 觀 , 0 , 梵語 指現業流 幻化 謂 既然如是 本來 趙 自 0 0 , 諸 然其修功 識 今修觀 而修 然而有不思議之業用 內六根 ? 即 • 三摩 幻 不有 不 大 , 根 實 亦 0 , 識 諸幻 · 扨提 起下 塵而 修 方名真修 即 , , , , 則例 外六塵 皆因無明之所 即空觀也 無前 觀 以淨覺心為 ,無論 即 中 有分別 ,此云等持 , , 無明也。 是假 觀 亦有 指觀智也 後 修止 , 中 一切眾生, , 。亦名 觀 故成 0 止 0 修觀 以根 也 **六識,皆是從緣** 能觀智也。言知覺心性 如 0 謂以 變現 故曰變化諸幻而開幻眾 此 圓 功 不過是入 , 0 以此 謂 即 修 則 因 , 此如幻始覺之智 塵 也。 均須以悟為先 觀 依 根 0 0 所謂 一皆如幻 觀智 雖 塵 也。 此淨圓 而 門 識 有 所以三科 有 觀 知 有異 而 \equiv 一 修 , 覺心 而有 淨除現業流 性常自空 亦有三:一 , , 化 皆從 塵 , 切修 大 中 。謂 下手不 , , , , 有即 故 發 緣 根 根塵皆幻 , 淨除根 可即 起 也 會 未 而 0 , 空觀 皆 非 廣作度生佛 智 有 日 悟 而 前 皆 趙 照 相 如 有 有 耳 而 本 故 如 幻 化 先 修 修 無 们 之 以言 故 舉悟 化 照 緣 根 者 止 , 明 以 假 耙

而

故

云幻相永離

0

此

鴚

中觀相

也。

如上所說

,

至此乃是菩薩所圓

之智 他身 得見心性 薩地盡 約歷位 證性未圓 今知能 離念真智 又次在 化眾生 抖擻精神 事 趙 無明惑 一切菩薩 現十界身 。今則幻境既忘,幻智亦泯。故云皆是幻故。謂若有能觀 ,悉皆如幻 故云彼觀幻者 所俱幻 十聖位 ,則由淺而深。初在信位,斷滅相無明。次在三賢位, , 滿足方便 ,非同幻化之無實也。此是對待未忘,先遣所觀之境 不取度生之相 ,不覺疲倦。 0 , , 親證 修行至此 無明未盡 ,皆從此 , , , 普應一 心則雙心 真如 斷住相 。則內亡身心,外遺世界。終日度生,自不見有度生之相 0 而 ,非同幻故。又云非同幻觀者,言幻觀之智 , ,漸次深入,故云漸次增進。 0 切。 無明 故能內發大悲輕安 返觀從前彼觀幻者 念相應 起行 依此真如妙理 ,故云大悲輕安。彼觀下 0 能所既忘 此出真涉假之相也。由此起幻之功,了得自身 。至果位,方斷生相無明也。 ,亦漸次而增進也。謂出假菩薩 ,覺心初起 , , 境智俱絕 起於利生事業 ,即中觀也。不惟一菩薩如 0 , 小 非同幻故 無 初相 0 , 唯 約斷惑,乃從麤至細 即 觀行增進之相也 0 0 0 絕待靈 而 以遠 蓋以彼 如起信云: 以 離 同 斷異相無明 , , .體 以 觀幻者 微細念故 ,猶存能觀 猶未離幻 大悲 如 ,對幻法 員 如菩 明獨 此 觀 , 是 廣 以 0 0

破

而

盡 行 以 理起智 如苗已成秀實矣。故曰此方便者,名三摩扨提 漸 次增進 如 土養苗 , 如 土長苗 。下得一分功,增得一分智, 也。 土喩 真理 ,苗喻真智, 0 如土長苗 亦得名為方便隨緣 以智契理 直至菩薩地 如苗: 栽

筝 竽 諸 得 滅 則 等者平 生 緣 知 即 修持 假假 諸 法 Ξ 觀 此 不 生 字 觀 若 也 滅 法 , 切 何 理 而 即 觀 第二念不 牛 皆 空 等 也 本 以 從上文 圓 0 , 記 , 怡 是 前 故 體 不 力大 修 故 0 惟 云 ?.萬 ·墮空 蓋單修奢 名 未當 體 N) 滅 雖 乘 心 假 則 止 為 , 知 . 起 建 有三 先 不生 生 法 , 觀 止 則 立 修 皆 亦 諸 切 觀 , , 0 不 摩 空 從 緣 則 法 0 假 止 此 不 切 所 緣生 堕有 天 滅 凡 他 科 滅 滅 法 云 , , , 夫 今觀 下太 次 在 , 而 之 , 知 可 之 中 從 注 Ξ 而 本 雖 , ,是謂等 平矣 見 人 法 觀 字 空 亦 重在空 隨 體 知 _ 諸 , 出 有三 法 染 未 本 切 中 而 前念滅 當 中 皆 淨緣 ·不生 法 為 來 0 假 無 皆 觀 無 持 第 滅 , , , 0 最 假 自 如 並 。 — 不 _ 以 員 , 0 0 前 無 等 觀 後 得意者 成 今不滅 性 起 前 , 滅 後念生, 空觀 世用 全 次第先 息 故 持 無 實 0 後生 空有 由 三摩鉢 性 何 始 0 塵 , _ 既 以 , , , , , Ë 為 若 非 想 後 無 隨 , 後 即 生滅 而 念念遷 邊 假 自 觀? 執 提 無 第 有 緣 0 有 觀 假 而 性 於 而 終 而 , 之間 義 觀 λ 謂 空 此 起 有 , , , 此 流 中 三中道 觀 , 如 則 云 , 中 , 諦 無 世出 空即 竽 謂 乃 間 故 何 道 , , , 生 無 因 用 分 持 為 無 有 即 0 滅 成 若 觀 别 為 徧 剎 功 世 現 依 圓 0 那 假 不 ? 圓 法 計 在 成 病 持 他 0 , 鈍 當 者 執 實 不 住 修 故 起 , 0 , 相 前 謂 修 性 此 性 性 知 根 故 筝 念 持 即 Ü 則 切 必 0 生 不 平 平 既 識 此 不

修 不 為 其 依 因 Ξ 真 尊 悟 依 當 空 夫 知 大 為當 覺 同 修 也 真 其 觀 如 體 而 非 行 者 依 性 識 處 功 所 門 性 他 即 有 直 N) 0 , 切 , 先 是 性 是 起 為 性 諸 而 已 以 論 請 假 大 , 修 求 者 本 其 從 深 淨 並 立 中 法 日 , 實 未 最 因 空 道 無 員 悟 假 全 N) , , 乃 , 性 凡 言 門 則 覺 乃 是 將 亦 初 為 觀 矣 假 自 是 是 說 夫 有 為 為 修 者 員 奢 性 能 方 0 假 λ , 智 空 真 分 次 道 所 所 修 摩 說 便 之 依 亡 , , 修 者 , 因 第 方 上 觀 故 悟 因 不 他 真實性 故 0 , 0 大 2 為 是 便 此 二 之 Ξ 此 日 , , 0 0 師 空 是 皆 修 境 摩 要 急 悟 修 , 此 空 謂 0 說 修 之 淨 無 Ξ 依 0 在 立 理 經 襌 以 , 0 相 假 Ξ 為 中 員 識 犘 智 員 處 修 前 本 那 四 _ 待 觀 0 覺 神 覺 處 卷至 後 行 觀 鉢 理 強 證 切 假 然 , 當 提 如 理 而 皆 分 之 諸 0 0 , 0 因 則空假 作 得 方 名 法 菩 乃 也 修 我 日 段 七 , , 南 意 落 薩 取 N) 云 同 悟 卷 世 便 雖 有 0 , 嶽 尊 性 是 與 淨 不 形 之 以 即 又 以 0 , 0 大師 亦是 人 幻 員 靈 說 可 同 相 Ξ 妙 _ 以 日 0 如 觀 圓 覺 峰 非 除 淨 淨 此 法 見 假 , , , 對待 之三性 其 察 修 幻 圓 員 修 大 至 悟 觀 但 科 故 , 覺 第 覺 為 智 與 師 Ξ 理 止 0 判 日 , _ 既 性 為 卷 最 相 六 是 圓 則 假 即 楞 切 , , . 而 是 者 嚴 應 識 從 矣 能 可 判 之 初 法 0 是對待 建 多 修 有 為 方 然 之 0 觀 , 正 稱 0 , , 立 皆是 _ 即 觀. 門 前 之 圓 同 古 便 無 非 , 由 0 修奢 真 品 前 處 智 論 此 今 離 λ 0 0 依 , 開 修 五 修 道 俗 蓋 獨 處 楞 可 假 , 空 , 分 摩 中 識 觀 嚴 即 悟 步 示 皆 止 而 0 始 以 别 假 皆 他 覺 Ξ 後 會 别 即 此 不 以 修 出 有 性 俱 是 是 智 上 觀 境 下 諦 而 生 空 , 何 如 假 立 不 中 修 也 修 來 手 之 0 云 以 不 作 , , 空 可 滅 藏 今 止 功 取 理 故 阿 皆 非 事 觀 執

是

?

妙妙難以

及而

夫

此

謂

相

續

假

0

然

—

切

諸

法

,

皆

因

對

待

立

名

0

如

對

大

言

小

,

小

非

真

小

0

對

小

言

大

離。

慧

大

方

廣

圓

覺

修

多

羅

3

義

經

講

義

附

親

聞

記

場 日 假 日 開 無 由 九 染 幻 非 始 豈 根 無 物 而 う い 是實 , 度 明 是 界 身 由 非 塵 明 日 相 幻 生 所 0 有 眾 所 生 全 之 即 i 空 因 本 並 六 , 以 , 此 談 破 念冥 有 耶 識 空 是 即 念 非 如 起 , , 0 聽 作 ? 中 諸 真 不 此 幻 不 也 經 皆 伏 覺 即 則 何 道 見 即 我 有 無 始 幻 如 所 0 有 況 之 非 觀 度 從 破 覺 0 之 幻 之 起 , 0 謂 以 即 如 身 無 佛 空 至 佛 諸 了 故 也 生 幻 此 之 而 識 可 明 幻 出 别 枝 事 法 2 智 N) 有 幻 日 也 與 0 , 對 之 假 者 之所變 相 末 , 謂 根 知 妙 由 0 0 , , 而 境 除現業流 覺 聽 起 功夫 無 對 觀 謂 本 , 0 既 觀 根 以 0 眾 治 作 幻 _ 明 智 如 無 Ü 也 察 切 識 淨 現 N. 故 假 末 也 幻 性 如 明 相 , , , 無 , 故 員 因 中 幻 所 則 無 化 以 0 及 塵 應 明 覺 根 識 下 謂 六 除 之善 與 也 切 明 繼 之 之如 塵 ,現業流 日 Ċ 慧 無 假 假 通 枝 幻 則 因 根 , 皆 , , 譬如 非 觀 皆 塵 皆 , 之 , 無 發起 則 幻 因 對 念妄 道念 發 是 幻 內 0 明 切眾生身 , 照 皆 有 幻 治 皆 忘 假 此 從 , , 0 , 分別 伏 識 淨 化。夫根 漸 謂 講 身 觀 便 如幻 動 因 緣 始 者, 0 圓覺智, 成 有 無 即是變化 經 漸 幻 而 知 N) , 即 之性 之惡 會 時 不 Ü 而 外 而 明 化 有 , 即 是 思議 外 除 也 有 而 , , 我輩凡 以 因 , 即 忘 能 皆 了 , 枝 , 既 六 0 照見 幻 所 塵 諸 是 現十 以 譬 以 之 末 得 塵 世 如 從 謂 除 而 幻 界 大 幻 如 至 如 無 幻 緣 , 夫 如 根塵 幻 有 猶 界 幻 而 用 幻 根 念 化 明 化 有 內 , 現 知 如 身 之淨 開 道 不 本 佛 非 而 由 0 前之一 0 0 交蘆 , 皆 之淨 場 住 , 故 無 了 然 真 幻 乃 六 塵 此 眾 廣 能 得 明 是 空 , 而 , 根 0 因 講 因 相 作 變 念 對 此 便是 念妄 無 假 , 由 緣 經 無 根 化 莫 治 佛 起 既 正 有 根 而 , 明 之 明 起 而 事 諸 道 好 空 如 日 如 亦 想 起 本 幻 塵 如 而 無 有 幻 觀 日 幻 不 幻 根 用 空 化 相 幻 也 , 有 性 相 聽 住 而 本 則 之 如 偶 道 也 之 0

大 方 廣 員 覺 修 多 羅 3 義 經 講 義 附 親 聞 記

犘 謂 法

,

念 亦 念 則 如 了 應 其 假 拈 法 然 佛 頓 得 淨 幻 裑 云 勞 N) 切 0 , 皆是 來 定 圓 皆 觀 不 止 無 云 觀 0 , 至 仍 便 0 , 無 觀 慧 空 是 念 覺 相 此 誦 不 0 幻 此 願 . 起 平 多 禪 不 止 時 白 之 ら い 此 對 之 非 , 是 筝 則 人 觀 妙 我 之 待 那 即 不 佛 之 幻 幻 觀. 輕 ら い 中 , 是 雜 號 也 體 法 相 _ 相 安 來 0 0 0 , 提 境 念 聽 用 餘 二 永 永 觀 何 口 如 則 乃 而 0 去 能 執 念 起 此 本 離 _ 離 此 是 以 頭 何 , , 莫 用 如 ? 其 故 佛 來 矣 非 直 此 , 乃 , , , , 實每段 生 ? 此 寂 此 0 根 同 非 即 别 則 絕 智 然 0 , 故 疑 Ł 皆 是 念 即 功 セ 照 無 待 此 內 口 幻 0 日心 是 最 是 止 覺 來 尚 發 0 不 同 明 之 故 頭 之 皆 支 . 所 此 淨 好 止 靈 觀 經 0 生 時 日 就 大 無 具 圓 說 即 悲 乃 非 白 心 凡 0 , , , , , 初 最 Ξ 確 覺 口 句 即 倘 八 故 所 獨 仍 同 夫 而 , 相 最 觀 業 正 皆是修觀 初 然 以 露 切 Ü 頭 分 止 幻 說 何 , 以 咒 障 道 ? 之 所 明 也 初 員 矣 是 故 一念不覺之生相無 , 言 筝 流 此 深 下 頓 幻 且 , , 0 , 0 如 遠離微 之 出 豈 聲 重 三 手 此 , 雖 講 諸 0 即 止 聲 謂 + 是 中 故 君 以 故 止 觀 非 義 , , 0 並未 員 Ξ 觀 佛 既 セ 即 道 日 日 同 中 0 口 , 細念故 道 皆是 上 觀 頭 號 不 用 觀 但 0 止 幻 現 能 品 說止 + 分 須 禪 也 如 持 寂 即 辨 , , 别 咒 止 次 觀 以 而 歷 照 幻 然 界 公 0 0 門 等 第 止 言 린 歷 , 平 明 講 故 尚 身 , , 0 功行 言 然 也 之 深 哉 _ 明 又 功 筝 觀 義 0 有 云 夜 ? 不 之 夫 須 λ 切 明 即 所 能 云 夜 功 能 0 到 , 則 所 法 能 夫 止 知 此 引 所 觀 必 , , , , 此 Ξ 奢摩 門 雙忘 來 老 觀 了 以 即 皆 , 起 在 則 0 念原來 , 摩 實 皆 可 並 得 當體 信 是 聽 如 觀 久 , 無 空 然 久 菩 即 做 能 也 只 省 論 講 , 有 是 觀 去 有 去 純 二 心 能 薩 切 無 會 0 寂 , 老 方 諸 通 誦 熟 致 相 念 相 即 境 自 , 如 照 便 Ξ 所 經 實 此 法 有 志 相 不 , 口 0 0

員

蓋

所 矣 經

0

隨 緣 止。 何 以 故? 以 幻 除 幻 , _ 切 法 不染 , 豈非止 耶 $\ddot{?}$

庚三止 觀

講 若單約止 , 即 息二 邊分別止 0 約觀 , 名中觀也。

知身 善 心 槃 受 所 用 男 , 不能 世 心 子 不 相留 界 ! , 皆為 及 岩 , 礙 諸 及與身心 0 語薩 眾 罣 0 便能 生壽命皆為浮 礙 悟淨 0 無知 內發寂 0 相在 圓 覺 覺 滅 . 塵 明 , **經安** 想 域 以 , 不依 淨 0 , 此 **灣心** 如 0 方便者 妙覺 器 諸 中 礙 , 隨 不 鍠 0 永 取 , 順 , 名為 寂 聲 得 幻 ?滅境 化 超 出 禪 及諸 於 過 那 一碗 界 外 靜相 無 0 0 0 礙 自 煩 他 惱 境 7 涅 ,

其境 是了明有知之身心 照之相 得 說觀即是中 故曰不取 先 淨 以取靜為行 圓 , 講 故 覺心 也 $\dot{\Box}$ 幻 梵語禪 7 觀 化及諸 不取 , ۱Ţ, 知身心皆為罣礙者 , 0 則 次修 幻 外 那 化 無法 中 靜相 , 動被煩惱逼迫 觀時 ,此云靜慮 內忘: 0 , 此 依 切中 , 以起 其 此 行若說 |淨圓 智 , 幻 靜幻皆中 , , , 謂 覺 為 靜 故 , 止 業苦纏縛 日 心 相 不 , , 即 取所 即 不 , 0 取 建立 是息二邊分別 此 止 , 靜 也。 以 則無邊可 止 妙觀 觀雙修 相 , 0 慮 皆是罣礙之法,所以不取 言我所 0 此 , , 即 即 直 取 , 以 觀 止 觀 不似前 , 故 觀雙超 中 也 不取幻 ,故二俱不 道 不取也。 0 前 一心 二之單 化 修 空假 者 止 外 以 取 修 時 即 並 , 0 0

記】此科為禪那功夫,要在止觀雙修。世尊所說法門無量

,

即因眾生迷一

說法 為法 故曰 發起寂滅輕安 喻無礙境 事障 不見有難行之相 涅槃之無礙 喻以如器中鍠 現前所受用之世界身心 0 若有 既滅 想 妙覺隨順寂滅境界 中不得自在 故曰得永超過凝無礙境 無知覺明不依諸礙者 ,不見有法可說 恐於有為法中不得解 無生壽二相也。 ·靜相 0 寂滅現前 如聲在鐘中 ,有礙不能留 0 ,聲出於外, , 以前煩惱不能留 亦即是礙 ,此即輕安之相也。至此方乃契合妙圓覺性 0 故二俱不住 0 忽然超越之功,若此而已 終日度生 , 。自他身心所不能及,無我人二相也。 , 如是則四相皆空,亦即所謂頓空五陰 , 雖相在塵勞區域之中, , ,即是了明無知之覺明,本來離於幻妄 無礙不能礙也。功夫至此,便能於此妙觀心中 擊而翛然外揚 器是樂器,鍠鐘聲也。鐘喻礙境 故亦不取也。 脫 。此中礙指幻 , 0 若 方得永超也。 , , 則無度生之相。 涅槃不能礙 取靜相 故曰不依諸 0 , , 無礙指靜也。 喻以智觀境 靜雖 於此觀行境界現前 ,則二俱寂滅 0 則不被塵勞之所拘 無礙 結句 乃至行種種難行之行 礙 ,恐成 可知 ,則煩惱之有礙 0 若取幻礙 如 。鐘內之空 理 是所以二俱不 , 0 寂滅真境 眾生壽命皆 如是則終日 障 頓超五濁 , , , 絕諸垢 礙 則 則 則為 於 迴 0 故 製觀 無 0

染

忇

取

邊 與前 死 不 非 N) 有 離 智境雙忘 於 正念。 以 依 到 真 是受 念 分別 現前 照體 集 Ŀ ,U 把 Ċ 靜 家 之體 意識 一根人 無 而 即 握 則 , 今此 礙 觀 舉 修 想 。故 止 奢 亦不 起修 不生不滅 , 流 行 摩 便 不 參 大 也 。夫二俱不取 指 喻 不 能 由 此 , 故云二觀雙超 他 正 留留 轉 得 識 0 二乘之偏空。 即達 襌 超 科全為頓教法 念 影 同 領 襌 四 , 圓 於 那則 過 會 蘊 照於 之一 一覺之 那 偏 子 六 0 如 有 摩 道 雖 全 耳 二皆 0 於 若 礙 有影 念,直照淨圓覺心 依寂照不二,圓 綑 0 祖 慮 性 外 淨圓覺心 。今欲 不取 ,當然是中。 而 提 無 依 師 , 0 即三摩鉢 之 直 世界 即是 有 知 。照境歷歷明明 亦不集於鐘 起 寂滅輕安,是受用境界 看來 門,妙則極妙,修卻不易。 覺 起 指 寂 由 , 明 修 之禪 識 萬 ,即起 有 六道 內 目 提 照 , , , , 無非里 畢 即本 可見古德教 0 0 而 即是法 , 返乎一真 外不住 頓雙修。至其修證功夫,則 後世 有寂 之空 身 張 靜 信 論 N) 覺妙明不生不滅之體。不落 相 0 ,當體即真,不落思議 鈍 屬空 塵 , 襌 礙 所謂直 照 , ,照智了不可得 境, 喻 日 那 0 根 0 ,不得不說多門方便。 不二。 在塵 則 觀 人 取 超 , , 內不住智。 過 不能 離 幻化則 幻 Ü 能 , 奢摩 若得 0 心 化屬有 觀 無 勞區域 離 意識 小 了 礙 如 故不偏 之智,便墮 身心全是無明 此 他依 必 _ 緣相 念少 參者 ,而 依 有 。此一念提 , 智外無境, 方創 今皆 礙 身 寂 於靜, , 分 , 指 不為 而 。且此不生不滅 體 , 不 從不 確 參話 修 不取 相 於 起 可 於 有 不 眾 所 應 分 然 , 修 取 以 , 偏 別 分 至 身是 頭 起 殊 生 拘 取 言 境外無 ,是為 ,三摩 二字下 之 别 理 途 其 靜 之法 ,即所謂 於慮 語 礙 ,不得為 煩 受 擬 同歸 相 色蘊 形 用 議 鉢 惱 不 則 , 使 。偏 如 容 手 便 過 必 之

也 此 聞 寂滅 止 功 便是執 切 凡 功 方 謂真消息 安 可不知 一念未起時 夫地 。若 关 心性 可得 觀 ··· 法皆無性 而 謂 自然 功夫 自 所 皆 境界, 린 , 內 必先除妄想而後念佛,此亦是取。祇要老老實實念去,念到 靜 然 可下 位 知 消息。 ,便是取 無身心,外無世界。勉強以言語形容之,畢竟不能。故經中亦 即 脫 此 障 輕 語道破 。下手用 。前來三觀 落 即不生不滅之謂 須 安 故 ·手, 重 用 , 功 ,覺此色身輕 佛門禪堂之中,得前三觀之輕安者恆有之。諸居士則不 功之人,在入定時,亦不覺其所以然 知 皆從現前一念之所建立, 用 不 念時 。諸居士,得暇即用功,遇事來即做。 如 如 ,是 功須息二邊, 可 取 加 求 何能 · 靜 功 以早晚對佛發願 不 不取 速效 0 ,全是用功境界。全非文字,不過借文字以 在平平帖帖 甪 相 難 隨發一念,必取一境。淨圓覺心,本無方所 不取?故此處不 , 佛 何 0 如灰塵而已。功夫到此,方能與淨圓覺心, , 取幻 相 即是 妨 ·。即觀世音菩薩用聞思修功夫,所得寂滅 歸中道。 得 , 不取念相 取 , 暇 化更難!二俱不取,難之又難!然雖 儘管用功,不求速效,時至理彰 臨 0 即一試之乎?不取之取字,宜看 此 故須離根塵,從一念心性上著手。若執著 終必穩坐蓮臺。 取,乃不執著之謂 亦應告諸君者也。前云念一 即中道亦不可執著, 心外無佛 , 以 做過仍用 其無境象可表。 諸君信此言否?老僧有 佛外無心 ,非不用 此 方是 功。若事來不做 顯耳。 純 句佛 此 , 不取 之 明 , 瓜 熟妄想自 無論 ·肯離 即 謂 白 難 現前。此之 冥然契合 祇言寂滅 但 必 熟蒂 襌 號 而 0 0 須 出定後 修止 了 吾輩在 那 眼見耳 此 文字用 實行 落 得 功夫 即是 理 無 觀 不 輕

Ċ

大方廣

圓覺修多羅了義經講

義附

親聞

. 記

妄語者,當墮拔舌地獄。

已三結顯應修

庚一正結應修

方菩薩 善男子!此三法門 種種方便一切同異 ,皆是圓覺親近隨順 ,皆依如是三種事業 ,十方如來因此成佛 , 若得 圓 證 , 即成 ; +

圓覺

通修 成圓覺者 皆依等 是而成 成圓滿覺故 。因地圓修 講 或分門別行 , 故 曰 事業者 ,謂若得圓融而修 總指前之三觀 。親近隨順者 一十方如來等 ,果上圓證 , 謂 故曰 此三種 ,結示在所應修也。圓覺不指因心 0 , 去佛不遠 觀法 切同 未成之佛 ,即成圓融無礙,三身一體之妙覺佛矣 ,三非定三。一不定一 異 , 即為菩薩所應作之事業故 0 六 , 0 難同 隨順修習 修因度生,常行 異分馳 ,便可 ,舉三全是一, ,本實顯密合觀 到故 種種方便 , 。已成之佛由 。若得 乃約佛所 0 言 或 圓 0 證即 故 順 即 性

足 即 人修 為 隨 即是到家消息 順 記 】此三種法 如 到 此 0 則眾生 人 0 門 順 修 去 性 , 二六 通修 , 人 佛不遠 時 謂 人 同 到 0 中 , 0 , 分門 念相 時時 若問菩提家鄉 應 別行為異 依 ,一念是佛 他為親 0 ,時時不離為 默修理觀為密行 不肯舉足 0 念念相應 , 終不 近 ,念念是 得 能 ,單修事觀 暇 到 便 0 佛 修

究竟 圓覺 故云 然執 字 須 證 為 不執 , 有次第 顯 一汝須 之便是垢 不可 行 0 經 文 為 。顯者顯其密,密者密其顯。菩薩作此事,即有業用,業用 不執著 字 偏 圓 ,是清涼 , 最 廢 證 。比之執著事相,其害更甚!所以禪那中不取二字,處處皆用得 不離 初 。有性 0 作觀 本 , **说境界** 執著便是垢。楞嚴一經如大冶洪爐,處處不可著,著 經之文 文字。 一無修 起修 , 門門 何 , ,則執理廢事。有修無性 , 是觀行 以 全是活潑潑地 可 故?文字是幻故 λ 0 證 用功者隨拈一法為正,以餘法為助 。再 進至相 0 即此三觀功夫 0 又 似 ,則執事廢理 須不取自 證 0 再進 , 性 必全性起修 而 至分 0 。吾輩 自 即前三種 證 性 雖是妙 即被 看 再 0 0 性 照此老 經,亦 進 輕輕 一修二 至於 焚 理 著 安

庚二設事校量

實做去,切宜不執著也

果 。 善男子!假使有人修於聖道 不如有人 ,聞此圓覺無礙法門 ,教化成就百千萬億阿羅漢辟支佛 , 刹那 頃 , 隨 順 修習

恐其不能,復以八忍、八智、九無間 如許之多,故曰百千等。所證之果,竟有至阿羅漢辟支佛之勝。以是而知 約已證偏真住最後身者言之。 人也。 修於聖道者 先約能校 , 謂從凡夫地 ,似勝反劣 教化者 0 , 將欲設事校量 發小乘心,修出世道 ,以諦緣教化眾生為眷屬 九解脫道而接濟之。所化之眾 , 故云假使 而言聖道者 , 謂假 成就者 使 有是 , 有

聖道 超出 能 校之 耳 實證之德 圓覺二字 凡夫地 根 以斯教化)所謂: 教化多眾證 . 礙無礙 , , 永為道種 則 發大乘 反 修於 0 剎那 境故 為 通 0 設若 指 卑劣 聖道 0 果者 心也 全經 0 , 纔經修習,便是大根 但經 然聞 不發大心 0 , 不如 能教化能成就 , , 發大 猶不如 以 少時 此 本 下 , /乘心 但是自聞 經為圓 , ,無久修之功。 , 終為 次約所校 此 , 0 修 以此 |覺經故 敗 者 大 種 , , 。足見偏 無利 乘行 其功德不可勝言 圓覺無礙 , , 故 似劣實勝 0 其功德似為卑劣 無礙 他之德。 $\dot{\Box}$, 故 不如有人 圓 法門 法門 日 修習 聞 。言上云修於聖道 隨 此 , , , 乃成 特指 順 可 員 , 0 謂 謂 覺 及 , 佛 但是暫修 三觀 欲 無 不 H 。而上云修於 與修 礙 如 劫相倍矣 \mathbb{I} 法 有 大 以三 門 觀 , , 觀 ! 歴

出 生 羅 自 小 似 Ł 無 也 漢 初 不 乎 節是能 佛 果 同 果 功德甚 世名 習氣 至 記 0 Ξ 校 阿 阿 】此校量功德之文, 獨覺 果 羅 量 未 羅 深 盡 漢 漢辟支 , , 0 為 此 然 下 修 入 節是 阿 云 之 以 忍八智者,修苦集滅道四 佛 羅 尚 無 校 漢 易 ,是 圓 所 生 「覺法 校 0 , 0 習氣 量 因 小 唯 設此 其 乘 門 進 0 不再 已盡 中人 至 就 , 則 四 能校量 校量令人於圓覺法 為辟 堕於 果 又 , 所 最 無 支 分 作 足 觀 難 佛 段 己 比 之 , 法 生 數 辨 須 , 忍, 教 辟 死 斷 , 0 化 聖道 盡 不受後 支佛有二: 0 伏欲界見惑, 然尚 上界 成 門 百千 , , セ 有 乃 起 有變易 出 萬 + , 信 謂 出 心故 _ 世 億 品 之最 有 生 之 阿 能 佛 死 思 道 羅 。分為 發 世 在 惑 後 漢 四 唯 名 身 辟 法 , 非 中 支 二節 緣 方 0 智(苦 小 得 覺 真 有 阿 乘 大

思慧 退 負衣 數 進 那 聞 切 法 智 九 間 N) 見 法 其 衣 頃 此 中 門 無 斷 見 惑 忍 0 , 見 鉢 鉢 修 譬 至 初 而 而 稱 間 , 諦 , 統 往 Ż 習 修習是修慧。 為 道 N) 自 人 因 空 名 故 Ξ 能 0 隨 行 負 直 假 無 在 Ξ 之 文 昧 云 類 發 法 之而 後 覺其 客 思 皆 衣 進 功 + 忍 師 礙 無 謂 四 隨 中 者 卒 鉢 , , 義 四 得 間 比 類 , ,苦法 行。 半 自 行 要 린 種 九 智 , ジ 類 0 , 0 負 修 後 種 以 途 勝 悟 故 以 解 而 0 0 $\overline{}$ 然時間雖少,必具大乘根基但發大心者, 其徒夙 其 苦 誤 得 苦 彼 其 如 成 並 修 脫 _ 知 智至道 認 修 無留 此 此 徒 况 佛 本性豎窮橫編 一空 無 也 類 0 數 為 逆 間 大 小 , 則 即 忍 0 秉慧根 遂 旅 界 隨 次 心 期 乘者多多矣!蓋修習小 礙也 一 切 煩 Ξ 至 法 九 發度 忽退 徒 0 內 昧 無 智 0 , 惱 道 昔 而 徒 謂 空 見思 間 。) 0 斷 類 , 生 ,一向居山,不知世事, 剎 疑 有 為家鄉 行 , , 盡 斷 九 忍 欲先 之心 解 而 那 假 _ , 破 , , , 師 中 問 方 地 脫 苦 由 因 生 欲 其 自 0 信 能 思惑 此 皆 者 界見惑 0 極 死 類 其 若發大乘 已得阿 起修 觀 師 度 言時間 空 斷 可 智 , 而 師 之 0 盡 了 以 至 , , 得 師 後 有 無 道 , 0 0 0 0 乘者 度 羅 告 他 之最 假 大 無 此 漏 又 不 類 小 以 人 心者 論 一切 如 解 漢 九 智 智 修苦集滅 Ü 乘 通 果 故 修習 有 無 觀 , 短 脫 之 復為 往 者 假 間 0 人 無 ,則不住 0 0 未發 相 其 偶 往 成 三界共 故 下 九 漏 破 方能 , 0 去 徒 其 然 上界 住 道 知 就 聞 空 解 境 大人心 , 聞 是 是 中 師 之 出 於 與 脫 四 , 聞 , 果 聞 有 見惑 說 所 外 果 皆 誠 所 中 否 類 此 , 0 悚 知 位 慧 假 較 九 間 忍 不 即 位 連 此 大乘 可 然 是 讓 , 量 上 使 即 地 並 , 次 , , 0 , 以 其 不 無 謂 伏 仍 其徒代 不 隨 八 出 此 _ , 法 道 不 令 徒 論 知 中 圓 忍 故 絲 + 門。 順 上 行

是

覺

劫 前 剎

敢

里

大

方

廣

員

覺

修多

羅

3

義

經

講

義

附

親

聞

記

計也。此文綴於三觀之後。所言圓覺無礙法門,即指三觀可知。蓋一為成佛真因 小乘權果 , 故 不可以之較量也

戊二偈頌

己一頌總標三種

爾時世尊,欲重宣此義,而説偈言。

威德汝當知:無上大覺心,本際無二相。 隨順諸方便 , 其數即無

量。如來總開示,便有三種類。

習, 法 三種 起諸方便,其數即應無量 在如來曰覺心,在諸法曰本際 【講】體居象先,豎窮橫峑,故稱無上,又云大也。出生如來與一切 。若總攝所歸,統為開示 。如來與諸法同體 ,故無二相 。循性差別 0 隨 則 順

大覺心為根本。諸法無際,以大覺心為實際。因該果海,果澈因源, 記 】無上大覺心,乃三觀所依之體。本是根本, 際是實際。 諸法無本 故云無二相 , 以

己二頌依次別明

寂靜奢摩它,如鏡照諸像。如幻三摩提,如苗漸增長 滅,如彼器中鍠 0 0 禪那唯寂

【講】如文可知。

三摩鉢提解 如 鏡 照 諸 記 像 ,蓋謂修得如幻三摩鉢提之三昧也 此明三止三 。三摩鉢 提是觀 觀 也 , 0 奢摩 三摩提是三昧 它 以寂 靜 為相 , 二者意義本不 0 證 究竟 位 相 , 則 同 如 0 然 大 此 圓 處 鏡 則當作 , 故 日

已三頌結顯應修

三種妙法 門 ,皆是覺隨順 。十方諸如 來 , 及諸大菩薩 , 因此得成

道。三事圓證故,名究竟涅槃。

講

首句總指三觀,次句結顯隨

順

,皆是圓覺隨順修習之方便

故

後五 能一修一 句 , 結顯應修 切修,三事圓修 0 謂已成之佛 。則便能 ,先依此成 一證一切證,三身圓證 。後成之佛 ,當依此修 ,所以名究竟涅 若果

果 中三德圓 記 證 隨 法 分修, 門 , 皆是 隨 分證 不可 忠議 。究竟修,究竟證。一修一切修,一證一切 0 隨 順覺性 , 方 能起修。 因 中三觀 圓 修 證 則

丙二示輪觀隨

槃矣

丁一謝前請後——辯音章

跪 於是辯音菩薩 叉手 而 白佛言 ,在大眾 :大悲世 中 , 尊 即從座起 ! 如 是法門 , 頂禮佛足 , 甚為希 ,右繞三匝 有 0 世尊 ! 此

【大方廣圓覺修多羅了義經講義附親聞

記

方 諸方便 始 便開示 , , 令悟實 切菩薩 相 於 圓 0 覺門 作是語已 , 有幾修習?願為大眾及末世眾 , \mathcal{H} 禮 授地 , 如 是 一請 , 終 而復 生 ,

此請 世眾生,曲垂方便 有多根, 後真修也 講 於前 此諸方便等者 所悟圓覺,分門各證 ,備悉開示,令悟真修實相,不至徒尚虛名,是所望焉 ,謂此諸方便,淺深惟說三種 , 約有幾種修習?願為現前大眾 , 切菩薩頓 及末 漸

義無 修者 而 未之聞 , 礙 , 則 有喜 ,樂說 記 0 有 故 辯有 齊修 如下列之二十五輪 日 甚為 無 及 礙 四 希 融 0 辯,音有八音。此 有 有 修者 此 0 然法 四 0 前 無 門總 章 0 礙 故菩薩特請開示也 辯才 如 說 來 位菩薩,修圓覺無礙 所 , , 故 雖 說三 有三 知眾生根器不一。 種 種 法 門 , 而 , 眾生根 不第世 法門得法無 器 間 有喜單修者 無 , 廣 有 說 , 礙 無量 即 出 ,有喜複 詞 世 無 間 礙 中 亦

丁二師資緣合

眾 時辯音菩薩 爾 時 世尊 及 末 世眾 , 告辯音菩薩言 , 奉教歡喜 生 , 問 於 如 , 及諸大眾 來 : 善 , 哉善哉 如是修習 默然 !善男子! 0 加 汝 聽 今諦 聽 汝等乃能 , 當 為 汝説 為諸大 0

講】隨文可知。

丁三應求開 示

己一總標輪數

善男子!一切如來圓覺清淨,本無修習,及修習者。一切菩薩及 末世眾生,依於未覺,幻力修習。爾時便有二十五種清淨定輪 0

當知圓覺,本無修習,今起心修習,即同幻化,故曰幻力修習。當爾之時, 眾生,雖發大心,尚在學地,而猶未證圓覺。由未證故,依之而起心修習 習及修習者 皆可成佛故 屬定輪替修故。又輪有摧碾運動之功,喻依此而修,能摧二障,運至菩提 隨機分門。便有二十五種。通稱清淨者,各能斷障故。通稱定輪者,三觀 則無法可修 【講】首言一切如來圓覺清淨者,正顯此理,為諸佛同證。若能修習 . 。蓋妙圓覺性,一真獨朗,眾惑不染,故云清淨。既云清淨 0 依於未覺者,上言一切如來已證圓覺者,固無可修,今菩薩 既無法可修,則所修之法全空,能修之人何有?故曰本無修

【大方廣圓覺修多羅了義經講義附親聞記】 記】此總標清淨定輪二十五種,一一皆是修行下手功夫。一切如來圓覺清 涅槃果故

習 及末 修 之 首 皆 淨 則 種 法 標 依 者 //清淨 即空 隨 世 亦 此 , , 眾 分 皆 同 即 取 斷 能 二字 幻 生 證 顯 , 惑 能 化 也 破 二 , 未 + 修 , 惑 0 0 究竟修則究竟斷惑也 故 證 Ź 五 既 本 , 足清 皆 輪 日 圓 人自亦 無 覺 ※修習 得 依 所 清淨 於未覺幻 淨 依 , 無有 必 及 之 修 體 0 須 何 Ξ 修 須更修?所謂修者 習 0 然 正 力修 習 者 觀中各有 _ 顯 0 , 習 切 圓 以 現前一念圓 覺 如 如 。 二 十 妙 來 止 幻 智 , 性 故 五 已 , , 種 起 證 , 覺妙性 日 如 定 法 圓覺 不過 N) 門 幻 獨 0 浄除 , 本 輪 , 觀 朗 替 稱 故 , , 為 無 流 來 而 破 從 修習 修 清 識 如 不 如 淨 習氣 幻 與 此 , 定 故 無 惑 0 0 若 輪 而 日 明 相 者 輪 己 應 切 0 切 即 如 菩薩 隨 此 來 任 故 修 修

已二別明定輪

庚一單修

辛一單修空觀

座 語菩薩 便入涅槃 ,唯 取極 。此菩薩者 靜 0 由靜力故 ,名單修奢摩它 ,永斷 煩 惱 ,究竟成就。 ·起於

涌 取 成佛 極 寂 靜 講】此觀以取靜為行。須逼拶至極靜之處 照含虛之際 , 由 故曰究竟成就 斯 極靜之力 , 則煩惱澈底冰消 ,一念不生 0 只此 觀 , , 則一 送你到家 ,二障自能 切煩惱 0 只消] 瓦解 , , 所謂靜極光通 自然不起 不出戶庭 0 直 得覺 0 到得 體 , 何必梯 員 , 故云 |靜 明 極 唯

航 海 , 故曰不起於座,便入涅槃。顯是頓入 , 斷 切斷 , 證 一切證 故

是單 鉢 而 而 極 漸 空 無 獨 說 究竟成佛 光 漸 0 生 無 即三 提 起 法 通是 然 故 , 逼 之 , 0 因 初 義則 拶 , 假 得意者 , 記】二十五輪 初 也 下手 ··· 觀也 鄙 明 三觀 矣 Ċ 證 而 人 明 。至此一念尚且不生 時 。 此 人先不過 有 别 到百尺竿頭 可見矣 0 全具 , 靜 而 有發揮 即 。一切心亦無生,因境而 段 文中云 何能 文 即 0 , 0 用功伏 了 0 Ė 輪輪皆定門也。今此段文 , 照前章 說 極?須在功夫上仔細 得此 後當詳說 不失寂 , ,自然 空觀 即 之。 理 兰 文 極 , 相 念 , 而至極靜之處 即 必 顯 煩惱自 一門深入,自然水到渠成。 0 , , 到 Ξ 0 0 取 即是禪那 而 極靜時 觀 靜 文雖 一空 無 之前 有。今取 者 是單 0 , ; 寂 體究,必 何以故?一切煩惱,皆由 放 0 一切空,便是中諦理。 0 , 則 下 又 皆有悟淨圓覺 , , 而常照 雖明 極靜 義 餘念 云及諸 如水澄清 則 以 三觀 單修空觀 ,則是一念不生,境智皆 , 極靜之念, , 靜 單提靜 照 慧 全 而 餘觀亦復 明 具 四 , 常寂 念也 相 字 即是奢摩 , 乃 0 自 照極 0 如 所 現 為 而 下 方 夫一 如 以說 二 十 段 不得意人 能永 一念妄 靜 所謂 他 之 之體 '三摩 文雖 五輪 切 0 斷 動 境

薩清 若諸菩薩 淨 妙 行 唯觀 , 於 陀羅尼 如 幻 ,以佛力故 ,不失寂念 變化世界 , 及諸靜慧 , 種種作用 0 此菩薩 者 備行菩 , 名單

辛二單修假觀

【大方廣圓覺修多羅了義經講義附

親聞

記

三摩鉢

0

覺者 之法 幻眾 即 而 化度也 及 幻 具修 種 化 摩 生 無滯 種 佛力慈光 , 0 怕 即 猶 今菩薩 作 雖行 還以 觀 今之陀羅尼是也 礙 用 如 此 故 幻 0 , 於前 觀 如 即 佛 正 0 J 加 以 於陀羅尼不失寂念及諸靜慧者 是變化作用 如變娑婆 力修成之幻 是依諸 , 被 以幻 起幻為 後二俱不失者 ,下度一切眾 術變化 佛修成 行 而 0 寂念本是禪那 成淨土 觀 , 餘 ,咸同幻化 之法 故 諸 皆 生。 , 物 0 足證 乃能 不 , 而 無 化 次觀 取 異 修成之 地獄 隨彼. 圓 0 ,了無實性 0 當 故 融 功 __ 日 夫 , 切 妙 以作天宮 如 知 故 唯觀 幻眾生 幻 世 觀 , , 觀 昇 靜慧本是奢摩 首章云有大陀 云 , 舉 以 如幻 , , , 故云備行清 以 佛 蓋是一 , , 等類: 變化 力故 。 即 即三。 及眾生等法 切諸 作 如 於 實不 今欲 闬 功 羅 么 如 淨 夫 尼 世 幻 佛 , 昇 門名 單 妙 即 度 Ë 觀 行 修 今單 隨 彼 中 以 成 如 如

得 昧 此 仗 假 切 不 也 但 觀 如 記 幻 觀 自 謂 內 而 , 具 仗 己 必 六 中 諸 仗 身 根 觀 佛 如 N) , 幻 如 外 如 又 幻 佛 此 六 云 事 法 塵 不 門 , 觀 , 失 方 眾 中 , 靜 修 能 生 六 慧 清 永 亦 識 離 淨 如 , 是 妙 幻 此 觀 即 行 此 相 , 此 奲 + , , 假觀 具 佛 而 八 種 度 亦 界 而 種 如 如 , 具空 作 幻 此 眾 用 切 觀 也 生 觀 如 世 0 幻 0 可 故 界 如 既 見舉 云 亦 化 日 不 以 如 , 佛 是 失 此 即三 寂 力 為 念 故 然 如 雖 幻 0 以 7 Ξ

0

單

修中觀

若諸菩薩 , 唯滅諸幻 0 不取作用 , 獨斷 煩 公腦 0 煩惱 斷盡 , 便證實

相。此菩薩者,名單修禪那。

行 先斷 相 唯以寂滅之力,滅諸 用 唯滅諸幻 0 實相即圓覺真心也。能為諸法之體 煩惱也。 但先自究竟圓滿 此靜以不取為入手功夫 ,不取作用功夫。諸幻二字 蓋以煩惱能障真理, 記 分 法 ,然後倒駕慈航,隨流九界 ,即是斷煩惱之方便。不取作用 其必煩惱斷盡 0 以煩惱為 , , 故曰實相 即 指根本枝末二種 正行 , , 故 真理方現 與奢摩他觀較近 日獨斷 ,即不起利生之 煩 無明 0 惱 故云便證 0 謂獨 今菩薩 , 故 實

唯獨 矣 圓 中 ! 切 斷 所 空 諦 其煩 以 理 , 記】唯滅諸幻 云 即是中 煩 惱 中 惱 ·諦者 0 直至 斷 道 盡 0 , 斷盡 , 息空有二邊也 故 ,是以寂滅為下手功夫,即是不取作用之意。 便證實相 襌 那 , 則真 與奢摩他 0 理化道法身皆顯。 煩惱 0 修奢摩 , 頗 如 何斷?先斷見思, 為 相 他 近 , 本是真 0 若有煩 獨 斷 煩 諦 惱 惱 , 次斷塵沙, 者 而 則為所 修 , 不取 妙 修妙 奢 惑 後斷 别 摩 禪 種 他 不 作 那 , 無 能 用 明 是 顯 0

辛一空觀統修

庚

統修

壬一複修

癸一空假複修

若諸菩薩 此菩薩者 ,先取至靜,以靜慧心,照諸幻者。便於是中起菩薩行 名先修奢摩它,後修三摩鉢提。 0

亦靜極光通意,從空出假也。謂即以此極靜之力,發起慧照之光,起如幻 前云以淨覺心,取靜為行。今云至靜者,亦極靜意。以靜慧心照諸幻者者 0 亦能變化世界種種作用, 照諸世界及諸眾生,皆如幻者。所以能便於是幻觀之中,起諸利生之 講 統修謂七觀皆以空觀為首,故云統也。 備行菩薩清淨妙道 ,此前後之分也 先取至靜者,修空也

行菩薩清淨妙行 記】內照身心,外照世界,故曰照諸幻者。既然是幻,便好從空出假, 備

癸二空中複修

者,名先修奢摩他 若諸菩薩 ,以靜慧故 ,後修禪那 ,證至靜性,便斷煩惱,永出生死。 o 此菩薩

故云便斷 力 時也。故永出生死。即此一觀深入,任運進修禪那,可以不必改弦易轍矣。 ,證至至靜之性,性即圓覺妙性也。 以靜慧心上,有先取至靜 煩惱, 因 也 。 生死,果也 , 既已證到覺性 故得靜極生慧。所以能用此靜慧之 因盡則果喪 ,故斷煩惱 ,則煩惱不斷自斷 即出生死

此跨節之修也。

則覺性本無煩惱, ,煩惱永斷 【記】須久修靜慧功夫,方能證至靜性。此至靜性,即圓覺妙性。證得覺性 , 二種生死, 自然永出 故 云 便 斷 不然 , 豈能 如此易易?斷見思出分段,斷塵沙出變

壬二具修

癸一空假中具修

惱 ; 若諸菩薩 而入寂滅 ,以寂靜慧,復現幻力,種種變化,度諸眾生。後斷煩 0 此菩薩者,名先修奢摩他,中修三摩鉢提 ,後修

禪那。

種種變化,度諸眾生,惟恐身入塵中,為塵所染,故又期斷煩惱而入寂滅 變化,度諸幻眾。此從空而出假也。以種種變化,必從假觀中得故。然雖 也。謂即以靜慧照諸如幻之眾。復於覺心性中,現起幻化之力,甚至種種 講】以寂靜慧,先修空也。靜而寂,靜之極也。復現幻力, 次修假

記】云寂靜慧,可見靜極而後慧生

此由假而修中也。

癸二空中假具修

【大方廣圓覺修多羅了義經講義附親聞記】

若諸菩薩 生 此菩薩者 ,以至靜力,斷煩惱已 ,名先修奢摩他 ,中修禪那 0 後起菩薩 ,後修三摩鉢提 ,清淨妙行 , 度諸眾

中 此出假度生,最極穩健 最密切故 講 以至靜力 。謂即至靜之力,靜極發光 ,空觀也。 ,故云後起等 斷煩惱已 ,中觀也。 ,便能觀諸煩惱 謂深修空觀 ,最密切也。從 , 任 運入

【記】此空中假具修,又云不次修。

长一匹虫

癸一空融假中修

若諸菩薩以至靜力,心斷煩惱 名先修奢摩他 ,齊修三摩鉢提 ,復度眾生,建立世界。 , 禪 莂 0 此菩薩者

,

建立世界。 無始念慮,頓然歇滅 空中有密切之關係故 力也。 心斷煩惱 融修謂只以空觀 乃至進修中觀 , 本中觀也。 0 , 故云心斷煩惱 故預為兼帶於此 , 則一舉而得,不遺餘力矣。 , 而融 結名中 入諸觀 。則自利之力具足。 中觀在後 。謂以至靜之功 ,後先不定也。 , 而今置於靜力之後 , 然後出假度生 逼拶到底 以至靜力 致使 空觀 0 以

記 此融修也。 調以 觀融修餘二觀,建立世界, 即建 立道場

若諸菩薩 ,以至靜力,資發變化,後斷煩惱。此菩薩者,名齊修

奢摩它三摩鉢提,後修禪那。

資助開發,發起變化作用,以度眾生。所謂不起寂滅定,而現諸威儀。如 具足,尚恐不得圓滿 云東方入定西方起,北山下雨南山雲 一利之德,不期圓而自無不圓矣! 講】以至靜力,修空也。資發變化,兼修假也。謂即空觀極靜之力, 。故又深修禪那,永斷煩惱 0 即此意耳。意謂雖空假雙修 ,成就無上菩提 0 如是則 , 二 利

【記】先用空觀,得真諦理體。後起如幻作用,是為體用雙修。

癸三空中融假修

若諸菩薩,以至靜力,用資寂滅,後起作用變化世界。 名齊修奢摩它禪那 , 後修三摩鉢提 0 此菩薩者

,

朗 然至靜即寂 ,故復進修假觀,便能起全體之妙用,故可盡際度生矣。 講 謂仍以此空觀極靜之功,資助於中觀寂滅之力,而令煩惱先斷 ,偏屬於定。資於寂滅,則併寂亦滅,其定更深。唯恐慧心不

【大方廣圓覺修多羅了義經講義附親聞記】

記】空觀之至靜,

即中觀之寂滅

辛二假觀統修

壬一複修

癸一假空複修

若諸菩薩,以變化力 ,種種隨順而取至靜。此菩薩者 ,名先修三

摩鉢提,後修奢摩它。

之功 之。以眾生根性樂欲不同,故言種種。菩薩之隨順亦爾 謂隨緣赴感靡不周 其如幻如 非空觀不就 化 謂假觀必從起幻入手,因除幻而用變化之力, ,有即非有 0 , 故先修假 而恆處此菩提座 ,而心則湛然不動 , 次修空也。 , 是也。然變化必仗假觀之力 。雖任運度彼 , 0 而取至靜者 隨順眾生而度脫 而我自如 如 ,至靜 , 所 知

取度生之相 不失自利 記】種種隨順而取至靜者 , 0 即隨 雖 自 順 利 覺性之義 而不失利他 也 0 0 , 是謂正當修假 外隨眾生根機 必如此方可度生,此之謂二諦融 之 , 時 內隨自己覺性 , 而 兼修空 0 0 通 正度生時,不 雖 終 日 利 他

癸二假中複修

若諸菩薩 三摩鉢提 後修禪那 以變化 力 0 , 種種境界,而取寂滅 0 此菩薩者 ,名先修

假觀既成 講 ,則大悲輕安,永不至沉空滯寂,誤入二乘境界。 仍即此變化之力,幻化種種境界,教化眾生,顯假觀已成也。 而言取證寂滅

者,為自身永斷煩惱故也。

永 斷 。此正如來境界。 記】以變化力 云云 非永斷煩惱 , 可見假 , 觀已成 即不能度生 0 雖 上變化 種種境界 , 而 取證寂滅 煩惱

壬二具修

癸一假空中具修

若諸菩薩 ,以變化力 , 而作佛事。安住寂靜 ,而斷煩惱 0 此菩薩

,名先修三摩鉢提 ,中修奢摩它 ,後修禪那 0

空觀也。雖作種種佛事,而心自常如故。而斷煩惱,中觀也。 講】以變化力 ,假觀也。 為度眾生,而作種種事業故 雖空觀不動 。安住寂靜

而任運斷惑證真。此三觀具修也。

【記】文顯易知

癸二假中空具修

若諸菩薩

,以變化力

,

無礙作用

0

斷煩惱故,安住至靜。

此菩薩

名先修三摩鉢提 ,中修禪那 , 後修奢摩它

【大方廣圓覺修多羅了義經講義附親聞記

用 ,不以度生為累。重起靜慮,進修禪那,以斷煩惱 【講】仍即以此變化之力,顯現無礙作用。此假觀力也。雖能 ,入中觀也。 雖斷煩 如是作

惱 而變化作用之弌難忘。故須安住至靜,重修空也。 【記】安住至靜,則上求下化之迹皆無, 並不住中道。夫先修假觀 ,次修中

觀 觀 ,最後更修空觀者何故?以假觀須忘,即中觀亦須忘 如何便忘耶?自斷煩惱是上求,教化眾生是下化 ,不忘即著迹 。若不修空

壬三融修

癸一假融空中修

若諸菩薩 ,以變化力 ,方便作用 0 至靜寂滅 ,二俱隨順 0 此菩薩

者,名先修三摩鉢提 ,齊修奢摩它禪那 0

【講】謂先以變化之力,為度眾生,開諸方便,

起諸作用

,

假觀

成 也 0

設遇大小兩乘行人之機來扣者,是故必以空中齊修 ,方能應之。 至靜空觀

寂滅中觀,故曰二俱隨順 【記】修空觀方能教化二乘。修中觀,方能教化菩薩。故二俱隨順。 。謂空中二觀,俱以隨順 而修也。

癸二假空融中修

若諸菩薩 ,以變化力, 種種起用 , 資於至靜 ,後斷煩惱 0 此菩薩

者,名齊修三摩鉢提奢摩它,後修禪那。

成功,則修中不勞費力,可任運而進。故煩惱後斷,即入中觀矣 ,而得空力。假得空力,則應緣無滯。此假空相濟也。只以此二觀相濟 講 仍即以變化之力,隨諸眾生 ,應緣起用 ,而資於至靜。 以假助

癸三假中融空修

記】將利他事業,

利於自行。故曰資於至靜。二利圓滿,修中自易

若諸菩薩,以變化力,資於寂滅,後住清淨無作靜慮。此菩薩者

名齊修三摩鉢提禪那,後修奢摩它。

即中觀功成 易成也。蓋以種種變化,悉同幻境。當體皆空,唯是寂滅,則不須更滅矣。 【 講】即以此假觀變化之力,資助中觀寂滅之功。使假不滯有,中亦 ,中成則假觀亦成矣。二觀既成,便是無功用道。自是以後

則安住無作靜慮 記】假不滯於有, ,而轉成妙空觀矣。 假即中也。以妙中印於妙空,則妙空自成。

辛三中觀統修

壬一複修

癸一中空複修

若諸菩薩 ,以寂滅力 , 而起至靜 , 住於清淨 0 此菩薩者 ,名先修

禪那,後修奢摩它。

取寂滅,而起於至靜住於清淨之地。此即所謂以法性身,受享法樂者是也。 【記】中觀二俱不取, 講】寂滅 ,中觀也。至靜, 唯取寂滅 。中觀既成,更以空觀蕩其迹 空觀也。謂先以中觀寂滅之力,唯恐永 ,則清淨矣

癸二中假複修

若諸菩薩 ,以寂滅力,而起作用,於一 切境,寂用隨順。 此菩薩

者,名先修禪那,後修三摩鉢提。

度諸眾生。 則中易成 講 , 仍即以中觀寂滅之力, 一切境者 而假易就。二俱隨順,故曰寂用隨順 ,即指所度眾生也。以眾生為菩薩所度之境故 而不斷煩惱。先修假觀,而起諸作用 。寂即中,用即假 隨順 如是

記】以寂滅體 , 起變化用 0 由變化用, 歸寂滅體 。是為寂用隨順

壬二具修

相成也

癸一中空假具修

若諸菩薩 , 以寂滅力 , 種種自性 0 安於靜慮 ,而起變化。 此菩薩

,名先修禪那 ,中修奢摩它,後修三摩鉢提

度,必先以空觀安定其心,然後依假而起諸變化,隨順自性而度脫之。 不似二乘耽寂,而不思度生。故又見眾生有種種性,在所應度 講】寂滅力 ,修中也。安靜慮,修空也。起變化 ,修假也。 。雖在所應 言菩薩

種 種相皆起於自性,故曰種種自性 記】中觀成,是圓成實性。 而 圓成實性,不離依他起性。 依他,相也。

而

癸二中假空具修

慮。 若諸菩薩,以寂滅力 此菩薩者,名先修禪那,中修三摩鉢提 ,無作自性 0 起於作用 ,後修奢摩他 , 清淨境界 , 歸於靜

此即空觀垂手而得矣 修於假觀 講】修中觀時 ,起諸作用 ,以寂滅之力,親見自性本來具足,不假造作 , 度諸眾生。正度生時,不住度相 ,故曰清淨境界 從此

【記】由中起假,故是清淨境界。歸於靜慮,攝用歸體也。

壬三融修

癸一中融空假修

若諸菩薩,以寂滅力,種種清淨,而住靜慮,起於變化。此菩薩

者,名先修禪那,齊修奢摩它三摩鉢提

不住於假 種種清淨 講 0 中觀修成 故得以中觀而融之。 由是而住靜慮之空觀,亦不住空,而起變化。即起變化 ,則寂滅有力。 即以此寂滅之力,使空有不著 , 故得 而 亦

癸二中空融假修

若諸菩薩 以寂滅力 ,資於至靜 , 而起變化 0 此菩薩者 , 名齊修

禪那奢摩它 ,後修三摩鉢提 0

假 而起變化 講 謂先以中觀寂滅之力 ,則假觀成 。而後三觀俱得矣 , 而資助於空 , 使空觀成已 0 然後從空出

若諸菩薩 ,以寂滅力 ,資於變化 ,而起至靜清明境慧。 此菩薩者

名齊修禪那三摩鉢提

,

後修奢摩它

癸三中假融空修

時 空假不住 智未能速成 假觀不必另修 講 所謂 仍以中觀寂滅之力, 。故於後轉修空觀,起於至靜之力,得於清明之慧。則悲智相 中 , 而 一切中矣 舉 兩得 0 而資助於假 故得智慧明朗 乃自覺覺他之功就 0 作諸 , 而復清淨 變化 。尚恐自力不足 , 而復起至靜 0 此 則 正 修 中觀 則

成,自覺覺他兩俱圓矣。

【記】此三段,文顯可知。

庚三圓

若諸菩薩 , 以圓覺慧 ,圓合一 切。 於諸性相無離覺性。 此菩薩者 ,

名為圓修三種,自性清淨隨順

滅觀 空觀 雙捨前二。必俟中觀成後 修 中間二十一 此觀成時 破無明 非無深意。 二人同以離言之道而入之。 別接通 專為別教當教之人,住位發心修習者,須從奢摩它入手。以奢摩它是 ,二俱不失也。 ,注重自利。此觀成時,任運麤垢先落 也 ,二圓接通 0 觀,特為三種人入道不同,更須種種施設而接濟之。言三種者 即 皆為末世眾生,有大乘根性 上來二十四觀 行位人修習 破 界外塵沙 ,三圓接別。以通教當教 向位人修習 ,必從三摩扨提入手。 ,豁破無明 , 均 是 。即以此觀增進 其鈍根人, , 一往之談 即可從禪那入手 ,然後雙收前二。即成圓融三觀也 但見於空,不見不空。 ,能修習止觀者而設也。 。若再往而論 , 便可進破 。即以此觀漸次增進 , 以三摩是假 有教無人。以彼乍入門時 0 S 無明 以禪那是中觀 ,佛設二十五 觀 0 故前 與藏教同 注 靜觀 重 前 , 便可進 利 ,先須 一觀單 輪 他 後 0


之法 也 依俗諦之理而起修。以俗諦之理是幻有,既稱幻有,便非實有,乃假有也 今之空觀統修之文 幻有為俗 况苦集道三諦乎?是以局為小乘,不能受大乘教 以實有為俗諦 可不知 有七科之文。乃以別教之法 已辦地辟支佛地 後七觀 教之法而教導之。所以此中前十四觀,是別圓之止觀, 不空。 所以云通前藏 教接濟也 根異故 中根 ,接通教之人 此一類人 ,是圓教接別之法也。 所以道通教者 人至薄地離欲地,方能被接 其上根人 幻有即空為真 若以別教之道 教 ,實有滅為真諦。所謂真諦,在 ,始能被接,即文中融修三科俱是也。此空觀統修中 ,即可通後別圓。所以能受別圓兩教人接,即 0 所修觀道 , 0 所 三根按位施教 ,在八人地見地被接 以判為別接通也 ,大乘之初門也。 0 其二諦中 ,接通教之人也。其假觀統修之文,是以 而接之, ,猶較勝於藏也。其利根人,不但見空 其施教之法 , 仍須教以識取真諦之理 例上可知 ,密含中道第 ,即文中具修二科是也。下根人必至 。若以圓教之道而接之 雖藏通之理 ,即今文空觀統修中複修二科是 ,復各有三種不同 四諦外 0 然教法仍有少不同 ,故無被接之機 義諦 0 , 而接通教利根人也 同名二 以滅諦尚 0 所 , , 一諦 依理起 以 以受接人有 可以別 必須教以 非真諦 0 , 通教以 處 受別圓 而 ,兼見 修 藏 圓教 圓二 , 0

【大方廣圓覺修多羅了義經講義附親聞記】

悟淨 者 合 直須諸緣放下 而 相 上根教以複修 行位 事障強故 以聖位 不接凡 Ħ 故 一觀 修空時 併修之 二 切 無貳 四觀 以假觀之法 謂前二十四 圓 被接 相 專為 覺心 證道 疑矣 雖差別 ,皆得多羅攝入一觀之中。是為一修一切修也。於諸性相 , ,以凡位惑全未破,煩惱障強,不能受接故。今別教接賢不接 , 豈 下 同 切 圓 亦不能受接 0 , 菲 空一 [教本教人而設也。 其中觀統修之文,是圓教之道,接別教之機也 不 不妨於名字位中 ,中根教以具修,下根教以融修 根向位被接 圓 ,而教以入手修也。今之假觀統修之文,所以判為圓接通 , 0 同 觀 即指三諦理也。以現前 用此現前 ,無須接故 切空 修 , 皆不離於淨覺之性 皆以淨圓覺心而為其性 切修乎?菩薩 0 0 假中俱空 所以但接內凡三十心位也。 。今之中觀統修之文 一念之心,還照現前一念心性 。今論接者,惟接別之內凡位 , 謂末世眾生,果有圓教根機 聞得淨圓覺心之名 , 空外無假中 , 即 0 一念心性 是故 指能 。其單複統具等差別 修人 但以 ,判以 ,例上可 , 即 也 0 則 員 | 覺慧修 具三諦理故 即是現前 圓接別 上根住 0 觀即 名為 知 , 即是以 也 0 唯 位 即即 。 前 三觀也 圓修三 , 即 此 亦無疑矣 一被接 外凡信 一念之心 圓 圓覺慧圓 使一時未 通 無離覺性 一科 , 0 合 而為 則前 種 教 接聖 者 中 位 聖 圓修 切 其 桹 , 0 ,

法也。是故前文佛示末世眾生,依於未覺幻力修習,爾時便有二十五種清 矣。是則足見二十五觀,皆為末世大根人,未悟淨圓覺心者,而設修觀之 淨定輪。佛語證之,無足疑矣。 亦爾,可以例知。如是則圓覺自性,清淨無礙。二十四觀,皆隨順而俱成

附二十五輪三教按位修證圖(六三八 六三九頁)



蓋 眾 觀 Ξ 失 以 融 則 修 從 未 セ 三觀 觀 諦 統 種單修 那 寂 破 可 圓 寂 护 已 生 0 故教十住位次者修觀,因其本是空觀中人,則令從奢摩他下手。 見思 知前 出 下手 觀 靜 及 皆未 之 之 念 明 起 理 # 及 也 下 明 見 道 相 也 手者,必是空觀。 則 諸 正 此 之單修三 非 修 靜 若 悟 以 為 破 可 Ŀ 。領二十一 何 圓 中 揮 教 [修為 至 不 悟淨圓覺下手, 未覺者 以 說 學 慧 矣 以 空之 明 故 過 破 + 故 0 山 , ? 上 真 自 前 矣 空 台 無 行 觀者, 圓 僧 威 八諦是 宗 理 然 位 與 明 而 此 教當教 0 次者 德章 文云 既 中 ż 觀 融 , 設 , 番 為 乃專為別教人設也。蓋別教是界外鈍根 理 登 得三 以 人 0 煞 , , 首七 從幻化下手者,必是假觀。從不取下手者, 佛所 末 有 性 , 初 破塵沙 ,每 , 費 之 ,本是 觀 世眾 依 密 上 地 不 觀 研 人 觀 說 易 觀 以 觀 於未 切 究 所 0 , 皆圓。今之二十四輪, 自然 若 假 關 0 之首 生 設此二十五輪 0 領 以 修 0 悟空不空之理 空 教 觀 覺 而 係 俗 會 知 。至前二十 觀 中人 設 諦 能 + 佛 , 幻 了得 在 -回向 必有 統 融 何 力修習 所 , 則末 空 , 世 以 之 說 工假二 空是 , 次 悟淨 間 故 位 就其本分 之 世眾 ? 為 次 , , 二 四 可知 爾時 直 觀 者 圓覺 不 佛 セ , 以 + 輪 生 空 所 觀 五 ,係 0 , 此 空假 破 '便有 出 說 以 , 輪 輪 , 一語 則 假 _ 無 輪 根 不 世 法 須 何 , 亦 器 + 空 則 觀 從三摩鉢提 明 二十 , 已是過 0 大 人當教?向 必有當機 必 利 統 ° 今此二 即 空 本 四 有 皆 鈍 中 祇 之 輪 ,空假 五 意 圓 中 觀 種清 真 , 來 思 不 有 從此悟 , 則 諦 直 後 人 到 必是 之 十五輪 從 中三 實為 セ 下手 淨 在 所 , 底 來各家 以 俗 人 , 此 大 世 二 觀 以 定 故 空理 中 研 約 間 首 須 觀 諦 觀 輪 以 便 大 觀 中 列 可 不 絲 約 則 # 註 可

大 方 廣 圓 覺 修 多 羅 3 義 經 講 義 附 親 聞 記

0

方

員

賢

不

最 是 具 從 方 須 之 士 中 利 彼 他 通 大 下 修 利 直 薄 奢 乘 可 但 根 但 下 教 , 摩 障 手 手 諦 接 地 接 故 中 見 手 是 根 在 者 是 引 離 十 空 者 非 所 通 他 必 又 下 人 λ 接 礙 此 也 手 欲 教 觀. 住 須 分 頓 竽 , , 31 乃 中 誦 地 利 出 上 為 利 誦 0 , 0 位 不 教 故 員 薄 教 根 世 中 見 根 細 通 故 用 利 根 教 , , 接 教 為 地 教 人 方 人 此 即 之 下 根 器 機 以 不 人 不 人 離 分 人 奢 以 可 修 别 Ξ 空 中 , , 0 接 犘 奢 竽 欲 别 以 幻 在 觀 教 _ 到 接 , 之 不 而 别 地 有 八 易 幻 他 引 到 犘 + 不 鈍 此 别 , 0 教 是 者 有 居 底 地 教 必 則 人 他 上 能 根 領 三 0 是 th, 首 俗 地 竽 竽 須 Ξ , 觀 大 融 悟 機 兩 0 , 破 士 是 Ξ 種 俗 也 種 見 即 者 化 0 , 0 人 0 , 惑 複 融 來 别 種 幻 地 可 誦 然 中 Ξ 故 0 0 , 0 之 圓 融 修 圓 次 有 修 破 其 接 在 因 教 教 員 , , 當 後 接 修 教 七 即 接 引 末 機 2 無 相 又 教 , , 通 可 人 觀 空 乃 可 明 引 之 教 世 是 機 有 0 是 從 根 從 接 眾 乃 接 通 非 通 頓 差 , 0 0 0 可 接 接 器 Ξ 真 複 八 通 引 教 此 但 生 教 别 員 , 聖 31 摩 修 接 人 利 教 别 見 從 0 0 人 教 教 , , 2 坳 鉢 别 至 中 教 空 多 無 義 是 不 鉗 λ , 所 接 見 與 提 教 别 接 界 辦 根 兩 兩 , 生 是 以 上 接 地 地 别 引 觀 竽 接 凡 下 人 種 種 教 亦 內 員 開 别 辟 接 教 手 通 具 通 見 出 利 0 , , 凡 λ , 0 支 引 者 教 修 手 人 須 空 乃 教 不 夫 須 二 凡 根 與 則 雖 佛 不 至 教 之 空 + 人 知 , , , , , , 是 是 是 當 接 有 地 同 就 已 機 其 此 不 以 0 最 外 者 員 其 辨 接 空 無 也 然 中 教 首 觀 别 , 內 利 故 教 本 地 通 生 彼 有 雖 教 , 0 七 0 是 接 之 後 根 教 人 有 辟 教 同 觀. 别 不 觀. 是 本 者 支 聖 别 七 接 中 時 教 中 人 以 , 知 種 頓 , 經 觀 引 為 即 佛 + 不 0 , 根 即 利 教 從 根 , 而 而 從 從 通 教 地 人 修 我 地 空 根 奢 頓 兩 0 人 既 即 種 俗 教 教 大 教 襌 以 , , 0 0 而

令為 則 Ξ 悟 話 在 空 回 中 2 無證 自 觀 之修 · 別 向 , 接 登 , 修中 則 均 名 五 不 教 0 兩 之 地 為 品 一中 得 證 有至 中 種 人 如 , 修 法 視 真 位 不 複 _ 門 乃 空 設 理 割 修 之 諦 切 根 勞 切中 至分 也 裂 , 二 在 , 中 者 接 0 則 十 其 同 中 俗 0 而 則 引 , 證菩薩 故 中 四 根 諦 修 開 於 也 空假 空一 俗 云 令為 輪 即 + , 0 U 0 以 惟 諦 通 不 0 便 行 然 俱 切空, 其實 地 圓 須 兩 0 教 能 講 雖 位 中。 「覺慧 盡 用 今圓 中 中 種 之 融 接 究 具 , _ ら い い 會 道 接 凡 中 位 假中俱空。 參究 修 教 竟 切 之 ,圓合 , , 外 性 人 證 又 亦 位皆修之 故 0 0 無空假,空假外無中, 來接 别 相 下 從 , 下 必 , 根 _ 方 故 教 禪 根 至 , 皆 切 得 令為 + 圓 那 者 幻 , 修假 。唯究竟妙覺地 不離 了 教 教 有 0 下 則 住 了 Ξ 手 淨圓覺性 以 人 位 , 於 , 淨 種 所 可 幻 + 破 0 0 則 至 圓覺性 融 觀 有 别 惑 以 回 末後 修 中 一假 _ 即 教 後 向 諦 , 本 0 觀 空 十 方 位 人圓修 一 切 於 接 , 住 中 可 , 0 故 當體 員 不 此 皆 修 之 接 0 謂 假 名 既 可離 Ξ 空 利 教 看 0 之 之圓。 云無 , 空 觀 為 人 來 即 世 , 根 0 修 是 間 + 俗 圓 者 0 , , 中 修 唯 可 中 真 諦 行 至 乃 教 則 觀 俱 因 諦 俗 修 員 知 本 於 其 0 不 乃 假 眾 教 佛 二 屬 假 + , 0 位 當 生 亦 有 上 諦 即 所 中 住 可 具 根 不 位 位

己三結示修法

云

矣

善男 末世眾生 子 ! 是名菩薩 依此輪者 二十五 , 當持 輪 梵行 0 切菩薩 , 寂靜 修行 思 惟 如 , 求哀懺 是 0 若 悔 0 , 及

H ,於二十五輪 ,各安標記 ,至心求哀 ,隨手結取 0 依結開示 ,

便知頓漸。一念疑悔,即不成就。

備結取也。隨手結取者,隨手以標為結而混和之,仍復取結在手而展視之 希示正修,於輪各安標記。標記者,以紙為標,註記輪名。隨輪各安,以 障深厚 寂靜者 設欲依此輪而修者 尚未說明云何二十五輪 則便於圓覺而不成就。宜痛忌之!勿自棄也! 有頓漸偏 隨彼所展之結 行,不過如是而已 斥疑不成 別明已竟。故此結云,是名菩薩等。一切菩薩,隨其本具根性,依之修 ,正修難成。仍須敬禮三寶,求哀懺悔。經三七日,自知感應道交。 收攝其心 。然知既頓漸,徑修必成。若纔起一念,疑而不修,或既修復悔 圓義故 準前總標云, ,開示應修何輪。故曰依結開示。便知頓漸者,以結中諸輪 0 取此結者,便知自根或頓或漸 。若諸下,示修法也。謂不論現前新學,及末世初心。 , 0 當先持諸戒品,而修清淨梵行。以戒為菩提之根本故 思惟者,正念思惟二十五輪,當依何法修也。尚恐宿 ,今則由單修, 依於未覺幻力修習,爾時便有二十五種清淨定輪 統修,具修,融修 , 依結而修也。 ,以至圓修 念 下 , 0 0

記】隨其本具根性依之修行者

,如通教人必用前十四觀

然後圓別教人可

戒要持。不過淫欲最易破定耳。 打 必 雖戒定慧三法齊修,而宿業重,去佛遠,非佛力加被不可。故須求哀懺 當持, 天之上也。 可各依 七圓 剋 · 接 期 。若當會諸菩薩 滿 言必要持 之 否 以 , 有根 則 因戒生定,方是正定。所生之慧。方是妙慧 修 終日 也 器者 ,非僅應當之意。梵行是戒。寂靜是定,思惟是慧。 0 戒根 擾 擾 , ,則有融 自 不淨 ,焉能 然感應 , 下手?故必一七日二七日三七日, 雖 根者是通教,有頓根者是別教,有圓 持戒者,身口意三業, 有 禪定 功夫 ,反增長魔 方得清淨。 力 。不但淫欲一戒要持 0 此 魔 經過二十 王 梵 所 然 根者是 以 ,清淨也 末世眾生 悔 居 圓教 於 0 懺 ,戒 日 悔 欲

戊二偈頌

己一略頌二十五輪

爾時世尊,欲重宣此義,而説偈言:

所謂奢摩它;三摩提禪那 辯音汝當 知 : 切諸菩薩 , , 三法頓漸修 無礙清 淨慧 ;有二十五 ,皆依禪定生 輪

0

0

講 無礙清淨慧 ,謂或從頓修頓得 ,漸修漸發,無不皆依禪定生也

既皆依定而生,足見二十五輪之觀,不能不速修 , 以其非禪不智故也

即 ·所謂如如智也。根本智乃是性德。今云無礙,乃是修德。本來清淨,今有染污 【記】此八句中,最重無礙清淨慧皆依禪定生二句。慧是根本智,人人具足

雖 在 故 有 必 世智 須修 此 慧 0 辩 因 無 聰 何 , 生?乃從禪 礙清淨慧,唯釋迦世尊;及十方諸佛有之。所謂我為法王,於法 小 小 智慧 定生。眾生本來無 , 說 漸 說 頓,皆不能 礙 無 ,唯為三惑 礙 。若由禪定生 所 障 , 蔽 , 則 妙 能 明 為 破 惑 無 0 明 破 自 0

菩薩 得 故有二十五 所謂二字,承上文定字來。以下三觀,修法不同。或 一分惑 記說 當 分 , 能 種 固 無 說一分法。 礙 , 說佛 法 如阿羅漢說世出世法,固 則有 礙 。因三惑未盡故 0 能 唯 以頓教 無礙。說菩薩道 佛 證 機修,或 切 智, 以 故 , 漸教 無 則 說 有 機 不 礙 修 圓

己二顯示應修揀

十方諸 如來 , 三世修行者 0 無不因此法 ,而得成菩提 0 唯除

并法不隨順 0

來

不隨 頓覺人有二種:一是初生頓成,不見隨順。二是因感示成,無容隨順 未成者後因此成。在所應修,不待言而自可知故。後二句,揀不隨順 順,亦有二種:一者外道,所修之法不隨順故。二者闡提,無佛 講 如 ,已成正覺人也。修行,未成正覺人也。已成者先因此成 種 。法 , ° 性

文所言,於一切時不起妄念,是也。二因感示成者,乃菩薩示化,因眾生機感 記】頓覺人二種:一初生頓成者,隨拈一觀,無非三觀,不必 揀 擇

。此皆約現在言,若推過去久遠,或至當來後後,總在隨順

中

即上 收

暫不隨故

亦是眾生,亦有本具之佛性。今云不隨順者,祇指現在言之。 自己分上,拈來皆是 邪見 處處執著,故不隨 0 所謂聖性無 順 0 然過去久遠,外道遇佛 不通,順逆皆方便,是也。外道 亦能棄邪歸正。闡提 心外 取法,依

己三結示隨順速證

切諸菩薩;及末世眾生,常當持此輪。 隨順勤修習 ,依佛大悲

力,不久證涅槃。

後三句,隨修蒙益 人示圓修竟 【講】前三句,指人勸持。謂無論現在末世,常應當持此輪而修習之。 。謂隨順勤修,蒙佛加被,不久自當證涅槃也。為中根

幸留意焉。夫一念心起,起無起相,澈底唯空。三際寂然,了不可得。無 無剎那念可得也。然則一念具足十界,一界又具十如。而念性鎔融,每一 謂染淨一切色心是也。眾生世間一千,謂四聖六凡假質是也。一念心起 百界千如 見聞覺知之相。無眼耳鼻舌身意之相。即空觀也。一念心起,有三千性相 三千性相一時起。一念心滅,三千性相一時滅。念外無一毫法可得,法外 上來兩章三觀修法,雖甚明顯,亦必預明三觀正義。茲當揭示於下, ,所謂國土世間一千,山河大地,日月星辰是也。五陰世間一千

世間 沒有 無起 澄心寂慮者始得。萬不可落在言詮,徒以口頭為得耳 須安立觀境。只要念想息處,一切時中,任運心常三觀也。直須默照心源 說即有三,照無三一。念念見自心性, 界必具十界。 ,三際寂然 , 各有千如 如是則 如介爾一念心起,必落一界,而一界顯起 十界即有百界,百界各具十如,則百界即有千如 ,所謂介爾有心,便具三千。即假觀也。一念心起,起而 無起而起,三千宛爾。非空非假, 任運非一非三。不用破除身心,不 雙照空假。 ,九界冥伏 0 即中觀 既論 , 非是 三種 也。

不間 修也 加 佛令修何輪 被 0 0 。隨順有二:一 故 然 記】常當持此輪, 照 有事 此 ,即修何輪 •便做 修持, , 隨 不久必有感應 無 事便修 。修習須勤。然吾輩有事之人 順覺性 即指上文所云經三七日各安標 0 , 於二六時中,直照心源 即是勤也。諸佛開 示 , ,必不能 皆從大悲心流出 記 , 隨 隨 手 於二六時 順 諸 結 佛 取 開 依 中 示 結 , 有慈力 法 開 一刻 示 而

附 即 辯音章為未 述於 之法 。及 Ł 此 發 來威 Ü 進修 悟 德 三觀所依之理 謂 藥 淨圓覺 辩音兩 多 則 病 廣 為 章,皆言三觀。唯威德章為已悟淨圓覺心者,發 心者, 龟 觀 , 行 0 發明修證功夫。末世眾生, 然 即真俗中三諦 即。良由眾生根器不同, 欲 修三 觀 , 無 0 而 論 悟與 能依者為三觀 未 悟 機緣各異 但聞圓覺之名 均 須 夫吾人現前 識 。故特說此二十五 其 精 明 修證 ,是為名字 兹 一念之 功 夫。

眾 則 念 則 法 非 色 Ξ 不 共 起 N) 何 日 他 う い 落 惡 界 因 生 上 際 空無 亦 和 ? N'S 可 起 起 性 一眾 , 寂 得 於 則 了 緣 合 他 , 不 自 , 耶 , 阿 落 為 , 也 於 惡 和 人 生 然 自 起 不 0 起 此 羅 為 念 合 性 阿 可 四 何 便 自 起 , 為 苦 菩 則 譬之 是 大 得 聖 汝 境 漢 修 而 內 他 則 , ??前 可 界 自 羅 Ξ 有 惱 薩 實 無 如 獨 , 共 己 他 研 界 途 眾 法 既 為 何 沙 他 0 根 不 起 , 究 念已 若 也 之 動 有 生 大 相 能 無 共 可 耶 起 0 0 0 ? 上 因 道 再 則 合 起 不 則 , 油 起 _ , 須 既 欲 三途 筝 念 為 外 滅 ? 起 自 0 俱 ら い 性 人 0 知 與 善 眾 則 有 無 然 乎?切 五 如 因 他 人 , ,後念未 , 凡夫心 境起 眷 為 念 便 為 生 陰 塵 此 自 不 知 , 雖 屬 ·共起 無 落 研 多 與 為 天 又 極 , , 相 苦眾 同 界 分 則 緣 開 究 他若 實 沙 , 妄 0 不 界 覺 則 出 上 為 生 研 念 之 俱 即 , 亦 耶 孤 ? 中 為 生 因 無 生 實 空 , 則 各 究 因 0 不 0 起 死 也 謂 有 者 下 故 0 孤 法 觀 起 能 四 然 , 落 為 ,因境而 Ξ 離 究 須 0 調 也 無 生 自 明 者 榨 0 0 明是 諦思 竟從 則 於 種 從 念 假 眾 現 起 性 他 四 0 油 皆無 落 在 天 者 生 聖 染 相 動 無 0 0 , 他, 於 界 如 念 法 假 , 六 何 , 何 既 , , 起。 辟 羅 時 凡 則 了 而 0 微 , 名 澈 非 必 有 切 支 若 漢 色 共 起 與 起? 觀 離 , , 現 底 小 自 不 有境斯 在 質者 善 皆 佛 起 法 Ċ 皆 汝 可 照 為 他 而 , 界 得 自 念 無 稱 , 無 空 共 後 乃 如 沉 何干?汝 實質 何 念 度 由 凡 空 眾 為 相 0 起 起 有念, 若 眾 生 求 ? 因 蓋 之 則 夫 0 六 0 起 , 是 念 落 念 若 生 世 凡 前 便 緣 法 0 Ü 念 念 ? 間 實 念及 念 若念若 以 皆 本 , 人 , 由 和 何 無 起時 求 界 無 不 者 法 當 虚 合 故 不 諸 無 係 境 前 出 停 動 天 後 0 空 生 自 , 0 而 必 念 斯 中 法 為 蓋 淨 妄 性 生 念 有 因 , _ 起 無 竽 則 佛 不 著 念 不 起 他 念 耶 0 樂 切 而 ? + 為 皆 因 即 既 , 0

是體 可得 時 念起時歷 N) 不 觀 並非無 具十界。 我 一念之性,性無 道 也 Ž 可 而 觀 直 中 0 直 不 0 , 要說 也 照 非 照 有 如是 人 冥伏 歷 空 起 , 心 任 發 源 知 非 宛 力 明 處 不過冥伏 指 如 者,眾生心無二用。 , 此 爾 明 之 假 依 願度生,則落於菩薩界。若一念平等,普度眾生, 0 , 用 即 如是作 現 了 性 報 , , 雙離 前一 則當 假 相 應 功 不 正 一可 實行 觀也。雖無 0 報 ,當體鎔融 三觀 念起時 既是冥伏 二邊 得 體 ,如是因 , 皆足十 0 了不可得 , 具足 蓋 。即 即空 人 , , 如。 正 人 空 也 起 0 。如前念惡,後念善,或又發出世心 ,自然理具。 起善則惡伏,起惡則善伏, 如是緣, 即三 皆 相 好 即 0 0 要說 有 十如者,即法 假 下手用 然起處 , 即 而 此 ,雙照二邊, 寂然 歷 Ü 如是果, 歷明 , 功 , 歷 則念念見自心性矣 歷 故口介爾 即 , ,則三千歷歷 尋 人人 明 明 華經 他 明 0 如是報, 雖 起處 皆 故 , 歷 可 即 一心 日 所謂 歷 修 中 假 0 念無 明 此 觀 也 如是 明明。當現前 ,便具三千。此 起出世念則世間 如是本末究竟是也。 明 Ξ 0 0 三觀 觀 歷 起 相 則落於佛 , 諸君 而 相 歷 0 , 本 直 之 明 如 ,故念念皆 勉旃 空 須 法 是 無起相 明 觀 放 性 界 , 一念起 , 凡夫 下身 也 體 即 0 , 如 不

丙一示離相顯

Z

四為下根人顯真性

,

性

謝前請後

淨諸業障章

於 (跪叉手而 是淨諸業障菩薩 白 佛言 ,在大眾中 :大悲世尊 ,即從座起。 ! 為 我等輩 ,廣説如是不思議 頂禮佛足,右繞三匝

大方廣

覺修多羅了義經

講

義

附

親聞

--

我等 勤 $\overline{\mathcal{H}}$ 此覺心 苦境 一體投地 切 如 , 開 本 界 來 性清 悟法性 因 0 ; 如是三請 地行相 淨 切 功 0 , 令此 大 用 , 令 諸 , 何染污?使諸眾生迷悶 , 大眾;及末世眾生 終而復始 猶 如 大眾得未曾有 一 念 0 我等 '菩薩 0 ,作將來眼 覩 一不入 深自 見調 |慶慰 御 0 唯 , 0 願 歷 作 0 恆 世 如 是語已 來 尊 沙 廣 劫 ! 為 若

菩薩 思議 依於未覺幻力修習;然未覺即是不覺, 故以深自為言也。世尊下,是請後除疑。按前章總標輪 見 釋 相 已為我等廣說 辯音章是交互修 |覺清淨 迦 .)調 令眾 即 講 前章偈云:十方諸 如 御 **躡此以為發問之端,而云若此覺心本性清淨。** 峝 一念之頃 , 本無修習等 聞 初是眾中具儀 歷恆 , ,尚可以心言彷彿。二十五輪 各欲 沙劫 , 此皆為現前新學末世初心 , 炳 隨順 , 然齊現於心 勤苦修此境界 ,然既曰本無修習 如來 0 , 大悲下 故云得未曾有 ,無不因此法 0 其慶幸欣慰 是謝前受益 0 必有染污 切磨煉 ,是顯本性 0 然正 ,而得成菩提 , 0 又為我等詳辨 故稱大悲世尊 0 功用 行纔修 0 , 為 是故當機菩薩 謂前威德章是次第 由 何 前又云一 , 實難 來清淨 數中云 如哉?莫可 , 邪 0 故 尋究 魔競 ,誠所謂 次第 :一切如 稱為因 切菩薩等 是故當機 起 0 即躡此 今 形 · 則 律 狀 地行 觀 修 如 來

世。末世眾生證入,展轉傳至將來。如是展轉相傳,乃至盡未來際,令最 然法性即是圓覺 後際眾生,永不致迷悶不入,故曰作將來眼也。餘可 令同覺性 若推窮諸法 謂覺其悶 唯願如來等也。廣為者,祈勿辭勞。我等者,總該時機。開謂通其迷 不入者不能證入。較之古人,殊類天壤!如此深疑 以為致疑之由 ,故云開悟法性。令此大眾等者,謂此間眾生證入 。既通其迷,復覺其悶。則法性現前,不期證入,而自能證入矣 , 則無自性 ,而云因何染污,使諸眾生迷悶不入。 , 以能為諸法之性故。大疏云:若直談本體 0 同於一性 ,即名法性 。今推破四相 ,非佛不能釋除 迷即不覺,悶即 知矣 0 , , , 展轉傳至末 豁融諸法 則名覺性 , 故 云 不通 , 悟 0 0

有種 因 之 也 相 又下圓覺章,則為下根人示 如良 顯 。人人 一切諸 種 性 【記】上來為上中二根人說性修已畢。本章及下普覺章,則為下根人顯真性 ,下章是除 同 業,皆由我相 Ż 如三途 此 具 調御群 此 種 淨 種 之 惡業 7圓覺 馬 業 病 顯 蓋 而生。我相若除,業障即淨矣。調御者, ; 人 皆能成障 性 Ü , 0 但為 天之善業,色無色界之不動業,二乘 性 期修。本章與下章, 切諸佛 ` 四 即 故 , 相所障,故不得顯 淨圓覺心 教化眾生,不外二種法門: 日 諸業障。 也 0 雖同為下根人顯性 離 今此當機菩薩稱為淨諸業障者, 相 者 。末世之人, , 即離 我 佛 之 人 稱 一為攝受門 無 業重 眾生壽者 0 為調 漏 但本章是離 業 根 御丈夫, 鈍 菩薩 ,說 四 0 相

大方

廣

圓覺修多羅了義經講義附

親聞記】

畏怖 未來眾生,作末世之眼也。 切功用 於一時間 無 不歷 切 善法 Ü 恒 0 . 沙劫 故 ,在大眾前 調是 , 使 日得未曾有 , 調 人 勤苦修行 生欣 和 , 即攝 羡 ,和盤托 , Ü 深自 受也 ,方能成道。今發明止觀雙修 。一為 慶 出 0 慰 。令此 御是駕御 折 伏門 0 作將來眼者, 大眾,於一念頃 ,說一切惡法, , 即折 伏 也 以現前大眾 0 我釋 , 若 ,覩見調御 (如三途果報 頓若 迦世尊及 , 作未來 漸 歷 ,無 十方 劫 等)使 勤苦 法 之眼;以 不 諸 備 佛 之 人 生 0

丁二師資緣合

時淨諸業障菩薩 諸大眾及末世眾生 爾時世尊,告淨諸業障菩薩言:善哉善哉!善男子!汝等乃能為 ,奉教歡喜 ,諮問如來如是方便 ,及諸大眾 0 , 默然而 汝 今諦聽 聽 0 當為汝説

講】為求入覺 ,故曰諮問 , 諮者謀義 , 謂有所謀 而問也。 方便者

入覺之善權法故。

【記】看講義自明。

丁三應求開示

己一示迷汍戊一長行

庚一示迷識四相己一示迷執四相

善男子!一切眾生,從無始來,妄想執有我人眾生及與壽命

名壽者相 為我相。 妄想者 後而又生末無明,名為分別我。即此二種無明,即界內之見思惑也。今云 妄解為實,是分別法執,即界外塵沙惑也。繼而又生枝無明,名為俱生我 四相迷識境也 又復計我盛衰苦樂,種種變異相續,名眾生相。計我一報命終,不斷 五七八識之名故也。為此妄想所迷 癡,是俱生法執。次則出生本無明,名為緣中癡,以不了現相之境界不實 初晦昧真心。從此以後,展轉變起八識業相,流出七轉現相。復以境界為 漸漸由 【講】眾生言一切者,賅六道與小乘也。始指最初,無始者,遙指最 ,且指第六識中虛妄想念,以凡小眾生,但知有第六意識,不知有 其實無相可指 。此四相中,後三雖隨境轉計,要皆以我相為本。金剛論云:此 細至麤 , 乃有智相續等諸相。從一念不覺之根無明,名為因中 ,以無相妄計為相 ,固執五蘊身中虛妄 , 而展轉趣於餘趣 ,立為主宰 ,名為人相 而住 故稱 0

因 何染污?與金剛藏菩薩所問,若諸眾生,本來成佛,何故復有一切無明?語意 此科以下, 文相 極 細 ,宜用心 研究。前問云:若此覺心 , 本 性 清 淨

界 而 即 結 分 由 相 + 不 也 Ξ 為 我 眾 由 正 小壽 -肯度 乘 眾 妄 聚 也 見 五 我 生 别 此 起 相 復 念 無 分 者 想 而 我 於 其 聖 相 生念念遷 0 , 相 之 以 生 實 成 亦 何 人 而 相 對 , 而 明 同 , 妄 即 後 即 時 我 識 五 起 建 待 四 是為 計 為 若 想 蘊 蘊 本 轉 變 本 立 則 相 然 , 不 流 起 破 為 名 無 相 無 迷 故 欲 有 0 彼 , 能 色蘊 字 _ 微 明 細 迷 淨 為 現 八 我 智 人 根 眾 念妄 在妄 覓 相 其業障 細 相 識 四 智 四 相 本 中 , , 得 生 妄 為 之 相 凡 皆 , 兩 , 相 根 0 0 想中 業相 而 , 故 想 想 堅 生 種 夫 . 對 即 如 從 , , 云 前 於 有 金 妄 六道 待 動 固 法 我 此 0 ,當先 日 第 執 於 妄 執 後 剛 境 之 執 為 , 無 切者 是 語 所執 即 想 界 即 經 色 範 並 六 , 而 下 始 身 造業 識 生 略 發 空 圍 不 微 ら い 根 , 起 , 0 受蘊 ,蓋賅六凡三聖 我相 者人 自 。是 於 由 愈廣 ら い 細 同 明 為 0 , 皆 第 覺 世 招 我 吾 此 我 而 四 故 因 界 果 故 意大異, 我 輩 為 入 而 相 相 0 , 語 ,是為 一念妄動 識 皆空 ,鹿廳 我 色 俱 , 虚 種 起 0 則 開 白 Ċ 有 展 種 智 亦 相 為 明 0 稍 口 遷流 , 眾 轉 即 空 妄 妄 俱 相 迷 即 異 0 四 想 _ 輪 想 生 相 根 不可不知 其第十五 識 相 , 生 說 0 而 ,迷本覺而 念妄 則後 之妄 也 , 我 續 無 0 迴 , 相 我 而 言。 想蘊 皆由 世 0 相 明 小 0 , 0 , 想 想空 夫蘊 三乘所執者 即 尊 乘 三相 0 0 執 究 六道凡 業 是 也 分 為 執 又 妄 竟 此 酬 皆空 固 雖 融 識 取 為 日 0 以 認 我 全 問 , 成 始字, 前 變易 不 即 有 因中 身 通 而 相 緣 相 夫, , 不覺, 能 身 五 妄 發 中 0 誰 亦 , , , 癡 覺 想 生 破 法 相 是 N) 癡 生 以 0 為 大 指最 世 由 於 鹿 死 我 澈 0 後 續 我 故有 不 迷 第 遂 世 界 底 行 此 緣 為 者 同 四 , 三 不 識 界 俱 看 蘊 妄 相 斷 ? セ 者 有 初 相 無 涅 細 四 遷 無 來 為 想 識 能 槃 既 我 四 明 相 流 境 見 我 第 則 執 相 幽 0 ,

盡 心是六塵 計。內執身心為我,外執世界為我所,總不外乎我相而已。因不了身是四大假合, 之妄想,更不能覺。故謂之幽隱妄想。可憐自最初一念不覺,執到如今,在眾生 見思 何以 ,在二乘為塵沙,在菩薩為無明 緣 故?一念生相無明未破 影 ,所以妄執。身心者,所執也。妄想者,能執也。病在能執 , 即由無明成業識 0 若論修證功夫,必至等覺已後 。由業識成妄想,由妄想成徧 ,妄想方 ,故此

辛二別成凡小

處單提妄想二字

妄相依,生妄業道 認 四顛倒為實我體 。有妄業故,妄見流轉。厭流轉者,妄見涅槃 0 由此便生憎愛二境。於虛妄體重執虛妄。二

住故 妄之至也。雖妄之至,而卒不可斷,故云二妄相依 顛倒 愛,豈非於虛妄體上,重起一重虛妄之相?故云於虛妄體重執虛妄 由此認為實我 妄業道 便生二境。然我人等相,本屬虛妄。乃又執違我者為可憎,順我者為 【講】本無四相 或耽著有為 由迷識故 然業之與道 ,於違我者 ,認取固執以為真實,故稱為實我體 , 而造有為之業 ,妄計為有。計執不捨,故名為認。非有計有,故為 而俱稱妄者 ,便生忿怒曰憎。於順我者 0 以二俱不了識心如幻 或趣向無為 , 而修無為之道 ,謂妄體與妄境相 , 0 便生貪著曰愛 此又顛倒之甚也 , 謂不特有為之 故 。 此 又 依 日生 故故

大方廣圓覺修多羅了義經講義附親聞記】

道為 彼二 墮落凡 業 度分段生死而已。而 轉 而妄認為涅槃。故曰妄見耳 如幻 乘 大 而能 夫 , 而 人所作滅度之想 而 見此流轉者 , 流轉分段生死 無為之道 感果於聲聞緣覺 不知無明煩惱 ,亦如幻也。以二俱如幻,故皆稱為妄。 , 生 諸 , 仍非 。循有為業因,故受報於天上人間 厭離 , 真也 又生取證涅槃之想,故云妄見涅槃 ,志求免諸流轉,而修無為之道 ,變易生死,尚未夢見。此真變易生死 0 故仍名為妄見。 此不過滅見思煩惱 。故曰妄見流 造有為業者 0 0 殊 循 不知 無為

0

而 加 人 則 活 而 病 謂 到八 成 。爱 與眾生壽者 有 成 以 現行 入 憎 Ü 必 相 因 我 九十歲,仍然畏死。此由我相相續執持,而為壽命相也。須 不能 如世尊天上天 記】此先 順 ,更由我 + 現行復熏種子 是為重 境 無習氣, 生 À , 界為 無 , 僧 明廳 人轉計而成眾生相 一執 非 常有 下, 因 虚 倒 我乎?則 四 逆境 見 相也 妄 唯我 不能自主之時 , 0 由 起 故 種子復熏現行。二六時中 0 僧愛 , 故 有 迷 日 獨尊, 7 識 四 妄 入 顛 日 , 。利衰毀譽稱譏苦樂八相, 憎愛二境 我 為應職 Ü 方是真我。 倒 0 0 , 可見 憎愛 可見 生美惡妄境 四 相 0 此 , 0 一向妄想認 眾生 並 試問眾生所 迷 我,並非真 非屬 智 一所執 , , 0 二妄相依 境 為 既 熏 之 為我 而實屬 細 我 執 我 ら い 四 而 者 之身 相 ,本是 皆所 0 成 Ü 知 乃 0 0 , 相 種 六 復 0 乃 Ü 我 謂眾生 虚 依 子 然 根 ,身 者 顛 由 者 妄 皆 為我乎? 我 倒 , 復 對 相 不能 主 見 一相 重 今又 轉計 宰 境 也 也 之 而

妄見 無為 造業 既 而聲聞 之 流 有涅槃之 轉 0 漏 之 0 , , 道 何以 業 境 辟支,不知 因 不離 由 業 0 是 有為業者, 相當情 故?見流 招 於妄想執 也 報 Ü 0 0 , 遂有 此 然 心 , 是 理 **純轉者** 我 雖 , 即 世間之善惡業,上界之不動業,是也 夭 因也 , 無 , 我相未除也。 所 以為有流轉可厭 道 為 , 有為 以妄想因 以 , 。境,緣也。因緣從來不離 人 妄見流 道 之不同 , 轉 ,得妄想果,並非真見, 阿修羅 故皆以妄見斥之 , 0 復 , 以 有涅槃可欣, 佛眼 次 道 0 , 地 觀 業道二字,業是 之 獄 道 , 皆是 , , 故 一欣一厭,妄想儼然 餓鬼 幻 。無為 日相 以 道 化 生 虚 ,畜 有為之業 依也。於是因惑 死 道者 妄境界 生道 即 涅 , 槃 阿 , , 羅 道是 故 皆是 種 漢 0

辛三總斥迷悶

是故動念及與息念, 由此不能入清淨覺 0 皆歸迷悶 非覺違拒諸能入者。有諸能入,非覺入故

以是之故,彼凡夫動念,起惑造業,而妄見流轉者,固然迷悶。此二乘息 彼修德有功,而能證入,亦並非覺性使之能入。故曰有諸能入,非覺入故 與覺性無預焉 性而有違逆拒阻。不許人入。然覺性不唯不違拒,且亦無隨順 便不見本有清淨覺性。 【講】首二字躡前 0 即如前文,彼圓修三觀之菩薩 以不見故,則不能入。故曰不能入清淨覺 ,謂由此流轉涅槃二俱妄見故。即以此妄見為障 , 即能證入圓覺淨心者。自 ,入與不入, 0 並非覺

7

3

大方

廣圓覺修多羅了義經講義附

親聞

--

者,由前問云:因何使諸眾生不入,故此答云:非覺違拒,使之不入。但 由認四相 者不開。大疏云:此文正是結答前問。前云因何染污,迷悶不入。今答云 念,沉空滯寂,而妄見涅槃者 由認我,故不入也。 ,展轉生過,縱離六道,復墮二乘,是故不入。次云非覺違拒等 。亦屬迷悶。故曰皆歸迷悶,迷者不覺,悶

念皆息。不知淨圓覺中,本無有念,何必更息。所以動念固是迷悶,息念亦是迷 清淨覺不能拒之不入, 見涅槃,有此妄見, 【記】不但凡夫不能入清淨覺,即聲聞辟支,亦不能入。何 何能 亦不能使之能入。二乘視生死如冤家,視世間 見本有之清淨覺心。 然 則 不入 由於 障 , 入 以故?見流轉 則 如牢獄 由 於修 此

庚二示迷智四相

思

辛一承禮弓訪

我與隨順 身心等性 何以故?由有無始本起無明 , 非隨順者 皆是無明 ,便生憎怨。為憎愛心養無明故。相續求道 。譬如有人不自斷命。 ,為己主宰。一切眾生, 是故當知 , 生無慧目 有愛我者 ,

皆不成就

0

怨亦是無明 菩提心,行菩薩道 故。是故云者 故曰 行以去 有愛我者 以無明不能斷 是無明變現幻影。所以一向認四大假合為自身相,六塵緣影為自心相 生無慧目者,從父母受生已來,便無有智慧眼睛,不自照見內外心身 此 本起無明 息俱稱迷悶 云身心等性 無明 轉成 為己主宰。 講 故 耳 例以 阿賴耶識 經相似 , 0 , 謂 首句承前徵起。大疏云:動念許背覺 淨圓覺心,本無有我及與無我。祇由根無明不覺 則我與隨順 。由有下,約本起無明為釋,引起重說迷智四相義也。 ,皆是無明 0 喻明 為緣憎愛心之枝末無明 ,以是無明不斷之故,不惟動念息念 於無明 最初一念不覺生相無明也。又名根無明。前云因中癡 主宰,即我也。以我者是主宰義也。 ,入分證 ,成為我相根本。自此已後,皆是無明用事 0 ,亦不能脫離迷悶 譬如有人不自斷命者 , 所以 0 , 隨順 謂依於無明而建立故 ,乃至菩薩地盡 佛說動念息念 即是無明 , 0 故教以當知 養於從無始之根本無明 0 非隨順 , , , 皆歸迷悶者 相續求道 喻顯無明不斷於無明 , 從此 而 , 息念即合契真 違我者 ,皆歸迷悶 ,令其自行審驗 無明 , 切眾生, 不免為智所迷者 , 正此意耳 , ,永不能 便生 ,迷本淨圓覺 , 通指 ,即從此發 自立主 一憎怨 直 如是從觀 , , , 試 為 斷 , 即 指 何 凡小 解云: 恐猶 .故動 可信 , 室 0 憎 0 0

仍 墮四相。故曰皆不成就。足見忘我之不易也。

用 得性空, 念,皆歸迷問 原是依他 想 不能自斷其命。 根 破斥凡小麤相已竟 卻成 此 .無明也。因真如不守自性,一念妄動,並不知是無明,所以永不 圓 【記】此明細 病 照 , 用 。只須不生徧計,便是圓成實性。何必生心息之。所以上文云:動念息 無 ,趨向真如亦是邪也。楞嚴經云:妄想無性, ,照徹內外身心,即知無明性空。若無此真智,便是古德所云 此 非 觀智進修 。是故 無 然則誰能斷之?須用真智。即現前一念之慧,所謂圓 明 用事。 , 四 即接 不了無明 相也。迷智由迷識而來,麤相若 , 方能成就 即 明 發心用功 細 性空 相 。由根本上生起之無明 也 ,縱使發菩提心,行菩提道,亦不離迷悶 ,亦是無明。 無明豈能 不空, 此語最要!了得妄想無性 , 故 自斷 日本起 細 相即 無 能 不露 無 明 照清淨覺相 斷 明 ,欲除妄 猶 0 0 由 故 即 如 此 所謂 上文 自

辛二次第別明

壬一徴釋我相

骸調適 是故證取方現我體 善男子!云何我相 ,忽忘我身 0 ?謂諸眾生心所證者。 0 四肢絃緩 善男子!其心乃至證於如來,畢竟了知 ,攝養乖方 0 善男子!譬如有人,百 微加鍼 艾 , 即 知有 , 清 我

淨涅槃,皆是我相

【大方廣圓覺修多羅了義經講義附親聞記】

記】此下別明四相

,

極其微細

0

即金剛經第十五分以後所明者是。宜用心

的話 定云 也。 之相在,猶是心中有所證取, 證於如來,畢竟了知清淨涅槃,猶是我相也。畢竟了知四字 故 鍼 兩腿 忘我身者,謂身全無恙,不覺有自己之身,忽然如忘生也。四肢 所 又引事以證釋也。譬如二字,不可作喻看 引事證釋 根自心起 刺 迷 即 百骸者,人之身分百骨四肢。調適者 取理深明 ,一切眾生心所證者是也。謂此之我,不同迷識之我也。此我之相 講】文有三節:初承徵標定。上云相續求道 清淨涅槃者 知有身 或少用艾灸 絃是直不能屈 仍墮四相。故此徵云何我相者,此承上而起 ,承上所以隱微難見,必有證而方現者等語。恐其未甚明晰 ,極其隱微,必於若理若事,有所證取者,其相方現耳。善男下, 。攝前不唯於事,心中有所證取,是我相 。由此 , , **儼似無明已脫也。殊不知縱使果證** 故曰微加鍼艾 一事 。緩是軟不能伸 ,可以證知 仍然還是我相 0 以必證取其事 0 0 故前 此皆攝護將養 , ,當作設若義 謂調和順適, ,足見忘我之非易易也 云有所證取 ; 即 , ,皆不成就。意顯為智 以作問題也。下乃標 ,乖於方法 如來 知有身自覺其 。縱使其心,乃至 , ,謂設若有一件事 即通身無恙 方現我體 , , 直徹底深證 畢知有清淨 0 , 即 或 略用 兩臂 痛 。 忽 , 故 , ,

真忘 境界 尚是 譬 由 能 皆菩薩 作引事看 即 體究。眾生二字,不是凡夫,乃指三聖而言。從二乘直至十地等覺止。 是 此 了 如 , 可知 六 用 知 正是無 識 乃 境界 功至身 相 分 以微 , 别 即 似忘我 功夫愈做 便 何以 心 心 有 明變現 , 下文所 細 清淨,本是好境界,乃忽生歡喜心 所 並 我 、境界 不 7 仍是我 相 , 微 云 愈 知 豈可 ,必引事證釋而後明也。證取方現者,謂須在用 細 境 細 , 證取方現 相?以其有清淨之相當情故 0 , 0 乃至 執取。此 所 能 以 所 初 宛 證於 然 我體 Ü 理不可不知。譬如下,忽忘我身四字 人 如來清淨涅槃 , 未 ,是也 用功不久 · 能 理 智 0 此中譬如二字, , 如 0 , 便以 此歡喜心 。病在畢竟了 仍是我 ,是最 為見好境界 初 相 之 ,便是 , 不能 根 此 知 則 無 我 明 微 四 作 Ü 功上見之。 即 字 相 仍 細 喻 所 , 真有此 在 矣 看 0 證 也 然 既 者 有 此

壬二徴釋人相

善男子!云何人相?謂諸眾生心悟證者。善男子!悟有我者 善男子!其心乃至圓悟涅槃俱是我者,心存少悟 復認我 0 所悟非我 0 悟亦如是 。悟已超過一切證者 ,備殫證 悉為 理 相 ; 不 皆 0

名人相。

為心悟。從心發悟,悟得彼之能證者是我 】文亦有三節:初標定。謂諸眾生心悟證者 。此悟不忘 , , 即為人相 意謂悟由心發 ,對彼我

亦為 逐位所證之理, 然證者而云一切,人相而云悉為者,正顯凡有所證,不忘能證之智者 故 唯悟彼證者是我,名為人相。即使其心,乃至圓悟彼所證涅槃俱是我者 名我相 切能證之者。是依然為智所迷,對彼我相,建立人相之名。故曰悉為人相 不可得 即無所悟之境,縱有所悟之境,已非是我。以是例知 不復認彼能證者以為我也。如是則彼我全空矣。所悟二句,意謂彼我既空, 非我即人 人相者 。凡有所悟,不忘能悟之心者,皆名人相也。後以理深明。躡前 如是則能所既空,心境兩忘矣。設使轉計能悟之智,業已超過一 。即人耳。承上漫說圓悟,設或心存少悟不忘,縱使備悉殫盡 。次詳釋 皆名人相。由悟證是我故也。 。悟有二句,謂既然悟得彼能證者 ,能悟之智,亦應了 ,便是為相 , 皆 , 自

著 證 之 相 此 至 我 段 之重可 此 , 病在 以 悟證之證 莫道 為 地 記】此段更細於前。上云心所證者,乃是能證之智,并非本體 悟 無 尚 不 字 我 能 不離 字 相矣 0 何以 圓 悟 微 即 0 , 縱 指 細我 故?心境兩忘,無所謂悟故。 不 上文 知 能圓 有一 相 心所證者。悟者,謂悟得心所證者之為我 0 悟, 能悟之想在, 然則我輩凡夫 但 微微有一 仍然有相 , 以 能悟之心在,皆名 無明除無明 人字乃是假名,其實仍是微 0 此 相縱不是我 無非無明用事 人相 分故 相 菩薩 相 , , 日 便是人 而 我 , 我 相 細

壬三徴釋生相

故。善男子!但諸眾生了證了悟,皆為我人。而我人相所不及者, 善男子!云何眾生相?謂諸眾生,心自證悟;所不及者。善男子! 存有所了,名眾生相 云何非我?我是眾生,則非是我。云何非彼?我是眾生,非彼我 譬如有人,作如是言:我是眾生。則知彼人説眾生者,非我非彼

獨存,則證所不及,故是非證。能例云:云何非彼?所例中即是云何非悟。 彼自心作如是言。我是眾生,例彼心存了智,卓然獨立 蓋以了我了人,心弌愈多故也。次借常人所言,比例 得彼我人二相俱非,自是所證所悟不及於心。以有此心在,即名眾生相。 了證二句,謂了彼心有所證者為我相,心有所悟者為人相。但以有我者必 釋以我是眾生 云,云何非我?所例中即是云何非證。釋以我是眾生,則非是我。例了智 非我非彼,例彼心存了智,卓然獨立,自然非彼能證及與能悟 講】文亦有三:初標定。即謂諸三句,謂設使於自心發起照了,了 以為義勢。顯第三了智卓然, ,非彼我故 。例了智獨存,則悟所不及 非證悟所能及也。後結成生相之名。 而 ,故是非悟 知 。則知彼 0 譬如有人,例 人說眾生 此借常 能例

所 有 人 了者 ,有人者必有我 則是了證了悟之心弌未忘。 0 故渾言皆為我人。我人不及 由心弋未忘,必至起滅不停 ,即指了智卓然。 , 展 存 轉滋 有

不能 及矣 記 】若了得能 不知二雖不存 證之智是我 , 然尚存有了得之心, 相 , 能 悟 之 Ü 是人 便是眾生相 相 , 則二 俱 0 病 不 在 存 了字 , 誠 為 , 此 證 段尤 悟 所

多

0

由

此結成名為眾生之相如是

0

壬四徴釋壽相

細

善男子!云何壽命相?謂諸眾生心照清淨,覺所了者。一 切業智 ,

所不自見。猶如命根。

歸真 指業識而言 即業識也。 發起覺照 心體上,發起智照之智,而我人二相所不能及。故得心照清淨。心字 切下 ,轉有漏識成無漏智也。所不自見者,謂此微細分別 講】文只有二 正 0 前 壽 是第八識上微細分別之念。不言識而言智者, 覺彼所了之我人二 ,以四相未空故。因心照清淨,而眾生相現 者相也。謂殊不知即此 0 先標定。即謂諸三句 相 , 所有能了之智 一念覺心 ,意謂承上了證了悟 , , 便是 俱屬我執 0 ,原從本識上起 切業 故對眾生相上 此屬修證 而 智 欲斷之 0 業智 皆是自 反妄 0 , 即 次 ,

壽命 所以不能自見。雖不自見,常在其中潛續 ,而人不自覺知 ,由此所以名壽者相 。猶如人之命根,常在身中潛續

覺字 取 謂 如命根 此 金剛道後 即是我 , , 用 ,誰 仍然是 記】此段細 功 相 異熟空 能 , 時方可 紀自見 即 病 存 0 此覺是第八識之業智, 一之極 無 , 0 亦 不可執取之心, 病 必至等覺地後, 。總之,無論功夫如何深,境界如 名 矣!覺得 如 來藏 如實空義 證是我 用金 亦是我 相,悟是 一剛智 所謂微 0 相 此 0 雖大菩薩 , 斷 切 細 人 記切 生相 分別 相 , 記 無明 境界 , 雖 了是眾生 何好 八識 , , 然凡 方能 , 皆不 相 亦 夫不 破 不 ·可執 盡 能 殊 可 我 自 不 不 見 相 知 知 此 0 0 執 璧 所 0

辛三總以結示

壬一結示同塵

如湯銷冰。無別有冰 善男子!若心照見一切覺者,皆為塵垢。 ,知冰銷者 。存我覺我,亦復如是 覺所覺者 ,不離塵故 0

不離塵故。塵以染污為義,謂染污於清淨心也。次一行喻明。如湯銷冰者 俱於自心中分自分他,立能立所,障於勝進,不得真修。故云覺所覺者 智之妄境也。此先標定。下乃承釋。蓋以能覺之後一 切覺者 講】初一行法說,若心照見者,則是於自心上發起智照, 一切覺 ,指前三相。心照見,指後一相 0 相 皆為塵垢者 與所覺之前三相 照見前之 , 總屬迷

智泯 銷 隨冰 泯 互存 成冰 湯 在 法結合 喻執斷矣 者 喻智照 , 則 則 銷 ,喻妄念迷心而成執。用湯銷冰喻以智斷執。謂冰既銷矣 障礙 塵垢 則染污淨心 能 亦成 此是異喻 0 存我覺我 所雙忘 ,無別有執 , 銷 淨水 水矣 以火煎水而成湯 滅 , 唯 ,不得澄清 ,當下 , 0 至此之時 反明前文 , ,亦復如是 不得顯現。合彼前喻能銷之湯 。知冰 一淨心矣。合彼前喻湯水互融 , 唯 ·銷者,顯湯亦不存, 0 , ,喻正念悟心而成智 0 次反合 清淨真心 覺所覺者 則冰湯俱忘 ,先正合。謂能覺之我 0 如其一 , , 皆為 又誰能 , 唯 一 塵垢 念不生 清水 謂冰因湯銷 知我執為智斷者?向 0 冰喻我執 ,與所銷之冰,二俱 , ,障礙全銷 染污淨 , ,能覺所覺 ,與所覺之我 更有誰 心 而 , , 成水 能 無別· 因寒凝水 , 唯 果 , _ 知 其 冰 ,此湯 ,二俱 俱 下以 、執空 為 冰 水 百 而

是 之果 矣 破 有 能 無 細 見 照 明 0 , 眾 , 見 後 必 記 生 方 四 此 空 迷 切 相 切覺是所見 覺 章 空 識 -精義 白 而 若 四 後 我 相 , 法 謂 相 不 , 0 用 尚 性 空 在 覺所覺者句 功 在 顯 離 , 人 則 , 相 0 正在 顯 餘 然 不 Ξ 空應聽 能 性 定 相 出 0 中 亦 相 世 , 離 前 易 在 相 自 聖 , , , 覺字 即 而 人 即 Silver Silver 發 為 空 迷 離 犘 智 我 , 指能見之智 起智照 細 勞 人 相 四 眾 難 相 垢 生壽 エ 污 不 0 夫 空 此 , 全 者 , 圓 , 就 有 覺 則 四 , 即後 境界 妙 功 不 相 用 能 也 性 當前 上 證 相 四 說 無 不 也 得 相 上 此 有 清 法 必 須 Ξ 鹿廳

矣

0

大

方

廣

圓

覺

修多羅了義經講

義附

| 親聞

記

是覺照之覺,與圓覺之覺字不同。所覺者,即前三相。謂此自心中之覺照 故 他 我 尚有覺在,則能所未泯,境智不空。境是境,智是智。境為所, 相是證 0 存我覺我 智為自。處處對立 ,能覺人相是悟 句, 我字, ,總是迷智忘境,能染污清淨心。 指能覺之我。覺我,指所覺。存,謂二者俱存也。 ,能覺眾相是了。是第四 相為 能覺 故云覺所覺者,不離塵 ,前三相 智為 為 能 所 覺 ,能覺 境為 也。

壬二結示不斷

癸一不斷不成聖果

善男子!末世眾生,不了四相,雖經多劫,勤苦修道。但名有為 ,

終不能成 ,一切聖果。是故名為正法末世

或為居士人民 作為,唯我能之,是造世間因也。世間之因,還酬世間之果,則不出世間 古德有言:六欲諸天受五衰,三禪尚是有風災。假饒修到非非想,不及西 上生欲界天宮,或入四禪四空。縱饒修到非非想天。報盡還來,散入諸趣 在天上,生人間,酬因答果。為善者或作輪王小王,或為宰官長者。次之 則我法二執全在。所以雖經多劫勤苦修斷。但名有為。有為者,自執由我 不了四相,麤細二種四相,俱不詳知也。以不了知,何以知斷 正像已過,名為末法之世。此際眾生, ,以至貧窮乞丐。如一念失覺,則墮三途。縱使修禪習定 尤在可愍 。若不知斷 故偏言之

若唯不了迷智四相 末世眾生 雖小乘有學無學等二三四果,亦不能也。結句,有以衰例盛之意。謂以是 方歸去來 ,不了四相 0 故知不空四相,欲成出世聖果,終不能也。然出世聖果有二 ,自不能成十地等妙等大乘聖果 ,不成聖果之故 0 則知汝等雖生佛 。設復不了迷識 世, 面奉慈尊 四 相

經中 則 為是世間之因 薩 雖 末世 , 猶有諸 世尊開 記】正法 亦 大 無異 , 必 祖 示須菩提 師及 雖不遇佛, 得世間 於正法之世。 善 知 , 處處 之果。末世眾生, 識 猶有諸大菩薩臨世。眾生聞道易。像法雖不遇 0 以 唯末世眾生最 不住 |相為 言。蓋我 離聖雖遠 可憐,若 相 0 非 不空, 然若聞圓覺 住 相 雖 , 便是 無為亦是 ,能 有 為 了 有 四 為 故 諸

相

有

不了四相修因,亦可名為正法中之末世眾生耳。可不慎哉

0

金大

菩

癸二展轉徵釋其過

子一一向錯認

賊為子,其家財寶 何 以故?認一切我 為涅槃故 ,終不成就 0 有證有悟名成就故 0 譬如有人

謂

以何

故不了四相

,

使久修不成聖果耶

?此徵詞

0

下釋其

不知此正 四相皆我 生死 , 根本 名 切我 妄認以為涅槃 0 既不了 知 , 古德有言:學道之人不識真 反生保愛 認妄作真 , 錯 百 只為從 錯 殊

大方

廣圓

覺修多羅

了義經講

義附親聞

--

> 2 8 5

敗 提防 如下 來認識神 而乃妄認我相 ,念念衰耗。故以其家財寶終不成就喻之。所謂久修不成聖果者,以此 0 如六根取境,猶可制御。藏識妄我,難以辨明。因致如來藏中功德之 ,有證有悟,名成就故 養之為兒 借喻發其錯 0 無量劫來生死本 ,可以成道 , 如何檢慎 ,所以聖果不成也 0 故以認賊為子喻之。大疏云:賊若在外 , 癡 ,即其相也。不言有了有覺者 0 又知賊是賊 人喚作本來人。實可哀歟!如前我人二相 。四相皆我 ,賊無能為 ,有損於道 。養之為兒 ,可例知故 ,義似乎賊 寧 ·無損 猶 。譬 可 0

是 能 少 為 現 成 分別是妄想,所分別亦是妄境。有證有悟,即是我人二相。本未成就 即 。所以參禪功夫,莫道現在末世,就是前輩,誤以識神為本來面目者,亦 繑 認 就 正無 我相 記】後三相皆由我相 修證 為涅槃也。我輩用功, 人 工夫 0 我之定中現量境界,若有少分相 , 到得百尺竿頭 而 生。 ,不能再進 非處處證以大乘經典不可。 一我一切我,故云認 一步,多坐此 應 , 被自己 一切我 病 知道 因末世具 0 此皆由 , 即落 正 , 於 用 而 分 知 不少 功時發 見者 別 以 0

子二我不解脫

亦憎生死 何 以故?有我愛者 。不知愛者 ,亦愛涅槃。伏我愛根為涅槃相。有憎我者 ,真生死故 0 別憎生死名不解脱 ,

謂以何故為一 身錯認也。此徵,下釋。 我愛者 ,四惑之一。 相

槃 則所愛涅槃,名不解脫。以未離我愛,是真生死,正為繫縛之法。故曰名 憎生死者,必愛涅槃。乃不知愛者,真生死故。是知為愛涅槃,別憎生死。 於我。是又有取憎於我者,為我所憎焉。如是則有憎我者,亦憎生死。然 常與四惑相應 宗指第七識,隨緣執我,與四惑相應。一者我癡。謂愚於我相 故應亦愛涅槃 四者我愛。謂於順我者,深耽著故。今云有我愛者,即是第七識隨緣執我 二者我見。謂於非我法中,妄計我故。三者我慢。謂恃所執我 ,謂之錯認 ,不亦宜乎?又順我者,既已取愛於我 ,自應不斷我愛,故云有我愛者。既有我愛,於順我者便愛 但勢必伏我愛根,為涅槃相。今現有我愛 。違我者,必應取憎 ,所愛者豈真涅 ,心高舉 ,迷無我故 故 0 0

不能 我輩雖未用 於覺, 前 亦復如是。皆是我相為害。 進。 後遇善 四相中愛證愛悟愛了愛覺,皆是我愛。略有少分證取,則障 功,不可不知此理。 知知 識 矯正 , 乃悟證取之非, 我相極微細 ,破之極難。用功既久, 則又 以悟為究竟, 不能 前 方得現前 進 於真修 於了

不解脫

子三法不解脫

云何當知法不解脱?善男子!彼末世眾生,習菩提者 ,以已微證

大方廣圓覺修多羅了義經講義附親聞記】

為自清淨。猶未能盡我相根本。

誻 蘊淨 呼召 既我相根本猶未能盡 餘覺所 我相法相 7 故 相 但用何以故而徵之。謂如上所說者, 中悟 故以云何當知等而徵之。 為自清淨 而釋成之。末世習菩提者 ,悟則自計我淨,了則自計人淨,覺則自計生淨,故云為自清淨 講 了者,即是一切業智,正是我相 ,生相中了 , 首 句 俱未解脫 ,即是法相 |徴詞 0 ,法相豈能解脫 , 0 與上二大不相同 壽相中覺,皆有分證之相 然我不解脫 0 雖是法相 ,即求成聖果人也。 佛意以前說經劫修道 , 0 如上已明。云何當知法不解脫 , 以此應徵 根本 何故爾耶 。上二俱是約已說者 仍未離我 , 故曰猶未能 , 義 相根 0 ,稱之曰微。 以已微證者, 此是約未說者,令其明 ,不能成就聖果 可 本 思知矣 , 盡 謂是我之法故 ,未能便了 0 然證則自計 然既以已微 我相· 中證 故次 唯

本是 未 空 好 微 , 事 不能 細 記】前就我執麤 之 相 出 但 未 自 世 盡 以 0 為 法 , 執 能 便是我 證 未 四相 能悟能了能覺, 空 相 , , 說不解脫。 根 不 本 能 0 證 有此 大乘 我 聖 此復就 則所證所悟所了所覺, 相 果 , 0 法執 便是生 修菩提 細 一死根 之 四 道 相 本 , , 說 0 必 上 先 不解 便成法執 來 明 證 無 脫 悟 我 。夫我執 了 之 是猶 理 0

癸三驗知我根未盡

能

盡我

相

根

本

屯

若復有人 , 便生瞋 , 恨 讚歎彼法 0 則 知 我 。即生歡喜 相 , 堅 固執持 0 便欲濟度 0 潛伏藏識 0 若復誹謗 , 遊 戲 諸 , 彼 所得 曾

不間斷。

遊戲 第 忘也 法 喜 如行戲也。曾不間斷者 便欲訶責 修習彼法 可執 八見分 正是法執未脫 0 如 藏識 講 , 世間賊人。無可盜,則潛而伏之。有可盜,則任運無畏 故 ,不待言而知故 , ,望其同得也。若復誹謗彼所得者, 此雖驗知我根未盡 自應潛伏藏識 , 潛伏 即是第 。及至諸根纔動 0 便欲濟度者 八阿賴耶識 ,恆審思量我相隨故 0 。則知我相堅固執持者 又潛伏者 , 實借此以證法未脫也。 0 , 相宗云:第七內緣第 方便開 , 隨於彼之六塵境上,任運執我 ,對下遊戲 示 0 , 便生瞋恨 濟其怠惰 而言 ,謂執所得之法 0 贊美彼法 蓋以諸根 八見分為 ,亦是法相未忘 , 度令精勤 ,如玩遊 不動 我 ,不令遺 , 即 故 既是 欲其 生歡 , 無 0

寶愛是執 識之見分 從 無量劫來 記】此正試 , 守護是持 , 六塵是八識 我相 驗 根本,伏於八識 善知 0 潛伏於藏 之相 識 之人也。 分 識 0 金 0 田中, 遊戲 剛 順 經 云 於 一逆, 一時如 六根門 於此 凡 何易斷 頭 所有相 便可 , 六根 。時時寶愛,時時守 驗其我 , 門 皆是虚 頭 之見聞 根之盡 妄 與 覺 0 未 唯 圓 ,是 盡

著 Ü 大士,當下打 即是我相 方 我 。淺則 相 破 根 0 雖 本 不能出三界,深則不能成菩提。 遇好境界當前,不可以言言, 諸 君 以 後 用 功 , 切 宜 留 意 0 要緊要緊! 即遇 不可以識 微 妙 境界 識者 0 , 亦 不 決 可 取 不 生取著

已二斥迷無功勸修

庚一分類為斥

辛一斥有我無功

善男子!彼修道者 知我空,無毀我者。有我説法,我未斷故。眾生壽命,亦復如是。 ,不除我相。是故不能入清淨覺。善男子!若

俱空。 法 恐謂不除我相不能入覺,已知彼修道者,雖修無功矣。且畢竟如何能 我相 故曰若知我空。謂證知空無我理,既能證知空無我理,自然聞毀不瞋 入清淨覺 無毀我者。既已聞毀不瞋,聞讚又復何喜?設若聞讚生喜,許以濟度說 則是有我說法 而 設若不除我相 講】初承上正明。謂如上所說觀之,而彼末世之修道者,必要斷除 如是則證悟了覺,乃隨分入清淨覺矣 云眾生壽者 讚喜謗瞋 , ,是人之我未斷故 亦復如是 , , 即其證焉。 則證悟了覺,不離我人眾生壽者。以是之故,不能 0 以是而 其次下,據理反顯 。既我未斷 知 , 我相既空,則後之三相 ,人等亦然 。謂反顯能 故爾超 入淨 入 郭? 覺 , 故 齊 0

0

根 根 則 0 不 亦 不 除 不 除 能 記 , 修 我 服 前 藥 相 道 無 發 , 0 莫道 明 功 四 相 兩 0 是 生 故 種 先 死 病 四 須斥 不了, 相 , 勸 ,若廳若 迷 修 即 是 0 世間 斥 藥 迷 細 0 法 即 然 , 皆 亦不能成 折 必 伏 指 須 門 斷 明 病 除。不修道 , 辨 勸 源 修 0 , 即 方 知 我 攝 可 空 受 服 則 門 藥 不 , 便證 能 也 0 斷 末 0 我空真 我 世 除 是 眾 0 生 不 生 死 知 如 之 病 病

辛二斥說病無功

真

如

絕

對

待

故

增益諸病 善男子!末世眾生 ,是故不能入清淨覺 , 説病為法 0 0 是故名為可憐憫者 0 雖勤精

,

華亂墜 講 ,殊不知所說者是病 末世眾生 ,不了四相 ,非正法也。 0 為度眾生,而說自所得法 何者?以彼說自所證之相 。任爾說得天 ,境界

故 為 修習趣淨覺果 若有所悟情形可露 難 法耶 思 然說者雖精勤說法 0 若有境界當情 ? 如 近則是以盲導盲,是故名為 皆為增益諸病。蓋以我相未斷 , 便是人相 , 便是我相 ,為度眾生, 0 說 0 了說覺 如其說己所悟情形 作淨覺因 可憐愍者 , 即是眾生壽者二 , 0 人等相 而聽者亦精勤研究 0 以其說者聽者 ,以教 因 0 以是之故 相 人依之悟 0 豈非 , 兩 , 信解 道 無功 說 病

末世眾生 智 鈍 見淺 0 不 知 證 悟 了 覺 , 即 是 四 相 故 所 說 病

能

入覺者此也

大方

廣圓

覺修多羅

了義經

講

義附

親聞

記

辛三斥竊德無功

終不成就

善男子!末世眾生,不了四相,以如來解;及所行處,為自修行

行者 俱墮有為。清淨解行,終不成就。亦何益哉! 而修,便執為自己修行。是為竊取如來之德,以為己德。殊不知四相不了, 行處為自修行者 ,名為淨行。 【講】首句,謂彼於我相根本未盡,不能了達四相皆空也。以如來解 , 而眾生不了四相 謂如來於因地,久空四相。有所解者,名為淨解 ,乃依佛所說之理而解 ,依佛所說之行 。有所

前 以如來解行自修,不能清淨。便是竊取如來能解之智能行之德,於已終無所益也。 ,是為淨解。雖有所行,並無住行之相,是為淨行。末世眾生,不了四相 記】如來所證,是清淨涅槃。所悟,是清淨妙行 0 雖 有所 解 ,並無 境界當

生未斷我愛 或有眾生 未得謂得 ,是故不能入清淨覺 。未證謂證 0 見勝進者,心生嫉 0 由彼眾

辛四斥增慢無功

乍斷迷識四相 講 首句 纔離分段生死。相似涅槃,而實未得清淨涅槃。即便自謂 ,即指增上慢人也。未得謂得者 , 約涅槃斷果說 謂 此人

者,則心生嫉樋。謂嫉我不能,妒彼勝我。此皆依於我相。故曰由彼眾生 未斷我愛,細相我愛也。是故者,以是未斷我愛之故,四相競生,淨覺如 相似菩提, 已得。未證謂證者,約菩提智果言。謂此人乍斷我執煩惱,纔證偏真覺性 何能入。故以不能結之 而實未證圓滿菩提。即便自謂已證。設見有勝於己,更希前進

【記】嫉妒,是惡心所,即煩惱也。全是眾生見解,故曰未得未證

庚二警策正修

諂曲嫉妒,對境不生。彼我恩愛;一切寂滅。佛説是人漸次成就 求善知識 但當精勤降伏煩惱,起大勇猛!未得令得,未斷令斷,貪瞋愛慢 善男子!末世眾生 ,不墮邪見,若於所求別生憎愛,則不能入清淨覺海 ,希望成道,無令求悟。唯益多聞 ,增長我見 0 0 0 ,

終不成就。況且唯是要益多聞,仍復以文字之學,便謂自己發明,故謂增 長我見。是反成所知障,自障其道矣。但當下,策令應急斷惑。但當精勤 ,即是成佛正因。今乃無令求悟,則是迷於正因。漫說不修,縱使修習, 既發心希成道果,應須先悟自心。依本經即是淨圓覺心也。依此心修

講】文有三節:初警示趣果迷因。末世希望成道,則是已發菩提心

指示 能入清淨覺海 若於所求時 誠 迷智四相 故 四相 上來理由頓悟 也 者已得也。果其彼我恩愛等,一切寂滅,則是迷智相盡,所謂未斷者已斷 勇 得相似涅槃,救燃眉之急故。雖救燃眉 下文即唯以斷惑為急務也。降伏煩惱者,謂先空迷識四相,略顯我空真如)。諂曲嫉妒 切諸法 ,名之為隨 、謂進修不退 ,不管悟與不悟,但當精一其心,而 謂毫釐之差,千里之謬。漸次成就,恐落歧途 ,方能不墮邪見。又求知識 務須令斷 ,證法空真如 教化眾生,成就大圓覺心。 , 不取知見,別於種性高低處而憎愛 0 0 ,即小隨煩惱。 ,事必漸除 而對境不生者,種習俱盡故。設不盡者,未必對境不生也。 覺而云海者 0 , 猛 果其貪瞋愛慢等, 、謂冒難不屈 0 所以佛即許以漸次成就矣 。若是人者,先空迷識四相 以海出 各別起故,名小。但隨貪等分位差別等流性 ,但取其知見真正 0 眾流 對境不生,則是清淨涅槃 未得清淨涅槃 如首章云有大陀羅尼門, 無異緣。勤勞其身 ,猶慮焚身。 , 流流入海 ,猶是我相未盡 ,不論其種性高低 0 0 , 故須求善知識 求善下,教以親友輸 故又勸以起大勇猛 務須令得 0 ,證我空真如 喻彼大覺心 ,而無怠志 , 名為圓覺 0 所謂未得 未斷迷智 故云不 ,開導 出生 0

流出一切等。今取喻如海,良有以也

最 之 若 愛否?對 境界當前 故 思惑也 何 功 相 益處 二部 彼我恩愛等 根 日 不 本 起大 , 但 宜 雖 難 ? 看 0 , , 記 保 於 勇 幾 故 除 既 既 但 末 他 對 猛 就 斷 欲 部 世 不 , 人 尊 , 生 而 於 煩 希 文 語 世 0 一眾生 , 能 對 順 惱 望 錄 欲 字上討 說 0 故 於 境 知 成 無 切寂滅 , , 亦須 涅 已 不起慢否?貪瞋愛慢,為根本煩惱。 道 0 富貴者 , 令 打 破廳 能 槃得否 生 幾 求 不 , , 不 活 白 肯 加 須 悟 便是無明 注 , 相 依 機 用 起貪否?對於 0 0 意 , 我 功者 能 自 縱 鋒 此 無 不諂 執 己 有 0 , 果其貪 明 _ 究 語 , 0 已斷 斷 最 然 念 知 與 固 曲否?對於 自 半 關 否?自己 不 不 不 也 瞋 逆境 過 生 解 己 緊緊 必 脫離 癡 之 , 何干? 要 說 等 皆從 , Ü ! 0 亦可 勝 能 分 而 即 即 , 我者 段 須 對境不生 他 肯 不 修 如 起 試 生 人 知 近 用 0 學來 我 驗 死 降 來 , 諂 瞋否? 功 能 伏 參 者 相 0 , 曲 ; 並 , 煩 未 襌 不嫉 即 不 , 嫉 如 往 對 忘 便是涅槃已得 可 惱 之 妒, 平 妒 於 即 者 非 人 往 , 否? 養屬 . 先 常 自 是小 以 任 , , 臨事 此 己 汝 欲 煩 未 此 為 曾真 求 惱 證 閱 隨 , 竽 能 究竟 得 盡三 之 悟 煩 , 盽 不 實 即 0 惱 0 起 有 藏 細 見 用 此

戊二偈頌

己一頌示迷執四相

爾時世尊,欲重宣此義,而説偈言:

淨業汝當 知 切諸眾 生 , 皆由執我愛 , 無始妄流轉 0 未除 四種

【大方廣圓覺修多羅了義經講義附親聞記

相

不得成菩提

0

我起 果非真,菩提智果焉成,故不得也。 轉於分段生死 顯我愛當除,無始妄流轉者,謂從無始來,凡夫執我愛,而起惑造業,流 。長行云:伏我愛根,名涅槃相。今既四相未除,我相仍在 講】首句告以當知,我愛不可不除,四相不可不斷也。次二句,正 。皆如空華,同歸虛妄 。後二句,正顯四相當斷。四相皆由 0 涅槃斷

【記】麤相我愛尚在,不能了分段生死。細相我愛尚在,不能了變易生死。

庚一頌分類斥己二頌斥迷無功勸修

愛憎生於心。諂曲存諸念。是故多迷悶。不能入覺城。

進,故多迷悶 愛憎二字,乃義頌有我。謂順我者愛,違我者憎故。諂曲句,義攝後三。 以說病為法,有諂媚聽者義故 謂門通四路,出則可行。喻既證圓覺,仍思度生,隨方皆可到故 0 謂途中多迷。進城則覺。喻已證圓覺,如金出峯,再不復重為峯故 講】準長行分類斥有四:一有我。二說病。三竊德。四增慢。今以 。既迷且悶 ,覺城安入?故總以不能斥之。覺而言城者有二 。竊德增慢,有曲護己短義故 。是皆有礙勝

庚二頌警正修

記】愛憎諂

曲

皆是我相。不除,則心不清淨。故多迷悶

若能歸悟刹 有 , 憎 愛何由生?此 ,先去貪瞋癡 人求善友 0 法愛不存心 ,終不墮邪見 ,漸次可成就 0 所求別生心 0 我身本不 , 究竟

非成

就

小 究竟非真成就 終不墮邪 順我者不以為順 空,是已達空無我理也。既達空無我理。則違我者不以為違 依此 圓覺 可成就是也。 長行尚有愛慢嫉妒諂曲等病 去貪瞋癡者 也 則 悟剎 而建立 , 而為 講 執成 0 設若於彼所求 即 悟剎 準長行有四 四相。不存心 , 0 四則教以近友輸誠 勸空迷識四相 法愛不存心者 所悟之境 以彼 ,愛何由生。如是則求近善友,必能輸誠 0 則成佛之正因具矣。何迷之有?次則策令應急斷惑 既有憎愛 , , 首則警示趣果迷因 以圓覺妙心為悟境故 0 ,則解入淨覺 別依種性高低等 , 0 , 勸斷迷智四相 ,即是我相之根本猶未盡故 皆在三毒中所收故 四相總由我起,今云貪瞋癡 。我身本不有者 。三則許 , 0 。今既若能歸悟 然證悟了覺 而生憎愛之心 。若能反彼無令求悟 以漸次成就 ,淨覺成就 。此皆迷識 0 , 皆 蒙彼開示正見 , 皆為 剎 而 0 , , 0 憎何由生 縱有所得 了達五蘊皆 即今云漸次 有 屬我相 法接愛 歸 , 四 , 相 歸 即 0 0 , 準 先 亦 順 順

記】迷識

四相,

皆以

貪瞋癡為本。遇

順則貪,遇逆則瞋

,

遇中庸

則

癡

Ξ

其餘 貪為 實道破 我 又 各無性 起 毒皆屬 安能 身 0 若是他 不 可 自 有 生? , 以 ,雖共亦不能生。若為自他不共生,則是無因而生。 我 生 類 說得乾乾淨 耶 相 身 然 生 推 ? 0 然皆因 尚 則 0 , 為 則 虚空生耶?虚空無性 法愛既空, 不 他 · 有 又與我何干。若為自他共生,則自他既各有性 生耶 境而 淨 , 憎愛 0 ?自他共生耶?自 若 起。當其 微 能 從 何 依 細 此用 而 四相 , 起時 生乎?此 功 亦空。蓋我身是無明 , 何 , ,正可用法 從而生?如此 何患不能成就 他不共生耶?若為自 章將六凡眾生 對治。如起一 四 !所謂離 變現 處推 以 內既 至 出 尋 ,無明 無 生 念貪心 相者 世三 , 則 心 , 何必 , 聖 性 貪 外又 何 之 空 0 共生?倘 須 N) 病 , 自 對 試 無境 境方 思此 空

病 邪法增 心 跪 於是普覺菩薩 意蕩 除我相 叉手 ?云何發心 丙二示除 前 熾 然 謝前請後 而 白佛言 已 0 病 獲大安隱 使諸眾生 顯 性 ,在大眾 , 令彼群盲 :大悲世尊 普覺章 0 ,求何等 世尊 中, ,不墮邪見?作是語 !末世眾 !快説禪病 即從座起 Ĺ , 依 生 何等法 ,頂禮佛足。右繞三匝 , ,令諸大眾 去 佛 , 行 漸 遠 何 , 等行 五. ,得未曾 體 企工際 投 , 要不外乎 地 除 伏 , 長 去 有 所以 何 如 0 切

是三請,終而復始。

識也 蕩然 哉 之順行逆化,道跡良多。設不得如來明示,難免誤認。故初問使諸眾生求 者。然亦有乘大願力 世尊至邪見,慮後詳請。眾生去佛漸遠者,謂正法流行之際 得 何等人 或伏藏於海隅 趨愈下,卒至不可返矣。當斯時也,賢友逃形,聖師不作。 猶未及遠 向未曾說者 世尊。快說禪病者,快字,應作慶幸之意。是菩薩代眾慶幸之語 前成益 !佛之所說 0 執則 ,謂空洞無礙也。淨覺入於言下,故得大安隱,謂解脫自在也。三、 講 然既求其人 。 蓋求佛於順行逆化眾多人中 。為憐末世眾生 成成病 。至於像法 文有四節 ,今乃說之,故云令諸大眾得未曾有 ,不自覺知 ,真為末世之禪病語也。蓋以證悟了覺之四相,皆由禪定而 。正教既其衰微 ,必依其法。 ,來度迷津。故上章教以求善知識,不墮邪見 ,則去佛可謂遠矣。況今更歷末法 , , 說病為法。今假現前大眾 。今蒙如來開示 ` 於是至佛言 ,邪法自爾增盛 但恐其所說之法 , 明明 ,眾中具儀 ,深悟迷智四相 說 出 。如火熾然 0 ,未必如其所得 ,當求何等樣 四相融於胸襟 。二、大悲至安隱 ,預為開導 ,則去佛漸遠 , ,鮮有不被其焚 或潛形於巖谷, 快何如之 ,雖則去佛 X 故稱· ,猶云快 故心意 故 。但彼 次問 善知 大悲 , 愈 , 謝

說出於權、實 法 紅 故今詳問 邪見者 自己發心 所得真似道中 但慮所得之中 出於彼所行多門行中,當行何等之行,而為專習。又既行其行, 依 ,必行其行 何等法 , 自明所問意也 。謂 0 0 但發心有權 果蒙如來開示 ` 0 求佛說 , , 頓 但慮其行有多門, 當去何等似病 道分真似 、漸 出於彼所說法中,當依何當之法而為教儀 0 ` ` 偏 實 言末世眾生 ,自令不墮邪見 ,藥病雙關 員 ` 頓 , 而存自 ` ` 中 習難並技。故三問行何等行 漸 ` , 0 ` 當云何發因地之心。令彼幞盲不墮 無智自辨 偏 他兩利之真藥 故四問去何等病 0 ` 四 員 、故後問云何發心 、作是至復始 , 動陷邪途 0 又既得其道 0 謂求佛說 , , 至三 猶如盲兒 必有 0 謂求佛說 。謂 又既依 一顯慇一 出於彼 所得 還須 其 口 0 0

亦是一念之妄 病 Ξ 代眾請問 明 眛 本 一 也 0 教聖人空迷 , 性 Ξ 。 金 , 記 眛 本 此 圓覺 自 剛經云: 想 即 員 為下根人除 智 定也 經 0 明 四 中 雖 0 相 云何應住?住真覺也。 _ , 為 0 是離 ,亦是除 然禪定功夫 所談修證 病 病 所 相 障 顯性 , , 病 一是除病 , 故 0 。蓋前章 定功為多。任修 不得 , 所 執則 說 現 四 種 , 成 0 四相 文相不同 云何降伏其心?即降伏妄想也 病 除 病 0 病 , ,是出於 皆是用功時 前章教凡夫空迷 即 何法 所 以 0 而 離 , 一念之妄想。 破妄想以顯覺性 祇 障 所起 要一門深 0 普覺菩薩 識 之妄想。各人 四 相 λ 此 , 知 章 固 皆 此 四 其意 現會 是 可得 病 妙

0

時 少 善 定 固 滅 為 執 者 也 大 無 度後 者 於 伅 亦 法 友 境 眾 病 得 良 以 此 不多得 , 人 普覺菩薩 皆聖賢 0 , 邪 於 眾 正 解 初 離 不 為 師 弟 為 發 生 五 法 脫 指 能 犯 Ü 根 像 百年 者 正 導 此 0 린 所 第 將 無 , 器 法 不 竽 , , , , 易 · 病 自 此 四 病 絕 以 二千年 則 , , 切莫 等病 病 愈趨愈下 五 用 作 諸 對 也 己 0 當藥 百年 分分 待 法 第三五 功者多一生 病 0 辨。 中 上 何 , 不 , 0 故 生 覺照 普覺專為 方 以 0 , , 而 發 能 去 百年 故 0 則多聞 , 尤以求得師友為難。 邪 佛 免此 錯 ? Ü 即 , 百 欲 可得 請 生 漸 原 以 , 熾盛 錯 者 問 末 遠 惟 亦 0 有 無 大 解 易 所 世 亦寥寥 尚 之患已 此 , 0 蒸沙作飯 凡 得 多 脫 不 除 病 而 ,爭鬪繁興。 聞 但 在 請 ら い 0 0 0 自覺 0 故 用 故 如 普覺菩 然 , , 是 僅 稱 故 功中 好 在 0 塵劫難成 0 知 在 解 除 當 開 , 蓋末世為師者, 建 並 薩 今 文 脫 非 口 , 初 塔造 智眼從 則 字 堅 欲 為 無 員 用 即云末 覺諸 上 固 正 憐 非 覺 功 像 著 值 0 末 犯 大 時 0 來未 ·世眾 未 此普覺所 第 力 第二五 得 士 , 求 世 , 五 來 眾 少為足 諸 0 , 莫 生。 徒 開 五 福 , 生 內 病 者 道 百 皆 , 百 故 , 不 以 以 多 覺者 年 解 年 稱 執 有 於 為 之 病 代 人於 , 普 脫 師 病 為 , , N) 0 請 為 禪定 覺 者 蓋 修慧者 , 功 , , 法 若 修 末 即 外 知 說 夫 直 堅 遇 覺 禪 病 不 禪

來 爾 時世尊 如是修行 告普覺菩薩 0 能施 末世一 言 : 切眾 善 哉 生 善 哉 無畏道眼 善 男 子 ! 0 汝等 令彼眾 乃 能 生 諮 , 得 問 成 如

欲

覺盡未來際眾生

,

可

謂

懇

切

之至

丁二師資緣合

聖道。汝今諦聽,當為汝説 。時普覺菩薩,奉教歡喜。及諸大眾 ,

默然而聽。

眼 許喜聽可知 生開正知正見,遊正修行路。 病發心,皆為成就修行事故。菩薩前來五問 故稱之曰,乃能諮問。於五問中,獨言修行者,以前之求人依法,後之去 邪宗。善哉問也。理合重言。若非乘大願力,發普覺心者,何能如斯致問 ,義似普覺菩薩施之。故世尊讚以能施無畏道眼 講 現前大眾,因面授而開正知正見。末世眾生,因傳說而免邪教 眾生得眼 ,則前途無畏 。無非求如來施正法眼 ,令彼得成聖道也 ,聖道可成 0 如此道 ,令眾 0

【記】得無畏道眼,是聖道因,故可成聖道果。

丁三應求開示

戊一長行

己一示求人

庚一正示求人

善男子!末世眾生,將發大心,求善知識 正知見人。心不住相,不著聲聞緣覺境界。雖現塵勞,心恒清淨。 ,欲修行者。當求一切

示有諸過,讚歎梵行。不令眾生;入不律儀。求如是人,即得成

就阿耨多羅三藐三菩提

清淨 中。 即不律儀等事。此言善知識為度有過眾生,必先示有諸過。與之相依相附 勞之相 塵勞即是煩惱,如貪瞋癡慢等是也。此言知識為度塵勞眾生,必先顯現塵 學者,親友知識,偏責知識之短,不取知識之長。纔捨此而至彼,復嫌彼 等人。吾今示汝,當求一切正知見人。然正知見人,當以二法驗之。一者 恐墮邪見。其意必是求善知識,欲要依之而修行者。汝前代問,令彼求何 乃為之讚歎梵行,而開導之。至觀其依附之久,再不令彼眾生入於不律儀 而逝他。徒費草鞋,空勞身力。試看世尊開示金言,雖現塵勞,心恆清淨。 依如是人,自不被邪見所惑。雖現下,指出所求之人,以明利益。孔子曰: 心不住相,不為人天福報所迷。二者不著聲聞緣覺,不為小乘因果所滯 『三人行,必有我師焉。擇其善者而從之,其不善者而改之』 此皆示現同事,新學宜應知所辨焉。亦即所謂四依中依法不依人也。 ,而塵勞不與焉。又云示有諸過,讚歎梵行。不令眾生入不律儀 ,與之相親相近,乃以權巧方便等而攝化之。至觀知識之心,恆常 將發大心者,謂欲要發大乘心,尚未敢發。以苦無知識引導 每見近時

等菩提 根 求 如二句,乃世尊結答之語 ,有德操之人,方堪引發大心,導以正修。即可因此正緣,得成無上正 。由是觀之,善知識為益良多,誠不可不求也。 。汝前問求何等人。我今示汝必求如是具大乘

當家 為 覺 少用 抑 親 單 此 已 可 相 說皆是 知 識 等人 十二 難得 近之,莫道不能得果,即得果矣,而末世苦惱眾生,誰去度耶?故須不著其境 天 宗 否 , 此 二 ,請其開示 人 不 , 必 耶?故當以二法驗之。且末世善知識 開導,不 【記】末世正衰邪盛。發大心最不易。且不宜驟發。若要發大心 宗眼 因 衹 福 豈易得 知 。其 病 語 性宗 緣 報 者 近 知 建叢 乃 未 Ŀ 而 所 知 知如何方謂大心也。即遇善知識已,初 因其不 者 開 再 悟 迷 用 哉 。不要一念高興便發。故世尊說出一將字 者。 見正 道 林 加一 者 以 0 。又有議論甚好,不曾實行者。若語言句 世尊特因普覺之問,不得不如此說耳。心 0 , 0 驗善知識 造大 二者皆能超出生死 能了生 有宗教俱明白,未能博覽經 切二字,則尤難!蓋有通宗而 , 如僧家當參學時 口才好,雖有此類人,又不易值 剎 死也。聲聞是阿羅漢 ,一味以福 之法也。末世善知識,有見地未深 ; 非 利勸人。是即住相之 , 豈非甚 不清高 ,有有功夫 好 0 典,但通性宗不通相宗,或但 聞 迨出 不通教者, 0 不 四 然無大悲 而 知 諦 而 。 此 果是 無辯才者 ,最妙 而 句是正 任事 悟 病。 末世之苦也。正 不住相,不著聲聞 正 道 Ü 有教義 , ,為師太早,不免 知 。何以 0 此等長老 大則 見 實行步步是 , 緣覺是辟 墮無為 有口 之善 方丈 明 故?若 ,先求 才利 白 知 坑 , 小 支佛 ,學者 無善 功夫 知 善 而 正 耶 知 則 見 知

大 方 廣 員 覺 修 多 羅 3 義 經 講 義 附 親 聞 記

世

眾

須

發

大

Ċ

成

佛

果

也

多羅 提 而 之 行 也 須 現 現 及 雖 宗 正 下 邪 覺 知 諸 事 埶 門 後 0 0 0 0 , 說 親 蓽 得 故 N) 況 學 過 善 易 應 乃 惱 乃 以 者 華 稱 正 當 其 近 者 上二 示 世 不 知 於 , , , 苦 言 是 略 善 Ξ 能 有 此 N) 識 辨 尊 上 藐 真 為 當 若 老 本 加 故 ら い 諸 知 , 識 指 種 也 引 善 常 Ξ 云 性 解 過 識 耹 乃 清 0 , 示 人 藐 正 然 菩 釋 誘 為 其 為 令參學 0 , 涼 逆 所 , , 菩 覺 眾 阿 二 提 必 有 分 說 之 行 求 住 0 , 薩 字 此 生 法 别 說 特 0 大 法 者 相 ` 0 之 華 位 正 此 句 乘 戒 借 者 則 法 人 0 , 0 , , 是 言 覺 次 Ξ 性 烏 菩 = 末 則 此 搬 墮 0 往 0 者 薩 義 無 甚 藐 眾 梵 可 世 盡 以 往 善 人 則 石 也 多 眾 語 試 運 生 以 0 力 _ 現 知 天 , , 華 二 常 生 贊 片 木 法 出 , 同 方 人 識 0 , 言 乘 情 其 無 上 具 須 敢 歎 清 之 種 有 小 , 0 持 復 由 測 善 上 往 涼 有 稍 順 乘 正 之實智菩提 0 如 種 有 筝 而 戒 正 惟 下 度 此 往 無 不 塵 行 則 , 竽 學 引 上 戒 之 也 為 講 耶 真 如 勞 墮 逆 0 梵 正 妄 起 其 善 誠 意 無 , 0 因 人 化 0 0 覺 念 縱 其 行 必 0 本 不 知 λ 與 二 為 , 如 也 Ξ 可 如 所 經 善 識 勝 立 從 四 否 種 , 0 0 菩 唯 菩 0 蔽 稱 至 可 耳 皆 相 , 之 , 加 前 佛 耨 薩 提 此 順 知 然 皆 方 呵 句 此 順 , 0 以 多羅 真善 獨 不 其 責 之 而 空 可 行 善 容 行 不 , , 平 華 稱 Ł 方 則 示 學 親 不 無 赤 者 , , 求 筝 能 言 出 諸 為 病 難 知 者 即 山 近 0 , , 為 正 度 有 是 可 而 下 現 阿 識 肯 語 , 0 , , 覺 學 見 不 化 但 耨 生 所 過 也 耐 塵 有 言 是 0 此 能 求 多羅 其 妄 故 謂 中 , 煩 法 動 0 0 為 自 念 依 乃是 忍 之 加 過 更 為 勞 作 雖 成 有 利 為 現 Ξ 相 阿 切 示 法 則 之 老 現 就 字 平 前 藐 甚 而 邪 如 不 逆 作 塵 _ 0 人 端 覺 易 竽 不 Ξ 幻 依 化 種 苦 然 端 勞 , 耨 利 菩 乃 之 人 權 示 面 為 以 , 0 E ,

庚二兼示承虫

中 屬 末世眾生 0 , 常現清淨 若善男子 ,見如是人 ,於彼善友,不起惡念,即能究竟成就正覺 0 乃至示現種種過患,心無憍慢。況復摶財妻子眷 ,應當供養。不惜身命 ,彼善知識 , 四威儀 。心華

發明照十方刹

0

供養 身命 況 也。然知則必能做行 作折伏 為其作準作則 令入佛道故 行。於四儀中,示現種種過患 善知識 復句 。見之尚不生於憍慢,況復出家知識,貪著摶食及與財物。在家知識 0 講】文有二節,初明承事,見如是人,已知得成菩提正緣。 修行其法 謂敬修四事,不敢有違故 ,見其能如是故。則示之以順行。於行住坐臥四威儀中, 彼諸眾生 重況輕之意 0 設不知者 ,令彼眾生依而習之。乃至轉為種種過患眾生,則示之以逆 ,故云不惜身命。 ,雖見此等,心亦無有憍慢。謂已知其先以欲鉤牽 ,順逆皆能修也。不知則唯堪順修 0 , 言種種過患 必生憍慢 ,如殺盜淫妄等。乃急於為之讚嘆梵行 0 然又以諸供養中 謂縱有喪身失命因緣,亦不顧惜也 0 憍 ,事賅殺盜淫妄, 、謂矜己勝彼 ,法供養最 0 ,則劣於知識遠矣。 乃違犯律儀之最勝 慢 ` 謂輕彼不及我 常現清淨, 。如是拚捨 故應當)。 彼 , 而

彼善友,所示過患 切惡念皆不起也。 愛染妻子及與眷屬 善男子,次明獲益 ,不起惡念。足見此人正念純熟,心地清淨, 0 縱有違犯律儀 , 尚無大過 。亦世尊結答之語。 。見之不唯不生憍慢 謂 汝等當 隨 因感果 知 , 於 而

即能究竟成就正覺,契真心也。從此智慧心華,開發明曜,普照十方剎

成佛度生、不外是矣

養善 恐 諸 Ü 不 心不堅固 之 故云應當 供養。今安得不供養善知識耶?修行人須福慧雙修,求法於善知識,是修慧 內 事 以 同 大 應供養。 外之事也。末世善知識,原是凡夫。其肉體與承事者無異。 順行 非 祖 本為求 知 【記】此文承上來,僅依附善知識,不算親近。更應承事。承事者,承奉 亦 師 導 自己 所 順 。今在末世,求遇善知識,實最難。苔遇其人,當以 ,一味簡擇 正 ż 示 是修福 因此善知 勿惜也。 法者無漏 . 逆 法 有過患也。示現二字,最宜留意。蓋彼見一 ,未易入道。特示現過患,引令親近,然後折伏之耳 眼 , 皆 , 0 得正 有 末世眾生,正 ,此為分別妄念。善知識 之因。壽者有漏之果。若能得法 我輩若得生正 識之正緣,獲聞正法 所 法 為 藏 。其種 學長不學短 法時 知見未開 種 化導過患 , 則得見諸大菩薩 。秉法修行,將來得證正果,亦受人天 ,遇順行易知 即不來化導之。須 依法不依人。依然供養恭敬 , 乃 縮德露 ,寧願捨壽。 法器, 疵 , 。若生像法 遇逆化 , 故於衣 供養佛 以 而 知善 試 惜 則 縱 學 者 食住 其習氣 親 知 不易 有喪失生命 時 而 有 識 近善知 則 供 . 藥 無 知 之作用 甚 養之。 四 得見 憍 0 事, 重 慢 其

大 方

廣圓

覺修多羅了義經講

義附

親

聞記

正道 。若能對逆化順行,不起憎愛。祇此一念,當體即是圓明。故云究竟成就正

己二示法病

庚一示依法離病

善男子!彼善知識 ,所證妙法,應離四病

妙法 行應行也。故示勸以應離。淨名云;但除其病,不除其法,亦此意也。 據前問處,分條別問 下別示。若能離病即是正行。依此修習,皆可入圓。此正示行何等行也。 涉入無礙,故稱妙法 於彼善知識所證妙法 ,即是可依之法 【講】承上業已開示,於彼善友,不起惡念,即成正覺。今復指示 。而今世尊答處,總示。以事善知識中,善知識所證 ,應當離於四病也。妙法,即圓覺 ,無別有法可依也不離病正行,即應行之行,更無別 。若依此法,不墮邪見。此正示依何等法也。四病如 。以其包羅法界

【記】此酬上文依何等法行何等行除去何病三句。

庚二示離病即正

辛一歷明四病

壬一作病

云何四病?一者作病。若復有人,作如是言:我於本心作種種行

欲求圓覺 ,彼圓覺性 ,非作得故 , 説名為病

妙行 是言。既有妄計 覺也。實不曾達彼先悟淨圓覺心,了知知覺及與根塵 本無修習,豈容作得 起諸幻 我於本心作種種行 觀者言。顯不修者無此計故。作如是言,蓋是從心起念,發如是妄計之言。 心作種種行。或因閱大乘經而起,或聞人說而起,不外眼耳兩根 【記】照文相看來 講 今乃虚妄計度 ,而開幻眾 首句寄言總徵 , 則修時必生此 ,此是錯會前三摩扨提章中之義,起種種幻行,欲求圓 。觀彼幻眾 0 0 , 故曰彼圓覺性,非作得故。說名為病 謬倣彼行。 四病非修時所生。皆是初修時,先存此妄計。故云作如 。次句標定 病 ,而起幻行,乃至幻相永滅 。此妄計乃自己對自己說 欲求圓覺,豈可得哉 0 若復下釋成 0 若復有人, ,皆因幻化 0 非對他人言也。 當. ,方滿菩薩清淨 知圓覺清淨 固其宜矣 指 , 所以即 類修

一者任病 0 若 復有人,作如是言 :我等今者 ,不斷生死 0 不求涅

槃。 圓覺性 涅槃生 非任有故 死 無起滅念 0 説名為 病 任彼一 切 ,隨諸法性

,

0

0

欲求圓覺

, 彼

【大方廣圓覺修多羅了義經講義附親聞記 我等今者,是妄宰已先定於中矣 。如此而曰不斷生死 則生死

3

0

故 故。說名為病 無修習,不妨以幻修幻,豈是任用隨他之所能有。故曰彼圓覺性,非任有 此無可無不可之妄計。而乃以之求圓覺,豈可得哉?當知彼圓覺性 諸法性 ,當知菩薩,不與法縛,不求法脫,不厭生死 ,而無求起之心。生死由他常輪,而無斷滅之念。一味任彼一切,隨 。而曰不求涅槃。則涅槃永背。而又云二俱無起滅念者,謂涅槃由他 。生死者任他生死 。 涅槃者由他涅槃。 此錯會第三章之文 ,不愛涅槃等義 , 0 覺成就 而自作 雖本

諸 生死無起滅念。果能如是,是已成佛矣。何以故?離念境界,即虚空性故 無 法性耶?必也不隨諸法相,念念照常寂,方得謂隨順法性。豈易及哉 起滅念,實為一種妄念。直是無求涅槃之念,無出生死之念耳。 【記】末世眾生。並未實悟,而妄發大心。乃有此不斷 不求 之言 如 何能 至 謂 。乃今 涅槃

壬三止病

性,寂然平等。欲求圓覺,彼圓覺性,非止合故。説名為病 三者止病。若復有人,作如是言:我今自心,永息諸念。得一切 0

我今自心永息諸念。其意以由諸念故,見一切法起動差別。設若永息諸念 講】夫一切妄念,無不由心而起。今欲永息諸念,豈從外招。 故曰

說名為病 清淨,本自離諸妄念,何庸更止念以求合乎。故曰彼圓覺性,非止合故 末文云,居一切時,不起妄念等義。而自表此永息諸念之妄計。殊不知息 念皆然。欲求永息,豈可得乎?而乃以之欲求圓覺,實不能爾。當知 愈勤而念愈多,纔起一息念心,則是妄念上又添一個妄念。一念既爾 是圓頓妙觀 則得一切性寂然平等。若果肯永息不起,則心體寂然,真智圓明 0 但恐未必永息,而惟有妄計虚想而已。如此必是錯會第六章 ,未嘗不 「圓覺

覺,息念是覺,動念亦未嘗不是覺也。 此息念之心,即是妄念。以妄心求合圓覺,愈合則愈妄 【記】果能永息諸念,原是極好 。但作如是言,並未實行。 。須知圓覺者,一覺一切 即實行 矣 , 而 起

壬四滅病

無所有 四者滅病 何況根塵虛妄境界。一切永寂。欲求圓覺 若復有人作如是言:我今永斷一切煩惱 0 0 身心畢竟空 彼圓覺性

非寂相故。説名為病。

身心受報,皆由煩惱所使。今欲斷之,使不再生。 作如是言:謂從自心中起諸妄計 ,作此永斷煩惱之言。 故曰永斷 一切煩惱 其意以 。 既

錯會禪那章中之文,斷諸煩惱,隨順寂滅等義 惱 況六根六塵及與法塵之虛妄境界,又安所存?故云一切永寂 非自語相違乎?故曰彼圓覺性,非寂相故。說名為病 則自無諸妄計。今則妄計一切永寂,欲求圓覺。既曰永寂 空無所有 煩惱永斷 ,忘身心,實行做去,未嘗不是。今則但有妄計 。然身心為根塵總相。根塵為身心別相。今身心既空無所有 ,則不起惑。無惑則無業。無業,寧有身心受報?故曰身心畢竟 。實不達彼以淨覺心修習 , 無濟於事 ,又曰欲求,豈 。若如果斷煩 如 此 則是 , 何

世尊開示 何 如 況僅作此妄計耶?此 菩薩之墮法愛。十方諸佛放大光明, 記】圓覺體雖 乃使末 世修圓覺人 不變,而作用繁興。覺體圓融,豈能永寂?永寂 四 病澈底看來。 ,得預先警醒耳 實非因修而得。 尚不能度他出來。即實行之,尚屬不是, 乃未修時之妄計。普覺請 則墮於 空 坑

辛二總示邪正

離四病者,則知清淨。作是觀者,名為正觀。 若他觀者 ,名為邪

觀。

後四句,評分邪正 講】首二句 , 0 謂上來所談四病之相,先須一一 結示清淨。謂果而能離四病者 , 了 知 。 則知彼是清淨修行 如我所說 無 0

為魔外行,名為邪觀 上四病 ,而修習觀行 。有志修行者,不可忽之! ,乃是成佛之正觀。否則不免錯入歧途,背涅槃城,

【記】看講義自明。

已三示行病

庚一示修行入圓

境,猶如虛空。了知身心;畢竟平等。與諸眾生,同體無異 善男子!末世眾生 彼善知識,欲來親近,應斷憍慢。若復遠離,應斷瞋恨。現順逆 ,欲修行者。應當盡命供養善友,事善知識 如

是修行,方入圓覺。

必令盡命供養者,恐彼四事不足,不能安心辦道 說者便 勿朝勤而夕惰 不入邪徑。應當盡命等,正誡勉之語。盡命供養者,盡其形命,供給所須, 善知識者,應指親近師承。乍親則解粘去縛,久近必拔楔抽釘,故稱 但取其賦性善良,與之共住,有彼此互相勸勉之益。故以善友稱之。 【講】末世,則去佛遙遠。修行,則多招障難。不假善友提攜,難免 ,不甚分疏 ,及日親而月違也。尋常稱善友為知識,呼知識為善友 。今經文既兩用,釋當類別。蓋既稱為友,應指同學等 ,相與切磋規箴,成其益 。隨

虚空 如貪 瞋 之 容生憎生愛於其間哉 益 語 侍 為 而 彼 엝 善知識 現順 0 故 , 順癡等 任去不復追隨 愚 或見其時 則 0 0 皆為 既 是 應斷 味 。依之修行 亦不因惡人 順 憍且 無 以 瞋 逆 障道因緣 知者 執弟子禮 0 管如 皆謂 恨 慢 至機熟 者 矣 , 虚 間或有之。 曲 , 0 , 空 自此永不求彼 。如是修行方入圓覺者,謂如我所說 而現逆。 順 若復遠離 ,離於障道因緣 **瞋**謂立 ,故各以應斷囑之。現逆順境者 , , 善侍 機宜 不待請 , 自能 一時 巾 , 蓋與諸眾生同 生忿 如云知識尚 權 了知善知識之身心 者 瓶 而 巧示現 來教故 , ,故名為事 或折茲憍慢 , , , 只此二語 恨謂結怨在心 故云方入圓覺 0 0 逆故 應斷 來近我 一圓覺性體 0 非逆 欲 憍 ,則是瞋 , 或應他 慢者 , 來親近者 , 我又 畢 , , 竟平 順 愚 ,順謂 , 憍謂. 何必 亦 $\hat{\mathbb{H}}$ 機 而 , , 等 限矣 菲 無知 感 , 或 無有異視 如是供養善友 往求 自高 順 戒定慧等 0 去就 者 並 大 0 然此 故 丕 其執禮 0 , , 慢 因 亦 兩 善人 又何 猶如 [憍慢 (或有 此二 謂 , 逆 有所 輕

習氣 知 自 識 著手修 種 子, 記 內 盡 障 命 與外障並發 因修行而 行 病多從修行 即 然 實 末 Ü ·世眾 始 之 發現也。上文已指示所求之人,所依之法 0 謂 而 也 必須良師善友,時時提撕警告 生 生 0 , 0 多虚少 今去佛世已二千九 修行無病者甚少。 實 故 世尊叮嚀告誠 蓋 百 餘年 以 八識 , 0 方不至誤入歧趨 修行人 ! 田 中 應 以 。既 往往往 真 無 量 實 已得 內魔 劫 N) 來 與 承 知 事善 種種 法

知 有三:一 0 識 善 知 則 外 本 識 彼 護善 上 或 既 藥 能 現 成 0 順 知 境 就 識 汝 。二同 , 知 之道 如 戒 定 業 行善知識 慧 , 汝 0 或現 亦當 , 。三教授善 逆 供 境 給 彼 , 用 如 之 知識 貪 需 0 瞋 要 癡 。 三 0 事是 無 0 貪 緣 瞋 不 承 , 可缺 癡 事 是 , 即 根 比 0 空 本 供 上 養 既 求 故 更 病 進 日

筝 猶 戒定慧是根 如 虚 文中 就 學 空 人 現 說 逆 所 0 順境二句 現 此二字貫上下文 逆 順 在善 , 雖 乃 有 就 識 不 善 示 同 知 現 ,謂了 0 識 順 然 其身 說 逆 知其境如虚空身心平等也。憍慢瞋恨發現 0 身 皆有作 心 心畢竟平等,亦就善 , 皆 為 度 生起 逆順 見 性 , 原 當體 知 無 識 說 樣 0 0 了 故 知 日 平

庚二示解脱除病

於

善

知

識

毫

無

所

損

,

於學者大有所害

病 故未解 男子!末世眾生 0 於諸法中 脱 。若 復有人,觀彼怨家,如己父母。心無有二 ,自他憎愛 ,不得成道。由有無始自他憎愛 ,亦復如是 **,** 切種 ,即除諸 子

0

始 故云由有無始等也。 怨親憎愛等諸障緣故 而 計我之心生焉 故稱之也 講】上文以供養善友,事善知識 由最初不覺之一念, 由計我故, 無始者 。以是而知,末世眾生所以不能成道者,非無所 , 妄分自他 直指最初一念不覺。 · 以為 ,依之修行 0 無明之根 設有違自而順他者 至今遠之又遠 ,方入圓覺者 依根. 無明 便生憎心 迷心成識 ,謂其無 不得其 大

大方

廣

圓

覺修多羅了義經講

義附親聞

--

能行 至愛 之最可愛者。今云觀彼怨家,如己父母。則非唯不起憎,而又轉至憎以成 遇則有損,乃人中之最可憎者。父母者,係至親於身,依則有益 解脫 興 曰心無有二 亦可知矣 起憎起愛 有違他而順自者 ,能為障道緣故 ,其相云何?故云若復有人,為借人以示相故。怨家者,懷勝怨於心, ,亦不過除其現行;而識田之種子,仍未解脫 ,則憎種盡矣。憎種既盡 |。熏成一切憎愛種子,納於八識田中。漫說不知修行 0 , 種現習既得俱盡 則諸病悉除。於一切法中, ,便生愛心。於人既爾,於法亦然。由此而於人中法中 。是知欲成道果,必將識田中之種子,盡解脫也 ,則歷一切逆順境緣 ,則愛種不言可知 自他憎愛 0 , 自然不生取捨二念。 種子既盡 ,俱不現前 ,道云何成?以遇緣即 ,則現習不言 ,縱使能修 ,故曰亦復 ,乃人中 0 得盡 故

子 始 即是我執。我尚不空,何況於法?此科發明自他平等之相,即圓覺經中之大用。 以 來愛憎 記 】末世眾生 種子。 種子未空,念念受熏,發為現習。現習 , 往往修行數十年 , 而 不能成道者 0 皆由八識 謂現行習氣也 田 中 留 此 有無

如是

己四示發心

善男子!末世眾生,欲求圓覺。應當發心,作如是言:盡於虛空 ,

切眾生 ,我皆令入,究竟圓覺!於圓覺中 , 無取覺者 0 除彼我

人,一切諸相。如是發心,不墮邪見

怨親難易 相 除彼我人一切諸相 即不見有生可令之相 跨越始末,是到家法 四?一者廣大心。今云盡虛空界一切眾生,則十類俱賅 皆邪見故。此段經文,可與金剛經中開示降伏其心同參 講 ,即廣大心也。二者第一心。又云我皆令入究竟圓覺,言究竟則 如 來面告菩薩,末世眾生,欲求圓覺 ,即不顛倒心也。末云如是發心不墮邪見 ,即第一心也。三者常心。又云於圓覺中無取覺者 ,如是乃能常令,即常心也。四者不顛倒心 , 應當發四種心 ,平等普度 , 顯示我人等 。今直云 何等, , 不 擇 為

邊之義 則 不見有生可度者,即是終日度生,不見度生之相。蓋既知所度者,為自性之眾生 皆令入無餘涅槃 度眾 經 性 中 【記】此段文與金剛經中云何降伏其心一節,全然相同。金剛經舉十二 能 生 之眾生 。上中兩 即 皆說 順 此 度 而 自 此 根人, 行 義 性 此之謂廣大 而 滅 , , 0 並無 從初發心 度之,又云實無眾生得滅度者, 方為正 知豎窮橫徧 自 知正 他 Ü 之別 , 0 見 中間須歷觀行相 末世凡夫 , 盡虚空界, 無非我之心性 我人之相既除,而眾生壽者,更不待言矣 , 雖 力量不足 似, 而直到究竟覺謂之到家法 即是此 , 然 意 亦不可不 0 。一切眾生 廣大者 發是 ,無量無 ,無非 類生,

大方廣圓

3 1 8

己一單頌正示求人

爾時世尊,欲重宣此義 ,而説偈言

普覺汝當知 ,末世諸眾生,欲求善知識 ,應當求正見,心遠二乘

即不著聲聞緣覺境界 記】此應上求人一語。正見,即心不住相。住相者,凡夫也。遠二乘句,

己二合頌依法離病

,謂作止任滅 0

法中除四病

已三合頌修行解脫 【記】此應上文依法一語。 四 病皆在執字,不執則無

病

世,不犯非律儀 親近無憍慢,遠離無瞋恨。見種種境界,心當生希有 ,戒根永清淨。 **還如佛出**

故以無字誡之。遠離者,知識別應他緣,學者易生瞋恨,亦障道緣。故又 是修行可以入圓也。親近者,知識俯就機宜 【講】首二句,略頌修行入圓義。若能於知識邊無憍慢瞋恨之心,即 ,學者易生憍慢 ,是障道緣

犯非律儀之見 謂見順不生過愛,見逆不生過憎,總以難遭難遇之幸,而希想之。縱有惡 見種種境界,即見知識,或現逆,或現順,種種境界不同。心當生希有者 以無字勉之。後五句,頌長行解脫憎愛,即除諸病。文不甚同,乃義頌 "漫" 作 如佛出世想。既能如是用心以近知識 。現順行時 ,定知其戒根永清淨矣。 ,則知識現逆行時 如此親近知識 , , 非自他 亦不生 也

不能 ,更須生希有想 【記】此應上文修行解脫 0 心生希有 而 , 言。 如佛出世, 現順境,固當生希有想。現逆境, 則善知識亦將轉逆化為順 行矣 非大菩薩

憎愛種現俱盡者,不能為

也

度 一切眾生,究竟入圓覺。 無彼我人相,當依正智慧。 便得超邪

見,證覺般涅槃。

己四頌示發心

心也 。三四兩句, 常用 講】首句 正智正慧。 ,即平等普度,廣大心也。次句,究竟是到家法,即第 無我人相,依正智慧,即不顛倒心 依之修行 , 自能離於自他憎愛 0 , 由於常心也。發此 便得超出邪見,以

記】既發廣大第一不顛倒三心。是度生而無生相,即常心也。從此直證妙

成正因而證妙果。

故云證覺般涅槃

覺果 海,便入無餘涅槃。 故云證覺般涅槃也

乙五為下根人示期修

丙一謝前請後 -圓覺章

饒益 三種 跪 末世眾 令末世眾生 於是圓覺菩薩 叉手 淨 0 作是語已 觀 生 ,而白佛言:大悲世尊!為我等輩 , 未得悟者 以何為首 ,有大增益 ,在大眾中,即從座起。頂禮佛足,右繞三匝 , 五體投地 ?唯願大悲 , 。世尊!我等今者,已得開悟。 云何安居 0 如是三請 , ,修此圓覺清淨境界?此 為諸大眾 , 終而復始 ,廣説淨覺種種方 ;及末世眾 若佛滅後 生 圓 , 施 便

得開 先悟後修,不但現會受益,亦令末世眾生,依之修習,而獲大善利也。世 大慈垂誨 或次第修 尊至饒益三行文,是請後方便。菩薩自陳我等親從佛前 廣說淨覺種種方便者,通指前來顯性示修之文。如來重重開示,皆令三根 悟 講 所云開悟者 ,道亦悟矣 初至而白佛言 或圓 **|融修** ,聞佛開示,悟得上根人頓悟頓修, 修尚未甚了了。若至佛滅度後,正像猶可。 乃至輪觀隨修等,無不了知 ,是眾中具儀可知。大悲至增益 0 唯我等下根人 中根 ,耳提面命 , 是謝前受益 人漸悟 唯以末 漸修 覺中 荷蒙

還希大悲 等是也。今約末世未悟 說之修習法門 恐誤修徒勞無益耳 前未了之眾 # 乘安居修習 轉傳為未來眾生,使之依教修行 眾生 未得悟者 彌滿 , 清淨 未得親聆金言 ,近為現前 , 或 ,設逢夏首安居之期 , 即 ,一一皆約已悟者說。如云清淨圓覺 ,中不容他,此圓覺之境界也。此中三種淨觀者 小乘剋期取證,必有一定芳規 不悟性修二門也 0 大眾 圓覺清淨境界者 。 不知 ,但不知於此三觀修習之時 , 遠為末世眾生,令其隨順 云何是淨圓覺心 0 0 大小如何攸 故今代為啟請大慈,俯垂方便 彼等既未得悟,必仗 ,明知本來, ,乃敢遵依修持。 分 ,又未知 0 煩惱不能雜 故以云何為問 , ,以淨覺心 収扱法 各各皆有下手方便 如 如來預 何依! ,奉教修行 為 悟起修 若不然者 生死不能 取靜為行 謂前來已 開 0 0 即 謂或大 示 今現 0 0 故 0

手 下 可 所得 修 不 亦 根 必 同 定 記】此為下根人示修行方法 兩 0 須 法 而上 剋 固不 唯 故 期 根 下根 上 人 0 .勝 中 則 根 言 根 念茲 者 人 0 定 可 人 然 可上 非 頓 在 剋 亦視其 修 兹 可下 期 頓 , 修行 朝 得 깄 斯 , **,與上中二** 0 其根 之根基 不 夕 中 可 根 斯 利 則 0 , 功行 近 有 者 初 圓 根 日 則 ,可隨 僧 修 , ,各各不等。 以 迥然 人 悟 閉 隨 上 為 一根 不同 關 上根 期 人 , , 人 修 往 既 蓋 至 往 修 法 悟 於 以 0 復 雖 短 Ξ 隨 根 以 同 期 修 鈍 證 法 者 為 , 有三 門 期 隨 期 下 則 下 就 根 隨

云施

大饒益

。後四句顯慇

大

方

廣

圓覺

修多羅了義經講

義附

親聞

記

蓔 死 清 小 須 若 不 欲 亦 覺 可 其 皆 法 覺 人 日 本 淨 修 修 此 兼 門 者 乘 不 可 此 不 之 0 非 得 當 境 雖 圓 深 圓 本 有 , 理 悟 至 0 自 未 其 機 覺 章 少 今 死 覺 修 不 淨 知 則 又 然 覺 者 當 能 悟 末 大 悟 2 證 難 須 員 0 獨 本 士 機 生 剋 亦 而 世 者 功 成 有 覺 捨 , 露 死 杰 期 須 即 眾 , 員 既 夫 亟 悟 大 就 經 λ 此 最 與 修 當 覺 收 淨 士 人 生 此 悟 也 期 定 , 0 所 圓 本 同 效 安 圓 初 外 圓 淨 為 以 , 限 0 , 0 謂 覺 能 章 具 唯 覺 覺 圓 此 必 聞 更 號 F Ξ , 青 之 亦 已 受用 有 覺 則 來 為 須 員 稱 期 N) 方 0 山 家 毫 可 悟 也 師 剋 覺 何 修 員 性 糾 淨 望 0 常 寶 骨 無 下 者 ? 事 者 期 之 談 諸 有 上 0 , 不 當 ? 關 為 解 業 大 既 或 修 修 者 則 修 效 期 動 乘 真 涉 但 然 修 日 悟 員 行 此 證 障 百 , 0 0 修 就 種 會 此 修 悟 所 員 因 行 及 若 _ 0 , 白 蓋 現前 子 中 普 故 淨 員 談 覺 此 更 + , , 故 可 雲自 覺 為 覺 日 未 大 員 或 雖 經 不 對 長 H 0 0 眾 生死不 次 是 悟 覺 名 待 _ 故 下 之 證 於 則 0 去來。 念 無 者 第 根 理 圓 者 為 言 上 章 恐 N) 中 , 觀 為 修 覺 論 猶 請 證 員 根 , , 0 , 力 期 修 能繫也 照 悟 緣 尚 尚 佛 覺 至 人 量 此 , 百 , 故 修 須 員 與 如 即 開 而 員 0 下 , 言 不 日 日 未 耳 覺 根 此 修 覺 所 可 離 及 示 進 0 煩 0 切 悟 證 期 之 修 談 人 但 相 下 0 , 0 , 0 惱 蓋 妄 真 行 法 者 未 例 何 即 言 顯 期 , , 不 人 不 現前 念 礕 證 修 如 況 可 門 員 悟 悟 性 不 0 如 八 能 皆 末 覺 大 如 謂 來 員 法 + 既 敢 , , , 0 雜 一念 全 不 乘 世 天 再 過 能 直 所 之 覺 而 行 日 _ 也。 然 可 能 眾 王 義 行 來 自 至 究 不 言 , 0 0 之心 放 少 生 利 此 竟 非 言 生本 剋 賜 剋 人 除 更 良 , 章 下 期 我 期 也 員 所 言 修 也 , 病 短 以 性 復 修 收 故 華 方 滿 顯 法 0 則 欲 , 顯 無 2 則 員 效 屋 亦 我 欲 玥 者 者 行 性 圓 修 生 0 覺 悟 輩 利 圓 因 無 此 無 覺 圓 不

何 為 悟 人 法 以 現前大眾 圓覺者 可修 不 故 · 具 ? , 0 法 說 Ξ 說法 無 種 法 0 並 正 清 全彰, 知 非 淨 ,欲其展轉傳於未來,仍是為末世眾生也。末世眾生,甚可 為 正 妙 見 未悟 即之則萬法全是。離之 觀 , , 者說 二無良師益友故 各各有下手 0 末世眾生未悟者 方 便 0 故 則萬法 請 世 , 全非 尊 應 以 說 何 之 。既屬人所同具 為首 0 又 0 以 亦望 前 所 世尊開 言 , , 皆 亦 憐 為 即 示 ė 盡

丙二師資緣合

來 圓覺菩薩 爾 時世尊 , 如是方便 , ,奉教歡喜 告圓覺菩薩言:善哉善哉 0 以大饒益 0 及諸 , 大眾 施諸眾生 , 默然而 !善男子!汝等乃能問於如 0 汝今諦聽 聽 0 , 當 為 汝 0 時

成 別相方便 0 得通方便 講 ,指三種淨觀之別方便。下文佛答處自知 如是方便 , 則圓 覺可 ,略明有二:一通相方便 證 0 是為菩薩以大饒益 , 指修習圓覺之通方便 ,施諸眾生 0 得別方便 , 則 ° 미

覺菩薩 别 其 通也。 之請 記 通 三觀成 , 相是總答 如 來 方 而 為說 圓覺白證 0 法 别 , 相是別答。 故 , 世尊歸功於圓覺菩薩 圓覺證 而三觀 二者相成而 配自成 不 0 ·相反 以 0 大 謂 此 饒 0 饒益 益 蓋 施 通 諸 即 , 眾 非 通 生 其 如來施 者 别 , , 之 因 别 員 即

乃圓覺菩薩施之也

丙三應求開示

【大方廣圓覺修多羅了義經講義附親聞記

示通 相方 便

己 — 隨分思察

具大乘性 善男子! 。信佛祕密 切眾生。若佛住世,若佛滅後,若法末時,有諸眾生 ,大圓覺心。欲修行者。若在伽藍安處徒眾 , ,

, 0

鄰邪 發菩提心者多故,正法時亦多有,以法未鄰邪 兩忘 雖 若法末時 具大乘性 總賅之。若佛住世,指佛世時也。若佛滅後,通指正法像法,及末世時也。 有緣事故 可憐憫者。有諸眾生者,有字,謂佛世時多有。以親從佛聞 。今乃當此末法之後世時,有教而無人翻閱 證果者幾希矣。三末法時。去佛遙遠,空賸似量 教理行果,四皆有之。二像法時。去佛漸遠 。既具大乘種性,必能信佛證圓覺果。良以大圓覺心,唯佛獨證 以僅存像教 ,別指末世之後後也。謂法運有三:一正法時,去佛不遠 切眾生者,不論在佛世時,在滅後時,但有具大乘性者,皆 隨分思察 , 發菩提心者少故。至末法時 。如我已說 ,發心者亦多故 ,有理而 ,間或有之 ,像教僅存 0 教理雖 無人參悟 ,耳提面命 0 像法 有 教理行言 在 則名為 。法未 。尤在 時難 行果

惟體 故 可 信 故 僧 以 稱 察也 有緣 伽藍 必 祕 宻 0 事 , , 此云和合眾 故 故 如我已 並 以 云在也 信自己若成 餘眾不能究竟 。不能 說者 0 園。謂方來僧眾 向修習 四緣務令無闕 , 指普眼章妄盡還淨隨順還圓等 佛時亦必 知 故 , 故云隨分思察 0 證 雖餘眾 , 0 ,和合可住清淨園林。 徒眾方能安處 大 不知 而 發心修習 0 ,唯有 謂隨其 其 , 0 故稱 , 所應修之分限 如是則未免攀緣 大乘種 逐 欲修行者 德臘俱尊者 說過 性者 , 也 亦能 , 0 思

盲 隨時 者 夫 員 之 道不甚充 出 八皆是 稱 修 覺 五 家 大 护 百 思察 襌 瞎 人 由 年 和 修 , 記】此為不能剋期修習者 裕 經 所 正 或 教 , 教 充 得 者 為末法之 法 無 不 而 , 或眷屬 併 以 之 住 , 能 果 千年 禪 教 持 時 如 來 發 亦 乘 0 間 , 宗 . 所 ···· 初 不 EP 或 , 之 諸多負累 信 參 證 門 說 。今已在第 像 튽 領 仰 者 法 人 之 短 徒 , 多少 豈 往 眾 法 者是也 , 7 真 不 往 0 , , 各 末 墮 排斥 年 又或 理 ,說隨分思察方便 , 者 0 法 於 六 皆 , 有緣事 之五 末 有 邪 之 教 可 公務羈 , 一、此 時 見 乘 法 用 古 百年 也 今 功 _ , , 0 萬年 有字指 真 亦 0 果 不 也 身 能 變 只 具 所 , 0 , 又 大 謂 大 之 自 好 0 原 乘 澈 理 過 用 0 可 中 切 以 諸居士 性 其 間 者 隨 此 文有諸眾生) 憐 大 0 憫 悟 行 大 又 , 分思察為 方 者 半 法 不 者 以 自 , 菩 五 正 必 ! 自 0 0 , 然當 百 薩 其 然 宜 可 依 何 能 時 不 教 年 二 宜 況 依 從 至 此 為 此 悟 用 乘 在 所 0 何 淨 今 修 時 隨 家 用 文 以 見?因 員 日 字 時 功 之 , 期 至 人 覺 行 尚 六 得 0 , 可 第 道 或 即 N) 乃 否 暇 信 有 則 五 A. 如

莫不具足 圓覺經講到 林。飲食衣服臥具湯藥,是為四緣。上文第三普眼章中所言, 大者, 不 袐 而 迷 密 知 其有 , 大 即為覺。然一念覺,一念不覺,則其覺不圓。須是一覺一 其實圓 而 此 若 無 此 處 |覺並 能 大圓 外 修修 ,徧滿十方,更無餘覺。故學者信得佛是究竟證 , 非 「覺心 正是我輩末世眾生最緊要法門, 則 祕 必 證 密 ,眾生本具,迷而 0 , 因 因迷而 此 而發心修行, 成為祕 密 不 知。 耳 即是具大乘性也 0 唯佛獨證 知 切須注意! 此 圓覺 。因其 , 人 皆是隨分思察 人 0 切覺, 皆具 伽 ,我雖未 迷 藍 而 不 方得為 即 悟 而 證 , 故 大剎叢 能 覺 圓 而 照 日

己二剋期修習

諸 滅後 中期 若 得心輕安 旛 復無有他事因緣 華 百 , 日 施設形 經三七日 0 過三七日 下 像 期 八十日 。心存目想 ,即建道場。當立期限。若立長期,百二十日 , 稽首十方諸佛名字 , 。安置 向攝念 , 淨居 生正憶念 0 若佛現在 , 0 還 求哀懺 同如 , 當 正 悔 來常住之日 0 思惟 遇善境界 0 若佛 0 懸 ,

不能一向修習,故令隨分思察。今既無他緣,唯以自利為重 無有他緣 講 文有三節 以上科主持伽藍 初道場期修 , **匡領徒眾,皆為利他分中** 既 不主持伽藍 亦 事故 不匡領徒眾 , 0 故令即建道 利 他 事 故云

憶念者 世 身 界 旛懸於前 居者 則上根自能 彼 者 如 無所為 兩 務 中 來住 · 日 者 旬 令與外人外事不相涉故 , , 0 峑 禮 修道之場而云建者,或方圓丈六,或大小周圍 務 為 期 約 H 佛 世時 作法 於道 期盡美盡善 也 中 一切處 約上 蓋以人根不齊,務令下根者種 復促 謂念法身常住 應須設 根力少勝者 0 中 (辦事 湯內 遠圖 下 也 -為幔] 期 根力勝 0 0 兩 隨 如來 處也 像 旬 , 八 , 安置修淨之居 中根或可勉就, 所禮處 而結構之 十日者 , 0 0 佛 極 住世 此 0 0 0 像 力竭誠 若佛至懺悔二行半文 恐過長則 限期內誓修必證 如來量根量力 本無有 不 0 , , , 即是佛故 當立期限者 過木雕 道場不能往禮 約下根力更不勝 0 華懸於空 0 即 滅 0 力不勝 至於下根,則鮮有不望巖者矣。安置淨 真供養 泥 如結戒壇 0 即 塑 0 , ,中根者熟,上根者脱。設不然者, 若佛滅後 以定其限也。 此 , , , , , 唯在 反生 類 木雕 諒其期須得四個 剋期奮勇 , , 唯當 謹 天散 , 0 0 大界為不失衣界, 恐一 禮佛求懺 疲倦 運 泥塑 心存是佛 一心 而 正念思惟 , , 如 期不就 飄 ,還同 0 , 標定分際, 鼓之 然如來既定三 無 來去世時也 道易成故 0 經三七日 如合中 , 0 目 言若佛現在 |月也 如 , 倖 謂 還容再修 如今之設壇禮 來常住之日 :想佛 思惟佛之法 0 0 內外結 內又結小 促 中 長 0 如 期 期百 期百 其 期於 者 , 壇 0 ,

驀直 亦無掉舉也。 如滌淨器 方佛名 ,或夢驗嘉祥 而去 ,求哀懺 , , 絕擬議 以備盛貯甘露法味。遇善四句,獲湏徑修。善境者,或禮應光 然雖如是,亦不過三七日 悔 ,不作聖心,名善境界。 0 ,永不退故。 懺 謂 懺除前 攝念者 愆。悔謂悔不更造。身心既淨, , ,收攝妄念,成正觀 自然獲得身心輕安,謂既不昏沉 以感應道交,理方定故 , 契圓覺故 道果堪 0 向者 成 0

最 不易 言也 言隨 然 外 日 宣 如 愈 進 之真修 無清 律 則 通 細 0 0 師 難 現 行 何 分思察 而 過 0 今道 足 長 淨 然 首楞嚴 0 0 記】剋期者, 勇猛 同 本 為多! 精 過 而 真修 般 高 場 經 志 短 · 】 峯禪 第 乃不 舟三 屬 云 , , 經三 如 寧 於 皆 以 七卷中 如 、久常 能 天 來說法 眛 缺 以 前 師 不 定 宜 台 セ 剋定期限 無 , , , 書 閉 濫 期 人 國 日 又 , , 0 敵萬 有建 適中最 [清寺打 關 者 及 夜 必 經 , 0 三年 蓋 過 有 未 經 0 中 人 前 行 此 何 種 立道場法 Ξ 所 0 定三 使期中修習功夫,必定取證也 係清 以 好 セ 者令種 ,衝出 セ 方 , , 室中 故 日 便 不 0 , 眠 淨 ? 種 何 以 , 0 重圍 空無 二七 利 長 皆指前 不 功 以 諸 ,與此 , 坐 夫 린 他事多 期 須 方等經中 為 剋 種者令 所 ,屬 , , 有 所言 非 期 乃 期 方便 所 於一 求 故 普 以 修 0 0 略 外耀 為上 宗 習 高 言 皆說 熟 立 0 風 而 同 此 時 旻寺以 0 , , 中 此 有 遠 修 b 科 因 민 0 0 行 熟者令 振 楞嚴 則 下三 精 末 Ξ 0 日 為 世眾 長 進 四 セ 期 不 期 先 根 則 セ 日,)。 剋 以 言徒眾多 , 彼 坐 自 為 生 脫 百 而 須 大 _ 專 勇 較 不 利 期 在 概 設 期修習,亦謂 0 猛 剋 此 臥 + 而 以 今定三 0 則 尚 金 定 Ξ H 後 至 不 0 百 + 利 上 雜 易 山 長 セ 又 二十 丰 期 如 似 他 科 期 日 人 , 道 頗 者 精 亦 為 2 0

若 單 若 理 法 旛 建 何應 坐靜 正思惟者 在 同 內界并外護善 亦 记滅 一世時 此道 身雖 起妄 佛滅 提 智 身 華 道 切妄 有 木 奲 切 之 住 此三義在其中。大界在外界之內,內界之外,為修道人更衣之所。 _ , 念 湛然 滅 , 何 念 人 場 念逼 物 如 ,祇要擇清淨地方,有空空洞洞一室,自設坐位, 必 , 。眾生真妄二念,流動不已。於此剋期修證時 懸, 件 云 設 法 應 偶有忖度, 即 互 外有護法善神 出 不幸不能 則我身 何降伏其 見佛 施形像者,所以表信仰恭敬之意。 置於 身尚 而 相 知 正念思惟 很費 切 內外界必 識亦不許入, 切 此 存 像 0 即佛法身,原無二致 磋 我 , 心。 處,不必分心,故名不失衣處。蓋外界 親見佛 一番交攻 , 首 之正念 即不得謂之正。永嘉所云不須知 則 自然消滅 0 須結 ?正謂此也。降伏之法,即將妄念一切放 欣 所謂行也參,坐也參, 座 , 一領眾 幸 面 內有諸佛光照,如何尚起妄念,能勿慚愧乎?且又 ,與之相應。法身,理也。正念,智也。 。 剋 。正念起,當安住。妄念起,當降服 唯同伴修行之人,方得入也。 Ü ,則慙愧 生 0 , 期之內,半步不能 每日 目 此 覩聖容 。或端坐,或禮拜,或作觀 之謂正 必開示 心生。又何幸而逢像教 0 一憶念 心存正念,自思佛在我未生 一次 雖 行也禪 設者是形像,實表 ,如是則妄念能 離 佛像即是佛之法身也 ,須痛 0 知但知而已即是 ,坐也禪。 即佛 以便端坐。 菲 期 下功夫 外護善 說 內 ,得見佛像 法 祇 0 放 ,將 下 許禮佛 , 不放下耶?佛 金 亦 佛像不 知識 示佛之 皆當 下妄念 剛 以 不 無 。諸 自思我 八 經 智 能 不 求懺 如 云 識 , 論袈裟 . 許 法 必 照 三身 佛之 我生 , 唯 此 佛 -田 身 理 聽 設 妙 有 今 中 端 云

,

0

0

間 懺 原是 故 則 幻 懺 後 無量劫來 過三 安息 輕 相 己 人有解 日 飄 然 , 乃梵漢 , 向攝 體 期 飄 , 不 何 切 無 為 ,內心乾乾淨淨,是謂得心輕安。夫以至誠哀懺,感應於佛 可執著 必 日 不 , 業障 念 後 顛 再 雙舉 懺 故 可 起喜 前 , 倒 悔 我今供 於 深重 夢 愆 , 0 0 行住坐臥 著即成邪矣。凡夫身則 悔 向 若 Ü 0 , 者 或見諸 有慚 猶 悔後過者。實則懺時後過尚未發生, 養法身,即是 , 不求佛力加 存懊 致 生 愧 直向 四威 懈 佛放光,或見諸天 悔 之意 怠 ら い 儀中 前 , , 。謂從前 被 也 反 應 更宜猛 ,尤宜注重端 多一重 ,不得懺悔故。 身, 重濁 即是報身。供養以後, 進 所造諸惡,今始 戸 0 散花 自思我是凡 礙 Ü 0 坐攝念 日間 則糊塗 ,此正罪垢清淨之相 懺者 勇猛 , 知悔 。今遇善境界後 夫 何從預悔?可 梵語 以起真修 精 三惑未 進 ,誓不再 懺 , 即 摩 無 須 , 得此 斷 顛 禮 不 悔 造 拜 , 倒 知 是 可放鬆 是善境 想 也 悔 況夢中 0 瑞 外身 即是 因 應 語 夜 我 0 0

己三結夏安居

庚一標大異小

經夏首三月安居 0 當為清淨菩薩止住 。心離聲聞 ,不假徒眾

,

或在伽藍

,或於餘處

0

期

未滿

臨 若入眾安居 如來遠念,故為辯明 講】大疏云:然建道場 ,則乖誓約。若自終限滿 0 設為俗乖律,則非。今因大廢小 ,又犯毗尼 0 道場 限 一人 無失 , 由 故決 [此疑

定毗尼 心又入聲聞境界清淨場故 性清淨 既經夏首 經說 求證圓覺 ,約菩薩說 ,不便出 ,持聲聞戒,是破菩薩戒。 0 縱安居亦當作心性清淨菩薩止住 入遊化 。二境界清淨,約聲聞說 。又聲聞安居,必先集眾問 ,大小兩乘 ,皆當作安居法也。 持菩薩戒, 。止住即是安居。然既知剋期 是破聲聞戒。 0 和 心離聲聞者,不必將 。且安居亦必白僧 清淨有二,一心 言當為者

須假徒眾。

今既不入彼眾

,故不假也。

夏

慮 故 不 滿 剋 首 清 有違 期未 安居 下 和 圓覺三昧 0 若 文言 淨 故 【記】大乘修證法門 從 滿 預 , ! 0 對 為 正 自 即 故 然 , 佛 不 云 菩 月 安居已來 , 辩 四 則 許 薩 + 陳 心 明 月十五 安居 剋期 諨 離 於 六 重 也 聲 在 起 首夏安居 聞 事 0 日 N) , 0 0 今 性 大 即 若 起 0 清 建道 從 既 且 , , , 與小乘異。圓覺是大乘了義 聲 正 離 淨 ,可 安居事 至 聞 場 彼 月 , セ 安居 今 不 月十五 起 , 0 自 止 必 小 則 , 拘 然 住 剋 則 , 0 結 不 必先 清 泥 我 期 日 假 今 淨 制 止 , 滿 拜住 夫安居 0 剋 辟 之 0 , 菩薩發心 期 今剋 即 期 , 持 是 亦 , 0 本 和 安 乃 必 期 尚 居 為菩薩聲聞 為 涉 即 百 修 -三昧 及 _ 經 , , 全在 道 安 + 和 所 0 故標 居 尚 以 期 日 佛前 集眾 非 不 之 0 期 至 為 必 所 若 大乘法 並 問 正 泥 俗 從 , 0 月 不 和 於 重 事 世 _ 合 聲 尊 + 必 月 , 0 菩薩 佛 白 否 聞 乃 恐 五 起 僧 ? 修 人 制 之 日 ,

境豈大疑

大

方

廣

員

覺

修多羅

了義經

講

義附

聞

記

因緣故 聞 藍 甲 至安居 , 0 0 當 身心 踞 菩薩 與 Ħ 一方方 安居 不繫徒眾 , 乘 即於佛前 平等 如 0 修 來 寂 性 , 智 滅 及大菩薩 作如是言 行 0 涅槃自 0 同 入 : , 清 我比丘比 性無繫 三月安居 淨 實 相 屬 丘 故 住 0 尼 為修菩薩 持 0 今我 0 , 以 優婆塞優婆夷某 敬 大 無上 圓 請 覺 , 一妙覺 不 為 依 我 聲 伽

,

0

實相 立 守其自性 薩 者 居 夷 非出聲唱言也。我者 H 名 乘者 安居。 ,以大乘作佛事辦 , 非關方處 是居家二眾 講 名為 在本 謂真即 謂 即於佛前 0 首句遵佛制 寂 即此一念不生 ·經名淨覺 依踞菩薩大乘之法 無妄 滅行也 , 通在家亦 0 者 按小乘安居 ,離言說相名寂 ,應白佛故。作如是言。謂對佛作念,如是如是而 0 0 , , 約 同入清淨實相 顯自陳言 顯是大乘 0 , 起信 無傷 順此方四月十五為前安居日 守期自性 即 , , 0 故即: 修習真如寂 唯許出家二眾。今是大乘,且是約心 心真如門 0 , 非關 以小 0 如即 約 住持者。行之契真,名為 0 剋期 乘作僧事辦 便是住持 他故。比丘及尼,是出家二眾 不變 0 清淨者 滅行故 同修之四眾 ,離心緣相名滅 0 如道場之安置淨居 ,一念不生 0 , 蓋寂 白僧即是。 。大小 , 滅者 而總言之 兩 同 乘 依真 今云佛前 稱此 實 入 皆至此 相 清淨 踞菩 性安 理而 如 說 類 $\overline{\mathbf{m}}$

必先敬請

如蒙慈允

,

則雖

違無

過也

今大乘稱性安居

與彼不同

照寂 識為 意在於此 能安居 有伽 為我伽藍者 不繫於 不生不滅 不 生前七識浪 安居者 圓 戒壇之內結小界。 们 藏 識 覺 動 滅 我 故得身心安居。至於第七,向以六識為用 藍 性 有 海 則六識不行分別 義 無 。今既同入清淨實相住持, ,在本經首稱大陀羅! , 最初 仍歸 而 , 0 不 性 我今不依聲聞 不生不滅 內亦無所緣矣 如 0 , 中 從 陀羅尼總一 真如 原 滅則不屬於空,故 剋 此前五趨逐外塵 以真如不守自性 期之建立 雖理事有異 無繫屬於方隅界限故 , 起信論云:心真如者 ,即是涅槃自性 0 切法 道場 者 是第七無用 0 尼。 內外無緣 , 聲聞安居期限 ,而分限頗相似故。 , , 依法華即是真阿練若。楞嚴名為 阿練若寂靜無諍 Ħ 戒壇之不失衣界 , , 前五既不趨外 第六內緣影事 變起藏識心海 無繫屬 。謂涅名不生 , , 則第七末那 外無所緣矣 0 , 故 如 即是大總 上所說 , 0 據此 亦屬 , 內緣八識為 , , 0 0 , 修行證果,總在裏許 以大圓覺為伽藍者 佛 以 第六亦不內搖 , 大 其次又以境界風 其分限亦頗 , 0 , 外 則是同安居於圓覺普 槃名不滅故 相法門體 .而帶累五蘊身心 制 大圓覺為 居然是個 無所緣 , 不 敢 禮體 我伽 違 平等性 相 0 正修行處 故 即 自 今既身心 似 0 ,累不及 不 是心性 藍 不計 動 身心 今所 生則 智 , 大 , 轉 ,

伽藍 故 亦 拘小節者 失 不依彼法 , ,自亦與之同故。定以三月為期,不類聲聞有前後兩安居故 故不繫也 ,為修菩薩無上妙覺大因緣故。不繫徒眾,恐彼不能隨大 。當與十方如來及大菩薩者,謂佛及菩薩皆住清淨實相 。所以 員

大 心修淨行 本來清淨 上文之生正 女分修,各自結界 如菩薩之發心與否。若不能住持清淨實相,而曰我不依小乘,又焉能無過哉 非常。此等大乘境界,注重在當下一念不生,故 人 四月十五 憶念及一 何從染污 人 發 心證 0 向攝念。菩薩是 乘者 ,為前安居日。以後為後安居日。大乘許四眾同居 。本來寂滅 實相 ,象馬 也 。修菩薩 ,何從 牛騾皆是 Ü 行 喧擾。此 性安居 , 0 今以 以 大 , 圓覺 不是境界安居 修理觀法門也 喻率由菩薩 不依聲聞 為 伽 藍 道也 0 0 然 豎窮 。同 0 必 心 0 自己 修 入者 性 横 寂 编 徧 審察 ; 人 滅 0 , 範 行 然 切 圍廣 人 處 宜 男 0

善男子!此名菩薩示現安居 0 過三期日 , 隨往無礙

庚三逾期隨往

未終。以本非小乘安居故 夏首安居者 拘拘於夏首為?蓋為借事表法 講】然大乘既以清淨實相為住持 ,知所恥焉 。過期無礙者 ,不妨隨往無礙 ,示現夏首安居 ,大疏云:道場三期日滿 ,大圓覺性為 。亦為令彼本無大志 伽藍 , 即是安居 ,小乘夏限 邈 何

場一步。而菩薩 此三期日,即上文所剋長中短三期也。 祇須三期滿後,不必更滿安居期。 小乘三月安居期內,不能 如有因緣,即可隨往 . 說法 離壇 故

云隨往無礙。

己四戒無誤取

善男子!若彼末世修行眾生,求菩薩道入三期者,非彼所聞一切

境界,終不可取。

招奇損!故以終不可取而示戒之。 火,事水,事天,奉時,奉方,奉塵,乃至二十五冥諦等;取之而修,必 乃至二十五觀等,取之而修,終有巨益。若非彼從佛所聞 未免尺水丈波。若是彼從佛所聞一切境界,如前頓修漸修,次修,不次修 【講】末世修行,邪正難別。求菩薩道,最宜慎之。況夫既入三期 一切境界。 如事

神 現在眾 即行菩薩道者,亦宜慎之。勇猛精 , 必 【記】末世修行者,大概業重。所取之法,邪正難辨。毫釐之差,千里之謬 感人魔 魔事,中道 生 加讚歎,聞於天界。天界亦稱善。展轉聞於六欲頂天魔王耳中。魔王以為 皆我子 。常有比丘, 孫 阻 止。故娑婆世界,稱為退地 0 非佛 稍有道力 子 孫 , 進 即來纏 ,聞於人界。為眾供養,今日此家 ,三期剋證,末世難得有此人。 擾 0 於是根基淺 0 大道心者 者 , , 能感天魔 道力不勝魔 空中護法善 小 力 明日彼 道 往

大方廣圓覺修多羅了義經講義附親聞記】

此土有天 我 妨害其修行 仙 教 、大 ,無為 、我 ; 致 教 、五唯、五大 棄前功,此 , 彌勒教,亦為外道 即 、五知根、五作根、心平等根、合為二十五也。 人魔也。二十五冥諦,西域數論外道 所 立,為

戊二示別相方便

己一修空

復如是 世界者 如是初靜 善男子!若諸眾生修奢摩它 0 , 非彼所聞 從於 世界中有一 身至一世界 一切境界,終不可取 眾生起一念者 ,先取至靜 0 覺亦如是 0 皆悉能知 ,不起思念 0 善男子 。百千世界 ! , 若覺偏 靜極便覺 滿 , 亦

至亦如是,是明修習。言靜極非可遽至,修習必由漸來。故先言如是初靜 惡念,不作有為 教以先取至靜,謂先當憶想一切所有諸法,皆如幻如夢,不生取著,不起 已聞命於前文矣。若末世未悟眾生 若知涅槃亦如昨夢,則是靜極 如第三章云 初至便覺者 : 證得諸幻滅影相故 ,自不受報,則至靜矣。 ,是示方便 0 , , 謂悟淨圓覺 欲修奢摩它者 如是則圓覺妙心 爾時便得無方清淨等是也 如此雖能了於生死 , 以淨覺心 , 最 ,脫然畢露 初作麼生下手 ,仍復取著涅 ,修奢摩它 故 如 是初

清淨 界既 性靈 從於 等清淨不動 世界眾生,有念皆知 得 超 故 知佛見 各]略言之。故云至一 一分光故 0 爾 明 如 : 身, 今者妄身 , 一身既 , 覺室百千世界亦然 世 不外是矣 有境必照 切實相性清淨故 謂 界清淨 0 0 善男至亦復 虚空如是平等不動 爾 先從一 , ,一切身亦然 當 , 0 0 身靜 世界 亦 故 多世界清淨 在 ,亦非聲聞他心之所能及 於 如垢盡 一何處 如是 也 一界眾生,凡有起一 0 ,覺亦如是 0 。然此於六通之中 0 身清淨 鏡 以是而觀 如第三章云:我今此身四大和合 , 。情世界既 是顯利 明 , , 當知覺性平等不動等文,乃極力發揮此 如是乃至盡於虛空 , 凡有臨於鏡 ,多身清淨 0 益 如依鏡 , 即 爾 0 若 知此 ,器世界亦然 念處 覺句 生垢 0 0 他心 似屬 光者 身畢竟 , 如是乃至十方眾生圓覺 , , , 皆能 他心 牒上覺室 去得一分垢 既 , , 無不 圓 爾 無體 7 裹三世 ,通通皆然 0 。不及細陳 ·照焉 若復能 知 , 是 , 乃至 界 為 如 , 0 覺室 如第三 於百千 即 0 身靜 切 然覺 能 四大 , 但 顯

有 乃 中 種 Ė 觀 種 佛 世諸 記 ,分別 别 前 菩 今此 薩 而 為 是戒誤 說 通 說 專 相 0 , 為 辩 别 方 我輩末世未悟眾 音章 也 便 0 , ·所言二 上來威 空 假 中 一十五 德章 三觀 生 輪 , , 而 修 必 融 說 法 先 通 悟 而 文中眾生二字, 則 淨 說 圓覺 因眾生 , 總 也 , 有 而 0 今為 後 通 别 以 專指 員 淨 别 覺 根 相 末 器 ら い 方 世 修 四 便 不 Ξ 眔 觀 空 故 假

非彼

F

取

0

準前

可

知

大方

廣

圓覺修多羅了義經講

義附

親

聞

記

菩 當 何 以 若 則 更 不 乃 至 至 不 切 菩 故 A. 故? 薩 稍 有 體 曾 何 能 言 此 靜 起惡 諸 即 薩 起 此 莫 修 則 大 即 離 依 取 則 亦 法 從 出 且 特 眾生皆我 是 戀 靜 習 念則 此 更 則 大 然 此 內 不 為 世 大 利 妙 無 志 我 以 過 皆 下 未 四 覺 矣 益 員 皆 身 手 大 此 然 7 無 何 悟 如 覺 身是 性 小 0 由 言 得 惑 幻 況 0 , N) , 人 ら い 覺性 蓋 動 蓋 1 此 雖 修 不 於 說 Ċ 則 , 分 化 , 無 易 末 由 為 _ 0 依 四 身 外 段 過 下 行 0 0 眾 故 中 世界有 惑 先 報 大 而 無 世 手 者 N) 不 生 必 日 之 人 量 世 亦 假 能 世 則 先 開 眾 行 死 方 皆 覺亦 眾 界 空 界 起 擴 合 是 放 則 不 有 示 生 0 法 矣 生 念 大 種 , 下 造 所 其 難 , 須 0 0 如 故 渾 是 業 故 種 推 末 , 更 0 0 0 不 理 然 本 是 我 大 解 正 若 其 是 耳 節 之 靜 靜 , 取 世 0 覺 釋 了 詳 不受 是 眾 如 所 則 報 _ 極 _ , 0 而 末世未悟眾生 來 性 見 空 切 得 淨 先 以 而 教 生 , 凡夫所見甚 細 不 日 亦 眾 此 圓 報 至 六 亦 _ , 功 起 後 取 修 , 大 生 夫 覺 先 通 大 我 身 奢 動 諸 能 至 , , 7 空 亦 是 , 不 取 靜 初 犘 , 0 N) 念 悟 , 為 也。 然 皆 覺 修 徧 須 著 靜 為 後 四 他 , , 眾 世 性 _ 大 依 故 即 有 也 行 行 修 , , , 修 界 世 者 生 假 普 既 小 則 為 先 依 日 此 0 , 人 性 起 徧 界 合 眼章 淨 ŧ , 正 凡 , 報 便 則 取 0 此 是 豈易 少。 所 念 滿 但 空 報 極 夫 0 , 如 內 至 奢摩他 以南 空 修 是 本 世 然 身 便 員 修 靜 , 而 , 矣 具 我 界 此 習 覺 行 法 且 覺 修 身 作 有 , 贍 空 覺 猶 行 終 0 不 0 到 N) 乃 0 , , 部洲 衹 性 則 屬 也 再 有 大 如 非 , 先 , 修 身 觀 0 抵 是 推 須 亦 此 外 _ 0 别 漸 須 故 奢 修 襌 無 世 乘 為 二執 末 初 之 身 有 臻 不 而 此 摩 而 若 世 外 世 靜 定 不 所 一世 員 至 起 世 語 未 能 他 動 中 見 界 眾 覺 靜 惡 界 不 悟 俱 之 以 方 成 界 物 生 是 必 空 下 也 0 念 , 法 者 就 至 然 有 何 亦 教 0 ,

神 發大乘 能 破 通 0 品 Ü 無 通 , 修 明 既 大 得 , 乘 即 , 行 能 六 通 者 通 俱發 百 , 所得 世 界 , 見思惑斷 之神 0 若 通 破 二 , 非 品 , 則 _ 無 乘 能 明 知 所 , 能 即 八 萬 及 能 也 通 劫之事矣 7 0 世 如 是說者 界 0 0 雖 此 是 無 , 名 具 明 未 為 大 佛 乘 盡 性 說 0 然 ,

已二修假

如是說

,

即是邪魔外道所說

0

故

日終不可

取

切菩薩 善男子! 0 依 若諸眾生修 種 種 門 , 三摩鉢提 漸 次修行勤苦三昧 0 先當憶想十方如 0 廣 優大 願 來 0 , 十方 自 | 熏成 世 種 界

非彼所聞一切境界,終不可取。

以為 如第五 成妙悟 種至三昧 修三摩者 漸次修行 如來為菩薩者 應作是言:乃至便登解脫清淨法殿是也 講 一章云:若諸末世一 廣發二句 ,是明依修 , 最 初至菩薩 初作麼生下手呢?故教以先當憶想十方 。設遇心若馳散 ,是希利益 , 無非修因證果而得 ,是示方便 0 謂 切眾生, 既 憶想已,為欲師之友之。即便依彼所說種 。恐現前不悟,更希將來,故教以發廣大願 ,即當精勤辛苦,修諸三昧 0 於大圓覺 眾 生 , 0 指末世未悟言之。 如是則為我之師 , 起增上心 自熏成種者 如 來 ,當發菩薩清淨大 , ,定慧均等 , , 謂發廣大願 我之友矣 及諸菩薩 未悟眾 生 種法 , 方 0 , 依 所 欲

自能漸次熏習,以成悟證種子,納於八識田中。纔出頭來,一 聞千悟者

固有之矣。非彼下,是戒榲取可知

指末 所謂 常發願 成大因 假 脫清淨 真實受 甚多,故應依彼所說 覺者言。今此先言憶想,不是教人便修也。諸佛菩薩,雖已過去。然有大乘經 可以查考。 。修此觀者,不可胡亂下手。須依如來開示法門,尤當廣發大願。 安有生來彌 願 .世未悟者言也。前威德章言修三摩鉢提。以淨覺心 【記】先當憶想過去諸佛菩薩,乃開示修假觀之相。 法 用 ,自 海 殿 即令不成 能 則 既憶想既閱大乘經後 , 0 成就 所以 行 須 八廣發 勒 如 我輩 , 山 。何以 再出頭來 也 大 現成釋迦耶 , 0 用功。無論禮佛誦 願 就我性 大願 故?諸佛菩薩 , 於 八識 所近者修之。既修三昧,而 , 必得成就。試觀諸佛菩薩,皆由歷劫勤苦修行得 即 ,若尚不知 四 田 弘願等 中 , , 皆 以 自熏成種 經持咒,皆須發願 0 ,則可求教於過來人。良由 願力而得成就故 假有三種 。希望 。因成假 ,起諸幻化。是為已悟圓 此所云眾生,與前 一將 因業障深重 迴 來障盡 向 。願大則行亦大 , 0 相 二六時中 願 由此起大行, 續假 滿 ,現前 如來法門 , 得 文 登 相待 不得 典, 解

己三修中

,

!

劑頭數 善男子!若諸眾生修於禪那 0 如是周徧四威儀中 , 0 分別念數 先取數門 ,無不了知 。心中了知生住滅念 0 漸次增進, , 分

乃至得知百千世界一 滴之雨。 猶如目覩所受用物 ,非彼所聞一 切

境界,終不可取。

間 靜 此 超出凡外 凡夫 其心,所以為修觀前之方便也。今此三觀方便。蓋以修奢摩它時,先取至 念既盡為滅 從此入門 又是止觀雙修最極利根之士, 念處觀 數息觀也。夫數息法門,原是藏教五種停心之一。為多散眾生,不能 欲修禪那者 !數門乃其漸耳。心中下, ,有生念住念滅念之不紊故。念纔起為生。念既起為住 。偏於靜,則墮聲聞緣覺。修三摩扨提時,先取憶想。 根鈍執重 。今為末世未悟凡夫。 ,而先示以調心之法 , 初至數門 化至靜於計數 何異壓良為賤乎?曰不然 ,最初作麼生可以下手。 四相遷流,前後不亂,了了常知,分劑分明也。又云分劑頭 ,不悟圓理 , 是示方便 ,稱為多散眾生。謂多散亂故 ,不落聞緣 教修禪那妙觀。先示之以數息 明修習。了知者,了了分明 。乃初機最易入手之法門也。今經圓頓 何以如來先示藏教初機之法, 0 眾生,仍指末世未悟者言 即是禪那功夫 。第七章禪那成時 0 須知圓人修法 0 故教以先取數門 ,無法 , ,教以數息 , ,攝想念於鼻端 超出礙無礙境 偏於想則近外道 。念將盡為異 知彼一出一入之 而 不圓 。未悟眾 教 圓 0 大教 彼藏教 頓 收攝 |修四 利 生 0

之間 念 密矣 分明 也 數 其餘近者簡者不待言矣。 百千等 如是漸次增進 下 不住之方便 不緩不急 數至 者 非 知 更約久修功純 , 干數 漸 生 彼 數 從一至十,無不了知。其所以攝散入寂 有生念住念異念滅念之四相 0 佛意以百千世界 次下 有 , ,竟至於無所不知 從頭 生的 。數出不數入,數入不數出,不可出入雙數,亦不得出入合數 , 戒榲 再 , , 絕待靈心 分劑 顯利益 無有過於此者 數之,務使了了分明,一數不錯 取 , 可 四儀 , 乃 知 0 猶 至滅 然攝散 ,最遠難 不廢也 ,隱隱發現 如 , 有法皆了 目倖者 0 有滅的 入寂 0 以上約初心修習 分別念數者 知 分劑 分劑 , 0 0 , 喻明所知了了 由 不被事礙 0 0 滴之 彼 先且 而又合此 0 潛 微細境界, 舉一 雨 興密運之力 ,化寂不住之功 , 謂 0 , , 0 最難. 化寂 靜坐 分明 其所以攝散入寂 最 分劑為 **黎難** , 不住 辨別 如 知 蒔 歷歷了知 , 知 為 觀掌果非依稀 數息言之 不 息 例 , 0 , 此 唯 不 於 , 0 , 較前益傷 且 故云 被 如是息息 出出 知 。又要從 得 息 理 如是 乃至 礙 化 知 , 知 寂 0

教 說 所修 也 0 0 數 今為 記 不 息 上此 取 境 未 觀 則 悟 觀 不 超過 者 文相 同 說 0 礙 彼 法 甚 為 , 細 不取 必 鈍 0 須 根 前 有 Ċ 人 威 所 則 修 德章 超 法 依 過 傍 修禪 , 無 但 , 方 礙 知 那 攝 好 0 , 著 想 以 初 但 計 手 不 寄 數 取 0 故 為 ら い 而 特 於鼻息之一出 下手 已 教 此 以 功 數息 夫者 則 外 法 不 , 門 取 乃 入 境 就 0 此 己 與藏 內 悟

明 單數出 動 緒 約 盡 生 辭 切 雨 猶 觀 相 也 麤念不生。 0 是 別是 如 須 心 滅 , 息 目 言 蓋 不 Ü 正 相 覩 辨 住 細 0 也 , 起 一念 當息 别 於 即是 之 如 0 0 此時 為 有 。念是 極 此 此 之 天 中 住 理 約 0 , , 事二 眼 初 又 如 觀 相 唯有生住異滅微 , 通 念 鏡 須 境 出 即 , 相 計數 之明 0 俱 剎 有 言 , 生相 推 0 不 那 此 0 數是息數。眾生之念, 之宿命諸通 生 , 礙 由 不 ,是不墮於 一住 也 方 住 , 能 為 異 故 而 。息正 見 能 異 細 順 滅 到 超 之念 相 數 四 亦然 空 此 過 至 出 相 , + 念已 種 0 礙 , , 0 境界 住 經中 0 不取 無 微 , 相 一通 過 礙 復 細 去 有 境 由 也 遷 但言生住滅 0 既成 總 為 無不了 , + 0 流 , 息出 不 之攝 是禪 滅 而 0 , 取 覺得 相 逆 六通 知 散 那 將 空 數 0 , 也 盡 再 ら い 至 而不言異者, , 一念來 と皆就 為 即 歸 就 0 , 異 他 數息 中 於 四 , 矣 鼻 相 時 Ü 觀 相 了 各有 也 通 也 端 了 明 , 明 0 之 初 0 0 簡 息出 寂 分 分是分 起 知 0 然 限 即是 滴 略 例 ż 不 2 頭 此 如 之

己四修

是名三觀初首方便 0 若諸眾生 ,偏修三種 , 勤行精進 , 即名如來

出現於世。

悟矣 遺 故云初首方便 精進者 講 所 以如來懸記 首句總結上三。 , 精勤直進 若諸眾生, , 即 , 名如來出現於世 不悟不休 言未悟之人,先當依我所言之法 仍約末世未悟者言,峑修者 0 若遇如是行人 非浪語也 , 雖云未悟 ,三觀 ,而修習之 圓修 , 吾必謂之 一法不

記 徧 修三觀 , 在 末 世唯最上根人能 之。若加以勤行精進,更屬 難得 故

戊三示鈍根修證

許

為

如

來

出

現

也

常起希 若 後 末世鈍 望 0 先斷憎愛嫉妒諂 根眾生,心欲求道不得成就 曲 0 求勝. 上 心 0 由昔業障 。三種淨觀隨學一 , 當 勤懺 事 悔 , 0

此 觀 不得 , 復習彼觀 。心不放捨 ,漸次求證 0

之性 本空 勤求懺悔 險曲為性 本煩惱中貪 亦即根本煩惱中瞋 憎愛惑 以既悟覺心 他 0 講 榮 故名為 遇善境界 。二者希望求勝上心 , , 前來歷談修觀功夫,皆為末世利根人言 樋忌為 事懺須嚴設華 故名諂曲 , ,欲求佛道 瀡 以愛則必貪故 , 0 得心 性 雖名為隨 , 以憎則 故名嫉樋 **貪癡各一** 輕安 。屢修屢廢,不得成就者。蓋由昔業障所纏 壇 必瞋故 0 0 , 0 嫉 然後 斷憎愛惑者 乃各別而起 禮佛誦經持咒 分攝 樋諂曲,皆小隨煩惱 瞋 0 一向攝念 愛者 0 分攝 此與憎愛通名為惑者 , , , 。諂者, 憎者 於順情境 , 故名為 。理懺則晏坐靜室 常起二種希 , 於違情境 小 0 罔冒於他 設有根性遲鈍眾生 0 , 嫉者 以是根本煩惱等流 起愛染心 望 , , 0 蓋惑以不明 起憎惡心 徇自名利 , 矯設異儀 者希 觀察罪性 , 亦即根 應當 望斷

為義 門落臼 互修習 則易成故 始且教隨學一 心。三種淨觀 上菩提心也。菩提心超出權小 是即癡之甚也。 無容更顯耳。求勝上心者 ,不明即癡 0 ,總教以心不放捨 如世尊雪嶺六年, 。設於此觀不得 事。謂隨其本意,於三觀中,且學一觀之事,以其 ,乃指從前所說 所以根本煩惱中,但言憎愛,不顯癡義者 。如憎之不已,而繼之以嫉樋,愛之不已, ,漸次磨煉,必求證入。果到時至機熟,自應推 ,或因宿習不對,故又教其復習彼觀。如是而遞 成道必在臘月初八 ,承悟所修三觀,此以鈍根 ,名為勝心。一切心無能加其上,故又名上 。求即是發,以為求必發故。勝上心,即 ,即其證焉 ,恐其不能兼修 0 。以癡乃本來有 而繼之以諂 事專於一 曲 無

痛 淨,以 不能得力 分 言 哭流 明 鈍根人雖亦參禪聽講 0 【記】上來所言通相別相兩種方便,皆為末世利根人說。今此乃專為鈍 涕 致修行不能成就 雖 知 Ü , 我 即 修 都緣業障深重,力量微薄,末由精進。 深自哀悔是也。 亦有此 行 如上文建立道場施設佛像,發至誠心,將平日所作種種 以 前 圓覺心,希望成佛,發心修行。而 所作之事,未免有犯禁戒。又不得良師 。當此之時,唯有另換一法,即 0 對於修證功夫,也曾略知一二。唯是依稀髣髴,不甚 一為理懺,安坐靜室, 默自思惟, 所謂業障,不第夙業而已, 懺悔是也。懺 每到用功之時, 我 為 從前所作罪過 之懺 悔 罪過 悔 忽進忽退 亦有二種 業障未 對佛 根

雖 斷 須有耐煩 空 由 可復習彼 憎愛嫉 。是為理 他 自 懺 作耶?由 耶?為 妒 心,勤奮心,故曰心不放捨 觀 餡曲 懺 0 。古昔諸善知識 自 他作耶 然其結果,就三觀中 ,是也。二希望增善,即求勝上心也。隨意任學 他 共 懺 ?由自他共作耶?由自他不共作耶?我今懺 耶?為 , 自 如此 他 不共懺 用功者甚多。常起希望者,一希望斷惑 0 , 必須擇一較近者專修之,不可屢修屢廢 耶?以 此 四 句觀 察 了 一觀,此觀不得 知 悔 罪 ,為 性 自 當體 懺 耶 即 ?

丁二偈頌

戊一頌通相方便

己一頌剋期修習

爾時世尊,欲重宣此義 ,而説偈言

圓覺汝當知:一切諸眾生,欲求無上道。先當結三期 。經於三七日,然後正思惟

,懺悔無始

結上中下期 故 方定故。然後正思惟者,離於妄想,修正觀,契正覺故 以備承受甘露法故 求無上道 【講】眾生雖通說一切,而大悲深懷末世,以彼去佛遙遠 ,使其有所希望心故 ,即已發無上菩提心。 0 經於三七日者 0 懺悔 , 宿業已懺 先當結三期者 無始業者 ,滌器已淨 0 禮佛 ,以人根不齊 求懺 趣求佛道 蕩其淨器 ,正道難行 ,對三根 , 志

非彼所聞境。畢竟不可取。

【講】文云終不可取。偈云畢竟不可取。皆深戒之詞

戊二頌別相方便

奢摩他至靜。三摩正憶持。禪那明數門,是名三淨觀 0 若能勤修

習,是名佛出世。

句,頌峑修。謂精勤修習,悟本覺而成始覺,是即名為佛出世也。 【講】前三句,各頌三觀之三種下手方便。第四句,總結上三。後二

戊三頌鈍根修證

【根未成者,常當勤心懺。無始一切罪,諸障若消滅。佛境便現

前。

鈍

順水,再無不成者矣。釋大科正宗分竟 自然佛境現前。見光見華,驗知清淨,不作聖心,從此進修,如風帆揚於 不能成就者,定由宿業所障。故當精勤心懺 講】初首方便,以悟為期。悟後之修,利根者自能成就。設有鈍根 ,無始罪障 。果能諸障消 滅

【記】偈頌觀講義自明。

【大方廣圓覺修多羅了義經講義附親聞記】

甲三流通分

乙一謝前請後——賢善首章

習得何功德?云何使我護持經人?流布此教至於何地?作是語 如是不思議事 長跪叉手 於是賢善首菩薩 五體投地 , 而白佛言 。如是三請,終而復始。 0 世尊!此大乘教 ,在大眾中 :大悲世尊 0 即從座起 ,名字何等?云何奉持 !廣為 我等 ,頂禮佛足 ; 及末世眾 , 右繞三匝 ??眾 生 , 生修 開 悟

當來, 便退。敢問世尊,流布此經,功成至何地位。此請流布何證, 尺水丈波 修習,能得何等功德?此請修習功德,為第二問也。 持大法,度生令信,全憑開導經功。佛若不說,我等云何開導 教 可奉命傳持。佛若不說 為第三問也。又持經得護,修習則魔事不生。 指上序正兩大宗所說 應立 講】初眾中具儀。大悲下,謝前受益 要假護持 名字。 敢問此經名字,當稱何等。必求佛說者,以名思義 敢問世尊, ,我等云何奉持。此請經名奉持,為第一問也。 ,已知其文義是大乘教法 以云何力 ,使我護持經人 。此大下 流通無功 0 依經修習, 若為隨順時機 ,請後顯 為第四問也 化他則逢難 此請擁護持 慇 魔心生妒 敢問依經 0 此 取益 大 ,

作是下,顯慇可知

男子 居 生 心徧 全體 功 法 雖 所 明 至 義 正 正 ·經非 以 現在 宗 耶?上來序 後 0 有 中 賅 然者 横豎 故 此 滿 , 分。自聖賢以至凡夫,所有修證 0 文殊 無不是善。本屬比肩,然賢善首之功,實超過十 大 說 流通一分,乃由全體起大作用,以普度法界眾生也。流而不壅。 必有大士 ,流出之法亦徧滿 ,佛法流 必先序 此 其 用 凡 , 妙法 世尊說法 横 以根本智啟請,則此圓頓大教,不能出現於世。然前來所說 功 其由 相 則 分正宗分 利 亦須眾生有大 則編滿 經皆有序分,正宗分,流通分。然序與流通,皆為正宗而 居首 啟請,世尊方能演說。此 。從他受用土,流至此土。一方如是,十方亦 傳,並未壅塞。由現在推之未來亦然。是豎流通也。世尊在大光 此不思議之理也。 致 而 此 。上來十一位大士,皆等覺菩薩 無一語不從大悲心流出。悲心無盡,流出之法 十方, 所說 大士 既說 。悲心是體,圓頓大教是用,有是體必有是用 一所請 豎則窮極三際。就今日看來,佛世已成過去。由過去 若 乘 正 宗 . 根 悟若修無非不可思議。蓋大眾悟此 , ,圓頓機 則 必 全是 方法 更期 依理起修 利 , 洪洪流 位當機大士,名賢善首菩薩 ,正宗分中,無不吐露,可謂得圓覺之 他 方得聞此大法耳。法不 通也。 0 此不思議之事也。 故 稱為賢善之 悟淨覺 位, , 無不是 而 同於 Ü 如是。是横流 首 賢 ,修因 圓 0 , 文 |覺妙 豈 孤 然對於 殊 世尊皆稱 。論 非 起 亦無盡 證 通而 與 信 何 。 然 果 , 立 仗 Ξ 其 解 文 以 0 通 不塞 境方 世尊 殊 行 故 為 位 全在 也。 同 譗 則

可至何等地位,此問之正意也 二義。一流布此圓覺大教 顯 即 性 知 顯 名中 修 ,義 - 之義 既 不同 。得名 ,文亦各別 得 義 ,應在何地 , 方 ·可奉 0 攝 持 别 ,此問之密意也。二流布此教之人之功德 歸總 0 故 日 ,應立名字 名字何等 , 。令現會及末世眾 云 何 奉持 流 至 生 何 一,開 地 有

乙二師資緣合

菩薩 當為汝説 爾時世尊 ;及末世眾生,問於如來如是經教 ,告賢善首菩薩言:善哉善哉 。時賢善首菩薩 ,奉教歡喜 0 及諸大眾 一善男子!汝等乃能 , 功德名字。汝今諦 ,默然而聽 為諸 聽 o ,

【講】文義淺鮮,無庸贅辭。

而已。如是經教, 【記】上來十一章師資緣合中,世尊答辭,各有深意。此則祇讚歎流通者之 即序分正宗分是

乙三應問教酬

功

丙一答請名奉持

丁一起樂生信

善男子!是經百千萬億恆河沙諸佛所説 方菩薩之所歸依 0 十二部經清淨 眼 Ħ 0 0 三世如來之所守護

講 初起樂欲心。法華經云:諸佛世尊,唯為一大事因緣故 出現

為令現會菩薩 知欲證圓覺 則應為十方菩薩之所歸依。又既稱大陀羅尼,則總一切法 王 魔得以 應機施教 其用意何為?不可不研究也。足見此經 於世。今經如是多數諸佛所說;其所為何事?又是三世如來之所同 ,有大陀羅尼門 為令末世眾生 / 壞滅 ,說必逗機 ,便能明了一切法義,故為十二部經清淨眼目 0 法華彌陀等經 ,於此經起欣樂心故 ,名為圓覺。流出一 ,於是經生深信心故 ,所以佛必守之護之者,務令此法久住於世 咸稱諸佛護念,皆斯意耳 0 十方下,生重信心 切,乃至教授菩薩。 ,無佛不說 。亦無佛不護 0 0 首章云:無上法 必作如是教言 0 , 既稱教授菩薩 持無量義 佛必作如是言 , 共守護 無使天 。是

是不易值 並 那 N) 樂欲之心,無此 無 出 方能 大菩薩 【記】起樂生信 佛 世 流 Ξ 說 迦 直 通 如 即佛出 葉 賢劫中 須 0 非為眾生說者。今此圓覺經 至第 Ü 佛 此 世, 則 對 + 流 未 有二十小 四 ,列在依問正答之前,世尊具有深意。蓋 即 來眾 亦不能 减 通 不廣 劫 釋 生 迦 , · 劫 即說圓頓大 言也 世 經人壽 。此對現會諸菩薩言也 一尊也 。今已過九 0 八萬 諸 0 世尊滅 佛 教 歲 無 , 小 時 大事因 乃佛成道後二十年方說 度後 劫 必先說阿含 彌 , 祇出 勒 緣 , 佛方 0 已二千九 , 聞此 則 四 降生 佛 ,引導 不 出 經 0 百 現 典 欲流通 小乘 拘 可 四 於 , 見 + 世 必 留 先 其 理 佛 餘 孫 經 若華嚴乃 教 年 生 之 且 _重 出 亦 微 , 安能 仁信 世 中 必 起 俱 之

大方

廣

圓覺修多羅了義經講

義附

親

聞

記

攝 謂 宣 九 亦 五 記 乃 無 經 不 圓 亦 何 有 不 喻 覺三 事? 說 云 别 中 以 改 者 起 易 不 不 此 優 廣 切 闍 因 諸 下 翻 賅 耶 可 0 , , 經 領 大 陀 弟子 或 + 為 經 ? 昧 陀 諸 必 不 大 傳 悟 , 那 甚 中 中 先 十 指 者 伽 經 佛 研 家 布 0 深 未來 或 分 故 中 ,果 究 世 示 誦 不 二分教 , , 此 文相 尊 亦 之 此 說 後 , 正 員 0 可 我 世 云 法 譬喻 修 足見 說 之 覺 尊 云 之 别 人 可 不 笲 也 自說 事 者 體 本 偈 法 則 行 0 稱 研 能 在 0 裁 者 專 蓋三藏 為 生 處 之 頌 路 此 究 定 0 聞 。不待請 菩薩 是 指契 ,有十二類也。部者部 + 因 也 寶 經 中 0 此 、修多羅 , 三根可以 0 四 佛 也 緣 Î Ξ 說 0 不 圓 ` 三、 說 0 也 十二 , 因 Ξ 但 世 ` 經中之 頓 0 伽 自身 入 為 阿 昧 0 如 大 諸 問 ?浮陀 陀 ` 如 和 0 部 人 來 菩 世 教 0 而 普修 長 此 也 過 伊 諸 , 諸 間 薩 伽 , , 說 此 達摩 羅 真是 去 帝 經 行 無 0 君 之 於 云契經 在 云諷 , 聞 寶 目多 之序 非 因 此 之 那 。二、祇夜 , 定 如 豈 事 幸 0 教 必 此 中 經 , 頌, 阿彌 此 此 , 亦 0 伽 分 非十二部經 人 得 說 乃 莫 事 聽 類,不可作部帙 + 云 果 云 明 出 不 , 0 0 亦 陀 希 此 即 記 云法本。其義 Ü 則 世 守 無 直 ` , 云 經是。 見 能 是 之護 法 毗 云 别 欽 至 。此云 之 論 孤 佛 本 此 性 仰 寶 佛 , , 不 何 起。不 亦云 亦 事 略 歸 之 , 類 之 , 之 佛 滅 , 六、尼 應 云 眼 超 依 心 可 度 , 未 此 說 出 能 其 後 七 授 頌 目 於 稱 無 依 解 曾 云 諸 有 耶?十二部 生 佛 ` , 不 為 何 長 記 不 , 陀 。其 弟 總 寶中 有 方 阿 亦 死 耶 生 說 結 0 以 行 那 廣 亨 ? 有 波 要 諸 云 , 此 集 後恐人 0 而 諸 别 樂 守 過 陀 此 經 重 而 欲 之 經 經 作 去 王 頀 經 諸 那 中 頌 此 研 欲 藏 云 之 中 究 ? 其 經 之 之 總 經 經 時 緣 頌 誤 事 念 修 中 此云 則 大 大 世 即 者 則 也 會 , 藏 宣 統 能 此 ,

說最 性 膀殊特之法,及現不可思議之事者。十二、優波提舍。此云 , 宣 暢 契 經宗要。或世尊說,或弟子說,皆名優波提舍。詳見大智度論,及 論議。分別諸法

大乘法苑義林章記。

丁二依問正答

亦名如來決定境界。亦名如來藏自性差別。汝當奉持 是經名大方廣圓覺陀羅尼。亦名修多羅了義。亦名祕密王三昧 0

說 之為定 之異名耳 就路還家,更無煩希奇仰異。如本經第五章,教以先斷輪迴根本,示以五 出差別之性。如來建此為 是圓覺清淨境也 在名之為王。眾生不知,故稱祕密。第四名如來決定境界,決定境界 經藏中之了義經也。第三名祕密王三昧,是動定無礙之三昧 以顯攝密 諸 講 佛無 。既知幻已,即起諸幻,以除幻者。變化諸幻,而開幻眾。得大自 , 此經佛自定名有五;總題唯取其二。於第一名,又略去三字, 謂靜觀諸法 舉體與宗而立名故。第二名修多羅了義,正顯此經之高尚,於 不護也 0 唯佛獨證 0 第五 ,皆如幻化 一經之名者,令知從真既可起妄,返妄便即歸 ||名如來藏自性差別 , 亦唯佛獨見 ,於諸法中,一念不生,即成三昧 ,故稱如來決定 ,此名如起信之生滅門中 0 所以諸佛 ,即如幻三昧 無不 , 即 , 名 , 流

意焉。最後一句,兼答奉持。謂奉以自利 性差別,第六章之四種隨順等,皆約生滅門中曲成圓覺之義 ,持以利人。自他兩利 。此立名之深 ,皆須因

名思義

,故教以汝當

方能 證 諸法如幻之理,故稱祕密。若了得如幻,則密而不密矣。於諸法中,破我法二執, , 不能全見, 一念不生 記】經名舉體與宗 0 故 自 說唯佛說 利 利他 , , ,護唯佛護 方能得大自 則用在其中。 在 秘密王三昧,實即如幻三昧。眾生不了 0 唯佛獨證獨見者,降佛以還,不能全

丙二答流通至地

丁一至地之由

善男子!是經唯顯如來境界。 唯佛如來能盡宣説 0

番為諸菩薩開示者, 講】唯顯如來境界,足見經義不可思議,是佛親證之祕密藏也。今 猶未盡所懷耳。若欲盡吐所懷,亦唯佛能之

藏 說 此 故稱大陀羅尼門 經是佛之境界。依佛修行,焉有不至佛地之理?故先說佛境界,為答至地 記】流布此教 0 0 菩薩之問在第四 等覺以下 , 未曾親證圓滿境界 。今答在第二 0 0 唯佛親證 所謂超答也。是佛 , 故 唯佛 能 之 盡 祕 官

丁二依問正答

之

由

若諸菩薩 ,及末世眾生,依此修行 0 漸次增進 , 至於佛 地

不利 布教 此云依之修行至於佛地。足見前文是至地之由也 至相似 流 布此教至於何地?今云菩薩眾生,先敘能流 0 , 若但云流布 講 而能利他者也 由相似至以分證 此超答流布此教至於何地 ,唯顯利他。今佛囑以依此修行 。漸次增進者,悟然後能修 ,滿證 故云至於佛地也 也 0 前請 布人 詞云: 0 修然後能 0 , 前云唯顯如來境界 兼顯二 云 依 何 此修行 使我 一利 得 護持經人? 0 , , 正 自觀行 蓋未有自 敘 所流 以

毫 實際 決 見不是 即 不能 進 無 居士亦當流 觀 0 0 【記】流通大法 行 利 先教吾輩為流通 我 輩 知半解 人 何 於 0 能 儒 止 通 書云 令人 觀 , 0 特須 誤 法 起 : 人 門 ,雖多是菩薩。然末世眾生,亦當流通。不但釋子應流 之事。 信修行耶 匪淺!萬不可冒昧從事, 自己胸中 『其身不正 能 全修最好 必須先自修。自修是自利,流通是利他。 ?本經是 ,先明奥義 , 雖令不從 不能全修 頓教 , 有把 Ŀ 0 理 0 切 若品行不修 握 修一觀亦好 可頓悟 記切記!世尊云依 方 可。 , 事 否則僅 必 戒律 若仍 漸修 知 不嚴 不能 此修行 文 自不修行, 故 字 云 , 漸 自己 全無 通 則 次 誦 可

丙三答修習功德

經

持咒禮拜

皆無

不

可

丁一依問正答

大方廣

圓

戈一法治

善男子!是經名為頓教大乘。頓機眾生從此開悟。亦攝漸修一切

群品。

總持 境界故 不依佛位漸次而說 図教義 聞此經 。順行 講】是經借言顯理。理顯言忘,不立文字。但一念不生,即名為佛 ,無機不收。如大海不擇眾流 ,頓開心地,悟得圓覺,原非他物也。亦攝漸修者,足見此經是 頓機者,多劫修因,未及證果。今生纔出頭來,一聞千悟,獲大 ,如善財童子,逆行,如央掘摩羅等。皆頓教之機也。 ,故名頓教。大乘者,大人之所乘也。非聲聞緣覺等之 ,無流不入也。 開悟者,

大 故 世尊特借言以 文字所不能形容也。然今則不能不說。不說則末世眾生,誰得 頓機眾生 此 力眾 經教 放 經 【記】修習大乘經功德 有 生所 ,便悟圓覺妙心,行住坐臥四威儀中,無不與圓覺相應。此乃多劫遇佛 不可思議 ,在如來未開 負 顯 體 即是 理 之功德 直 佛 理 可 境 既 顯 以 耶?頓教 口 到家 前 此 0 , 唯佛能說 頓 , 即應忘言 教 ,中間並 即能觸處 教 所 以 相 不 。一念不生 ,餘人不能說 領會 須 不停息 立文字也 知理 0 仗 0 如我輩聽 非如羊鹿 言顯 0 大 。蓋 即 乘 如 , 者 言 此 經 如 時 卻 功德 佛 之乘可比 , 譬 開此 非 , 0 能將 如 理 本 , 非言 大 口 世界凡 理 所 在 牛 說 經 不 之 言 能 可 乘 情 外 又誰 聞 宣 此

有高 聞 取 徧 頓 -千指 歷 教 法 為 煙 低 ,種有大根。故在此末法時,得聞便悟,悟已便修 水 作鬘。 不 正 百城,五十三參,精勤修習,是為順行。見華嚴經。 義 , , 未 佛往度之, 以 種者 漸 修 可從 為 兼 說種種偈, 此 攝 而 , 種 故 能 , 2 收攝 頓得開悟。是為逆行。 種者 一切羣 可從 此 品 而 0 羣 熟 , ` 眾也 ,故 已熟者 見央掘摩羅 云頓機眾生 央掘摩羅 0 可 品 從 ` 此 類 也 而 順惡師教 經 0 脫 此 品 0 善財 經 類 雖 以

譬如大海。不讓小流。乃至蚊蝱及阿修羅,飲其水者,皆得充滿

戊二喻說

所有 道等 溉地 然海既納百川 故 大乘法 乃至蚊慤及阿修羅 屬 教不立文字,離諸言說 圓也 0 喻云不讓 應被之機 。所有王臣長者,以及庶民象馬牛羊等。一一皆取之不盡,用之無竭 但有聞 。 義 必能 大海不唯容納百川,然亦不讓 屬 潛流 法 於圓 , 小流 , 必能潛流四天下地。 佛 , 四位因心 0 , 飲其水者,皆得充滿。約法謂教頓義圓 種納於識田 皆隨心應量 則不惟統攝諸大乘法 讓 ` 。必藉圓教,始能收機得普。是故教名為頓 辭也 0 而 0 謂辭之不容入也。 0 四位因地上 , 時至機熟 取足無窮 而四天下地上,一任鑿井疏河 小流 , 乃至小乘人天等法 , 0 無有不修因證果者也 乃至六道眾生 0 一任生智流 可見此經前 海必不爾 辯 云頓教 , , 故 以及天魔外 說 既能統攝諸 , 妙談玄 亦皆 不 0 義必 灌園 |普攝 夫頓 譲 0 0

大方

廣圓覺修多羅了義經講義附親聞記

亦復 無不隨機取足也。 四 位因心者,謂此頓教大乘經義,潛流於圓教十信十住十行十迴向四位因地心中, 如是。故能令小乘回小向大,化有為而入無為。人天轉世間而出世也。潛流 ,身形 記】小流歸海 八萬 四 千 由 ,海不拒 旬 ,最大之群品也。 ,亦不溢,此之謂不讓。蚊蝱,最 然無不滿腹 而 歸 0 大乘經普攝 小之群品也。阿 群 機

丁二校量功德

戊一施寶校量

善男子!假使有人, 純以七寶積滿三千大千世界,以用布施。不

如有人聞此經名及一句義。

天淵 講 記】此能校量是如來妙辯。其實大乘功德,非言說可以形容。故設事以 直解云:世寶盈剎 ,但資有漏。至理一言,轉凡成聖, 故功倍 明

德已蓋過前 功德耶?若 固然是好。 之。假使者,假設也。世寶布施,得之者買田園,長子孫 者 聽 然亦不過人天小果。若得之者反以長其游惰荒嬉,作種種孽,此豈有 此大乘經,莫道未能全聽,祇要聽得經名,且更能聽一句義。其功 此 言財施不及法施,世間功德,不及出世功德也 ,研究學問 持 國 家

戊二施法校量

善男子!假使有人,教百恆河沙眾生,得阿羅漢果。不如有人

宣説此經,分別半偈。

比量 講 直解云:小果雖多, 終無實證。此經半偈,成佛正因, 故難為

不及大乘功德也 阿羅漢果 ,不能利他。住於化城,永不能到寶所。何可與成佛正因比數。此言小乘功德, 記 了得生死 此假設之人,大概是自己悟四諦之法,已登辟支佛地位者。教眾生證 。 此 已是無漏 功德 然小乘雖了生死,未發大悲心 但 能自

丙四答擁護持人

丁一顯當護因

善男子!若復有人,聞此經名,信心不惑,當知是人非於一佛二 佛種諸福慧。如是乃至盡恆河沙一切佛所,種諸善根,聞此經教 0

慧不多,便當護持。況於多佛所種諸福慧耶?如是下,正明當護 於盡恆河沙一切佛所,種諸善根,聞經資慧。既福慧俱多,尤當擁護 講】初反顯當護。聞經名顯非聞義。信不惑,顯未受持。此人雖福 。謂此人

記】護持佛教之人,必具有大信心者。信心並非今世忽有,必由過去種有

持 之 名 須 過去遇多數 故 信 經 乃 信 2行也 利, 發 信 因夙世善根 心,不生疑惑。當知此人,必是具有大福大慧。有大福,故得聞經名。 教 自 根 何況親近恆 ر ان 而 利 , 0 修行 不肯修行。譬之開花而不結果,雖遇多佛,亦屬徒然。我輩生此末法 不惑 此 始 功 但聞 能 信 德 佛 信 根 ,勇猛 0 且遇佛 名 ,聞此 ,何以 而 又 非從像法 沙諸佛 不疑 而 宣 不 精 一說 -思義 經教 進 此 仍為眾生,直至末世,乃始聞名生信乎?須知 必曾供養,方種福根 。惑者,疑也。夫不須讀經解義 ,方能開大悟,發大心,修大行,證大果。若 經 末法時代得來,乃在 福慧眾多之人耶? 分 。必須依文會義,因義起修。將世法拋盡,方可成出世 , 但能 別半偈 信 而 , 乃利 不能持 。必聞說法 他 功 佛世所種。上來聞此 , 則 德 福慧不多。然世尊已稱為應當護 0 須 , 如 ,方種慧根 但聞此能詮之經名 此 自 利 利 經名 0 他 然 之人 遇佛聞 則 聞 及一句義 法 此 有大慧, 而 法 人 , 聞大 之世, 既 即起 猶 於 貪

丁二正答當護

汝善男子!當護末世是修行者 0 無令惡魔及諸外道 。惱其身心

令生退屈。

當護也 準前請云:云何使我護持 末世修行者 先稱汝 ,附稱善男子者:顯是面 , 佛意以但聞經名,信心不惑,尚是久供多佛,多福 ,是直欲自領其事 .囑當機。令其注意 。故世尊應其請而告之曰 ,非浪答也。 : 汝

故 解云 0 況復末世,得聞是經,依經修行 : 修習此法者 ,乃慧命所係。若惡魔惱亂生退 ,自他兩利者,又非前人之可比 ,則慧命斷絕 擬

當護持也。

種子 有惡魔 代 不待言矣 一二敗 者,盡 ,能 蓮花矣。 而 學邪 出家 外道 類 記】末 力 0 無論 已甚 頀 道 諸君 諸 , 持 佛 世眾生 者 來 , 菩薩 相 修大乘者當護持 亦 不易 0 今世 不令退屈 擾 須看 工得聞 亂 0 , 安得 並非 佛 出家是大丈夫 0 外 面 此 無佛 。退者向後 道 不 , 經 為 歡喜?又 誘 ,已屬 法 之護 以 ,即修小乘者 , 邪 實無 持 事 見 難 安得 届者半途而止也。 得 , 0 , 非 惡魔 弘法法 若有 0 更能 將 不 之 壞其 正 相 加 亦當護持 師 知 所 以 依 耳 善 正 能 頀 教 0 根 見精 為 持 起修, 故 ! 諸 0 0 0 蓋末 世尊告菩薩注意末世修 故 進 即 修 佛 使 君 尤 世發 行 其 為 門 須 者 人 中 知 希 平庸 Ü 有 , , , 更當 當 修 亦 0 行者 此 真 有 , 以 護 或 末 可 ,定 正 持 間 法 謂 教 時 有 火

丁三奉教護持

戊一金剛護

至 後 其 爾 眷 道場所 末 時 世一 會中,有 屬 , 切眾 修行 即 從 座起 處 生 火首金剛。摧碎金 , ,有能持此決定 我 ,頂禮 等 金 佛 剛 足 自領徒眾 , 右 大 剛。尼藍婆金剛等八萬金 乘 繞三匝 , , 晨 我當守護 夕守護 。而 白 佛言 , ,令不退 如護 世 眼 尊 轉 剛 目 ! 0 0 其

家 乃至永 無災障 , 疫病銷 滅 0 財寶豐足 ,常不乏少

最嚴 豐足等 有犯 修行之處 乘 以三業具儀 魔外道皆畏懼故 智慧火,乃菩薩示現者也。 全在於杵,故 以是 ,即一塵一沙,亦不使有犯故 講 自 ,顯門庭富饒 應無有退轉 。謂自領徒眾 如來決定境界。行人持之 金剛者 , 對佛發願 以杵立其名也。火首 0 尼藍婆 , 依手中所持之杵彰名 0 0 此金剛守護之福也 其家 ,周界旋護 , 衛法 ,古師 摧碎者 , 即私宅也。 護 ĺ 未詳翻 , 0 0 0 , ,即楞嚴之鳥芻瑟摩。自言化多淫心成 以功用立名。我以寶杵殞碎其首 其心亦決定故 晨夕守護者, 道場所修行處, 有能持此 譯 永無災障等 **,** ,上首八萬 個個皆執杵故 , 即指本經 晝夜常巡, 0 如前 如護眼 , ,顯人眷安和 眷 建立道場 屬 0 本經為決定大 目者 不知其數 。又其威力 使魔鬼不敢 ,顯護之 剋期 財 , 天

之 法 講 入 譯義 為其 功 經 萬 金剛等是 , 八本分 若無眾多居士 記】世尊所叮囑護持,是賢善首菩薩 ,當是 能 化 欲 藍 火 萬 有此 面 而 金剛 成智 金 一剛 頀 眷屬 慧火 , 以 法 0 其相廳勇 , , 所 也 火首為首 方 講 能 0 本 亦難 任護持之責, , 可證果 故僅右繞而未長跪 領者 成就 , , 自 婬 可見護法 。然賢善首菩薩,尚有許多眷屬 欲 願 否 火最 居 則 金 足壞 人 剛 必得眾多之力也 何 0 位 定 能 無論上中下根人,凡能 , 頀 為 , 持 此 力 ? 三寶 金 剛 即 以 如 尼 觀 山 藍 照淫 剛 **一婆未** 此 以 欲 即

奉持 率領以往 此經 而修行者,金剛皆為守護,故用乃至二字括之,不僅使徒眾往護 。令不退轉,以上是護持出家人。其家以下,是護持在家人 ,且自

戊二諸天護

頂禮佛足 爾時大梵王。二十八天王。并須彌山王,護國天王等。即從座起 。右繞三匝 ,而白佛言:世尊!我亦守護是持經者 , 常

令安隱,心不退轉。

總指三界諸天。須彌山王即忉利。護國天王即四王 講】大梵,是王大千界之主。佛佛出世,願為請轉法輪。二十八天, 0 此中既總舉三界,又

別舉忉利四王者,以其有統眾之威,能護持故

隱 安隱,指身心言。隱字作靜字解。在身則四大調和 須 彌 既得安隱 山王,即忉利天主,又名帝釋。護國天王,即 記】色界第一天 ,自 不退轉 ,為大梵天。二十八天 , 即 自 ,故安。在心則不起妄念,故 四 天王 四天 王天至非非想處 俗 呼四大 金剛是也。 天 也。

戊三善神護

右繞三匝,而白佛言:世尊!我亦守護是持經人,朝夕侍衛,令 爾時有大力鬼王,名吉槃荼。與十萬鬼王,即從座起。 頂禮佛足,

不退 屈 0 其 人所居一 由旬內 , 若有鬼神侵其境界 , 我當使其碎如

微塵。

野 護方隅,其場圍如此 管諸鬼眾 講】吉槃茶,可畏鬼也。食人精氣,其疾如風 ,故號為王。不屬 人天,單居鬼趣。一由旬, ,變化無端 四十里也 0 住於林

鬼王 天爭權,可見若無佛 一,是治鬼之王 記 】大力鬼王具有 0 法 天魔外道 出 世 天 , 眼 , 此等鬼王 天耳神 非彼所管 足等通 必 不能 0 阿 發心護法 修羅王 , 即其 , 而 死 擾亂世界矣 後 所 化 能 大力 與 諸

乙四總結流通

佛說: 切大眾 此經已 0 聞佛所説 0 一切菩薩天龍鬼神八部眷屬 ,皆大歡喜!信受奉行 ;及諸天王梵王等

有金剛諸天鬼神等眾 在定中 天龍八部鬼神 隨處皆有常隨之眾。謂如舍利弗等四眾弟子,內護眾也。佛法賴斯傳 講 名為獨菩薩法 佛本無說 ,外護眾也。大法仗其護故。今經了義大乘,主伴說聽 , , 只好於空中隱形不露 何嘗有已。今約一期事竟 0 故經序列眾中 無二 一乘名 。密受其益 0 ,名為已也。世尊說 以非彼二人境界故 ,至今說聽既終 故 法 , 皆 即

期事 , 彼等乘願護法 , 出眾具儀 , 對佛發願 , 護教衛人 0 所以結集者

議也 則 讀者幸勿 之 安 足常不 頀 必 傳之法 若 -僅指 去 不但 也 者 心修道 法 藉 居 、按大 亦 居 , 士弘揚 , 提 因 二、影響眾 無 財 乏 山僧 即是 士之 記 。今當末 出 此 寶豐 家 所 誤 師 少 0 內護 Ż 去 會 迨至 二語 持 此 力 教 此 足見平等法會 乃定中說法 比 也 節 足 , 誦 意 0 乘 記 誦 丘 0 居士 世 此 0 法者,護持 , , , , 結 , 者識 持既 此 比 現 方 亦 即 經 謂多年老參, 集人 身 可講 丘尼,在家之優婆塞優婆夷也。一、發起眾 內蘊 天龍鬼神等,雖 法 始 會皆是菩薩 , 說法 寶亦 。)諸經之末於信受奉行下,常有作禮 久 發 經三十餘 。諸菩薩等皆入三昧, 不安此句,亦有深意。凡一法會,必有 慈悲 , Ü 經 說 復 漸 。意在使聽 誦 0 , 慢豐足 唯切 法之人。佛法 能 真俗融通 持 , 不、 依 年 眾 。在 為新學之影響,彼新學見其來 0 0 , 妨 文會意 不可升坐高座 最初 來護 出家 外 可見 而 示 者心生欣羡 經 ,不可思議 威 法 誦 。直 並非真發大 末特標大眾者 人 正傳,唯僧是賴, 雖 持大 德 。然非 到 不 0 同住如來平等法 故 一,祇 乘 今日 圖 , 經 世尊 肉 富 引之 ! 非凡情所 之 , 且 厚 心 眼 可平坐。外護眾者 功 當涅 所能 , 0 , 入 德 然 能 不 顯是平等法 道 對諸 過 槃 見 , 亦 故說 而 不可 時 須 0 因見經 ,故護 而 會。 去 純 居 四 四 , 法 可 亦來者也。 眾 一語 是 思 士 事具 囑 即 來 擬 須 議 說 持 中 會 付 既 仗 度者也 起此 片悲 `佛法 į 此 足 有 。 此 , 或 四 未當來 ,護持所 出家 眾 諸 財 不 王 經 , 寶豐 會之 者 君 可思 大 Ξ 教 經 Silver Silver 庶 0 又 獨 勉 臣 可 0 0

機眾

即

聞法

而

能明其理者也。

四、結緣眾

0

雖

聽而不明其理

,

不

過結緣

而

2

大

方

廣

員

覺

3

皆有功德。此種功德,將歸諸誰?是宜迴向西方,普願法界眾生,同歸極樂淨土 大歡喜,發菩提 佛 說 此經 ,大眾皆大歡喜,信受奉行。今山僧既將此經大體說訖,望諸君亦當皆 心,自利利他。使未讀者能讀,已讀者能信受奉行也。講 經 聽 經

同發大心,同修大行,同證大果,則我願成就,諸居士之願亦成就矣!

願此以功德 廻向於淨土 上報四重恩 下濟三途苦

弘經功德殊勝行 若有見聞者 悉發菩提心 無邊勝福皆迴向 盡此一報身 普願沉溺諸眾生 同生極樂國

速往無量光佛刹 十方三世一切佛 切菩薩摩訶薩

摩訶般若波羅密

弟子、妙煦、 顯覺、 顯琛、手錄 不失 而更正之 刪 應 內 維喬等亦 亦 江 講 節繁 刊 疚 既有年 君 義 此 ! 編 之外 原書本 何 自 文 種 丁 纂 戊午年 固 岐 卯 擬 成 維 0 , 來面 義 大 之 彙 讀 篇 稱 書成名 喬 師 秋 編 , 之 大 性 北 0 目 與單 夙 指 師 京 成書, 隨 而 海 日 之意云 願 示 之講義者, 時 談 發 大 鹽 行本略有出 呈 也 刊 起講 , 徐君肇華兄弟,為其祖母昇西祝福 以便學者 方廣圓覺修多羅了義經講義附親聞 0 印 大 別多發 爾 因 圓覺經講義 師 經 0 於 印 會 戊辰 民國十八年歲在己已孟夏 罔 可 揮 0 λ 0 請寧 不 , 0 塵俗牽掣,卒卒無須臾 。至次序之未 錫 之 以 維 冬, 親聞 喬 親聞記參互對 名 波觀宗寺 圓覺親 與 竭 江 記彙編 數月 味農 聞 , 順 之 0 記 諦 ,黄少希二 , 力 觀。 閑 徐君蔚 0 字句 以 與 大師 成 0 而 大 蔣 記 咸 開 之 如 之開 師 之 發願 維喬法 以示雖彙成 訛 0 謂 君 以 之 講 舛者 唯 圓 編 別本單 講 , , 刻 從事 「覺大 此 校 義 按 經 名 之責 編 , , 日 顯覺謹跋 -行為 皆 間 請於 於茲 别 手 經 有 一編 本 _ _ ,囑託 錄 0 數 不 刊 大 大 0 釐定 處 師 良 便 行 而 師 仍 維 用 由 於

跋

之 記 自 , 大方 則 大 法 後 廣 東 之 員 流 人 覺 雖 修多 欲 建 羅 聞 立 了 義 法 教 觀 經 孰 , 至 講 從 義 天 附 而 親 台 聞 聞 而 之 記 ? 始 諦 備 閑 0 大 顧 智者 師 , 台宗 大師 嫡 談 子 玄 說 2 妙 3 , 卯之歲 若無章安為 宣 講

子 是 多 其 意 振 願 圭 出 若 咸 至 江 言 經 預 首 而 編 峰 發 其 為 與是經 劬 尤 君 , 會 法 楞 0 , 亦 愈 為 前 矣 要 味 獨 交 疏 賢 慨 筵 嚴 N) 0 農 光 得 宗 者 既 然 天 之 鈔 人 0 次 經 , 霨竊 彰 合 年 輔 獨 許 台 相 所 若 於 , 彰 羅 未 蔣 則 編 諾 未 足 依 弘 春 都 0 0 師 唐 在 宗 學 以 發 天 之 維 次 君 0 , , 預 下 者 竹莊 人耳 孟 互 台 代 成 霨 之 經 陳 如 0 法 0 得 寶 相 至 家 是 夏 猶 合 隋 書 承 筵 都 0 目 Ξ 經譯 絲 而 發 於 法 台 同 如 之 之 者 0 , 人 季 君 黄君 杲 觀 明 抉 闡 宗 呈 月 網 人 士 , 而 子 成 委 日 之 剔 揚 疏 師 靡 閳 0 , , , 當 , 麗 , 即 迷 解 圓 少 託 輾 之 , 印 航 不 風 宣講時 賢宗 | 覺大 不 天 希 何 空 轉 妄 海 0 , 可 , 渴 興 異 台 傳 達 親 開 翅 , 如 , 仰 起 , , 智者 普 指 釋 圭 導 親 教 日 京 者 經 命 迓 圓 , , 就 照 蓋 峰 承 觀 導 二 名 , 依 師 師 音 不 , 修 + 寡 甬 之 大 無 大 大 未 日 座 可 , 0 講 有 下 地 有 師 師 圓 開 亦 途 五 λ 佇 江 勝 0 義中 章 謦欬 既 因 輪 師 撰 中 覺 , 講 聞 , , 0 數 安哉 實 土 懇 奉 大 弭 圓 極 之 親 師 也 , 明 |覺大 賴 而 切 用 斯 疏 0 聞 筆 年 , 誨 0 0 句 ? 為 弘 吾 盛 益 獨 摩 略 天 記 六 經 0 人 霨 師 揚 顯 為 台 十 一 事 矣 到 疏 之記 經 爰 訶 0 義 幸 承 與 哉 於 大 0 之 ıŁ 日 , 於 變 0 , 處 又 南 矣 獲 ! 化 講 觀 課 講 遷 0 江 丁 而 觸 各為 義 嶽 預 師 近 員 義 視 西 , 巴 , 0 , , 類 忽 又 曆 之 並 講義 校 說 百 師 所 精 接 館 之冬, 引 傳 忽三 勘 法 年 之 未 深 别 數 之 行 0 方 申 之役 手 鈔 之 來 及 + 示 願 員 别 於 又 , 0 草 妙 與 載 接 年 盛 數 疾 發 載 妙 世 樂說 賢 Ξ 者 講 弘 倍 通 如 由 起 , 0 0 0 0 鑒其 不 得 宗 君 是 義 戊 曩 非 之 止 蓋 , 之 無 久 子 Ξ 又 獨 此 說 日 觀 用 0 數 午 辟 礙 君 不 之 得 頗 經 力 擇 萬 誠 曾 0 ,

陃

敬

識

數

語

以

誌

欽

仰

0

戊

辰

仲

秋

浙

西

徐

文霨謹

跋

【大方廣圓覺修多羅了義經講義附親聞記】

(據揚州宛虹橋眾香庵板)

書局印行。後蔣維喬居士奉大師命將講義與親聞記彙編,由徐文霨居士刻木板印 行,本頗完善,今據此編 煦)黃少希(顯琛)三君隨聞記錄,又出圓覺經親聞記。分在商務印書館及佛學 (注):大師於戊午講經會自編圓覺經講義。會中蔣維喬(顯覺) 江味農(妙 訂

委印文號:109244

三七、〇〇〇元:[nabu yama、kaiscy。]

以上計新台幣:三七、○○○元,恭印一、○○○本。

|向: 天下 和順,日 月清明, 風 雨 以時,災厲 不起 ,國豐民安,兵戈無用

回

崇德興仁

, 務修禮讓 , 國無 盗 賊 ,無有怨枉 , 強不凌弱 ,各得其所

祝 祝 願 願 現生者 然法界一 增福 切有情, 延壽 所 , 發菩提心, 有 六道 四生 常隨 , 宿世冤親 佛學 , 勤 ,現世業債 修精 進 , 利 ,咸憑 濟群 生 法力 悉得

解脫。

祝願已故者往生淨土,同出苦輪,共登覺岸。

附記 :本會接受善信委託,代印經書、佛像,其必要之費用,均經本會審慎評估 若有結餘,均續作本會之印 (購)經書及運費,為施主廣積陰德 ,歡迎十方大德善加利用 ;

號 : CH370-17

輾轉流通者回向偈曰 圓 覺經講義附 親 聞 記

消 宿 現 版 行 人:簡豐文 者:財團法人佛陀教育基金會

以

此

功

德

諸 褔 禁 網地 址:www.budaedu.org 址:100台北市杭州南路一段五十五號十

圓 成 勝 善 根 E-mail $\cdot\cdot$ budaedu@budaedu.org

饑 IJ 饉 兵 等 劫 銀行名稱:台灣銀行城中分行(請於電匯或轉帳後告知本會用途) **劃撥戶名**:財團法人佛陀教育基金會 **郵局劃撥帳號:○**七六九四九七九

話:(〇二)二三九五——一九八

傳

真:(〇二)二三九1—三四1五

杰 滅 本會經書免費結緣之請取方式如下: 銀行帳號:〇四五〇〇四五九七五〇三(代碼:004)

悉 及 所

龃 有

人各

習

讓 親臨本會三樓講堂。 (二)利用傳真:02-23965959

〔三〕撥打電話:(02) 23951198 分機:11、12

經書名稱、冊數及收件人姓名、地址、電話、郵遞區號,以減少本會之處理時間; 為提高服務效率,請您嚴謹考量,慎選所需經書;儘量少用電話,多利用文字方式請取,並請詳寫 址:http://www.budaedu.org/books/。(五)寫信指定:本會法寶流通股

若大量申請,

◎本會經書, 註明用途,且避免姓名、地址等文字上書寫之錯誤 歡迎翻印(請勿增刪),贈送流通,功德無量

先亡

民 雨

> 常 獲 咸 流

> 調 超 安 通

◎本會交通

現

樂

讀

誦

受持

※捷運:善導寺站5號出口,至杭州南路右轉,過兩個紅綠 燈

悉 含 康 寍 ※公車站牌:審計部站→212、299、232、205、276、605、257、262 仁愛路、杭州南路(紹興街)口→630、270、263、245、621、651、37、261 台北商業技術學院→253、297、237 仁愛路二段→253、297 開南商工→208

П 法 人 風

無

上

渞

行

政

院

新 聞 局

出

版

事 業

登 1

證 局

版

業 字



第 \equiv Л 六 九 號